



No 42 128

Car. Chris Joh. Heble

LB 64700

*O. quanta
U. que
H. milia*

*Ortuum
An. d.
Edu.*

PIA
DESIDERIA
TRIBVS LIBRIS
COMPREHENS

1. Gemitus animæ penitentiæ
2. Vota animæ Sanctæ
3. Suspiria animæ amanti

Authore

R. P. H. M. HUGONI

Soc. Iesu

*Quoniam ad fontem desiderat
Cervus ad fontes
aquarum. Psal. 42*

*Desiderium habens dixit
Solus esse cum
Christo ad Philip. 1.*

*Quoniam
fons
vite et
vitalis
est.*

*Qui
dabit
capiti
meo
aquam
vivam.*

*Daniel
desideriorum
Dan. 1.*

ANTVERPIÆ

Apud IVCAM. DE. POTTER.

Cum Gratia et Privilegio.

REVERENDO
ADMODUM IN CHRISTO
DOMINO
D. ANTONIO FRANCIS-
CO GAILLARD,
CELEBERRIMI CÆNOBII NORBERTINI
IN POSTEL,
MODERATORI DIGNISSIMO.

Pius noster Hugo,
Amplissime Do-
mine, jamdiu sub
prælo suspiravit,
pium desiderans cultorem ac
tutorem, ut ab impiorum
morsibus tutus, & ipse piè co-
leret, & quietè protegeret. E'
mille unum reperit sub quo
quiesceret, nempe amplitu-
(2 dinem

dinem Vestram, quæ pietatem ab incunabulis mirificè coluit; & etiamnum pios contra circumlatrantium morsus piè amplectitur, fovet, tuetur. Perspexit olim bis tuam Brabantia pietatem, dum in Arendoncq. Munia Pastoralia eximiâ pietate obiisti, quæ & incredibili animi constantiâ contra omnes insultus consolidasti: suspexit Colonia, obstupuit Arensternium, dum in Ejil, in Deneburgh, singulari pietate præfuiisti & profuisti. Nunc pietatem tuam delibat Postella, quæ unanimi Fratrum consensu

Te

Te Rectorem ac Patrem postulavit, elegit, agnoscit. Verum enim verò quam mirabiliter inter alias tuas dotes emineat in postellâ excolens & exculta pietas, non solum tui omnes, verumetiam irrationabilia clamant. Testatur templi Sanctuarium, se quondam mutum, nunc tua pietate & cura resonare piis psalmodiorum melodiis. Tuam pietatem piè proclamant suspensæ quondum, nunc operâ tuâ solutæ campanæ. Pietatis tuæ testis est cathedra, & quæ nunc Floret (tanquam non exiguum pietatis Fulcrum)

Theologiæ Palestra ; Testis
denique pietatis tuæ est illa,
quæ per te viget in monasterio
disciplina. Jure ergo Pius no-
ster Hugo, Amplissime Domi-
ne, ad te suspirat, te desiderat;
unum precor, ut desideran-
tem recipias, ut sub te quiescat,
te colat, & Tu eum colas, &
Tui eum per Te, ut & Tu, &
Tui aliquando in Fine deside-
riorum Hugonis, Deo, in
omnes æternitates quiescant.
Ita voveo.

Rev. Adm. D. Vestræ

Devotissimus.

LUCAS DE POTTER.

THO-

THOMAS DEKENS,
Præpositus Provincialis So-
cietatis JESU per Flandro-
Belgicam.

CUM PIA DESIDERIA, à R. P.
Hermannò Hugonè Societatis
JESU Sacerdote conscripta, & cum
debita approbatione sæpius excusa
sint, potestate ab admod. Reverend.
Patre nostro Goswino Nikel mihi fa-
c&at, ut typis recudantur, permitto. In
quorum fidem has literas manu meâ
subscriptas, officii mei sigillo munivi.
Antverp. 5. Aprilis Anno 1657.

Thomas Dekens.

Approbatio Censoris.

HÆc Pia Desideria, Gemitus, & Vota
Suspiria Animæ Christianæ, Elegiis,
Emblematis, & SS. Patrum scriptis illu-
strata à R. P. Hermano Hugone Socie-
tatis JESU Presbytero, pererudita sunt
& solida, atque perlucidam semitam con-
tinent; quâ æterna Veritas, & vera Cha-
ritas, & chara Æternitas obtineatur, ab
his qui in tenebris & in umbrâ mortis se-
dent, ad dirigendos pedes suos in viam pa-
cis. Datum Bruxellæ xi. Idus Novembris,
M. DC. XXIII.

*Henricus Smeyers S. Theologiæ
Licentiatus Scholasticus Bru-
xellensis Librorum Censor.*

SUMMA PRIVILEGII.

CAROLUS II. *Dei gratiâ Rex Castellæ, Legionis, Arragoniæ, utriusque Sicilia, &c. Archidux Austriæ, Dux Burgundiæ, Lotharingiæ, Brabantia &c. Comes Flandriæ, Arthesiæ &c. Diplomate suo sanxit, ne quis citra voluntatem LUCÆ DE POTTER Typhographi Antverp. librum, cui titulus est, PIA DESIDERIA, à R. P. Germanno Hugone Soc. JESU, Presbytero edita, proximo sexennio imprimat, alibi ve impressum in hæc ditiones invehat venalem ve habeat. Qui secùs faxit, confiscatione librorum, & aliâ gravi pœnâ multabitur, uti latius patet in literis datis Bruxellæ*

Signat

LOYENS.

DESI-

DESIDERIO
COLLIUM ÆTERNORUM
CHRISTO JESU
IN QUEM

*Desiderant Angeli prospicere
AMORI ET DESIDERIO SUO
Vir Desideriorum.*

Domine ante te omne desiderium meum,
& gemitus meus à te non est abscon-
ditus. *Psal. 37.*

Quot mihi clàm tacitis mens aestuet anxia
votis,
Indicio potuit discere nemo meo.
Nemo, nisi arcani qui pectoris intima lustrat.
Quem fugit humani nulla latebra finus.
Ille, meos gemitus, mea scit suspiria solus,
Ille, oculis etiam persecat ima suis.
Ecquis in alterius sua sensa profuderit aurem,
Sit nisi secreti proditor ipse sui?
Si tamen ulla foret speranda hac arte medela.
Ars desiderii hac foret una meis.
Sed neque depositas levat auris amica querelas,
Nec desiderii hac fit ab arte modus.

Cæpe-

Cœperat, heu ! natos Rachel ululare peremptos ;
Mox, ubi nil flendo profuit, abstinuit.
Scilicet ipse suas facit ignis, editque favillas,
Quasque pluit, nubes ipsa resorbet aquas :
Sic melius, proprios quos fudi, combibo fletus,
Inq, suum recidit tutius unda sinum.
Quæ mea sint igitur, dum tristè gemo, lamenta,
Non nisi nos soli novimus, ille, & ego.
Quid voveam, tacitis dum compleo littora votis,
Non nisi nos soli novimus, ille, & ego.
Quid clamem, mea dum sese suspiria rumpunt,
Non nisi, non nisi nos novimus, ille, & ego.
O quoties fictas animus gerit histrio partes ;
Et pugnant animo fronsque calorque suo !
Dum patitur tragicos mens personata cothurnos,
Sæpius in mimis Roscius ore salit.
Nulla fides lacrymis, lacrymæ simulare docentur,
Nec nisi vis falli, risibus ulla fides.
Solvor ut in fletus, putat omnia tristia vulgus ;
Solvor ut in risus, omnia læta putat :
Fallitur ab ! nostri neque scit mendacia vultus,
Cum lætor, lacrymor ; rideo, cum doleo. i
Vix tibi tot, Protheu, quot sunt simulantibus ora,
Vota quibus larvam dant, adimuntque suam.
Nemo meos Gemitus, Vota aut Suspiria novit ;
Nemo, duo nisi nos, & duo sufficimus.



LIBER PRIMUS.

G E M I T U S

A N I M Æ

P O E N I T E N T I S.

LIBER



Anima mea desideravit te nocte. Isaia 26.

LIBER PRIMUS.

I.

Anima mea desideravit te in
nocte. *Isaia 26.*

H Ei mihi quam densis nox incubat atra
tenebris!
Talis erat, Pharios quæ tremefecit
agros,
Nubila, lurida, squallida, tetrica, terribilis nox;
Nocturno in censu perdere digna locum.
Non ego tam tristes Scythico, puto cardine lunas,
Tardat ubi lentas Parrhasis Ursa rotas:
Nec tot Cimmerio glomerantur in æthere nubes,
Unde suos Phœbus vertere jussus equos:
Nec reor invisi magis atra palatia Ditis,
Fertur ubi nigrâ nox habitare casâ.
Nam licet hîc oculis nullam dent sidera lucem,
Non tamen est omni mens viduata die:
Nocte, suam noctem populus videt ille silentium,
Et se, Cimmerii, Sole carere vident:
Arctica cùm senos regnavit Cynthia menses,
Dat fratri reduci septima luna vices.
Ast me perpetuis damnat sors dira tenebris;
Nullâque vel minimo fidere flamma micat.
Et neque (quod cæcis unum solet esse levamen)
Ipsa suam noctem mens miseranda videt.

A

Quin

Quin tenebras amat ipsa suas; lucemque perosa,
 Vertit in obscæna noctis opaca diem.
 Nempe suas animo furata Superbia flammæ,
 Nubilat obscuro lumina cæca peplo.
 Nec finit Ambitio nitidum clarescere sole,
 Fuscæ & ingenuas Idalis igne faces,
 Heu, quoties subit illius mihi noctis imago,
 Nox animo toties ingruit atra meo!
 Sors oculis nostris melior, quibus ordine certo,
 Alternas reparant lunaque solque vices!
 Nam quid agat ratio, quid agat studiosa voluntas,
 Quas habet, ut geminos mens peregrina duces?
 Major, habere oculos, dolor est, ubi non datur uti,
 Quàm, quibus utaris, non habuisse oculos.
 Qui dolet oppressus lapsis velocius umbris
 Latior aggreditur manè viator iter.
 Sed nimis hæc longas tenebris nox! prorogat
 horas,
 Quæ tibi mane negat cedere, Phœbe, diem.
 Cum redit Arctoo Titan vicinior axi,
 Exultat reducis quisque videre jubar.
 Scilicet Aurora gens vertitur omnis in ortus,
 Quisque parat primus dicere, Phœbus adest.
 Sic ego, sæpè oculos tenui sublimis Olympo,
 Aspiciens, gemino qui jacet orbe, Polum.
 Et dixit tam sæpè; Nitesce, nitesce meus Sol!
 Sol mihi tam longos obtenebrate dies!
 Exorere, exorere, & medios saltem exere vultus,
 Vel scintilla tui sola sat esse potest.
 Quin etiam tanti si luminis abnuis usum,
 Sufficiet radios expetiisse tuos.

Anima mea desideravit te in nocte.

Isaïæ 2.

a **E**Rat enim tempus quando non cognoscebam te. Væ tempori illi quando non cognoscebam te! Væ cæcitati illi quando non videbam te? Illuminasti me lux mundi, & vidi te.

b Serò te cognovi lumen verum, serò te cognovi. Erat autem nubes magna & tenebrosa ante oculos vanitatis meæ: ita ut videre non possem solem justitiæ, & lumen veritatis. Involvebar in tenebris filius tenebrarum. Tenebras meas amabam, quia lumen non cognoscebam. Cæcus eram, & cæcitatem amabam, & ad tenebras per tenebras ambulabam. Quis me eduxit? ubi eram homo cæcus sedens in tenebris & umbrâ mortis? Quis accepit manum meam ut inde me educeret? Quis est ille illuminator meus? Non eum quærebam, & ipse quæsiuit me: Non vocabam eum, & ipse vocavit me. Vocasti enim me nomine tuo, intonasti desuper voce grandi in interiorem aurem cordis mei; Fiat lux, & facta est lux: & discessit nubes magna, & liquefacta est nubes tenebrosa, quæ operuerat oculos meos, & vidi lucem tuam, cognovi vocem tuam, & dixi: Verè Domine tu es Deus meus qui eduxisti me de tenebris, & umbrâ mortis, & vocasti me in admirabile lumen tuum; & ecce video. Gratias tibi ago illuminator meus, & conversus sum, & vidi tenebras in quibus fueram, & abyssum

A 2 tene-

a *August. Soliloq. c. 31.* **b** *Ibid. c. 38.*

tenebrosam in quâ jacueram, & contremui, & expavi, & dixi: Væ, væ tenebris meis in quibus jacui! Væ, væ cæcitati illi in quâ videre non poteram lumen cœli! Væ, væ præteritæ ignorantæ meæ, quando non cognoscebam te Domine! Gratias tibi ago, illuminator & liberator meus, quoniam illuminasti me, & cognovi te. Serò cognovi te veritas antiqua. Serò te cognovi veritas æterna. Tu eras in lumine, & ego in tenebris, & non cognoscebam te, quia illuminari non poteram sine te, & non est lux extra te.

a Tu lux Domine; tu lux filiorum lucis, tu dies qui nescis occasum, in quâ ambulant filii tui sine offensione, & sine quâ omnes qui ambulant, in tenebris sunt, quia te lucem mundi non habent.

b Nox quippe est vita præsens, in quâ quamdiu, per hoc, quod interna conspiciamus sub incertâ imaginatione, caligamus. Propheta namque ad videndum Dominum, premi se quadam caligine sentiebat, dicens: *Anima mea desideravit te in nocte.* Ac si apertè diceret: In hac obscuritate vitæ præsentis, videre te appeto, sed adhuc infirmitatis nubilo circumscribor.

c Facile enim homini est, quidlibet desiderare à Domino, & ipsum Dominum non desiderare.

d Habet namque mundus iste noctes suas, & non paucas. Quid dico, quia noctes habet mundus,

a August. Soliloq. c. 17. *b* D. Gregor. in Job. c. 22. *c* August. in Ps. 76. *d* Bernard. in Cant. serm. 75.

duſ, cūm pænē totus ipſe ſit nox, & totus ſemper verſetur in tenebris. Nox eſt, Judaica perfidia; nox, ignorantia Paganorum; nox, hæretica pravitas; nox, etiam Catholicorum carnalis animalisve converſatio. An non nox, ubi non percipiuntur ea quæ ſunt ſpiritus Dei? Fruſtra per has noctes, juſtitix ſolem & lumen quæritis veritatis, id eſt ſponſum; quia nulla ſocietas luci ad tenebras.

a Nobis ergo unde in his tenebris veritas: Unde charitas, in hoc ſæculo nequam, in mundo, qui totus poſitus eſt in maligno? Putas erit qui intellectum illuminet, qui inflammet affectum? Erit utique ſi convertamur ad Chriſtum, ut velamen de cordibus auferatur: hic eſt enim de quo ſcriptum eſt: *Habitantibus in regione umbrae mortis, lux orta eſt eis.*

b Gratias illi, qui me quæſivit fugitivum, qui me vocando ab interitu revocavit, qui fecit mihi illuminatam noctem. Nox enim eſt, quamdiu iſta vita agitur. Quomodo eſt nox illuminata? Quia Chriſtus deſcendit in noctem. Accepit Chriſtus carnem de iſto ſæculo, & illuminavit nobis noctem; perdiderat enim drachmam. Mulier illa, *accendit lucernam*. Sapientia Dei perdiderat drachmam. Quid eſt drachma? Numus: in quo numo imago erat ipſius Imperatoris noſtri. (Faſus enim homo ad imaginem Dei, & & perierat) Et quid facit mulier ſapiens? *Accendit lucernam*. Lucerna de luto eſt, ſed habet lucem quâ inveniatur drachma. Lucerna ergo

A 3 sapien-

a Bern. de Aſcenſ. Domini ſerm. 6. *b* Auguſt. in Pſal. 138.

sapientiæ, caro Christi est. De luto facta est, sed verbo suo lucet, & invenit perditos; & *nox illuminatio in deliciis meis.* Facta est mihi nox in deliciis. Deliciæ nostræ Christus.

a O æterna veritas, & vera charitas, & chara æternitas! Tu es Deus meus, tibi suspiro die ac nocte. Et cum te primum cognovi, tu assumpsisti me, ut viderem esse, quod viderem, & nondum me esse qui viderem. Et reverbastis infirmitatem aspectus mei, radians in me vehementer, & contremui amore & horrore, & inveni longè me esse à te in regione dissimilitudinis.

II.

Deus tu scis insipientiam meam, & delicta mea à te non sunt abscondita.
Psal. 68.

Si tibi stultitia nulla est patientia nostræ,
Omnia consilio qui sapiente regis;
Nullus ab offenso veniam sibi Numine speret,
Nullus enim culpâ, stultitiâque vacat.
Hæc etiam excelsas afflat contagio mentes,
Et sua stultitiæ quemlibet aura rotat.
Quid simulasse juvat? semel insanivimus omnes,
Ingenua humani stemmatis illa nota est:
Et pater & mater generis primordia nostri,
Maxima stultitiæ signa dedere sua.
Credite posteritas, fatali vendita pomo es;
Stultius hæc aliquid venditione fuit?

a August. lib. 7. Conf. cap. 10.

Nec



*Deus tu scis insipientiam meam et delicta
mea a te non sunt obscondita. Psal 68.*

Nec minùs insanus, magni patrimonìa census
 Perdidit esuriens, munere pultis, Esau.
 Et Salomon tactam sensit vertigine mentem,
 Dum castam insano vertit amore domum.
 Non igitur magni fallunt oracula regis,
 Stultorum innumerum qui docet esse gregem.
 Legiferi neque vana canunt præsagia vatis,
 Queis defleta hominum tanta ruina fuit.
 O saperent, ait, & cauti ventura viderent!
 Non adedò in vitium cerea turba foret.
 Quis (nisi desperent) quosdam dixisse putaret,
 Nullum, qui terris imperet, esse Deum?
 Quilibet ut peccet (aliàs peccare timeret)
 Esse sibi nullum fingit in orbe Deum.
 Ipsa igitur nostros avertunt crimina sensus.
 Nullus & in vitium, sit nisi stultus, abit.
 Sed neque jam gliscens stat in hoc dementia
 passu;
 Præcipiti pejus truditur acta pede.
 Extruimùsque domos, cœlòque educimus arces,
 Ceu data perpetuò terra colenda foret:
 Crastina lux coget vitæ statione moveri;
 Quis neget insanas nos fabricasse domos?
 Conserimus platonos, disponimus ordine lauros,
 Areolas hortis dividimùsque suas:
 Quæ stolidi serimus, vix tertius aspicit heres,
 Quo tibi qui carpet tum tua poma nepos?
 Sic puto, dat senibus puerilis natio risum,
 Cùm fabricat luteas, parvula turba casas:
 Ludicra sollicitis servet respública curis,
 Hic fœnum, hic paleas convehit, ille trabes;
 Aggerit hic gravido plumas & stramina plaustro,
 Hujus erat testâ querere munus aquam.

Et sibi tum structa gratantur, mœnibus urbis;
 Magnaque se pueri regna locasse putant.
 Hac videt, ac ridet quæ transit grandior ætas,
 Vixque graves sese virque senexque tenent.
 Haud aliter Superis dant nostra negotia risum,
 Regnaque pro nidis, quæ fabricamus, habent,
 Hac quoque sub stolido sapientia nata cucullo.
 Tam variis nullum vestibus esse modum:
 Pauca vel hoc studio peregrinus ad oppida
 currat,
 Inveniet vestes per loca quæque novas,
 Si sedcant uno semel omnes fortè theatro,
 Quos sua dissimiles palla chlamysque, facit,
 Ridiculis videat plenissima pulpita mimis,
 Rideat & socii pallia quisque sui. (auri?
 Jam studium gemmarum & habendi quis furor
 Sudat in hoc hominum nocte, diæque labor.
 Quid tamen est aurum, fulva nisi pulvis arena?
 Gemmaque quàm vitrei gutta gelata maris?
 Ambit & hæc tantâ gens stulta cupidine gazas,
 Seu foret hinc miseris una petenda salus.
 Ecce tibi minimo cœlum venale labore,
 Et cœlum hoc pretio, quantula turba petit?
 Heu genus insanum! terras præponitis astris,
 Ignotis nimiùm dona caduca bonis!
 Quis pueros (lusu si vel tam turpiter errent)
 Orbili meritos aspera sceptrâ neget?
 Nempe sciunt levibus quid distent æra lupinis,
 Ut semel abjectas deseruere nuces.
 Nos mage desipimus, cùm parva crepundia, cœlo,
 Prô pudor! & fluxas pluris habemus opes.
 O medici mediam stolidis pertundite venam!
 Stultitia queat hic proximus esse furor.

Sed

Sed videt hæc magnus qui temperat arbiter orbem,

*Nostraque stultitiæ nomine, multa tegit.
Et mea propitius deliria plurima transit,
Multaque scit cecâ dissimulanda manu.
Et qui jus adimat, novit Prætoris egere,
Ne perdam, patrias qui mihi servet opes,
Ergo adeat sanum mea, fac, tutela patronum,
Stultitiæ custos esto vel ipse mee.*

Deus tu scis insipientiam meam, & delicta mea à te non sunt abscondita. Psal. 68.

a S TULTISSIMUS sum virorum, & sapientia hominum non est mecum. Non didici sapientiam, & non novi scientiam sanctorum.

b Utinam sustineretis modicum quid insipientiæ mee.

Stultitia (enim) colligata est in corde pueri.

c (Sed) vis noscere quis sit insipiens, & quis stultus? Respondeo; insipiens est qui se à Paradisi gaudiis peregrinum esse non considerat, & se exulem in hoc exilio non attendit: stultus est, qui licet ista cognoverit, liberari tamen à mundi miseriâ per vitæ meritum non intendit.

d Dic ergo te stultum, & sapiens eris. Sed dic, dic, & intus dic, quia sic est ut dicis. Si dicis, noli coram hominibus dicere, & coram Deo non dicere. Prorsus quod ad te ipsum pertinet, quod ad tua; tenebrosus. Quid est

A s enim

a Prov. 30. *b* 2. ad Cor. 11. Prov. 22. *c* Tom. 9. August. in spec. pec. cap. 8. *d* Aug. serm. 8. de Temp. cap. 5.

enim aliud, esse stultum, nisi esse tenebrosum in corde?

a Quis est stultus ille qui tanquam luna mutatur, nisi Adam in quo omnes peccaverunt?

b Insipientiam quoque (David) stultum suum factum nominat, ab insipientiâ procedens. Omne enim peccatum per stultitiam fit. Qui igitur in peccatis perseverant, inque eis consistentes gaudent, & se oblectant ac deliciantur, nihilo dissimiles porcis sunt sese in volutabro luti provolentibus. Docet autem in quibus fuerit, cùm incideret in peccatum. Quoniam enim tempore aliquo *cor meum conturbatum est, & dereliquit me virtus mea, & lumen oculorum meorum, & ipsum non est mecum*: tempore enim, inquit, peccati; pars animæ rationis particeps haud modicam sustinebat perturbationem pravo confusa affectu, & tenebris, ab eo qui peccati fuit impulsor, obducta; adeò ut in *insipientiam* inciderit, ideo dicit, *putruerunt cicatrices meæ à facie insipientiæ meæ*. Conturbatum itaque cor ejus, quoniam in *insipientiâ* fuerat, & à virtute prudentiæ exciderat:

c Rectè (autem) peccatum *insipientiam* vocavit, nemo enim sapiens id aliquando committit.

d Nihil peccato pejus; insipientes fecit eos, qui antea intellectu, & sapientiâ multâ præditi fuerant.

a (Et

a August. epist. 119. *b* Basilius hom. 1. Ps. 37. *c* Orig. in Psalm 37. *d* Chrysost. hom. 17. in Genes. 24.

a (Et certè) malitia omnis ex *stultitiâ* oritur; siquidem superbus & iracundus (quoniam sapientiâ carent) his affectibus absumuntur, idè inquit Propheta: *Non est sanitas in carne meâ à facie insipientiæ meæ*: ut omne peccatum è *stultitiâ* ortum habere demonstret: nam qui virtuti studet, qui Deum timet, is sapientissimus est. *Initium*, inquit, *sapientiæ timor Domini*. Quod si ita est, malus, qui Dei timorem non habet, sine dubio non est sapiens. Qui hæc verâ caret sapientiâ; stultissimus est.

b Nihil enim ab insanientibus differunt, qui terrenas res, & brevi duraturas tanquam in somnis suspicantur. Videntur divitiis affluere, cum nullis affluent, in deliciis esse, cum non sint: neque ante se deceptos intelligunt, quàm ab insania liberentur.

c Delirare tibi videor, cum hæcce loquor; anicularia tibi videntur hæc verba. Tu enim (videlicet homo magni consilii magnæque prudentiæ) excogitas quotidie genera acquirendæ pecuniæ, de negotio, de agricultura fortassis & de eloquio, de juris consultatione, de militiâ; addis, & de scœnore primò hoc à te quæro, scis eum possessurum cui servas? aut si nondum natus est, scis nasciturum? servas filiis; incertum est, an futuris, an possessuris?

d Sed quid est, dic quæso, stultius homine qui laborat, & se excruciat, & tantas opes congregat, ut ex ejus laboribus, alii se voluptate

A 6

exple-

a Chrysost. hom. 41. in cap. 6. Joan. *b* Chrysost. hom. 4. in Joan. *c* Augustin. in Psal. 38. *d* Chrysost. in Psal. 48.

expleant ? Quid est autem ; *simul infipiens & stultus peribunt* ? Hic mihi videtur verba facere de impiis , qui toti rebus præsentibus affixi sunt , easque suspiciunt ; de futuris autem nihil philosophantur , ea de causa vocans eos *infipientes*.

a Vocaverunt nomina sua in terris suis. Ecce aliud genus amentiaë ; ædificiis , agris , & balneis sua nomina inscribere , & putare se magnam consolationem ex eo accipere , & umbram pro rei veritate consequi.

b A gloriâ suâ exturbati sunt. Quidnam potest cum hac conferri stultitiâ , quando ea faciunt de quibus puniuntur , pro quibus ignominiâ afficiuntur.

c Lignum quidem quod plantasti , manet ; domus quam ædificas , & ipsa manet ; faber autem & agricola abducuntur & pereunt. Et cum hæc fiant , tanquam immortales hæc omnia comparamus. Igitur audi quid Salomon dicat : *Ædificavi mihi domos , inquit , plantavi hortos & viridaria , vineas , natatorias aquarum*. Sed quid ait post hæc omnia ? *Vanitas vanitatum , & omnia vanitas*. Non simpliciter vanitas , sed per excellentiam. Et quæso credamus , & res apprehendamus in quibus non est vanitas : si splendida respicias ædificia , & horum te fallit aspectus , statim in cœlum respice : à lapidibus & columnis ad illum decorem oculos reflecte , & videbis quod hæc *formicarum sint*

a Chrys. in Psal. 48. b Ibidem. c Chrys. hom. 55. ad pop. Antioch.

sint & culicum opera: contemplare spectaculum; ascende ad cœlestia, illinc ædificiorum discere splendorem, & hæc nihil esse invenies, sed *parvulorum ludibria puerorum*, verum non fuerunt pueri, ut de re ullâ utili curam gerant.

a Ita etiam quidem semper volunt ludere, humique semper jacent & humi serpunt ac reptant, & quæ humi sunt, nempe terrena, affectant. Pueri autem sæpè, cùm nos loquamur de rebus necessariis, eorum quæ dicuntur, nihil sentiunt, sed semper rident: ita etiam quidam, quando de regno loquimur, rident. Pueri, rursus, quando latronem viderint, & quæ sunt intus auferentem, non solum non prohibent, sed etiam arrident insidiatori. Sin autem calathulum aut sistra abstuleris, aut aliquid aliud ludicrum, indignantur & ægrè ferunt, se dilacerant, & solum pulsan. Ita etiam quidam, videntes diabolum paterna omnia auferentem, rident, ad eum tanquam ad amicum accurrentes: si quisquam autem aut possessiones, aut divitias, aut puerile aliquid abstulerit, se discerpunt. *b* *Intelligite insipientes in populo, & stulti aliquando sapite. Nolite pueri effici sensibus.* *c* Parvi enim pueri, parva quidem hianti ore stupent & mirantur; rerum verò valde magnarum, non tantâ tenentur admiratione: *nolite pueri effici*; hoc est, *insipientes*, ubi oportet esse sapientes.

d Pueris quidem iis, qui sunt adhuc paulò minores, patres præbent ejusmodi: calceos, ve-

A 7

stes,

a Chrys. hom. 4. in 1. ad Corinth. cap. 1. *b* Psal. 93. 1. ad Cor. 14. *c* Chrysost. hom. 36. in hunc locum. *d* Chrysost. hom. in Psalm. 4.

stes, aureas quasdam bracteas & armillas. Postquam autem creverint; illis eis ablatis dant alia majora. Ita etiam fecit Deus: nos à parvis illis & puerilibus abducens, ea quæ sunt in cœlis pollicitus est. Ne hæc ergo quæ fluunt & prætercunt, admireris, nec sis pusilli & abjecti animi.

a Sed majorum nugæ negotia vocantur; puerorum autem talia cùm sint, puniuntur à majoribus.

b Beatus vir cui nomen Domini spes ejus, & non respexit in vanitates, & insanias falsas. Qui non respicit hæc beatus est; qui autem respicit, insanus atque furiosus est, & ideò resipiscat unusquisque à furore sæcularium cupiditatum, quæ ita mentem, animamque perturbant, ut compos esse non possit.

c Delicta juventutis meæ, & ignorantias meas ne memineris [Domine.]

d Ipsos namque fatuos videmus (quos vulgò moriones vocant) ad cordatorum delicias adhiberi, & in mancipiorum æstimatione, pretiosiores esse cordatis. Et suum parvulum filium, à quo garriente talia pater lætus exspectat, provocat; sed dum spes subest incrementorum, & ingenii lumen accessurum creditur ætatis accessu, fit ut convicia parvulorum, etiam in parentes, non solum injuriosa non sint, verum etiam grata atque jucunda. [Quid] quodd in hæc etiam concitentur studio ridendi, & vanitate majorum? nam plerumque illa ætas, jam patrem,

a Aug. Con. 1. cap. 9. *b* Ambr. in Psalm. 118. Oñon. 5. *c* Psalm. 24. *d* August. l. 1. de peccat. mer. cap. 35.



*Miserere mei Deus quoniam infirmus sum Sana
me Domine quoniam conturbata sunt ossa mea Ps. 6.*

trem, matremque agnoscens, neutri eorum audent maledicere, nisi ab altero eorum, aut ab utroque, vel permissa vel iussa.

III.

Miserere mei Domine, quoniam infirmus sum : sana me Domine, quoniam conturbata sunt ossa mea. *Psal. 6.*

Conquerar! *an fileam? justas habet ira querelas,*

Heu sine Pæoniâ sola relinquor ope!

Non ego, iussa licet juratis credere verbis,

Sperassem, cordi non magis esse tibi.

Siccine tardus ades, neq; nostra pericula tangunt?

Qua potuit tanta causa fuisse moræ?

O mea spes! Numen quo non præsentius agris,

Sic potis es nostri non memor esse mali?

Nunc aderant pariter Podalyrius, atque Melampus,

Phillyrides Chiron, Pæoniûsq; senex.

Multaque præterea comitata Machaone turba;

Quique aliquod medicâ nomen ab arte gerunt;

Tu solus deeras morborum publica cura,

Póstque tot Hippocrates ultimus ecce venis.

O mea spes! numen quo non præsentius agris,

Sic potis es nostri non memor esse mali?

Omnibus est oris visus color indice linguâ,

Omnibus admotâ vena notata manu:

Nil, ajunt, vitale rubet, neque languida certas

Vena notat, pulsu præmoriante moras.

Idque ego plus ipsis deprendo medentibus agra.

Destituit medicos ars sua, meque salus.

Quid-

Quidnam igitur sperem fugientibus orba Magi-
 Morbus ubi vincit seuior artis opem? (stris,
 Caca per infectas serpunt contagia venas,
 Imaque subfidit lapsus in ossa dolor;
 Et caput & cubiti se sustentare recusant,
 Tinctaque vix Baccho vena medente redit.
 Et jam vix animæ superest pars ultima nostræ,
 Heu paror inferiis proxima pompa meis!
 Denique qui morbos cupit omnes discere nostros,
 Copia quod fieri non fuit, ille cupit,
 Hic status, hæc rerum facies miseranda mearum
 Nec iuvor ullius, qui medeatur, ope. (est,
 Aspice vix nostram poteris dignoscere formam;
 Vultus abest vultu, seque nec ipse refert.
 Lumina suffossis retrò fugere cavernis,
 Magnaque purpureis facta ruina genis:
 Nec quisquam hanc ferro potuit compescere noxã,
 Quin caput & faciem carperet atra lues.
 Tetrica quid memorem vigilis fastidia lecti?
 Quaque manu tangi vulnera cruda timent?
 Vulnera pròb nullis mulcenda Machaonis her-
 Qualia, quæ secuit barbarus ensis, biant: (bis?
 Vulnera, secretas animi populantia fibras,
 Quæ nullus medicâ claudat hiulca manu.
 Nempe graves, mea sunt, quæ feci, vulnera noxæ,
 Vulnera trux animæ carnificina mea.
 Adde, quod intus, apum dirus mihi turgeat hy-
 drops,
 Lentaque quod meditor nausea tardet opus.
 Tensaue ventosi propè rumpant ilia factus,
 Et veneris tacitus pectora cancer edat.
 Hæc ego sæpè dedi variis tractanda Magistris,
 Semper at oblata cura sefellit opis.

Scilicet

Scilicet ipse suas, hic tentet inaniter artes,
Qui raptum Androgeo reddidit arte diem.
Quique potestates succorum notat & usum,
Una salus agris spesque, Epidaure, tuis.
Nec juvet hic Chiron, operosa viribus herba,
Nec summum medici numen Apollo chori.
Officium tanto cedit minus omne dolori,
Non habet hic ullum succus, odorve locum.
Quas igitur spectem, vestri nisi Numinis, aras,
Funeribus nullis quas Libitina notat?
O mea spes! Numen quo non presentius ullum!
Ecce tuam veneror, mortua panem, manum.
Sanus Apollineâ non indiget arte vel herbâ,
Lege Machaonia, qui dolet, artis eget.
Mens mihi læsa dolet plus simplice vulneris ictu;
Ne doleat, vires experiare tuas.
Illa ego sum, Solymis quam prædo cruentus
arenis,
Stravit, & immiti diffidit ense latus.
Tu Samarita, mero; Tu vulnera mitis olivo
Obline, barbaricâ vulnera facta manu;
Quosque Levita negat, medicos in verge liquores,
Crescet ab infuso rore, meroque salus.

Miserere mei Domine, quoniam infirmus sum: Jana me Domine, quoniam conturbata sunt ossa mea. Psal. 6. vers. 3.

ÆGROTUS sum, ad medicum clamo, cæ-
cus sum, ad lucem propero; mortuus
sum, ad vitam suspiro. Tu es medicus, tu lux,
tu vita,

2 Aug. soliloq. cap. 2.

tu vita, JESU NAZARENE ; miserere mei fili David ; miserere mei fons misericordiæ. Audi quid ad te clamet infirmus ; Lux quæ transis, exspecta cæcum ; præbe ei manum ut ad te veniat, & in lumine tuo videat lumen.

a Imperfecta enim mea plurima vident oculi tui. Mitte, quæso, manum pietatis tuæ in me, & tolle de me, quicquid offendit oculos pietatis tuæ in me. Coram te Domine est sanitas & infirmitas mea. Illam precor serua, istam sana. *Sana me Domine & sanabor : saluum me fac & saluus ero.* Tu qui infirma sanas & sanata conservas. Tu qui nutu tuo restauras diruta & collapsa.

b Utinam tibi Domine, aliquæ filiæ Hierusalem nuncient languores meos ; si qui sunt in me qui commendari tibi digni sunt ; nam multi sunt in me indigentes curati. O me felicem si aliquis Centurio cælestis dicat tibi : *Domine puer meus jacet paralyticus in domo, & malè torquetur !* utinam Domine statim respondeas : *Ego veniam, & curabo eum. Dic Domine verbo, & sanabor.* Verbo enim ades, quia verbum es.

c Medicinas de terrâ, propter singulas quasque suas corruptelas creasti. Singula solatia singulis malis obviantia præparasti ; quoniam es misericors & miserator.

d Hei mihi, Domine, miserere mei. Hei mihi, ecce vulnera mea non abscondo. Medicus es, æger sum, misericors es, miser sum.

a Nun-

a August. medit. c.36. *b* Guilb. Abb. serm. 46. in Cant. *c* Aug. soliloq. cap. 20. *d* August. lib. 10. conf. c. 28.

a Nunquid non potens est manus tua Deus omnipotens sanare omnes languores animæ meæ?

b Multas infirmitates habet anima nostra. Quot peccata, tot infirmitates.

c Ægrotat humanum genus, non morbis corporis, sed peccatis.

d Non modò enim paralysi dissolvi, verùm etiam peccare, languor est, & longè illa languore deterior, ac tantò utique, quantò est corpore anima præstantior.

e Præsta mihi Domine medicinam, unde mea possint curari vulnera; visita me infirmum, cura me ægrum, sana me languentem, & suscita me mortuum.

f Varios siquidem languores habemus animarum, & hi sunt quibus (Christus) principaliter vult mederi.

Propterea enim illas ægritudines sanat, ut istas scilicet de nostris animabus expellat.

g Animæ languor peccatum est, unde dixit Propheta: *Sana animam meam, quia peccavi tibi*, languor animæ nostræ superbia est, avaritia est.

h Etiam in typo mulieris illius, focrus Simonis & Andreæ, variis criminum febribus, caro nostra languebat, & diversarum cupiditatum immodicis æstuabat illecebris. Nec minorem febrem

a Aug. lib. 10. conf. c. 30. *b* Hieron. in Psal. 162.
c Aug. serm. 59. de verbis Domini, c. 11. *d* Chrys. hom. 14. in cap. 4. Matth. *e* Aug. med. cap. 40.
f Chrys. in c. 4. Marc. hom. 14. *g* Amb. tract. de 42. mansionibus. *h* Amb. l. 4. in c. 4. Luc.

febrem amoris esse dixerim quàm caloris. Itaque illa animum, hæc corpus inflamat: febris enim nostra avaritia est: febris nostra, libido est, eò quòd ignitæ sint cupiditates: febris nostra, iracundia est: febre libido flagrantior est, graviusque præcipitat & inflamat.

a Vexabat enim nos morbus gravis ac febris vehemens, decumbebamusque, non in lecto, sed in ipsamet vitiositate, perinde ac in stercore. In improbitate voluptabamur, scatentes ulceribus, foetorem spirantes, squalidi, incurvi, umbræ potius quàm homines.

b Quin jacet toto orbe, ab Oriente usque ad Occidentem, grandis ægrotus, sed ad sanandum grandem ægrotum descendit omnipotens medicus. Humiliavit se usque ad mortalem carnem, tanquam usque ad lectum ægrotantis.

c Vidit in stercore jacentem, à vermibus exulceratum, à febre & fame oppressum, nullo non morbi genere laborantem. Nam & febris vexabat (hoc est enim improba cupiditas) & inflammationes urgebant (hoc enim arrogantia) & quædam insatiabilis fames occupabat (hoc enim avaritia) & sanies undique (hoc enim scortatio) & cæcitas oculorum (hoc enim idolatria) & surditas & stupor (hoc enim erat, lapides & ligna adorare, & cum illis colloqui) & multa deformitas (hoc enim vitiositas) triste nimirum quiddam & morbus gravissimus. Vidit, absurdius (quàm insanientes soleant) loquen-

a Chrys. in c. 3. ad Philip. serm. 11. digressione morali. *b* Aug. serm. 39. de verbis Domini, c. 11. *c* Chrys. in c. 3. ad Philip. serm. 11.

quentes, & lignum & lapidem Deum vocantes. Vidit in tantâ vitiositate; nec tamen abominatus est, non amarior factus, non averfatus est, non odio persecutus; Dominus enim erat, & opus suum non oderat. Deinde quid facit? optimi medici more parat pretiosa pharmaca;

a Et quia ipse est & verbum Dei, ægris suis non herbarum succis, sed verborum sacramentis medicinam conquirat.

b Erat namque Archiatros, qui posset curare omnem languorem, & omnem infirmitatem.

c Noverat, venâ inspectâ, quid intus ageretur in ægroto.

d Erat humanarum ægritudinum Pæonius Medicus & sanctus ægrotæ animæ incantator. *Salvum, inquit, fac servum tuum Deus meus sperantem in te. Miserere mei Domine, quia clamavi ad te totâ die.* Bonus autem Pædagogus, qui est sapientia (qui verbum Patris, qui fabricatus est coelum) universi figmenti curam gerit, ejusque corpori & animæ medetur: qui est omni ex parte sufficiens medicus, humanæ naturæ servator: *Surge, inquit Paralytico, & sublato, in quo jaces, grabato, vade domum;* & qui prius erat infirmus, extemplò sanus & firmus evasit. Et mortuo Lazaro dixit egredere; ille verò mortuus, ex sepulchro exiit, qualis erat antequam moreretur, meditatus resurrectionem.

e Ideò autem tot salvavit febricitantes, tot langui-

a Orig. hom. 1. in Levit. c. 12. & 13. *b* Orig. hom. 1. in Psal. 37. *c* August. in Psal. 43. *d* Clem. Alex. l. 1. Pædagog. c. 2. *e* Aug. vel quis alius lib. de verâ & falsâ Pœn. c. 5.

languidos , tot claudos , tot cæcos & aridos , ne desperet de se peccator : medicum se vocat , & non sanis sed malè habentibus opportunum.

a Et sicut ille qui medetur vulneri corporis, adhibet quædam contraria ; sicut frigidum calido, vel adhibet etiam quædam similia : sic Dei sapientia hominem curans , seipsam exhibuit ad sanandum ; ipsa medicus, ipsa medicina. Quia ergo per superbiam homo lapsus est , humilitatem adhibuit ad sanandum. Serpentis sapientiâ decepti sumus , Dei stultitiâ liberamur. Jam verò similia, quasi ligamenta membris & vulneribus nostri adhibita , illa sunt, quod per fœminam deceptus, per fœminam natus ; homo homines mortales ; morte mortuos liberavit.

b Quod si te ergo fortasse animarum nostrarum prædo & tyrannus, vel à Hierusalem in Hiericho descendantem , vel alibi uspiam inermem & imparatum nactus, usque adeò sauciavit.

c Clama : *Ego dixi, Domine miserere mei, sana animam meam, quoniam peccavi tibi* : sanat te Deus, confitere tantum vulnus tuum. Jaces sub manibus medici ; patienter implora auxilium, fovet, urit, secatur ; æquanimiter tolera, tantum noli attendere nisi ut faneris ; sanaberis autem , si ostendas te medico ; non quia ille non videt, si tu te abscondas, sed ipsa confessio initium sanitatis est.

d Vulnus, medicum quærit, Medicus confessionem exigit.

a Con-

a August. de doctrina Christ. lib. 1. c. 14. *b* Naz. orat. 16. *c* Aug. bom. 12. *d* Ambr. in Psal. 40.

a Convertere ad me, ait Dominus, Numquid resina non est in Galaad, aut medicus non est ibi? quare non ascendit sanitas filie populi mei? grandi plagæ altâ & prolixâ opus est medicinâ.

b Totum enim genus humanum, est ille homo, qui jacebat in viâ semivivus, à latronibus relictus; quem contempsit transiens Sacerdos & Levites; & accessit ad eum currandum eique opitulandum transiens Samaritanus, in quo Samaritano, se voluit intelligi Dominus noster JESUS CHRISTUS.

c Ideò unusquisque nostrum, cordis & corporis genua flectens, oret Dominum nostrum JESUM CHRISTUM (*qui sanat omnes infirmitates nostras*) Et cum Prophetâ dicat: *Sana me Domine & sanabor, salva me, & salvabor*, dicat & cum David: *Sana me Domine, quoniam conturbata sunt omnia ossa mea.*

d Omnis enim qui medicum non agnoscit, phreneticus est. Nam quoties phreneticos videmus medicis contumeliam facere, resistere sanitati, nolle curari, deridere veram curam?

e Currite ad medicum dum potestis; ne, cùm velitis, non possitis.

f Si adhuc quibusdam perturbationibus anima quatitur post remissionem peccatorum, languor est; *sanat & omnes languores tuos. Sanabuntur*


a Ambr. ad Virgin. lapsam cap. 8. *b* August. serm. 37. de verbis Dom. *c* Ambr. de 42. mans. mansion. 3. *d* Chrysost. in Psal. 26. *e* Ibidem. *f* August. in Psal. 102.

bunatur omnes languores tui, noli timere. Magni sunt, inquires; sed major est medicus. Omnipotenti medico nullus languor insanabilis occurrit; tantum tu curari te sine; manus ejus ne repellas, novit quid agat. Non tantum delecteris cum fovet, sed etiam tolere, cum secat. Tolerare medicinalem dolorem, futuram cogitans sanitatem: ferto ergo manus ejus, ô anima, quæ benedicis eum, non obliviscens omnes retributiones ejus, *sanat enim omnes languores tuos.*

a Planè committamus nos medici manui, non enim errat, ut sanum pro putri secet. Novit quod inspicit, novit vitium quia ipse facit naturam: quid ipse condidit, quid de nostrâ cupiditate accessit, discernit, scit de sano homini præceptum dedisse, ne languorem incurreret; dixisse in Paradiso, hoc manduca, & hoc noli. Non audivit sanus medici præceptum, ut non caderet; audiat vel ægrotus ut surgat.

b Quisquis ergo es, ô Christiane, qui sanitatem jactas, & te vulneratum fuisse dissimulas, qui integritate gaudes, & te ægrotum fuisse non meres, qui te destitutum jacuisse non respicis, sed erectum in Ecclesia gloriaris; ama CHRISTUM qui te à prædonibus liberavit, dilige Dominum qui te prostratum jacentemque erexit. Dilige, inquam, Dominum qui te in Ecclesiæ stabulum, per semetipsum, invexit; qui rectori stabulario commendavit; qui duos denarios, hoc est, legem & Evangelium in eruditionem
tuam

a Auguſt. in Pſal. 40. b Chryſ. in cap. 10. Luc. hom. de Samar.



*Vide humilitatem meam et laborem meum et
dimitte universa delicta mea. Ps. 24.*

tuam erogari præcepit. Dilige, inquam, Dominum qui tibi dicit: *Ecce Janus es.* Dominus enim caram tuam salutem habet, qui propter te in sæculum venit, & te a nefandis latronibus liberavit.

IV.

Vide humilitatem meam, & laborem meum: & dimitte universa delicta mea. *Psal. 24.*

Aspicis, heu sævus! nostris neq̃, tangere curis?
 Aspicias, & credi vis tibi, me quòd ames?
*Futilis ignaro cantetur fabula vulgo;
 Sentit amicorum vulnera, quisquis amat.
 Aspicias & pateris; neque cura est ulla juvandi;
 Verus amor promptam non ita tardat opem.
 Aspice, quàm turpi subigar damnata labore,
 Aspice, cui tandem colla premenda iugo.
 Si foret ingenuâ saltem labor indole dignas,
 Nec nimis abjectæ vilius artis opus.
 Multa meos casus magnorum exempla levarent,
 Et faceret propriam, sors aliena, levem.
 Sapè Ducum proavos, Regésque noverca coëgit
 Augustas operi sors adhibere manus:
 Protea frenantem septemplex ostia Nili,
 Sic oras miseram, Rex Menelae, stipem.
 Dextra Syracusii sceptris assueta Tyranni
 Sic ferulas, pueris sceptrum verenda tulit.
 Flenda exempla quidem, tamen haud ducenda
 pudori,
 (Non etenim miseris sunt sua fata probro.)*

B As

Ast mea non lacrymis, sed digna pudore ruina est,
 Quæ roto serviles, spontè subacta, molas.
 Qualis ab infidâ Samson detonsus amicâ,
 Circuit indignas, hoste jocante rotas.
 Atq; utinam famulas tantum damnaret ad artes!
 Explerem ingenuâ sordida pensa manu:
 Turpibus at servum vitiis addicere pectus,
 Exulis asperius mancipiiq; iugo est.
 Ah pudet! & (duplicis nova quæ mihi causa ru-
 boris)

Ipsa meum damnans execror author opus.
 Vix benè pertasum est, rursumq; revolvitur error,
 Crescit & attextis nexa catena malis.
 Scilicet illa manet plectendas ultio noxas,
 Admissum sequitur culpa secunda scelus.
 O quàm sæpè meo sensi hæc discrimina damno!
 Nec tamen est damni mens revocata metu.
 Nempe trahor vario studia in diversa duello,
 Ut ratis ambiguis jam pila facta Notis.
 Et trahit hinc (vitii quæ lena comesq;) voluptas?
 Quique subit vitium, retrahit inde dolor.
 Sapius illa tamen redit è certamine victrix,
 Assiduus vitio sit licet ille comes.
 Sic habet alternos virtus, vitiumq; triumphos,
 Et meus æterno vertitur orbe, labor.
 Tu super hæc etiam loris servilibus instas,
 Addis & in pœnas verbera dura meas;
 Pœnâque cùm culpæ sit culpa, secunda peractæ
 Suppliciis pœnas adjicis usque novas.
 Nempe Ixionius non est modò fabula gyros,
 Vinc̃ta sed æternæ vertor in orbe mola.
 Aspicias hæc durus nostro neque tangere fato?
 Aspice, & in pœnas mitior esto meas.

Vide

Vide humilitatem meam, & laborem meum: & dimitte universa delicta mea. *Psal. 24.*

a **I**N quantam tribulationem deveni! in quos fluctus tristitia, in quâ nunc sum, qui jucundus eram & dilectus in potestate meâ! nunc verò reminiscor malorum quæ feci.

b Vide humilitatem meam, attende dejectionem infirmitatis meæ.

c Contrarietas culpæ facta est homini pondus poenæ; ut corruptioni suæ malè liber serviat, qui benè servus de incorruptionis libertate gaudebat.

d Nunc etenim menti cedit caro, nuncque vicissim

Mens carnem sequitur. —————

Namque bonum cupiens, facit id tamen ipsa quod odit;

Servitium lachrymis persequiturque grave.

e Quamvis (enim) quispiam locuples sit & generosus, est tamen inter abjectos abjectissimus, cum à peccato vincitur, quemadmodum enim si Rex quispiam barbarorum servus fiat, omnium est miserrimus, sic qui in peccato vivit. Barbarum namque peccatum est, animam enim sub Tyrannidem redigit; nihil enim tam præter rationem est; quam peccatum; unde ait Propheta, *Homo cum in honore esset, non intellexit, comparatus est jumentis insipientibus.*

A 2

a Sanè

a *Mach. 6.* *b* *Beda in Psal. 24.* *c* *Greg. c. 22. in c. 7. Job.* *d* *Nazianz. carm. de animæ calamitatibus.* *e* *Chrysost. hom. 9. in epist. 1. ad Cor. 10. 4.*

a Sanè si intelligamus spiritualiter, quæ sit Ægyptiorum servitus; agnoscimus, quia servire Ægyptiis, non aliud est, quam obnoxium fieri carnalibus vitiis, in quod utique unumquemque non extrinsecus illata necessitas cogit, sed segnities animi & libido ac voluptas corporis subegit, cui se animus per concordiam subdit. Denique & Salvator de libertate & servitute in Evangelio differens, ita loquitur: *Omnis, inquit, qui peccat servus est peccati.*

b Sicut ergo Ægyptus (ita terrena provincia) filiis Israël, domus dicitur servitutis, ad comparisonem Judææ & Jerusalem (quæ eis domus efficitur libertatis) ita ad comparisonem coelestis Hierusalem (quæ ut ita dicam; mater est libertatis) totus hic mundus, & omnia quæ in hoc mundo sunt, domus est servitutis.

c Quid ergo mirum si mundus multa vapulat? servus est, sciens voluntatem Domini sui & faciens digna plagis; non ergo recuset vapulare multis, quoniam si non vult audire præceptorem injustè, justè patietur ultorem; vel non murmuret contra castigatorem, cum videat se plagis dignum, ut misericordiam mereatur.

d Flagellum equo, & camus asino, & virga in dorso imprudentium.

e Ergone bestiae sumus nos? bestiae prorsus.
Homo

a Orig. hom. 16. in cap. 67. Genes. *b* Hom. 8. in cap. 15. Exod. *c* August. serm. 12. de verbis Domini. *d* Prov. 26. v. 3. *e* Bernard. serm. 3. super Qui habitant in adjutorio.

Homo cum in honore esset, non intellexit, comparatus est jumentis insipientibus.

Asinini quidam & bestiales motus legem contrariam habent. Cum jeiunare consentis, urget gulæ illecebra; cum vigilare proponis, somnolentia premit: *quid faciemus huic Asino?*

a Eadem peccatores spiritualiter feremus, quæ (Samson) carnaliter ad nostram eruditionem expressa, sustinuit. Ita enim nobis, ut illi hostis illudet, *a* & *vertendis molis velut asinos deputabit.* Vnde nos Dominus (ne collum nostrum, non subditum jugo Christi dignum faciamus *asinariâ molâ*) admonet per Prophetam; *nolite fieri sicut equus & mulus, quibus non est intellectus.* Homo enim, ut alibi dicit idem Prophetam, *non intelligens honorem suum, comparatur jumentis & similis efficitur.* Quod in Regno Babylonio videmus evidenter expletum, quæ stoliditatis impiæ & vecordis superbiæ poenam, sensu hominis exutus in belluino hoc corde sustinuit. Etenim homo in errore positus & in justitiâ relapsus, justè ut Samson sapientiæ pariter & gratiæ virtute desertus, cæcitate puni-
tur & *molâ*, quia dignus est *opere jumentario*, qui semetipsum lumine rationis orbaverit, & in similitudinem belluarum, corporis servus, abiecerit. Considera hujusmodi mortalium vitam, & tota tibi species *jumentis molentis* occurrat. Ut ille panis oculos corporis, sic iste sordibus vitæ suæ oculos mentis obsutus, per errores

B 3

suorum

a Bernard. serm. 5. de Ascens. *b* Paulin. ep. 4. ad Severum.

suorum sensuum, quasi circa *ambages molarum* laboriosa miser statione versatur; usui suo vacuus, laboriosus alieno. Stat in viâ peccatorum compeditus vinculis cupiditatum suarum, & ipse sibi carcer est obsessus tenebris erroris sui, & conscientiae squalore concretus in semetipso *pistrini ergastulum* patitur, saxum cordis sui pertinaciâ iniquitatis induratum quasi *molam versat*, farinam hostibus suis, de corruptâ animæ suæ fruge, conficiens; quia sicut scriptum est: *peccator de animâ suâ currit*. Ita qui peccatum operatur de molâ vitæ suæ, hostile triticum molit ut Zabulum pascat, cui panis est anima, quæ sibi fames est.

a Sunt autem & *molarum differentia*, ut sint quædam earum humanæ, aliæ asinariæ. Et humana quidem est illa de qua scriptum est: *Due erunt molentes ad unam molam, una assumetur & altera relinquetur*.

b Discutiamus ergo quæ molant, quid molant quidve pistrinum sit: & fortasse mundus iste pistrinum est, quod in eo humani corporis forma referatur, in quo anima nostra velut quodam carcere includitur, panem si consulat boni, operatura cœlestem. In hoc ergo pistrino anima obnoxia delictis triticum molendo madefactum & gravi humore corruptum, non potest interiora ab exterioribus separare, & ideo relinquitur, quia ejus similago displicuit.

a Asina-

a Orig. tract. 5. in Mart. cap. 18. b Ambr. in cap. 17. Luc.

a *Afinaria autem mola* non irrationabiliter dici potest gravissimum hominis malum, quod semper deorsum trahit.

b Nam quid per *molam afinariam*, nisi actio terrena signatur, quæ dum colla mentis per stulta desideria constringit, hanc *in laboris circuitum* mittit.

c Molendinum enim labor est hujus sæculi;

d Et molendinum puto dictum mundum istum, quia rotâ quâdam temporum volvitur, & amatores suos conterit.

e Testatur Samson Allophylis captus, qui postquam oculos perdidit, *ad molam* deputatus est; quia nimirum maligni spiritus postquam tentationum stimulis intus aciem contemplationis effodiunt, foras *in circuitum laborum* mittunt.

f Et quare in *molendino*? quia in isto mundo versantur: ubi *molendinum* intelligitur, quia *sic vertitur mundus iste, quo modo mola.*

g Quare in *molendino*? quia defuncti in sæculo, *circuitu* rerum temporalium, tanquam *molâ* detinentur.

h Et trahebat me post se, *in circuitu*, de vitio in vitium, & de luto in lutum.

B 4

a Unde

a Origen. tractat. 5. in Matth. cap. 18. *b* Gregor. lib. 6. moral. cap. 26. in cap. 3. Job. *c* August. serm. 107. de tempor. *d* August. in Ps. 36. *e* Gregor. 7. moral. 16. in cap. 6. Job. *f* August. in Psalm. 132. *g* In Psalm. 99. *h* August. soliloq. cap. 6.

a Unde bene quoque per Psalmistam dicitur, *Deus meus, pone illos ut rotam*, ut rota ponuntur quippe iniqui, quia in *circuitu laboris missi*, dum ea quæ antè sunt negligunt, & ea quæ deferenda sunt sequuntur, ex posterioribus elewantur, & in anterioribus cadunt.

b Hinc est enim quod per Psalmistam dicitur: *in circuitu impii ambulant*; quia dum interiora non appetunt, in exteriorum labore fatigantur.

c Misere ego homo! quis me liberabit à calumniâ hujus pudendæ servitutis? miser sed liber, liber quia homo, miser quia servus, & pro servitute quidem miserabilis, sed pro voluntate inexcusabilis. Voluntas enim est quæ se, cùm esset libera, servam fecit peccati, peccato assentiendo, quia qui facit peccatum servus est peccati.

V.

Memento, quæso, quòd sicut lutum feceris me, & in pulverem reduces me.
Job. 10.

Ergone cœlituū jam nata oblivia regnis?

Quis Ganymedæo miscuit illa scypho?

Quid facit immemores ad nostra negotia Divos?

Lethæas Superi fortè bibistis aquas?

Oblita es mea lux, aut vis oblita videri,

Cū dubitas proprium quale creâris opus.

Si

a Gregor. lib. 16. moral. cap. 30. in cap. 24.

b Gregor. lib. 2. moral. cap. 4. in 1. cap. Job.

c Bernard. hom. 81. in Can.



*Memento quæso, quòd sicut lutum feceris
me et in pulverem reduces me. Job. 10.*

Si nescis referam; si scis, cur fingere pergis?

Me Tua de luteâ dextera fecit humo.

Quæris ubi? toto lucus est notissimus orbe:

Primus ubi pater est conditus, hortus erat.

Fons ubi de riguis argenteus exilit herbis.

Quadruplicique suas flumine findit aquas.

Scire lubet tempus? minimo post tempore, falsas

Cum maris aggeribus terra coegit aquas.

Addo, (quod historia facit, hæc quoque parte, probanda)

Puniceo rubuit Dadala gleba solo.

Hinc tribus es modicam digitis admensus arenam,

Primaque massa mei corporis illa fuit.

Nec primis erit his natalibus exitus impar,

Nil nisi pulvis eram, nil nisi pulvis ero.

Sic faber argillam Samiis dum repperit agris,

Ædificat facili pocula ficta luto

Principio, terræ segmenta ligonibus urget,

Inde levi madidam flumine mollit humum;

Denique materiem pernix rota versat in orbem,

Amphoraque admota nascitur arte manus;

Nascitur, at mediâ vix amphora vixerit horâ,

Frangitur, inq. suam fracta recurrit humum.

Haud magè firma meæ fundamina condita vitæ,

Et levis extremos finiet umbra dies.

Cur igitur, veluti fugæ non satis incitet annos,

Præcipites glomerat mobile tempus equos?

Sponte, meus pulvis, nimis heu cito sponte fatiscit,

Et mea, non ullo, vita prementè fugit!

Si mihi, seu vitreâ concrevit Olympus ab unda.

Celite crystallo membra gelata forent!

*Aut quales memorant, cœlestia lumina, stellas,
 Quas suus è liquidis condidit author aquis :
 Aut foret Angelica munus, sine corpore, vita,
 Elisis qualem mentibus esse ferunt !
 Sperarem Angelicis aequalia sacula lustris,
 Cœlestesque annos, fideriosque dies.
 Sed data squamigeræ mage fortia corpora turmæ
 Quam peperit viridi Doris aquosa patri.
 Quin etiam volucres cujus melioribus orte,
 Plumea queis nitida membra dedistis aquæ.
 Outinam rigidis mihi stent adamantibus artus,
 Aut durent nervos firma metalla meos !
 Felices Scythiæ fato meliore sorores,
 Fama quibus fulvo finxit ab ære manus,
 Cuique fuit solo corpus penetrabile talo,
 Ærea nam reliquum lamina corpus erat :
 Sed quid ago, damnoque mei cunabula limi ?
 Aut queror è fragili corpora ficta luto ?
 Non tene vasa suo faciunt convicia fabro,
 Nec faber ipse suum jure refutat opus.*

*Memento, quæso, quòd sicut lutum feceris me, & in pulverem reduces me.
 Job 10.*

a SURGE, & descende in domum figuli, & ibi audies verba mea. Et descendi in domum figuli, & ecce ipse faciebat opus super rotam, dissipatum est vas, quod ipse faciebat è luto, manibus suis : conversusq; fecit illud vas alterum; sicut placuerat in oculis ejus, ut faceret, & factum

a Hieremie 18.

Etum est verbum Domini ad me dicens: Numquid sicut figulus iste, non potero vobis facere, domus Israël, ait Dominus? Ecce sicut lutum in manu figuli, sic vos, in manu mea.

a Volens Propheta, Dei ostendere potentiam & hominis fragilitatem, comparat Deum figulo & hominem luto; quod nihil potest adversus Deum, sicut nec lutum adversus figulum; unde Rom. 9. dicitur: *nunquid potest figmentum ei qui se finxit, dicere. Quid me fecisti sic?* & Isaïæ 45. *Væ, qui contradicit fictori suo, testa de sams terra. Numquid dicet lutum figulo suo, Quid facis?* & Isaïæ 64. *Et nunc Domine Pater noster tu es; nos verò lutum; & fictor noster tu, & opera manuum tuarum omnes nos, igitur in domum figuli descendere, est considerare fragilitatem carnis suæ. Corpora autem nostra dicuntur vasa, quia continent liquorem sive thesaurum pretiosissimum, scilicet spiritum ad imaginem Dei creatum. 2. Rom. 4. Habemus thesaurum istum in vasis fictilibus. Deus autem est figulus. Hoc autem vas, rectè dicitur super rotam? vel propter corporis instabilitatem; vel quia idem est principium & finis ibidem, secundum illud Genesis 3. De terrâ es, & in terram ibis.*

b Ut lutum ergo homo factus est; quia de limo est ad conditionem sumptus. Quod sanctus vir benè pietati iudicis objicit, cum postulat

B 6

lans

a Hugo Cardin. in hunc locum. *b* Gregor. lib. 10. mor. cap. 36. in cap. 10. Job.

lans dicit: *Memento, quæso, quòd sicut lutum feceris me.* Ac si aperte dicat: Infirmi-
tatem carnis considera, & reatum iniquitatis laxa. Vbi
aptè quoque mors ejus carnis adjungitur, cum
protinus subinfertur: & *in pulverem deduces
me.* Ac si patenter postulet, dicens: Memen-
to, quæso, quòd per carnem à terrâ venio, &
per ejus interitum ad terram tendo.

a Hæc autem quæ de exteriori homine di-
ximus, etiam interiori quemadmodum possint
congruere, libet ut breviter replicando mon-
stremus. *Memento, quæso, quòd sicut lutum fece-
ris me.* Sicut lutum quippè homo noster inte-
rior existit: quia Sancti Spiritus gratia terrenæ
menti infunditur, ut ad intellectum sui condito-
ris erigatur; humana namque cogitatio, quæ
peccati sui sterilitate aruit, per vim Sancti Spi-
ritus, quasi irrigata terra, viridescit. Sed sæpè,
dum præceptis superni doni virtutibus, sine in-
terruptione utimur, ad privatam fiduciam, usu
continuæ prosperitatis elevamur: unde fit ple-
rumque, ut idem qui sublevaverat, parumper
spiritus deserat, quatenus ipsum sibi homines o-
stendat. Quod sanctus vir protinus exprimit,
cum subjungit, & *in pulverem deduces me.*

Quia, cum per subtractionem spiritus mens
aliquantulum in tentatione deseritur, quasi ab
humore pristino, terra siccatur; ut infirmita-
tem suam derelictus sentiat, & sine infusione su-
pernæ gratæ, quantum homo aruit, agnoscat:
qui aptè quoq; reduci ad pulverem dicitur, quia
dimis-

a Gregor. ibid. cap. 37.

dimissus sibi, cujuslibet aura tentationis raptatur.

a Hoc ergo (sicut dignum erat) perpendentes homines sancti, pulchra plasmata in gloriam & honorem præparata, hunc ipsum Creatorem, suum plastes; seipsos autem lutum appellaverunt; eleganti confessione, lacrymosâ declamatione: *Et nunc Domine, inquit Isaias, Tu pater noster es & nos lutum, & fictor noster, & opera manuum tuarum, omnes nos.* Et ad Hieremiam loquitur idem plastes noster Deus. *Nunquid sicut figulus iste, non potero vobis facere, domus Israël? ecce sicut lutum in manu figuli, ita vos, in manu mea, domus Israël.* Ostenderat enim illi figulum facientem opus suum super rotam: *Et dissipatum est, inquit, vas quod ipse faciebat è luto manibus suis, conversusque fecit illud, vas alterum, sicut placuerat in oculis ejus, ut faceret.* Hinc idem qui suprà dicit Isaias: *Va qui contradicit fictori suo, testa de samitis terræ.* Hæc & illis similia sciens ille Jurisperitus cœlestis Paulus ait: *O homo tu quis ei qui respondeas Deo? Nunquid potest figmentum dicere ei qui se finxit; Quare me fecisti sic? Aut nunquid non habet potestatem figulus; facere de eodem luto, aliud quidem vas in honorem, aliud verò in contumeliam?*

b Magnum reverentiæ documentum, magnum & congruum taciturnitatis & continentis linguæ instrumentum. Deus plastes noster est, nos autem lutum. Monet hoc vehe-

B 7

menti

a Rupertus lib. 2. cap. 20. in Gen. *b* Rupertus lib. 1. in Jeremiam cap. 10.

menti increpatione Apostolus vas electionis, placitumque æterni figuli opus, monet, inquam, nos, & mittit huc, ut cum Prophetâ isto, præsens divinæ potestatis exemplar videamus. Cùm enim abjectionem fratrum suorum Israëlitarum congemuisset; *Quid ergo, inquit, dicemus? Nunquid iniquitas apud Deum? absit,* nimirum ut hæc diceret, ipse quoque mente humili; in isto Prophetâ, descenderat in domum figuli, & viderat quod domus Israël lutum esset, æquè ut omne cœnum gentium; & quia non pro debito, sed pro solâ gratiâ *Deus figulus omnium*, sumpsit Abraham, cùm esset lutum Chaldaicum, & ex illo, & ex seminis ejus massâ luteâ, fecit quæ voluit vasa misericordiæ, vasa honoris & gratiæ. Quid amplius illi debebat, quam universo luto generis Adæ? hoc ille sapiens & humilis, & ideo verè sapiens, quia humilis, viderat & humiliter sentiebat; quia non propter figuli inertiam, sed propter incomprehensibilem Justitiam, rebelle lutum in manu ejus dissipatum fuerat. Porro ut ad spectandam similitudinem figuli revertamur, dicamus nunc quando figulus ille cognovit figmentum nostrum, suscipiendo pulverem nostrum, tunc ipse faciebat opus è luto manibus suis super rotam adhibitis digitis suis, id est, donis Spiritus Sancti, ut perfecta jam in plenitudine temporis vasa, thesauros susciperent misericordiæ & honoris. Sed ausum est infelix lutum blasphemare figuli sui digitos. Quid igitur? Nimirum figulo justissime digitos

digitos suos foris contrahente, & cum totâ manu feriente, dissipatum est vas, dissipatione validâ.

a Num quæram igitur quis fecit me? Tu Domine fecisti me, sine quo factum est nihil, tu factor mei, ego opus tuum. Gratias tibi ago Domine Deus meus, per quem vivo ego, & per quem omnia vivunt, quoniam fecisti me. Gratias tibi plasmator mei, quia manus tuæ fecerunt me & plasmaverunt me.

b Novisti figmentum nostrum figulus noster, & omnes quasi lutum in manu tuâ.

c Nempe figmentum fragilius, quàm vasa quæ illâ rotatione finguntur.

d Igitur quia sic voluit, & sic sapientia dictavit, unum de quo cæteri propagarentur, formavit hominem de limo terræ, de limo, inquam, terræ. Manifestum est hoc, quia secundum corpus, homo terra est. Terra enim, inquit Dominus, es, & in terram ibis.

e Novit, quid fecerit, quomodo lapsum sit; quomodo reficiendum sit, quomodo adoptandum sit, quomodo ditandum sit. Ecce facti sumus de limo. Primus homo de terrâ, terrenus, secundus homo de cœlo, cœlestis.

f Nosce tamen te ipsum homo: tuæ animæ dicitur in Canticis Canticorum: *Ni cognoveris te formosa in mulieribus.* Cognosce te anima

a August. soliloq. cap. 31. *b* August. soliloq. cap. 20. *c* August. lib. 5. de civit. cap. 3. *d* Rupertus lib. 2. cap. 21. in Genes. *e* August. in Psal. 102. *f* Ambros. in Psalm. 118.

anima quia non de terrâ, non de luto es, quia insufflavit in te Deus animam viventem. Attende tibi, ut lex dicit tibi, id est, Animæ tuæ: sæcularia te & mundana non teneant; terrestria non morentur; ad illum totâ intentione festina, ex cuius inspiratione consistis.

a Cognosce te anima, quia non de terra, non de luto es, quia insufflavit in te Deus, & fecit te in animam viventem. Opus magnificum est homo, Dei inspiratione formatum. Disce homo, ubi grandis, ubi pretiosus sis vilem te terra demonstrat, sed gloriosum virtus facit, fides rarum, imago pretiosum. An quicquam tam pretiosum, quam imago Dei est?

VI.

Peccavi: quid faciam tibi ô custos hominum, quare posuisti me contrarium tibi? Job 7.

ET juvat & merui: pleno scelus ore fatendum est,

Culpa mea est nullo digna patrocinio.

Peccavi, fateor, nec quæ malè crimina feci,

Ullo faceri posse colore, puto.

Nec mihi dedecoris metus est, neque cura pudoris,

Publica flagitiis debita poena meis.

Ecce manus ultrò supplex tibi porrigo victas,

Quæ mihi sit, tantum poena luenda rogo.

Quid tibi vis faciam? vis trudem pectus in enses.

Aut cladi statuam mœsta trophæa mea;

Vis

a Ambros. ibid. ocl. 10.



*Peccavi: quid faciam tibi O custos hominum
quare posuisti me contrarium tibi: Job. 7.*

Vis tua centenis cumulari altaria libis?

Aut pia fumosis thura micare focis?

Aut meus ipse tuas mavis, cruor imbuat aras,

Hostia criminibus substituenda meis?

Ab, foret illa mea vix par quoque victima noxa!

Namque meo est omnis crimine poena minor.

Non tamen est sanas tantus tibi fervor in iras,

Quas lenire cruor solus & ara queant:

Sæpe tuus parti superata mucro pepercit,

Et conservato nomen ab hoste tulit.

Non finit ingenium tantos tibi surgere motus,

Quantis pro merito culpa pianda foret.

O bene terrigentim custos, tutelæque mundi

Publica suspendi tot cui vota salus!

En tua se mediâ clementia monstrat in irâ,

Quaque manu gladios hâc quoq; tendis opem.

Si pateris (quamvis summo meâ causa patroni

Eloquio, melior nullius esse queat)

*Pauca tamen pro me, vel pro te: (quod magis
optem)*

Ne tua sors etiam sit mala causa, loquar.

Non nego, peccavi; communis at hic fuit error:

Damnâne communis criminis una luam?

Cum ruerent alii, malè quo suus impetus illos

Impulit, in flammâs Bacche Venusque tuas?

Dextra suum fulmen, quamvis vibrata, remisit,

Tensâque pro gladio lenis oliva fuit.

Cur mihi perpetuo contra adversâre duello,

Ceu gladiator ego, tûque lanista fores?

Non satis est, culpam fassas tibi tendere palmas,

Criminibusq; iram promeruisse tuam? (sam,

Quid? quod & egregii dederim tibi muneris an-

Materies laudis, dum mea culpa, tua est.

Nam

Nam nisi peccassem, quid tu concedere posses?
Clementis nomen, non habiturus eras.

*Peccavi: quid faciam tibi o custos hominum,
quare posuisti me contrarium tibi? Job. 7.*

a FAMOSA lucta & totius ore Ecclesiæ per orbem celebrata, quâ homo cum Deo luctatus est.

b Sicut enim sunt quædam arma Dei, in quibus esse dicitur lorica Justitiæ & gladius Spiritus, & scutum Fidei; ita etiam sunt arma diaboli, quibus indutus homo peccator. A contrariis igitur intelligamus contraria, & statuamus duos milites armatos; unum militem Dei, alterum militem Diaboli. Et si quidem miles Dei habet lorica[m] justitiæ, sine dubio miles diaboli contrariam huic gerit injustitiæ lorica[m]. Et si miles Dei in galeâ coruscat salutis, è contrario peccator (qui est miles diaboli) galeâ perditionis indutus est. Ita ergo est gladius quidam Spiritus Sancti, in his qui militant Deo; est autem & gladius maligni, in his qui militant peccato, quem gladium nunc evaginare dicuntur peccatores.

c Quis est gladius peccatoris, nisi contrarius gladio Spiritus Sancti?

d Quomodo autem putandi sunt peccatores evaginare gladium? dum jam impudenter, & absque ullo verecundiæ velamento iniquitates suas

a) Rupert. in Gen. l. 8. c. 6. b) Orig. in Ps. 36. hom. 2. c) Ambr. in Psal. 36. d) Orig. hom. 2. in Psalm. 36.

suas perpetrant, nec erubescunt aut reverentur, nec tanquam in vaginâ nequitiam suam recondunt & contegunt, sed superbo & elato spiritu, velut gladium quendam denudant.

a Cum agno pugnaverunt qui Ecclesiam Dei persecuti sunt.

b Hæc pugna cœpta est à principio mundi in Cain & Abel.

Tetendit [impius] adversus Deum manum suam, & contra omnipotentem roboratus est.

c Sunt namque nonnulli, qui etsi aliquando agere contra Omnipotentis Dei iudicium nituntur, ipsa impossibilitate explendæ voluntatis suæ fracti, ad semetipsos respiciunt; atq; ad eum, quem contemnere voluerant, convertuntur; & qui discedere longè poterant, si quod vellent implere valuissent, per hoc aliquando salvantur, quia quod voluerunt implere nequiverunt; unde ad se reducti, cujus sint conditionis, aspiciunt, & plangunt se contraria veritati voluisse.

d Sic Saulum Ecclesiam prosequentem Deus de cœlo vocavit, prostravit, tanquam percussit.

e Nam qui omnia nostra moderatur, ac dispensat Deus, nobis per malitiæ viam incedentibus occurrit, offendicula objiciens, quæ nos à peccato remorentur, & abarceant.

f Sed & nonnulli sunt, qui hoc quod per-

versè

a Ambr. in 17. Apoc. *b* Hugo Card. in eund. locum Job. 13. *c* Greg. in hunc locum. *d* Aug. l. 22. cont. Faustum c. 70. *e* Basilius hom. 13. in Ps. 48. *f* Greg. loco jam citat.

versè contra Deum appetunt, iusto Dei iudicio implere nequius permittuntur, & cum eos malitia accendit, potentia roborat, tanto jam semetipfos in errore cognoscere nequeunt, quanto in rebus affluentibus extra se semper per potentiam trahuntur; de quorum intentione dicitur: *Tetendit adversus Deum manum suam, contra Omnipotentem roboratus est.*

a [Sed] contra Deum pugnare non est facile.

b Tu [igitur anima mea] ne existimes tibi impunè futurum, quod contra Deum pugnare tentaveris.

c Job, cujus rei gratiâ, dimicaret, nesciebat; nesciebat quoniam ei gymnasium palæstra erat proposita; sermonem ad iudicem vertit, animæque oculum ad alta dirigit; non blasphemans sed orans cum lacrymis; Ut quid me posuisti contrarium tibi?

d Tunc autem sibi contrarium Deus hominem posuit, cum homo Deum peccando dereliquit. Justus verò conditor hunc sibi contrarium posuit, quia inimicum ex elatione deputavit.

e Et ecce fatetur [Job] malum quod fecit, sed bonum, quod Deo in recompensationem debeat offerre, non invenit; quia ad ablucandam culpam quælibet humanæ actionis virtus infirma est, nisi hanc misericordia parentis foveat. Cur [ergo] quasi contrarium tibi hominem

a Eccles. 46. b Mach. 1. c. 7. c Chrys. hom. 4. de patientiâ Job. d Greg. in cap. 7. Job lib. 8. cap. 22. e Greg. in cap. 7. Job lib. 8. cap. 21. & 22.



*Cur faciem tuam abscondis, et arbitraris
me inimicum tuum Iob. 13.*

nem despicias, qui certus scio, quia perire ipsum, quem despiciere crederis, non vis?

a Peccavi peccatum grande, & multorum sum mihi conscius delictorum; nec sic despero, quoniam ubi abundaverunt delicta, superabundavit & gratia.

b Miser ego homo? quis me liberabit à calumniâ hujus pudendæ servitutis? miser; sed liber, quia similis Deo, miser, quia contrarius Deo. O custos hominum, quare me posuisti contrarium tibi? posuisti cum non prohibuisti: Alioquin ipse me posui, & factus sum mihi met gravis. Justissimè quidem ut hostis tuus, sit hostis meus, & qui tibi repugnat, repugnet & mihi; ego qui tibi, mihi ipsi contrarius sum.

VII.

Cur faciem tuam abscondis, & arbitraris me inimicum tuum? *Job 13.*

Ergo meus tantæ causam tibi præbuit iræ
Qui condonandus leniter error erat?

Credideram torvos tantum te fingere vultus,

Nec nisi compositis os simulare minis.

Scilicet ut flenti genitrix negat ubera nato,

Sed negat, ut lacrymis sæpius illa petat.

Aut qualis puero fugiens negat oscula nutrix,

Oscula, quæ toties, dum fugit ille, dedit.

Sic ego te fictos rebar mihi ducere vultus,

Utq; magis sequerer, fingere velle fugam.

At

a Aug. manual. c. 23. *b* Bern. serm. 81. in Cant.

At geritur video, dicto res seria bello,
 Falsa, nec, ut rebar larva, sed ira fuit.
 Avertisque oculos, dedignarisque videri.
 Pax veluti nunquam concilianda foret.
 Et fugis, ut viso fugit eminus hostis ab hoste,
 Aut quem fulmineo dente laceffit Aper.
 Seu timeásque oculis visus faceffere nostris
 Oculis oppositâ lumina cauta manu.
 Quo precor hanc tanto merui pro crimine pœ-
 nam,
 Ut velut indignans ora videnda neges?
 An quia peccavi, vultu frustravis amantem?
 Ah! vultu nunquam qui mihi torvus erat.
 Aut mea ne magicas jaculentur lumina flammæ,
 Sibilet aut nostro Regulus ore, times?
 Anteveni tutis Cyrceos visibus orbes,
 Vibratâmq; oculo pelle nocente necem.
 Donec enim verso me dedignabere vultu,
 Te, dolor, irato vivere, major erit.
 Nullius alterius faciunt mihi lumina bellum,
 Luminibus possum Phœbe carere tuis:
 Pulchra tuos oculos contemnere Cynthia possum,
 Qui pascunt reliquas igne nitente faces;
 Attamen absque tuis oculis, mea vita, meum cor
 Vivere, non aliter quàm sine corde, queo.
 Cense igitur aliquas quibus obruor anxia curæ;
 Si tam dura oculis pœna carere tuis?
 O quantò! ô quantò mihi grandius hoc tormen-
 tum est,
 Te quod amen mea lux, me tamen haud re-
 dames!

Cur faciem tuam abscondis, & arbitraris me inimicum tuum? Job. 13.

a **Q**Uare faciem tuam avertis, gaudium meum per quod gaudeo? ubi es absconditus, pulcher, quem desidero? odorem tuum haurio, vivo & gaudeo; te autem non video; vocem tuam audio & revivisco; sed *cur faciem tuam abscondis?* fortè dicis; *Non videbit me homo & vivet.* Eia Domine, moriar, ut te videam; videam, ut hîc moriar. Nolo vivere, volo mori; dissolvi cupio, & esse cum CHRISTO; mori desidero ut videam CHRISTUM; vivere renuo, ut vivam cum CHRISTO.

———— *Lumen persæpè tuenti,
Numinis æterni, nubes densissima, sese
Protinùs injecit mediam, sèque abdedit ingens
Fulgor, & ardentem fixit mihi corde dolorem,
Ut mihi jam propiùs posito se præpete cursu
Eripuit, cepitque fugam. Cur istud? Amari
An quod à me semper cupiat, cupidèque requiri?
Namque ita moris habent homines quoque.*

c Si quis enim offenderit servulorum, avertere ab eo vultus solemus. Si apud homines hoc grave dicitur, quantò magis apud Deum? vides enim quòd faciem suam Deus à Cain muneribus avertit. Ideò David orat ut flagelletur potiùs quàm projiciatur à facie Dei. Ideò justus ait: *Vultum tuum Domine requiram,* grande ergo supplicium, projici à facie Dei. Projectus est Adam de Paradiso; neque immeritò,

a *Aug. soliloq. c. 1.* **b** *Nazianz. de virtute humanâ.* **c** *Ambr. Apolog. pro David.*

ritò, ipse enim antè *se absconderat à facie Dei*. Exivit & Cain à facie Dei, quia putavit Deum esse fallendum, ut crimen negaret. Quomodo projiciat Deus à facie suâ, audi dicentem: *Tollite illum in tenebras exteriores.*

a Igitur quæ Anima semel à Deo didicit in intimis suis Dei præsentia suspirare, & *quærere faciem ejus semper*, talis anima, nescio, an vel ipsam gehennam ad tempus experiri horribilius pœnaliùsve ducat, quam post spiritualis studii hujus gustatam semel suavitatem, exire denuò ad illecebras, vel potiùs molestias carnis: audi enim hominem expertum quæ loquitur: *Bonus es, inquit, Domine, sperantibus in te, animæ quærenti te.* Audi & alium similem huic: *Tibi dicit cor meum; exquisivit te facies mea, faciem tuam, Domine, requiram.* Ab hoc bono, si quis avertere sanctam illam animam conaretur, puto, haud secus accepisset, quam si de Paradiso, & ab ipso introitu gloriæ, conspiceret deturbari.

b Est enim [CHRISTUS] fulgor æternus animorum, quem ideo Pater misit in terras, ut ejus illuminati vultu, æterna & cœlestia sperare possimus, qui antè terrenâ caligine tenebamur inclusi.

c Desiste [ergo anima] hominis habere peccata, & videbis faciem meam; qui enim faciem meam videt, debet esse sine peccato. Esto Angelus, hoc est, divini minister imperii; obsequere

a Bern. serm. 35. in Cantic. *b* Ambr. in Ps. 43.
c Ambr. in Psal. 118.

quere mandatis Domini: cum fueris Angelus, videbis faciem Domini, ipse Dominus JESUS ait: *Beati mundi corde, ipsi enim Deum videbunt*: advertis quid à te exigatur ut videas Deum? Emunda igitur cor tuum.

a [Sed] avertere à nobis Deum faciem suam putamus, quando sumus in aliquibus afflictionibus constituti.

b Ne timeas, ô Sponsa, ne desperes, ne exstimes te contemni, si paulisper tibi subtrahit Sponsus faciem suam. Omnia ista cooperantur tibi in bonum, & de accessu & recessu lucrum acquiris. Tibi venit, tibi & recedit; venit ad consolationem, recedit ad cautelam.

c O bona abscondio, quæ efficitur perfectio! Gloria mea, Deus meus, abscondis thesaurum tuum, ut incites cupidum; recondis margaritam; ut augeas quærentibus amorem; differs dare, ut doceas petere; dissimulas audire petentem, ut facias perseverantem, quod planè indicat illa flebilis, quæ tuum in sepulchro natum CHRISTUM, inter mortuos, quærebat vivum, durantibus adhuc tenebris; quam accenderas ut quæreret, sed quærenti disparebas ut perseveraret: perseveravit sperans, & speravit perseverans? & quia in spe perseveravit, videre te meruit. Beata visio & plena exultatio.

d Placare, obsecro, & miserere mei, & non avertas faciem tuam à me, qui pro me redimendo non avertisti faciem tuam ab increpantibus & conspuentibus in te.

C VIII.

a Ambr. in Psal. 43. *b* Bern. in scala. *c* B. Anselmi medit. cap. 5. *d* Aug. med. cap. 39.

VIII.

Quis dabit capiti meo aquam, & oculis
meis fontem lacrymarum, & plorabo
die ac nocte? *Hierem. 9.*

Quis mihi det, liquidas caput hoc vertatur in
undas,

Tòtque fluat guttis, quod stetit antè, comis,
Fronte patet campus quem flebilis imber inundet,
Ripa nec, ut fluctus exspatiantur, obest.

O mea, si subitò, duo flumina, lumina fiant!

Sat capiet geminas alveus aptus aquas.

Ille meis totus lacrymis non sufficit imber;

Perpetuò flentis, qui rigat ora senis.

Capta nec Andromache, quâ lumina proluit undâ,

Illa meis lacrymis unda sat esse potest.

Nec tua, Iesside, lacrymati balnea lecti,

Balnea nocturnis humida semper aquis.

Nec quibus es solitus jejunia pascere, guttae,

Nocte, dieque tuus quæ tibi panis erant:

Illa nec illuvies plorabilium lacrymarum

Quam pluit in Domini Magdala mœsta pedes:

Nec (tibi, qui geminis inaraverat humida sulcis

Lumina) fons mœsta, Petre perennis aqua.

Sed tua, Nile, velim septemplice flumina rivo,

Cùm vagus Isiacos obruis amnis agros.

Aut qualis madidum cùm mergit Aquarius an̄um,

Totâque in hybernas astra liquantur aquas;

Aut potius trepidas qualis ruit imber in urbes,

Omnia cùm pluvio claustra reclusa Jovi.

Culinaq; & turres & acuta cacumina, cautes,

Et nemora, & montes, nil nisi pontus erant.

Hos



*Quis dabit capiti meo aquam, et oculis meis
fontem lacrimarum, et plorabo die
ac nocte. Hierem. 9.*

228

228

Hos oculis voveam gravidis mihi currere nimbos,

Et caput hoc, totus fiat ut Oceanus.

Aut saltem tu geminos tabescere lumina rivos,

Perpetuove meas amne nata e genas.

Nec ficcari oculos, nisi cum stupor obstitit illis,

Finiat ut lacrymas ultima gutta meas.

Felices nimium, vitrea, gens cerula, nympha,

Membra quibus fluido sunt liquefacta vitro!

Vosque paludosis mutatae fontibus artus,

Quas vetus est quondam fama professa nurus.

Cur mihi non liquidis stillant quoque brachia rivis,

Glaucaeque muscosis fluctuat unda comis?

Ille ego sum fontem quae non admittor in ullum,

Ille ego sum frustra quae liquor esse velim.

O utinam! celerem vertar, novus Acis, in amnem,

Qui, Galatae, tuo flumen amore fuit.

Aut aliquod, fieri jubeat me Biblida, Numen,

Quod fieri jussit Biblida, fontis aquam!

Aut, Acheloë, tuam liceat mihi ludere formam,

Hercule decepto, cum leve flumen eras!

Non ego tunc, Acheloë, precaria corpora ponam,

Taurus, ut exuto fluminis ore, puter.

Et licet obscuri fuerim nisi nominis amnis,

Non ego me nomen vile fuisse, querar.

Jugis aquae largus tantum mihi suppetat imber,

Cetera, securum nomen honoris erit.

Tum mea inexhaustos deducunt lumina rivos,

Pindus ut aestivâ de nive, voluit aquas.

Perque fluent lacrymae, veluti vaga flumina vultum,

Flumina luce fluent, flumina nocte fluent.

Nec nisi flere meis oculis erit ulla voluptas,

Donec erunt lacrymis crimina mersa meis.

Quis dabit capiti meo aquam, & oculis meis fontem lacrymarum, & plorabo die ac nocte? Hierem. 9.

^a **S**I totus vertar in fletum, & nequaquam guttæ sint lacrymarum, sed abundantia fluminis, non satis dignè flevero.

^b *Quis dabit capiti meo aquam, & oculis meis fontem lacrymarum?* ut præveniam fletibus fletum & stridorem dentium, & manuum pedumque dura vincula; & pondus catenarum prementium, stringentium, urentium, nec consummentium. Heu me mater mea, ut quid me genuisti filium doloris, filium amaritudinis, indignationis & plorationis æternæ!

^c Nescit flere qui flenda committit; & cum sit ipse lacrymabilis, non habet culpæ lacrymas suæ.

^d Axa suspirans, à patre terram irriguam petit, quia à creatore nostro, cum magno desiderio, quærenda est lacrymarum gratia. Hinc irriguum superius accipit anima, cum sese in lacrymis cœlestis Regni desiderio, affligit: irriguum verò inferius accipit, cum inferni supplicia flendo, pertimescit.

^e Tu quidem Rex gloriæ & omnium virtutum magister, docuisti nos verbo & exemplo gemere ac flere; dicens: *Beati qui lugent, quoniam*

^a Hieron. in c 9. Hierem. ^b Bern. serm. in 16. Cant. ^c Ambr. in Psalm. 118. ^d Greg. lib. 3. dial. c. 34. & lib. 6. registri. ^e Aug. med. cap. 36.

niam ipsi consolabuntur. Tu flevisisti defunctum amicum, & lacrymatus es valdè super perituram civitatem. Rogo te, bone Jesu, per illas pretiosissimas lacrymas tuas, & per omnes miserationes tuas, da mihi gratiam lacrymarum quam multum desiderat & appetit anima mea, quia sine dono tuo, non possum habere eam: sed per Spiritum sanctum tuum, qui dura corda peccatorum mollit, & ad fletum compungit; da mihi gratiam lacrymarum, sicut dedisti Patribus nostris, quorum vestigia debeo imitari, ut plangam me in omni vitâ meâ, sicut ipsi se planxerunt nocte ac die. Da mihi irriguum superius & irriguum inferius, ut *sint mihi lacrymæ panes die ac nocte.* Da mihi, dulcissime, fontem irriguum fontemque perspicuum, in quo lavetur assidue istud iniquitatum holocaustum. Da mihi gratiam lacrymarum benedictæ & amabilis Deus, præcipue ex multâ dulcedine amoris tui & commemoratione misericordiarum tuarum. Tribue pro bonitate & pietate tuâ, ut iste calix tuus inebrians & præclarus satiet sitim meam.

a Lacrymæ siquidem sunt peccati diluvium & mundi piamentum.

b Et sicut torrens, diversa obstacula diruit, sic lacryma ferventis desiderii, omnia peccata diluit, omnia tormenta contemnit, & cursum suum ad Deum peragit, usque dum perveniat ad aspectum Dei. Ecclesiastici c. 35.

C 3

a Nonne

a Nazianz. orat. 3. *b* Hugo Card. in cap. 9. Hier.

a Nōne lacrymæ viduæ ad maxillam descendunt? A maxillâ enim ascendunt, usque ad cœlum.

b Percute Domine, percute, obsecro hanc durissimam mentem meam, piâ & validâ cuspi-
de dilectionis tuæ, & altius ad intima penetra-
potenti virtute; & sic de capite meo educ aquam
immensam, & de oculis meis verum fontem la-
crymarum jugiter manantem ex nimio affe-
ctu, desiderio visionis pulchritudinis tuæ; ut lu-
geam die ac nocte, nullam in præsentî vitâ re-
cipiens consolationem.

c Da mihi, quæso, lacrymas ex toto affectu
internas, quæ peccatorum meorum possint so-
luere vincula, & cœlesti jucunditate semper re-
pleant animam meam. Venit mihi in mentem
alterius mulieris devotio mira, quæ in sepulcro
jacentem, præ amore quærebat, quæ receden-
tibus discipulis de sepulcro non recedebat,
quia sedebat ibi tristis ac mœrens. Si ergo ita
flevit, & in fletu perseveravit mulier, quæ vi-
ventem cum mortuis quærebat, quæ te manu
fidei tangebatur; quomodo me plangere & in
plandû persistere debet anima, quæ te redem-
ptorem suum jam cœlo præsentem, & ubique
regnantem corde credit, ore confitetur? Quo-
modo ergo gemere & flere debet talis anima,
quæ te toto corde diligit, teque toto desiderio
videre concupiscit?

IX.

a Vers. 16. Vers. 19. *b* Aug. med. cap. 37.
c Aug. med. cap. 36.



Dolores inferni circumdederunt me, preoccupaverunt me laquei mortis Psal. 17.

IX.

Dolores inferni circumdederunt me,
 præoccupaverunt me laquei mortis.
Psal. 17.

ERgo iterum *Atæon* aliquis nova fabula fiet
Infelix canibus præda voranda suis?

En, mihi mens nemorum studiis juvenilibus arsit,
Et perit studiis mens promptè capta suis.

Mens fuit, ancipites venatu pellere curas;
Non tamen in sylvis, pulchra Diana, tuis.

Sylva mihi rabidis non est latrata molossis,
Lustra nec infestâ sollicitata cane.

Nec juga Taygeti neque Menala territa cornu,
Nec fulvus volucris cuspide stratus aper.

Nec mea Partheniis circumdata retia sylvis,
Nec meditata feris callida lina dolos.

Numquam ego vel pedicas, venabula tela, vel
arcus,

Ullave Spartana Virginis arma tuli.

O utinam mens ista mihi, Dictynna, fuisset!

Non ego nunc prædæ cingerer arte mea.

Heu quibus imprudens studii mihi torpuit ætas!

Quin potius, nemorum crura notata rubis?

Cur quæsta tuis mihi præmia, Bacche, trapedis?

Aut agitata tuis præda, Cupido, jugis?

Non tantum pharetram neq; tantum tela Cupido,

Cauta sed, ut fallas, fila plagasque geris.

Pampineos tantum neque concutis Euvæ thyrsos,

Sunt quoque, quæis capias ebria crura, doli.

Dùm surgit Dalila Samson malè tonsus ab ulnis,

Vincta Philisthæo brachia fune tulit.

Cum jacet ignoto Noë superatus Jaccho,
 Compede succiduos stringis Jacche pedes.
 Idalis, ecce, suis jam me quoque cassibus ambit,
 Qua toties votis praeda petita meis. (gor!
 Hei mihi, quot circum pedicarum indagine cin-
 Seu fera venantium prapete septa globo.
 Scilicet illa fuit spectri feralis imago,
 Antonio; celsi vertice visa jugi?
 Cum patuere, oculi collecta sub unius ictum
 Omnia que mundo didita regna jacent;
 Omnia, ceu parvâ tellusque polusque tabellâ,
 Pictâque stant minimo corpora tota vitro:
 Omniâque hæc ingens obsepserat undique rete,
 Multâque furtivis stamina sparsa viis.
 Quisque suas fraudes, sensit sua vincula quisque;
 Hic caput, ille pedes vinctus, & ille manus.
 Sic sua deceptum laquearat quemque voluptas
 Ut visco stolidæ decipiuntur aves.
 Ab! sua nexilibus tendit mors undique tramis
 Retia, arachneæ callidiora dolo.
 Utq; sedet nigro venator araneus antro,
 Insidians pennis, stridula musca, tuis:
 Sensit ubi motâ, trepidare, cubilia, tela,
 Emicat, & trepidam raptat in antra feram:
 Aut qualis viridi latet arbore callidus anceps,
 Pennipedi meditans vincla dolosa gregi.
 Linigeros abdit vicino gramine vallos,
 Spargit & in nitido plurima grana solo.
 Et circum inclusas secretâ crate volucres,
 Quæque canant vinctæ compede, ponit aves.
 He, saltu, & cantu; levis ille foramine buxi;
 He socias, prædam decipit ille suam.

Venan-

*Venantium haud aliter scelerum comitata corona
 Implicat insidiis mors sua quemque suis,
 Quisque super laqueos nixus dare corpora saltu,
 Heu miser, in stygias praecipitatur aquas!*

Dolores inferni circumdederunt me, praecupaverunt me laquei mortis. Psal. 17.

a **E**cce Domine Deus meus, mundus totus plenus est concupiscentiarum laqueis, quos paraverunt pedibus meis, & quis effugiet hos laqueos?

b *Venatione ceperunt me quasi avem inimici mei gratis.*

c Avis enim quæ descendit ex alto, vel quæ in altum se extollere non potest, frequenter aut laqueis capitur, aut visco fallitur, aut quibuscunq; irretitur insidiis: sic quoque & anima nostra. Laqueus, in auro; viscus in argento, nexus, in prædio; clavus est in amore. Dum aurum petimus, strangulamur; dum argentum quærimus, in visco ejus hæremus; dum prædium invadimus, alligamur. Quin etiam mulieris decus, dum tentat, astringit.

d Sed qui sunt venatores isti? venatores utiq; pessimi & nequissimi, callidissimi & crudelissimi. Venatores qui cornu non sonant ut audiantur, sed sagittant in occultis immaculatum. Ipsi Rectores sunt tenebrarum harum, astutissimi

C s versutiâ

a Aug. soliloq. cap. 12. *b* Hierem. Thren. 3.

c Ambr. de bono mortis c. 5. *d* Bern. serm. 3. super Qui habitat in adjutorio.

versutiâ & malitiâ diabolicæ fraudis; ita ut, sicut est ante venatorem bestia; sic ad eorum comparisonem sit quilibet astutissimus hominum.

a O anima fragilis ad resistendum, facilis ad cadendum, difficilis ad surgendum! qualiter istius adversarii laqueos evadere poteris, quem tantis subtilitatibus præditum agnoscis?

b Intellige quia in medio laqueorum ambulas, & subtus machinas transeas imminentes. Omnia retibus plena sunt; Diabolus laqueo cuncta complevit.

c Ecce tetendit ante pedes nostros laqueos infinitos, & omnes vias nostras variis implevit decipulis, ad capiendas animas nostras, & quis effugiet? laqueos posuit in divitiis, laqueos posuit in paupertate, laqueos tetendit in cibo, in potu, in voluptate, in somno, & in vigiliâ, laqueos posuit in verbo & in opere, & in omni viâ nostrâ.

d *Abscondita est in terrâ pedica ejus, & decipula illius super semitam.* In terrâ pedica absconditur cûm culpa sub terrenis commodis occulta-
tur; inimicus quippe insidians ostendit humanæ menti, in terreno lucro, quid appetat, & occultat peccati laqueum; ut ejus animam stringat, quatenus videat quid est quod concupiscere valeat, & tamen nequaquam videat in quo culpæ laqueo pedem ponat. Et tunc ab antiquo hoste super semitam decipula ponitur, quando in
actione

a Bonavent. cap. 1. soliloq. *b* Orig. hom. 2. in Cantic. *c* Aug. soliloq. c. 16. *d* Greg. lib. 14. mor. c. 6. in c. 18. Job.



*Non intres in iudicium cum seruo tuo, quia non
iustificabitur in conspectu tuo omnis viuens Ps. 144.*

Nam quamvis miseris bonus es, veniãq; paratus,
Attamen in fontes jure severus agis,
Et tibi tam justã pendet lanx utraque librã,
Par sit ut ex æquo gratia, parq; rigor.
Nec finis affectus, captivãque pectora duci,
Nec subigunt animum lenia verba tuum.
Nec, si caussidici vox incantaverit aures,
Facundã minimum diluat arte nefas.
Perdedit hic cassas facundia, Suadaque vires,
Et filet hoc omnis gratia muta loco.
Nec prece, nec pretio, nec fraude, nec arte, nec astu
Prostitit hoc unquam vendita causa foro.
Quis secet intrepidus tam duro Judice lites,
Aut tantum impavidus pareat ante Deum?
Non ego si sævi vicer inter ovilia Martis,
Dura tui metuam septa, Gradive, fori. (rum
Nec trepidem (licet ipsa decem citet hasta viro-
Ne mea, centeno judice, caussa labet.
Nec tua, (causarum scopulos) infamia, Cassi,
Pulpita, si jubet Prætor, iniqua querar.
Nec Rhadamantæ verear subsellia rixæ,
Scamnãque Dydæi litigiosa senis.
Nec, quibus inclusas tenet arbiter Æacus umbras,
Infernis dubitem jura subire plagis.
Quilibet in caput hoc dicet suffragia judex,
Et ferat immites qualibet urna notas:
Causarum mihi tot lingua est inflata trophæis,
Se putet ut nullo cedere posse foro.
Unius at timuit solummodo Judicis urnam,
Judicis & testis qui vice solus agit.
Qui semel ut sævã sententia lata tabella est,
Nec prece, nec lacrymis, triste retractat opus.

*O durum; ô fatale reis, miserique tribunal!
 Quo Judex rigido tam gravis ore sedet!
 Dicitur attonitis & ternâ luce supinis
 Hunc oculis Ægathon extimuisse diem.
 Utq; sibi noxæ Paulus non conscius esset,
 Hoc tamen est veritus iudice stare nocens.
 Quique sui Salomon doctissimus audiit avi,
 Mens pura est, quenquam dicere posse, negat.
 Quin sacer hâc etiam trepidus formidine Psaltes;
 Iudice te, tutus quis reus, inquit, erit?
 Quique tot adversos tulit æquo pectore casus,
 Vix fore clara satis fidera; Jobus ait.
 Si trepidant igitur, tanto censore, columna,
 Quo stabunt tabula, ligna caduca pede?
 Sique tremunt pavida nutante cacumine cedri,
 Quâ spe parva suam sylva tenebit humum?
 Frigidus, heu! refugit toto corpore sanguis,
 Aspectus quoties hæc subit urna meos.
 Non secus ac visâ cum victima fortè securi,
 Decepto refugit verberare tinsa caput.
 Parce precor, neq; jus mihi dic hâc cognitor urnâ
 Sancta Themis caussâ qua cadat ipsa suâ.*

*Non intres in iudicium cum servo tuo, quia
 non justificabitur in conspectu tuo omnis
 vivens! Psalm. 142.*

***N**on litigemus; nolo tecum habere cau-
 sam, ut ego proponam justitiam meam, tu
 convincas iniquitatem meam. Indignum est tibi,
 cum servo tuo intrare in iudicium, nec quidem
 cum*

a August. in Psalm. 142.

cum amico tuo. Noli ergo intrare mecum in iudicium Domine Deus meus. Quantumlibet rectus mihi videar, producis tu de thesauro tuo regulam; coaptas me ad eam, & pravus invenior; *ne intres in iudicium cum servo tuo*: misericordiâ indigeo, fugitivus redeo, pacem quæro.

a Dignum ducis, super hujusmodi aperire oculos tuos, & adducere eum tecum in iudicium?

b Vocat te: in iudicium venies. Quid respondurus es ei, qui nisi iterum tibi donet, peristi? ideo S. David iudicium refugit, misericordiam poscit, dicens: *& ne intres in iudicium cum servo tuo.*

c Quid enim tam pavendum, quid tam plenum anxietatis & vehementissimæ sollicitudinis excogitari potest, quam iudicandum astare illi tam terrifico tribunali, & incertam adhuc expectare sub tam districto Iudice sententiam. *Horrendum est*, ait Apostolus, *incidere in manus Dei viventis.*

d Ipse est autem testis & Iudex, Iudex & testis, quem nulla conscientia peccatrix effugere potest. Omnia enim nuda & aperta sunt oculis ejus.

e Et sicut illi, qui è carceribus educuntur, una cum ipsis catenis ad iudicium protrahuntur, sic omnes animæ, cum hinc emigraverint, variis peccatorum catenis implicite ad terribile illud ducentur tribunal.

a [Et

a Rupert. l. 5. in c. 8 Apoc. *b* Greg. l. 9. mor. c. 24. in c. 9. Job. *c* Ambr. præf. in 4. l. super Evang. Luc. *d* Chrys. hom. 33. *e* Hieron. epist. 1. ad Heliod.

a [Et ecce ego] jam jam præsentabor ante districtum judicem de operibus meis rationem redditurus. Væ mihi misero cùm venerit dies illa judicii, & aperti fuerint libri, in quibus omnes mei actus & cogitationes Domino præsentandæ recitabuntur. Tunc demisso capite præ confusione malæ conscientæ in judicio, coram Domino, stabo trepidus & anxius, ut potè commemorans scelera commissa meorum. Tunc anima inveniens oculos clausos, & os, aliosque corporis sensus per quos solemus egredi & delectari in his exterioribus, reuertetur ad se, & cadet sub se: & quia amore mundi & carnis voluptate, Dei amorem dereliquerat, derelinquetur à Deo misera in horâ tantæ necessitatis, atque dæmonibus tradetur in inferno crucianda. [Anima mea] ingenti horrore concutitur, & multiplicibus cogitationum æstibus agitatur, cùm urgente solutione carnis, & subductis è medio omnibus, se & illum terminum considerat, cui appropinquit; & post paululum hoc invenit quod in perpetuum mutari non poterit.

b Neque enim tunc immeritò cujuslibet anima terretur, quando post pusillum hoc invenit quod in æternum mutare non possit. Consideramus quippe quod viam vitæ præsentis nequaquam sine culpâ transire potuimus. Consideramus etiam, quia nec hoc quidem, sine aliquo réatu nostro est, quod laudabiliter gessimus, si remotâ pietate judicemur. Quis enim nostrum

a Bern. med. cap. 2. *b* Greg. lib. 24. mor. cap. 2.

nostrum vitam præcedentium Patrum valeat vel superare vel assequi. Et tamen David dicit, *Ne intres in iudicium cum servo tuo: quia non justificabitur in conspectu tuo omnis vivens.* Paulus cum diceret, *Nibil mihi conscius sum;* cautè subjunxit: *Sed non in hoc justificatus sum.* Joannes dicit: *Si dixerimus, quia peccatum non habemus, ipsi nos seducimus, & veritas in nobis non est.* Jacobus ait: *In multis offendimus omnes.* Quid ergo facient tabulæ, si tremunt columnæ? aut quomodo virgulta immobilia stabunt, si hujus pavoris turbine etiam cedri quatuntur? Solutioni ergo carnis appropinquans nonnunquam terrore vindictæ etiam iusti anima turbatur.

a Quantâlibet enim justitiâ polleant, nequaquam sibi ad innocentiam vel electi sufficiunt, si in iudicio districtè requirantur: sed hoc tunc ad solatium suæ ereptionis inveniunt, quod nequaquam se posse sufficere humiliter sciunt. Sub humilitatis ergo tegmine, à gladio se tantæ animadversionis abscondunt, & quo terrorem venturi Judicis præstolantes continuo timore trepidant, eo indefinenter agitur ut paratiores fiant.

b Noli, quæso, piissime Domine, scribere adversum me amaritudines meas, ut *intres in iudicium cum servo tuo, sed secundum multitudinem miserationum tuarum dele iniquitatem meam.* Væ mihi misero, cum venerit dies Judicii, & aperti fuerint libri conscientiarum, cum
dicetur

a Greg. cap. 23. in cap. 7. Job. *b* Aug. med. cap. 39.

dicetur de me: ecce homo & opera ejus, quid faciam tunc, Domine Deus meus, cum cœli revelabunt iniquitatem meam, & adversum me terra consurget? Ecce nihil respondere potero, sed demisso capite, præ confusione, coram te stabo trepidus & confusus. Heu me miserum, quid dicam! clamabo ad te Domine Deus meus, *Quare jacens consumor?* Plange anima mea, sicut vidua super virum pubertatis suæ, ulula misera & plora, quoniam dimisit te sponsus tuus? Miserere, ne desperem, sed te spirando respirem; & si ego commisi unde me damnare potes, tu non amisisti unde salvare soles, ne memineris, dulcissime Jesu, tuæ justitiæ adversus peccatorem tuum, sed esto memor benignitatis tuæ adversus creaturam tuam; ne memineris iræ adversus reum, sed memor esto miserationis tuæ adversus miserum, obliviscere superbum provocantem, & respice miserum invocantem. Quid enim est Jesus nisi Salvator?

XI.

Non me demergat tempestas aquæ, neque absorbeat me profundum.

Psal. 68.

O Nimis instabilis dubii inconstantia Ponti,
 Qui tot pellicibus carbasa fallis aquis!
 Nempe fluis vitreis refluisque argenteis undis,
 Mentitûrque tuus dura metalla liquor.
 Nonnunquam placidus, tacita stas more paludis,
 Nec magis ulla lacu stagna modesta jacent.

Sapè



*Non me demergat tempestas aqua, neq; absor-
beat me profundum. Psal. 68.*

Sapè tibi horrificat vix summum fluctibus æquor,
Cum levis exiguo stringitur unda Noto.
Mobilibusque salit circum cava ligna choreis
Subsiliuntque levi vela petulca rate.
Quin finis æratis findi freta mollia rostris,
Utq; tibi canas tonsa flagellat aquas :
Nunc, velut è duro rigeant tibi terga metallo,
Tot teneris remis, terra quot ipsa votis.
Et tua, ne quâ parte, fides suspecta laboret,
Marmoræ perspicuo pandis aperta sinu :
Ceu crystallineo nequeat fraus esse profundo,
Aut lateat vitreo nullus in amne dolus. (pim,
Ecce ubi discinctam jam non tenet anchora pup-
Auræque remigio prona secundat iter ;
Quàm cito deserto discessit littore pinus,
Et jam nulla domus, nulla videtur humus ;
Improvisa ratem medio circum æquore cingunt,
Hippotada laxis agmina missa cavis.
Non secus ac servâ servus damnatus arenâ
Opprimitur Libycis præda voranda feris.
Aut nemorum latebris deprensus fortè viator,
Prædonum subitò cingitur orbe latus.
Tum surgit tumidis præsagum fluctibus æquor,
Venturòque tremat discolor unda metu :
Mox ubi decertant simul Africus simul & Euræus,
Et Notus & Boreas incubuère salo ;
Finditur abruptus varia in divortia pontus,
Distrabit ut fluctus quæque procella suos.
Et patet horrendo præceps Neptunus hiatu
Mersurus pelago circumeunte ratem.
Heu! gemit hic tumido pendens trabs anxia fluctu.
Et perit, undecimâ si prior unda venit.

Aut

Aut hæc, aut similis salis est fallacis imago,
 Tam citò de placido seva fit unda mari.
 Sed mihi, mentito simulata est fabula ponto,
 Non ego de vestris, Tethy, querebar aquis.
 Nec mihi, de rapidis, qui torquent æquora, ventis,
 Nec mihi de regnis, Æole verba tuis.
 Nec mihi, de levibus, temerarie Typbi, carinis
 Ire quibus liquidum primus es ausus iter.
 A patrio numquam soluit mea littora puppis,
 Nec vidi vires, Numina falsa, Deos.
 Nec ventos didici, neque ventis vela tetendi,
 Qui facit hanc artem, quam facit, arte luat.
 Quem cecini pontus, mea vita, simillima ponto est,
 Quaque tulit puppis, illa ego, puppis eram.
 Æolida magno flantes circum agmine fratres,
 Sunt animi motus, gens violenta, mei.
 His ventis, hæc nave, per hæc ego carula currens,
 Tot sensi humanis rebus inesse vices.
 O fallax nimium mendaci vita sereno,
 Quæ nigra de letis tam citò regna facis?
 Nulla deest Venerum tibi copia, nulla lepòrum,
 Omnia blanditiis, lætitiisque fluunt.
 Dum furit intus amor venisque agitata libido,
 Tristi nihil, fraudem fraude tegente, patet.
 Ast modò, cum stygio vitiorum erumpere fluctu,
 Hisque animum ventis asseruisse lubet;
 Tunc videt, heu! quanto fuerit mens hausta pro-
 fundo,
 Quoq; gemit, scelerum quàm grave sentit onus.
 Atque utinam: ut, liquidis Pelagi qui mergitur
 undis,
 Exerit Oceano tæque quatèrque caput;

Sic

Sic imo scelerum mersus semel æquore mentem,
 Submersas superis tendet ab amne manus!
 Sed velut in tetrum lapsus telluris hiatus,
 Quem simul & putei tracta ruina tegit;
 Aut gelidas fracto subiit qui marmore crustas,
 Nequicquam obstructo flumine tentat iter:
 Non aliter, prono scelerum qui vortice raptus
 Vix tulit à superis, unus & alter, opem.
 Aspicias, ut certem pugnantibus, una, duobus;
 Bella movente Noto, bella movente salo?
 Aspicias, ut caput hoc prope mergat & Auster &
 unda,
 Jamque mercaturas ducere cogar aquas?
 Aspicias hanc animam gemino succumbere fato?
 Nec tuâ sunt velis astra secunda meis?
 Aspice nec rabido luctantem desere ponto,
 Naufraga nec medio lina relinque freto.
 Tende manum potius misera, Palinure, natanti,
 Et mento digitos subde vocare tuos.

Non me demergat tempestas aquæ, neque ab-
 sorbeat me profundum. Psal. 68.

a QUam diu miser jactabor in fluctibus mor-
 talitatis meæ, clamans ad te, Domine, &
 non audies? Audi clamantem Domine de hoc
 mari magno, & adhuc me ad portum felicitatis
 æternæ. Felices, qui de periculo maris hujus
 educi, ad te, Deum, portum tutissimum perve-
 nire meruerunt! ô verè felices, qui de pelago
 ad littus, de exilio ad patriam, de carcere ad
 palatium

a Aug. soliloq. c. 35.

palatium pervenerunt, optatâ jam quiete beati! Infelices heu nos miseri, qui per *maris hujus magni fluctus procellosasque voragines navim trahimus!* ignorantes, an ad portum salutis pervenire valeamus!

a Pater misericordiarum, audi ejulatum pupilli tui, & porrige manum tuam, optimam adjutricem, ut retrahat me *de profundis aquarum, & de lacu miseriæ & de luto facis*, ne peream vidente misericordiâ oculorum tuorum, aspiciente clementiâ viscerum tuorum, sed evadam ad te, Dominum Deum meum.

b Pelagus enim longè lateq; protensum *hec vita*; & quemadmodum in mari universo sinus diversi, aliis atque aliis tempestatibus commoventur præcipuè: velut Ægæum ventis exasperatur; Thyrrenum verò fretum propter angustias; Charybdis autem quæ est Libyen versus, propter stagna Syrtes & breviam. Pontus magnitudine fluctuum atq; impetu; Hispanicus Oceanus, quia invius, carentiâ portuum & locorum ignorantiam intricatus, difficilis navigantibus est, similiter alia Pelagi pars, aliis de causis: sic & in vitâ nostrâ fieri videmus.

c Navium quoque nomine *vita hominum transitoria* designatur: quemadmodum & in Job: *Dies mei, inquit, transferant sicut naves, poma portantes.*

d Et huc, illucque *mentis nostræ navis* impellitur,

a Aug. soliloq. c. 37. *b* Chrysost. hom. 82. in Matth. *c* Rupert. l. 5. in c. 8. Apoc. *d* Greg. l. 9. mor. c. 24. in c. 9. Job.

pellitur, quia & Paradisi celsitudinem meminimus, & importunos *tentationum fluctus* ex carne toleramus.

a Quod autem mare abruptius quàm sæculum? tam infidum, tam mobile, tam profundum, tam immundorum spirituum flatibus procellosum?

b Quod à diversis peccatis & variis *tentationibus*, velut quibusdam fluctibus æstuat, de quo scriptum legimus: *Hoc mare magnum & spatiosum.*

c Nolite credere, nolite esse securi; licet in modum stagni fufum æquor arrideat; licet vix summa jacentis elementi spiritu terga crispentur; magnos hic campus montes habet. Intus inclusum est periculum, intus est hostis. In illo æstu, charybdis luxuriæ salutem rotat. Ibi ore virgineo, ad perpetranda naufragia scylla seu renidens libido blanditur. Hic barbarum littus, hic Diabolus pirata, cum sociis portat vincula capiendis.

d In hoc magno sæculi hujus diluvio, ubi circumflantibus procellis non invenitur fida statio, & locus eminentior ubi pes columbæ aliquatenus valeat requiescere.

e Magnam faciunt tempestatem multitudines cupiditatum, quæ velut in quodam freto corporis navigantem hinc atque inde perturbat, ut gubernator sui esse animus non possit.

D

a Mens

a Ambr. præf. in 4. l. super Evang. Luc. *b* Chrys. hom. 33. *c* Hieron. epist. 1. ad Heliod. *d* Ambr. in orationib. *e* Ambr. Apolog. poster. pro Dav. c. 3.

a Mens quippe humana, quot tentationes patitur, tot flatibus movetur. Hanc enim plerumque ira perturbat; cum recedit ira, succedit inepta lætitia; luxuriæ stimulis urgetur; æstu avaritiæ longè lateque ad ambienda, quæ terrena sunt; tenditur; aliquando hanc superbia elevat, aliquando verò inordinatus timor in infimis deponit.

b [Ecce Domine] *Iniquitates meæ supergressæ sunt caput meum, & sicut onus grave gravatæ sunt super me, & nisi tu (cui proprium est misereri semper & parcere) dexteram tuæ majestatis supponas, mergi cogor miserabiliter in profundum.*

c *Tu dominaris potestati maris, motum autem fluctuum ejus tu mitigas.*

d Magnus est puteus profunditas iniquitatis humanæ. Illuc quisque si ceciderit, in altum cadet: metuenda ista res est vehementer. Si videris hominem fecisse iniquitatem, mersus est in puteum. Quando autem illi dixeris iniquitatem ipsius, & dixerit: verè peccavi, fateor, non super eum clausit puteus os suum. Cum autem videris eum dicere: Quid enim mali feci? factus est defensor peccati sui; clausit super eum puteus os suum, quæ eruatur non habet.

e Spes humani generis, CHRISTE, Deus de Deo, refugium nostrum & virtus, cujus lumen à longè, inter caliginosas nebulas, super maris procel-

a Greg. l. ii. mor. c. 23. in c. 13. Job. *b* Aug. med. c. 39. *c* Psalm. 88. *d* August. in Psalm. 68. *e* Aug. soliloq. cap. 35.



*Quis mihi hoc tribuat ut inferno protegas me,
et abscondas me, donec pertranseat furor tuus Iob. i.*

procellas, quasi stellæ maris radius, oculos nostros irradiat, ut dirigamur ad te, portum. Gubernâ, Domine, navim nostram, tuâ dexterâ, clavo crucis tuæ, ne pereamus in fluctibus, *ne nos demergat tempestas aquæ, ne absorbeat nos profundum*; sed unco crucis retrahe nos ab hoc pelago, ad te solamen unicum nostrum, quem a longè (quasi stellam matutinam, & solem Justitiæ) vix lacrymantibus oculis in litore cœlestis Patriæ, nos expectantem videmus: exaudi nos *Deus salutis noster, spes omnium finium terræ, & in mari longè*. In mari turbulento versamur; tu in litore stans, aspicias pericula nostra: *Salvos nos fac, propter nomen tuum*. Da nobis Domine, inter Scyllam & Charybdin ita tendere & tenere medium, ut utroque periculo evitato, securi perveniamus ad portum.

VII.

Quis mihi hoc tribuat, ut in inferno protegas me, & abscondas me, donec pertranseat furor tuus? *Job 14.*

Quibus mibi securis dabit hospita tecta latebris?
Tecta, quibus dextræ server ab igne tuæ?

Heu! tuus ante oculos quoties furor ille recursat,

Nulla mibi toties fida sat antra reor.

Tunc ego secretus, umbracula frondea, sylva,

Lustrâque solivagis opto relicta feris.

Tunc ego vel mediis timidum caput abdere terris,

Aut maris exesâ condere rupe velim.

Tunc voveam abstrusâ montis latuisse cavernâ,
 Viva sepulcrales aut subiisse domos.
 Aut nunquam aspectos Phœbo, Phœbæq; penates;
 Aut habitasse tuos, nox tenebrosa, specus.
 Dum quatit astriferos flammatus Juppiter orbes
 Et jacet accensâ tela trisulca manu;
 Tristia, ne noceant, metuendâ fulmina flammâ,
 Daphnide, qui metuit, tempora cincta tegit.
 Tu rubra cum torques furibundâ spicula dextrâ,
 Nulla juvant foliis laurea ferta suis.
 Nulla juvant tacitis frondosa cubilia sylvis,
 Sylva tuis oculis omnis & umbra patet.
 Clauserat obscuræ densis se frondibus umbræ,
 Carpserat arboreas qui malè primus opes;
 Ast ubi vicino vestigia Numine sensit,
 Erubuit, luco proditus ipse suo.
 Nulla juvat refugo spelunca immanis hiatu.
 Hospita montivagis lustra nec ulla feris.
 Mitia quæ sensit Medus puer antra leonum,
 Effere Chaldaeos antra dedere neci.
 Nulla juvant clausis spelæa obscura latebris
 Fida nec umbrarum, senta, sepulchra, domus.
 Avius occultâ deprehendere, Lothe, cavernâ,
 Et Cain è tumulo frater humate vocas.
 Quid memorem ut tumidâ Jonas se merferit undâ,
 Nec mersum stabili texerit unda fide?
 Hauserat immani Jonam quæ bellua ventre,
 Innocuo Jonam bellua ventre vomit.
 Nulla fides vitreo pelagi, nisi vitrea, fundo;
 Pervia perspicuo quid tegat unda freto?
 Nulla fides clausis, Libitinae longa sepulcris;
 Produntur tumulis ossa sepulta suis.

Nulla

Nulla fides tacitis, quas vallant saxa, latebris:

Tecta caverna suo sæpè relecta sono est:

Nulla fides nemori, vel opacæ frondibus umbra,

Ambo caducâ pars fronsque, nemusque fide.

*Nec mare, nec tellus, neque lustra, nec antra, nec
astra.*

Tuta nec illa mihi, quæ super æstra, via.

Tu potes hoc tutis solus caput abdere claustris,

Dum tua deposito fulmine dextra vacet.

*Quis mihi hoc tribuat, ut in inferno protegas
me, & abscondas me, donec pertranseat
furor tuus? Job. 14.*

*Q*UÒ ibo à spiritu tuo, & quò à facie tuâ fugiam? Quis est locus recepturus fugitivum Dei? homines qui suscipiunt fugitivos, quærunt ab eis, à quo fugerint: & cùm servum invenerint alicujus Domini minùs potentis, tum sine ullo timore suscipiunt, dicentes in corde suo: non habet iste talem Dominum, à quo possit investigari; cùm autem audierint Dominum potentem, aut non suscipiunt, aut cum magno timore suscipiunt, quia homo potens falli non potest. Ubi non est Deus? quis fallit Deum? quem non videt Deus? à quo fugitivum suum non repetit Deus? quò ergo ibit fugitivus iste à facie Dei? vertit se huc atque illuc, quasi quærens locum fugæ suæ: si ascendero in Cælum, tu ibi es, si descendero in infernum ades? Si me extulero, te invenio repressorem, si me abscondero, te invenio inquisitorem. Quò ergo

D. 3

iturus

a Psalm. 138. August. in hunc locum.

iturus sum, ut à facie tuâ fugiam, id est, iratum te non sentiam? Hoc consilium: sic fugiam à facie tuâ, sic fugiam à spiritu tuo; ab ultore spiritu, à vindice facie, sic fugiam. Quomodo? si *recipiam pennas meas in directum, & habitavero in extremis maris.* Sic possum fugere à facie tuâ. Mirum si in extremis maris non est, qui nec apud inferos deest:

a *Vae qui profundi estis corde ut à Domino abscondatis consilium, quorum sunt in tenebris opera, & dicunt: Quis videt nos & quis novit nos? Idcirco arbitrantur Deum sua nescire consilia, quia in tenebris sunt opera eorum, & dicunt: Quis videt nos? & quis novit nos? non recordantes ejus quod ad Deum dicitur: Tenebræ non obscurabuntur à te, & nox sicut dies illuminabitur, & sicut tenebræ ejus, ita & lux ejus.*

b Considera illum de quo ait in Ecclesiastico Syrach! *homo transgrediens in lecto suo, dicens in animâ suâ: quis me videt? tenebræ circumdant me, & parietes cooperiunt me, quem vereor?* hic qui se existimabat ab eo qui omnia videt, non videri, & tenebris putat commissa sua posse celeri, umbram præterdit, sed frustra latere se credit, cum oculus Domini lucidior sole, occulta omnia deprehendat, tenebrofa illuminet & intimi cordis penetret conscientiam, atque in alta & profunda descendat. Vanus ergo, qui putat in tenebris esse se tutum, cum lucem vitare non possit, quæ *lucet in tenebris, & tenebræ eam non*

a Hieron. lib. 9. in c. 26. Isaia. b Ambr. l. 1. de interpell. Job. c. 3.

non comprehendunt : quasi fugitivus itaque & malus mercenarius deprehenditur, & antequam se occultat, agnoscitur, quia Domino omnia, antequam erant, cognita sunt, non solum quæ facta; sed etiam quæ futura sunt.

a Hoc errore decepti Adam & Eva, audientes sonitum pedum deambulantes in Paradiso Dei, absconderunt se sub arbore.

b Primus [itaque] homo post culpam, inter arbores Paradisi, absconsus invenitur.

c Sic habes Adam abscondentem se, ubi Deum cognovit esse præsentem, & quæsitum latere voluisse, & vocatum à Domino eâ voce quæ latentis morderet affectum, hoc est, *Adam ubi es?* hoc est; cur te abscondis? cur lates? cur fugis eum quem videre desiderabas? Ita gravis culpa est poenitentiae, ut sine iudice, ipse se puniat, & velare se cupiat, & tamen apud Deum nuda sit,

d Quò te [Adam] duxerunt peccata tua, ut fugias Deum tuum, quem ante quærebas? Timor iste culpam fatetur, latebra prævaricationem.

e Cain quoque dicens: *si ejicis me hodie, à facie tuâ abscondar*, simili stultitiâ Deum arbitratus est ignorare. Et per Amos de impiis & peccatoribus dicitur: *si absconderint se ab oculis meis in profundo maris, ibi mandabo draconi; & mordebit eos.*

D 4

a [Et

a Hieron. l. 9. in c. 29. Isaia. b Greg. l. 33. mor. c. 3. c Ambr. l. 2. de poen. c. ult. d Ambr. l. de Paradiso c. 14. e Hieron. l. 9. in c. 20. Isaia.

a [Et tu] quò fugis Propheta [Jona?] non audisti quod David ait: *quò ibo à spiritu tuo, & quò à facie tuâ fugiam?* In terram? sed Domini est terra & plenitudo ejus. Ad inferos? & ibi virtus tua non deerit. Ad Cœlum? ibi quoque te esse cognosco. In mare? & eò tendit dextera tua. Cùm navim fuisset ingressus turbantur maria, fluctus elewantur, & profundum pelagi arena monstratur; & sicut fidele mancipium, cùm servum fugâ lapsum, (nonnullis etiam communi Domino preciosis ablati) omni animositate, contra ejus retentores insistit, nec antè derelinquit, nisi eum præsentaverit Domino; sic & mare, conservum agnitum, non alieno patrocínio, nullius postulato subsidio, sed propriâ virtute commotum, ut sibi redderetur, exposcit.

b Nam qui putârat per mare evadi Deum
Et navi celari, Deo,

Nunc iste & intra belluam mersam mari,
Adesse sensit arbitrum.

O digna sancto claustra fugitivo Dei!
Capitur mari quo fugerat;

Altumq; vasta missus in ventrem feræ,
Viro tenetur carcere.

De nave jactus perit & undis navigat
Exul soli & hospes sali.

Spatiaturo antro belluini corporis,
Captivus & liber reus.

c Ingredere in petram, abscondere in fossâ humo,
à facie

a Chrys. hom. de Jona. *b* Pauli. car. ad Cytberiam. *c* Isaia 2.

à facie timcris Domini, & à gloria majestatis ejus.

a Si [enim] umbrato repentè Cœlo solis claritas nostris aspectibus denegetur, & productis in nostram humilitatem nubibus, pluviae terris immineant; si commotis, ut assolet, elementis, in rotam sui currus tonitrua concitentur, & hinc inde fulgurum jacula, palpebris terribiliter objecta corruscent, (quanquam & consuetudine illâ contingant) pavemus, contremiscimus, & proni ad terram, depositâ superbiâ, cervices submittimus: quid faciemus in illâ die miseri, quando revolutò Cœlo, cum Angelicis virtutibus, igneus Dominus totus adveniet? quando cadentibus desuper stellis, sol in tenebras, & in sanguinem luna mutabitur? quando montes sicut cera liquefcent, quando terra ardebit, & arescent flumina, & maria siccabuntur, & contra rerum naturam consumpto divinitus humore, arditatem in aquis ignis operabitur? Quando peccatores *dicent montibus, Cadite super nos, & collibus, Tegite nos:* quando vocabunt homines mortem, & vocata non veniet; quando discrimina vertentur in vota, & quod semper oderunt homines concupiscent?

b *Esto mihi [Domine] in Deum protectorem & in domum refugii domus refugii, tu mihi esto, Deus protector, domus refugii. Quò fugio? ad quem locum tutus fugio? ad quem montem? ad quam speluncam? ad quæ testa munita?*

D s quam

a Tomo 9. Hier. ep. ad Amic. In scientiâ divinæ legis. *b* August. in Psalm. 30.

quam arcem teneam ? quibus muris ambiar ?
 quocunque iero , sequor me. Quicquid enim
 vis, potes fugere, homo , præter conscientiam
 tuam. Tu mihi eris domus refugii , ad te con-
 fugio, nam à te, quo fugiam ? Quocunque iero,
 ibi te inveniam ; & si irasceris, ultorem te inve-
 nio ; si placatus es, adiutorem. Nihil mihi ergo
 restat, nisi ad te fugere, & non à te. Ut evadas
 hominem Dominum, quicumque servus est, fu-
 gis in ea loca, ubi non est Dominus tuus, ut eva-
 das Deum, fuge ad Dominum ; nam non est quò
 fugias Deum ; præstò sunt omnia & nuda Omni-
 potentis oculis.

XIII.

Numquid non paucitas dierum meorum
 finietur brevî ? dimitte ergo me , ut
 plangam paullulum dolorem meum.
Job 10.

S*Cilicet, in magno cupis hoc me ponere lucro ;
 Addita quod vitæ pars quotacunque meæ.
 Si numerata forent aliquot mihi lustra vel anni,
 Muneris hic poterat nomen habere favor :
 Stamina sed brevibus junxisse fugacia filis ;
 Obsecro, dic, pauci quantula summa, dies ?
 Nempe ita, qui vitam modò ducere cœperit infans,
 Dicitur moriens, occubuisse senex,
 Sic sua nonnullis descripta est vermibus ætas,
 Una quibus brevis est, integra vita, dies.
 Sic aliquis numerat celeres sibi flosculus horas,
 Natali tumultant quem sua fata die.*

Floscule



*Nunquid non paucitas dierum meorum
 finietur brevi? dimitte ergo me, ut, plangā
 paululum dolorem meum, Iob. 10.*

Floscule mane puer, mediâ vir, floscule, luce ;
Floscule, sub noctem, Sole cadente, senex.
Sic orerisque uno morerisque, ô floscule, Phæbo ;
Uno fisque puer, virque, senexque die.
Staret adhuc volucrum saltem rota lenta dierum,
Hora nec admissis qualibet iret equis ;
Vermiculi canerent ; tot plenis viximus horis ;
Flosculus, & totidem, diceret, herba fui.
Sed tempus rapidis volat irreparabile pennis,
Fluminis inq, modum, lubricus annus abit.
Mensruus impulsis rapitur quoque solibus orbis,
Et fugiunt, nullo frana tenente, dies.
Denique præcipitis rota concita vertitur hora,
Nec remeare potest, qua semel hora fuit.
Invida res, tempus ; sua se per puncta trucidat ;
Se pariter fugiens, se pariterque sequens.
Qualis teda suo se flammea funerat igne,
Quæ fitti fatalem congerit ipsa rogam.
Sic redit in proprium sæclorum circulus orbem,
Flectitur inq, suas annua meta rotas,
Non fuit antiquis malè prodita fabula chartis,
Qua genitor sobolem commolit ore suam :
Nempe vorax annos mensésque interficit ævum ;
Sèque fluendo parit ; séque fluendo necat.
Hora diem, mensémque dies depascit eundo,
Bis senisque senex mensibus annus obit.
Annus obit, mensésque diesq, horaq, recedunt,
Et suus in se iterum tempora gyru agit.
Ergo meo exiguum spatium concede dolori,
Non nisi concesso tempore fata querar.
Non ego supremis tempus mihi risus oro,
Non facit ad risus resve, locusve meos.

*Pro lacrymis spatium, spatium pro planctibus
opto,*

*Hæc mihi tantillæ, quam peto, causa moræ est.
Ite igitur magnis, lacrymæ, mea, flumina rivis;
Ite, ferite truces ora sinumque manus.*

*Ite per os lacrymæ, sævite in pectora palmæ;
Pars bona, dum statis, temporis, ecce fugit.
Sentio, eunt lacrymæ, repetuntur, sentio, planctus;
Jam fleui & planxi, sistite; jam satis est.*

*Numquid non paucitas dierum meorum finietur brevi? dimitte ergo me, ut plan-
gam paullulum dolorem meum. Job 10.*

*a Q*uid in hoc mundo stabile, quid perenne?
Audi cujusdam venerabilis viri vocem:
Tempus, inquit, *vita mea levius cursoribus fuit.*

b Cum enim primum homo peccavit, æternitas mortalitate mutata est, in nongentos & amplius annos; exinde paulatim recrudescente peccato, in breve tempus, hominum vita contracta est.

c Breves dies hominis sunt: numerus mensum ejus apud te est: constituisti terminos, qui præteriri non poterunt.

d Quare cautum se ac sollicitum vivere ostendit, qui brevitatem præsentis vitæ considerans, non ejus usum, sed terminum conspicit; ut ex
fine

a Chrys ep. ad Theodor. Mon. tom. 5. b Hieron. ep. 21. ad Paulam. c Job 14. d Gregor. lib. 9. mor. cap. 44. in cap. 14. Job.

sine colligat, nihil esse quod transiens delectat. Hinc namque per Salomonem dicitur: *Si annis multis vixerit homo, & in his omnibus letatus fuerit, meminisse debet tenebrosi temporis & dierum multorum; qui cum venerint, vanitatis arguentur præterita.* Igitur cum culpa animum tentat, mens necesse est, ut brevitatem suæ delectationis aspiciat; ne ad vivacem mortem iniquitas rapiat, cum constet quod ad terminum citius mortalis vita percurrat.

a Sæpè etenim dum præsentis vitæ brevitatis, quasi diu perseveratura diligitur, ab æternâ spe animus frangitur, & delectatus præsentibus, desperationis suæ caligine reverberatur.

[Sed] sancti viri, quia brevitatem vitæ indefinenter aspiciunt, quasi quotidie morientes vivunt, & tantò se solidius mansuris præparant, quantò & nulla esse transitoria semper ex fine pensant. Hinc quippe Psalmista, veloci cursu fugere vitam peccatoris aspiciens; ait: *Pusillum adhuc, & non erit peccator.* Hinc iterum dicit; *Homo, sicut fœnum, dies ejus.* Hinc Isaias ait: *Omnis caro fœnum, & omnis gloria ejus, sicut flos agri.*

b Attendat quid sit homo; non superbiat: *homo tanquam fœnum dies ejus.* Quid superbit fœnum, ad tempus modò florens, post paululum arescens? Quid superbit fœnum ad tempus vicens, & hoc ad parvum tempus, do-

D 7

nec

a Gregor. lib. 7. mor. cap. 20. in cap. 6. Job.

b August. in Psalm. 102.

nec sol candescat ? *Sicut flos agri ita efflorescit.* Quàm exiguo tempore transeunt flores ? & hoc est pulchrum in herbis. Hoc quod valde pulchrum est, hoc citò cadit. *Omnis caro fœnum.* Et claritas luminis ut flos fœnum aruit & flos decidit.

Quasi flos egreditur & conteritur.

a Quid enim sunt nati homines mundo, nisi quidam flores in campo ? tendamus oculos cordis, in hanc latitudinem mundi præsentis ; & ecce quasi tot floribus, quot hominibus plenus est : vita itaque in carne, flos in fœno est. Homo etiam more floris procedit ex occulto ; & subitò apparet in publico ; qui statim ex publico per mortem retrahitur ad occultum. Carnis nos viriditas ostendit, sed ariditas pulveris ab aspectibus retrahit, quasi flos apparuimus, qui non eramus ? quasi flos arescimus, qui temporaliter apparebamus.

b [Imò] quid ab his bestiolis distamus, quas ferunt apud Hypanim fluvium (qui ab Europæ parte in pontum influit) nasci atque unum diem vivere ? sicut ergo ex his ea quæ octavâ horâ mortua sit, propectâ esset ætate mortua, quæ verò occidente sole, decrepita, eò magis si etiam solstitiali die, sic si longissima ætas, cuiusvis hominis conferatur cum æternitate, in multo minore brevitate, quàm illæ bestiolæ reperiemur.

-- *a* Quid

a In idem cap. 14. Job. Gregor. *b* Isidor. *Clarior orat. 10. de morte.*

—— *a* Quid enim, mihi dicito, longum
Hæc mortalis habet fatôque obnoxia vita?

b Tenes diem istum? si renuisti hesternum, tenes & hodieum: sed hesternum, inquis, non teneo, quia jam non est, istum autem teneo in quo sum, & qui mecum est. Itane? de isto excidit tibi jam quantum à primâ luce transierit. Nónne iste dies à primâ horâ coepit? Da mihi primam horam ejus: Da mihi & secundam ejus, quia & fortè ipsa transvolavit. Tertiam, inquis, dabo tibi, fortè enim in ipsâ nunc sumus: Certè ergo sunt isti dies, & est tertia dies; & si tertiam dabis, non diem sed horam dabis. Veruntamen ne hoc quidem tibi concedo, si mecum utcunque ista transiisti. Da mihi vel horam tertiam, ipsam mihi da in quâ es. Si enim aliquid ejus jam præteriit: & aliquid ejus adhuc restat; nec quod præteriit aliquid mihi potes dare; quia jam non est; nec quod restat, quia nondum est. Quid mihi de horâ istâ quæ nunc peragitur dabis? quid de illâ mihi dabis? Cui committam hoc verbum, ut dicam, est. Cùm dicis ipsum est; certè una syllaba est, & momentum unum est, & tres literas habes in ipso ictu. Ad secundam hujus verbi literam non pervenis, nisi prima finita fuerit. Tertia non sonabit, nisi & cum ipsa secunda transierit. Quid mihi de hac unâ syllabâ dabis, & tenes dies, qui unam syllabam non tenes? momentis transvolantibus cuncta rapiuntur. Torrens

a Nazianz. in præcept. ad Virgines. b August. in Psalm. 38.

rens rerum fluit. Isti ergo dies non sunt, antè abeunt penè quàm veniunt, & cùm veniunt, stare non possunt. Jungunt se, sequuntur se, & non se tenent.

a Parce mihi Domine, nihil enim sunt dies mei.

b [Hinc] sancti viri, præsentis vitæ dies, nihil esse conspiciunt, quia illuminatæ mentis oculos in considerationem æternitatis figunt.

c Per horarum [namque] momenta crescimus atque decrescimus, nec in eodem manemus statu. Ipsum quoque quod loquimur, dicimus & scribimus, de vitæ nostræ parte prætervolat, qui dudum infans, subitò puer; qui puer, repentè juvenis; & usque ad senectutem per spatia mutatur incerta; & antè se senem intelligit, quàm juvenem non esse miretur.

d [Denique] quicquid temporis vivitur, de spatio vivendi demitur, & quotidie fit minus, minusque quod restat; ut omninò nihil aliud sit tempus vitæ hujus, quàm cursus ad mortem, in quo nemo vel paululùm stare, nec aliquando tardius ire permittitur, sed omnes urgentur pari motu, nec diverso impelluntur accessu: neque enim cui vita brevior fuit, celerius diem duxit, quàm ille cui longior. Unde ex quo homo cœpit esse in hoc corpore, in morte est. Quid enim aliud, diebus, horis, momentisque singulis agitur, donec ea consummata mors, quæ agebatur, impleatur, & incipiat jam tempus

a Job 7. *b* Gregor. lib. 2. mor. cap. 20. in Job. *c* Hieron. lib. 11. in cap. 40. Isaiæ. *d* August. lib. 7. de civitat. Dei, cap. 10.

pus post mortem, quod cum vita detraheretur; erat in morte.

a Benè itaque dicitur: *Dimitte me; ut plangam paululum dolorem meum.* Quia nisi à reatu culpæ, quo nos ligavimus, misericorditer dimitemur, perfectè flere non possumus, hoc quod in nobis ipsis, contra nosmetipsos dolemus: sed tunc veraciter reatus nostri dolor plangitur, cum tenebrosa illa inferni retributio, intento timore prævidetur.

b Sed sicut moderata afflictio lacrymas exprimit, ita immoderata subducit; quâ mœror ipse quasi sine mœrore sit, qui afflictio mentem devorans, sensum doloris tollit;

c Sæpè namque peccator iniquitatis suæ vinculis ita constringitur, ut pondus quidem peccatorum toleret, sed tamen, quid tolerat, ignoret. Sæpè autem si cognoscat, quanto reatu premitur, erumpere in lacrymās conatur, & non potest, ut hunc in se mente liberā & conversatione integrā persequatur. *Flere ergo dolorem suum* non valet, qui & iniquitatis suæ reatum considerat, & tamen præ terrenæ occupationis pondere, hunc & gemere nequaquam vacat: *flere dolorem suum* non valet, qui primæ quidem consuetudini contraire nititur, sed tamen adhuc succrescentibus desideriis carnis gravatur. Hujus doloris præsentia Prophetæ mentem cruciaverat, cum dicebat: *Dolor meus contra me est semper; quoniam iniquita-*

a Gregor. lib. 17. mor. cap. 49. *b* Greg. lib. 9. mor. cap. 44. in cap. 10. Job. *c* Ibidem.

quitatem meam ego pronuntiabo, & cogitabo pro peccato meo. Tunc igitur ad plangendum dolorem nos Dominus dimittit, cum & mala nobis, quæ fecimus demonstrat, atque ad hæc eadem fienda quæ cognoscimus, adjuvat.

a Hoc solum ergo Domine, præsta, quod deprecor: Dimitte me, ut duobus mensibus circumeam montes, & plangam cum sodalibus meis.

b Sexaginta dies plangere nobis demonstrat planctum præsentis vitæ, dicente Domino: Beati qui lugent, quoniam ipsi consolabuntur. Desertum ergo plangimus hujus mundi (desertum enim dicitur res ubi non manetur) quia ergo hîc non permanetur, desertum dicitur. Plangendum est ergo in vitâ istâ caducâ, ruinis plenâ, casibus obvolutâ; ut cum plangimus, suscipiat Dominus immolationem animæ nostræ.

XIV.

Utinam saperent, & intelligerent, ac novissima providerent! Deut. 32.

P*Rô pudor! usque adeò est homini mens cæca futuri:*

Ut nisi quæ videat, nulla pericla putet?

Scilicet hoc sapere est, tantum præsentibus angere,

Nec procul aspectis consuluisse malis!

Ante tubas, Miles, dicto parat arma duello;

Cum sonuere tuba, seriùs arma parat:

Navita, quas captat, præagus prospicit auras,

Anchora velivolam nec remoratur iter:

Quas

a Judic. 11. b Chrysost. hom. de Jephthe.



*Utinam saperent, et intelligerent ac, no.,
vissima providerent / Deut. 32 ,*

*Quas veniente metet segetes aestate colonus,
Credidit excultis, antè, colonus agris.
Provida quin etiam metuens formica senectæ,
Vestat in annonam paucula farra suam.
O quid agis, gens eventus, ignara futuri?
Tempora, quæ veniunt postuma, nulla times?
Stamina perpetuo fors nent adamantina filo,
Aut cessant triplices volvere pensa colas?
Falleris; ab! nulli datur has placasse sorores;
Una licet parcat, de tribus, una secat.
Fœdera fors pacto sanxere perennia clavo.
Concordes stabili vitæque morsque fide?
Falleris, ab! nimium tibi pacta faventia fingis,
Non servant ullam vitæque morsque fidem.
Antè, nivem fidis lambent incendia flammis
Juræque fœdifragis sanciet Auster aquis.
Antè, dies nocti pacem nox antè, diei
Servet, & infestis accubet agnæ lupis.
Omnia letifero latè Mors subjugat arcu,
Quidquid & hoc Phœti vescitur igne necat.
Nemo venenatæ vitavit arundinis ictum.
Omnis ab hâc cervix, cuspide, vulnus habet.
Hic teneros Matrum capit inter brachia, natos,
Aut cunas, tumulum, cedere recente facit.
Hic pueros, alibi configit arundo puellas;
Hic juvenes; illic funerat illa senes.
Statæque jam nullo discrimine, funera miscet.
Militis atque Ducis corpora mixta jacent.
Nec micat auratâ tibi Cræse cadaver arenâ
Pulchrior aut tuus est, pulchra, Rebecca, cinis,
Asspice, quid cineres sint Caesaris inter & Iri?
Omnibus en color est unus, & unus odor.*

Quid

Quid juvat his igitur tantum considerare rebus,
 Ceu lethi imperio vita soluta foret?
 Stat sua cuique dies, depleto ferrea fusos,
 Serius aut citius quemlibet urna vocat.
 Cogimur hic omnes, hic summus & infimus ordo,
 Ibimus, emenso tempore quisque suo.
 Actum si vacuas animus simul iret in auras,
 Ut vapor in nebulas extenuandus abit!
 Morsq; foret nostra quoque meta novissima vita,
 Mors simul amborum corporis atque animi?
 Quam bona mors esset posituris morte dolores,
 Quos nova post vitam, vitæve morsve daret?
 Quilibet extremam latus properaret ad horam,
 Et puto, vivendi vix superesset amor,
 Sed dolor, heu! non est mors ultima linea rerum,
 Non necat hic animum qui cremat ossa rogos.
 At postquam è terris animo exhalata recessit,
 Iudicis extemplo sistitur ante pedes.
 Ille sedet justumque & inexorabile Numen,
 Flammæque sunt oculi flammæq; fulva caput.
 Illa (tremens, metuensque oculos attollere Cælo:)
 Dura catenatâ vincula mente gerit.
 Ille sinus animi, fibræque introspicit omnes.
 Quodque latet tacitum nocte favente nefas.
 Illa scelus, convicta, suum pudibunda fatetur.
 Nec videt, effugio, quem petat, esse locum.
 Ille simul Iudex, testis simul, & simul actor,
 Comperti statuit criminis esse ream.
 Illa memor nullis hanc flecti questibus aulam,
 Heu! frustra effusis se sepelit lacrymis.
 O, quis tunc animæ sensus, quæ cura relicta,
 Nullus ubi pro se, jure patronus agit!

Nempe

Nempe vocat montes & inhospita culmina, cau-
tes,

Antrâque queis trepidum condât operta ca-
put.

O Anima! ô Judex! ô non placabilis urna!

Quis secum hæc meminit, nec citò dirigit?

Sed nondum hoc tanti clauduntur sine dolores:

Altera adhuc restant, vitæque, morsq; super:

Vita perennanti quæ sæcula protrahet ævo,

Mors longa extremum non habitura diem.

Ab quibus, ab quantis laniabitur hæc tormentis!

O quibus, ô quantis affluet illa bonis!

Illæ, suas pascit Divino nectare mentes;

Hæc, miscet liquidâ pocula plena pice.

Illæ, Chely Angelicâ vel gutture carmina fundit;

Hæc, gemit horrendis exululata sonis.

Illæ, agit æternas cœlo plaudente, choreas;

Hæc, salit ad colubros sæva Megea, tuos.

Illæ, nec æstivis, gelidis nec aduritur astris;

Hæc furit immitis igne gelique vadi.

Illæ, per ætherios agit otia mollia campos;

Hæc, agit æterni triste laboris opus.

Illæ dolorum expers, mala nulla, nec aspera
sentit;

Hæc, patitur dirum quidquid Avernus habet.

O felix opibus, felix tot vita triumphis!

O gravis, ô tantis mors metuenda malis?

Vel tua, vel tua, nos dubio manet alea jactu;

Alea non aliâ projicienda vice.

Ab subeant vestri gemina sic pectora cura,

Ut semel alterius sors obeunda cadet!

Ultinam

Utinam saperent, & intelligerent, ac novissima providerent. Deut. 32.

a **O** Gens sine consilio & sine prudentiâ! *Utinam saperent, & intelligerent, ac novissima providerent!*

Saperent, damnatorum multitudinem; salvandorum paucitatem, & temporalium rerum vanitatem.

Intelligerent, tria; scilicet peccatorum multitudinem, bonorum omissionem, & temporis amissionem.

Providerent, tria; scilicet mortis periculum, extremum judicium, & æternum supplicium.

b Sed oculos non vis habere nisi in præsentia.

c Perversa quippe anima rebus præsentibus dedita, in terrenis voluptatibus resoluta, abscondit sibi mala sequentia, quia prævvedere futura refugit, quæ præsentem lætitiâ perturbant; dumque in præsentis vitæ oblectationibus se deserit, quid aliud quàm clausis oculis, ad ignem vadit, & indè dicitur per Paulum: *qui gaudent tanquam non gaudentes sint*; quia etsi qua est præsentis temporis, ita est agenda læticia, ut nunquam amaritudo sequentis judicii recedat à memoriâ; quatenus dum mens pavida extremæ ultionis timore transfigitur, quantum tunc præsens læticia, tantum post, ira subsequens temperetur: si extrema mala nostra
formi-

a Bonav. opusc. de contempt. sæculi. *b* August. in Ps. 48. *c* D. Gregor. hom. 39. in Evang.

formidolosè & indefinenter aspicimus ; juxta hoc quod per quendam sapientem dicitur : *In omnibus operibus tuis memorare novissima tua, & in aeternum non peccabis.*

a Sed quæ sunt novissima tua, quæ provide-
re sollicitè debes ? summa totius providentiæ
est, utiq; illa terribilis hora, in quâ, misera ani-
ma tua, ex hoc corpusculo corruptibili timens
est egressura, in illâ nimis metuendâ extremâ
horâ ; quis amicorum, quis parentum tuorum
veniet cum gladiis & armis auxilium ferre ?
Non enim erit tunc, qui consoletur te ex omni-
bus charis tuis, respicientibus etiam ad auxi-
lium & adjutorium hominum ; sed refugium
tuum tantummodò est apud Deum. Reduc er-
go fili mi, sedulus in memoriam illum extre-
mum exitus tui diem, & antequam misera ani-
ma tua, de carcere carnis exeat, provideat, quò
vadat. Quando enim homo fit non homo, hoc
est, quando ægrescit ; ægrotando ægritudo cre-
scit ; peccator expavescit ? cor contremiscit ;
caput obstupescit ; sensus evanescit ; virtus exa-
rescit ; vultus pallescit ; facies nigrescit ; oculus
tenebrescit ; auris surdescit ; nasus putrescit ?
lingua fatiscit ; os obmutescit ; corpus tabescit ;
caro marcessit. Tunc carnis pulchritudo foetor
efficitur, & putredo tunc solvitur in cinerem, &
vertitur in vermem.

*Post hominem vermis, post vermem foetor &
horror :*

Sic in non hominem vertitur omnis homo.

a Age

a Speculo pec. cap. 5. Tom. 9. Aug.

a Age jam, cūm ad illud ultimum Judicium venerimus, ab eo Judice judicandi, qui nec falli occultatione criminum potest, nec ad impunitatem promerendam muneris alicujus oblatione corrumpi, cūm cōperint omnium secreta revelari, & non solum actus ac verba, sed etiam ipsæ cogitationes ostendi; quid faciemus sub tanti Judicis majestate? quid excusationis obtendere poterimus, quā nos defensionis arte purgabimus? quæ nobis subventura est pœnitentia, quam in hāc carne contempsimus? quæ nos defensura sunt opera bona, quæ in hāc vitā non fecimus? ad quos Apostolos, aut ad quos alios Sanctos confugituri sumus, quorum exempla simul ac verba despexerimus. An fortē aliquos ibi fragilitas corporis excusabit? sed excusationi eorum reclamabunt omnia sanctorum exempla, qui cum fragilitate carnis, in carne vincentes, quod fecerunt, utique fieri posse, docuerunt. Quid ergo responsuri sunt, si eis Dominus dicat, si potuistis, quare non restitistis desideriis peccatorum? si non potuistis, quare meum, contra peccata, non quæstistis auxilium? Nōne ad hæc obmutescuntibus & quid excusationis referant non habentibus, dicet: *Ligate eos manibus & pedibus, & mittite in tenebras exteriores, ubi erit fletus & stridor dentium, ubi vermis eorum non morietur, & ignis eorum non extinguetur.* Hæc & his similia libenter audire vel legere, jugiter ante oculos mentis adducere; cogitare, quale malum sit, ab illo gaudio

a *Prosper lib. 3. de vitā contemplat.*

gaudio divinæ contemplationis excludi; beatissimâ Sanctorum omnium societate privari; fieri patriæ coelestis extorrem, mori vitæ beatæ; morti vivere sempiternæ; in æternum ignem, cum diabolo & angelis ejus expelli, ubi sit mors secunda, damnatis exilium, vita supplicium; non sentire in illo igne quod illuminat, sentire quod cruciat; exundantis incendii terribiles crepitus pati? barathri fumantis amata caligine oculos obæcari; profundo gehennæ fluctuantis immergi; edacissimis in æternum dilaniari vermibus, nec finire: hæc & multa similia cogitare, nihil est aliud, quam vitiis omnibus repudium dare, & omnia blandimenta carnalis refrenare.

a Attende ergo, in illâ terribili horâ de quâ loquimur, misera peccatoris anima. Quando de mundo exitura & itura es; aderunt mox ministri, maligni illi scilicet diaboli, illa verè tartareæ monstra velut leones rugientes ut rapiant prædâ, tunc horribilia patebunt loca pœnarum, chaos & caligo tenebrarum, horrorem, miseriæ & tribulationis; tremor, timor angustię & confusionis; dolor horrendę visionis; tremor tremendę mansionis; locus silentium, ubi stridor dentium, ubi morsus vermium, ubi clamor dolentium, ubi luctus gementium, ubi est vox clamantium peccatorum & dolentium; *Ve, ve nobis filii Evæ?* quid tunc proderit scientię jactantia, sæculi pompa, mundi vanitas, terrenę dignitatis cupiditas?

E

a Dic

a Cap. 7. Speculi peccat. tom. 9. Aug.

a Dic mihi, ubi tunc amatores mundi, qui ante pauca tempora nobiscum erant? ex eis remansit nisi cineres & vermes. Attende diligenter, quid sunt, quid fuerunt? homines fuerunt sicut tu, comederunt & biberunt, riserunt, duxerunt in bonis dies suos, & in puncto ad inferna descenderunt.

b [Imò] mollius educata corpora gravius foetent post mortem.

c Aspera non Cyris, non Crasis Parca pepercit,
 Hisque etiam, nuper sub quibus orbis erat.
 Te quoq., Alexander; victor grassate per orbem,
 Perdidit immodici copia sumpta meri.
 Inter defunctos, quidnam est discriminis? Ossa
 Et cineres Iri, Tantalidisque, pares.
 Par Constantino famulus meus (hic ego tantum
 Excipio tumulum) dives, inopsque, par es.
 Atq. hic ista quidem. Ast alio quæ condit in ævo,
 Ultima lux pravis, quis memorare queat?
 Horrida flamma, gravis caligo à luce remotis,
 Vermis, qui memores criminis esse facit.
 Non natum esse, tibi melius, scelerate, fuisset,
 Aut natum, prorsus more perire fera,
 Quàm mala tot passum in terris, sevosq. dolores;
 Post, graviora iterum, tempus in omne pati.
 Atque utinam matris me mors rapuisset in alvo!
 Nam tenebra nato, mox mihi fletus erat.

d Ergo, ô anima, sive vigiles, sive dormias, semper in auribus tuis illa horribilis tuba resonet:

a Bern. lib. med. cap. 2. *b* Petr. Dam. epist. ad Blancam. cap. 30. *c* Nazianz. de externi hominis utilitate. *d* August. soliloq. cap. 3.



*Defecit in dolore vita mea et animi mei
in gemitibus. Psal. 30.*

met: *Surgite mortui, Venite ad iudicium. O anima nunquam excidat à tuâ memoriâ: Ite maledicti in ignem aeternum: Venite benedicti, percipite Regnum. O quid potest lamentabilius & terribilius cogitari quàm Ite? & quid delectabilius exprimi quàm Venite?* duæ sunt voces, quarum nihil horribilius unâ, & nihil jucundius alterâ poterit audiri.

XV.

Defecit in dolore vita mea, & anni mei in gemitibus. *Psalms. 30.*

HOc erat ergo meis dominans Natalibus astrum,

Ut mihi lux faustâ nulla rediret ave!

Quàm levis optati me temporis aura fefellit;

Dum toties repeto; Crastinus albus erit.

Nec tamen albus adhuc mihi crastinus ille reluxit;

Quin, qui præteriit proximus, ater erat.

Credideram alternos vite succedere casus,

Inq, vices latis cedere mæsta locum.

Utg, senerato detergis nubila cælo,

Cum revehis clarum Cynthie pure diem;

Utg, maris reparas fugitivos, Cynthia, fluctus,

Cum tingis refluxo littora sicca salo,

Sic ego venturi non felix temporis augur,

Omnia pro votis rebar itura meis.

At mea, quàm dispar, quantoq, severior illis,

Quas dat nupta viro, tristitia est lacrymis!

Conjuge defuncto, bis denis mensibus, uxor

Sola domi queritur, conjugis orba, necem.

Post decimum finitur lugubria ponere mensem,
 Et peplum niveâ vertere triste togâ.
 Quis mihi transactus semel est sine luctibus annus?
 Quis vacuus mensis? quis sine nube dies?
 Nulla meis lex dat finemve, modumve querelis;
 Sed parit assiduus se, velut Hydra dolor.
 Et planctu & lacrymis, gemituq; absumitur omnis,
 Ipsâque pars minima est vita caduca, sui.
 Sæpè quidem rabidis sunt æquora turbida ventis,
 Sed brevis est, quoties magna procella furit:
 Quasque rapit sylvis brumæ inclementia frondes,
 Compensant viridi tempora verna comâ:
 Et Notus obscuris quoties tegit æthera nimbis,
 Latior innubi mox redit ore dies:
 Ast mihi perpetuos contextunt funera luctus,
 Dempsta nec est ullo synthesis atra die.
 Mœstâque nec festo cessavit tibia cornu,
 Pectus, ebur, pugni, plectra; querela, fides:
 Hæc cytharâ, soles; hoc transigo pectine noctes;
 His finibus, vitæ tempora fallo mea.
 O quoties vincto suspiria pectore rupi,
 Cum cuperem tacito mergere verba sinu!
 O quoties, lux quanta fuit, fuit acta querelis.
 Lunâque quanta fuit, planctibus acta fuit!
 Ne gemerem, memini, toties monuistis amici,
 Multâque ne gemerem credite, facta mihi.
 Libera latitia suavistis frena remitti,
 Illic latitiæ libera frena dedi.
 Ast ubi singultum compescere risibus opto,
 Risibus,heu, gemitus obstrepuere meis!
 Sæpè, volens placidas somno traducere noctes,
 Perpetuò vigiles obruor imbre genas;

Dumque

Dūque diu nimium violentos comprimo fletus,
 Heu, mare perruptis effluit aggeribus!
 Flumina, vos testes, vos nota cubilia, sylva,
 Vosque cava valles, conscia vosque juga;
 Vos testes, quoties suspiria vincere tentans,
 Victa, reluctanti murmura corde dedi.
 Quin etiam auditis permota ululatibus Echo;
 Questibus audita est aggemuisse meis.
 Tunc ego, tunc illa, alternis dedimus lamenta,
 Flevimus inq, vices, planximus inq, vices.
 Ut Pandionæ sibi dant responsa sorores,
 Cum casum, thalami labe queruntur Itym;
 Et sedet hinc Progne ramo miserabile plorans,
 Et sedet indè suum flens Philomela nefas:
 Alteraque alterius sequitur suspiria questu,
 Admissum lacrymans, utraque crimen avis.
 Talis & Alcyone cum naufraga vela mariti
 Nequicquam scopulis littoribusque canit;
 Aut viduus, viridi nemoris sedet arbore turtur,
 Comparis aeterno murmure fata gemens.
 Sic mihi fatidicæ nerunt quoque stamina Divæ,
 Iret ut optato sidere nulla dies.
 Utque adimant nullos, lamenta perennia luctus,
 Aut cesset, caussâ deficiente, dolor.
 Sed fuit ut primæ, gemitus, vox prima loquela;
 Sit gemitus vitæ vox quoque summa mea.

Defecit in dolore vita mea, & anni mei in
 gemitibus. Psalm. 30.

a Quidamdiu est hîc in præsentî vitâ, habet ge-
 mitum & fletum unusquisque homo.

E 3 a Homo

a Hieron. in Psalm. 30.

a Homo non à risu orditur hanc lucem, quid malorum ingressus sit nesciens, prophetat quodammodo : solum, quando natus est, ferunt risisse Zoroastrem, nec ei boni aliquid monstruosus ille risus portendit. Prorsus quod scriptum est. *b* grave jugum super filios Adam à die exitus de ventre matris eorum usque in diem sepulturae in matrem omnium.

c Unde interrogemus pueros qui nascuntur, quare à ploratu incipiant : nascitur & statim plorat, & post nescio quot dies ridet. Quando plorabat nascens, Propheta suae calamitatis erat, lacrymae enim testes sunt miseriae.

d Hoc homini tantum firmum est expersq; senectas,

Inde ex quo nascens fletibus ora rigat;

Per lacrymas testans, quas vita in limine fundit

Quotnam illum maneant agmina dura mali.

Est Regio (ut quondam Cretæa) ignara ferarum;

Est alia, hyberna nescia terra nivis :

At, vacua adversis quod vitæ tempora rebus

Clauserit, haud quisquam dicere jure potest.

e In hujus vitæ miseriam intraſti lugens, dies tuos in dolore & æumnâ petransisti; cum luctu & labore hinc exiturus es. Intelligas ergo, in quantum sit ingressus tuus flebilis progressus tuus debilis, & egressus horribilis.

f Risum reputavi errorem, & gaudio dixi : Quid frustra deciperis?

a Domi-

a August. lib. 21. de civ. c. 14. *b* Ibidem. *c* August. serm. 28. de verb. Apost. *d* Nazianz. carm. de humana naturâ. *e* Author. spec. pec. Tom. 9. August. *f* Eccles. 2.

a Domini vox est ad suos dicentis: *Vos plorabitis & plangetis, seculum autem gaudebit: Vos tristes eritis.* Timenda sunt Christianis præsentis sæculi gaudia, & optanda pro devotione moestitia.

b Lætitia enim tantum nomen habent, cum omnia sint in tristitia.

c *Qui sumus in hoc tabernaculo, ingemiscimus gravati.*

d An non est meritò ingemiscendum, quòd sumus in regione alienâ, & in Coloniam procul à patria positam amandati?

e *In abscondito plorabit anima mea: plorans plorabit & deducet oculus meus lacrymam.*

f Asseverant Turturem castam & amatricem comparis esse, ita ut si quando evenerit, ejus masculum ab Aquilâ sive Aucepe capi, non se commiscere alteri, sed ipsum cupere, & ipsius præstolari adventum, & in amoris ejus expectatione pendere. Hujus turturis meminit Scriptura in Cant. Canticorum dicens: *Vox turturis audita est in terra nostra.* O gemitus de medio cordis amabilis, bonitatis pullulans fontes! O gemitus coelestem sponsum CHRISTUM ad semetipsum adducens!

g Vox turturis, amorì canit & dilectioni; & habet singularem dilectionem turtur, cui canit, vel præsentì gaudium, vel absenti affectum.

E 4

Igitur

a Chrys. *Serm. de martyrib. imitandis.* *b* Chrys. *hom. 54.* *c* 2. *Cor. 5.* *d* Chrysost. *hom. in Psal. 118.* *e* *Hierem. 13.* *f* Chrysost. *tom. 5. hom. de virtute.* *g* *Hugo de S. Victor. serm. de assumpt. Mar. tom. 2.*

Igitur vox turturis tota de amore, & non novit aliud præter amorem turtur. Et quid sonat vox turturis? quam significationem habet vox turturis? quid dicit? Unum est quod sonat vox turturis, & semper illud sonat & resonat, & non fastidit unquam. Nunquam turtur vocem suam variat, nunquam canticum suum mutat, semper idem canit qui semper idem diligit. O vox turturis quam dulcis es! & quis dignus erit audire vocem turturis? in solitudine canit turtur, & semper turtur solitudinem diligit, quia singularem dilectionem quærit. Non audietur in plateis vox ejus, neque foris clamorem suum proferet. Intus resonat, intrinsecus canit & non possunt audire turturem, nisi qui intus sunt, qui elongant in solitudine, qui secretum inhabitant.

a Donec [autem] homines pro Dei cultu, mercedem tantum in terrâ, & tantum terram acceperunt, minimè se cognoverunt peregrinos; nec more turturis ingemuerunt. Ita tandem non est vox turturis audita in terra nostra. Ubi ergo Regni Cœlorum promissio facta est, tunc primum manifestè sonuit in terra vox turturis. Nam dum sancta quæque jam Anima CHRISTI præsentiam suspiraret, Regni dilationem molestè ferret, desideratam patriam gemitibus & suspiriis à longè salutaret, nonne tibi videtur, vice fungi gemebundæ ac castissimæ turturis, quæcunque anima in terris ita fecisset? Ex tunc ergo & deinceps vox turturis audita est in terrâ nostrâ. Quid ni moveat mihi crebras

a Bernard. serm. 59. in Cant.

crebras lacrymas & gemitus quotidianos CHRISTI absentia? Domine ante te omne desiderium meum, & gemitus meus à te non est absconditus. Laboravi in gemitu meo, tu scis, sed beatus qui dicere potuit: Lavabo per singulas noctes lectum meum, lacrymis meis stratum meum rigabo. Non solum autem mihi, sed & omnibus, qui diligunt adventum ejus, gemitus isti comperti sunt. Hoc quippe est quod ipse agebat: numquid possunt filii sponsi lugere, quamdiu cum illis est sponsus? venient autem dies, cum auferetur ab eis sponsus, & tunc lugebunt, ac si diceret; & tunc vox turturis audietur. Ita est, JESU bone, venerunt dies illi; nam & ipsa creatura ingemiscit & pariturit usque adhuc, revelationem filiorum Dei expectans: non solum autem illa, sed & nos ipsi intra nos gemimus adoptionem filiorum Dei expectantes Redemptionem corporis nostri. Neque vacui gemitus, quibus è coelo tam misericorditer respondetur: Propter miseriam inopum & gemitum pauperum nunc exurgam, dicit Dominus. Fuit & in tempore Patrum, vox ista gementium: sed rara, & penes quemque suus gemitus. Unde & dicebat quis: Secretum meum mihi, secretum meum mihi? At ubi palam clamatum est, Quæ sursum sunt querite, ubi CHRISTUS est in dexterâ Dei sedens, ad omnes jam coepit pertinere gemitus ille turtureus, & una omnibus esse gemendi ratio.



LIBER SECUNDUS.

V O T A

ANIMÆ SANCTÆ.

I.

Concupivit anima mea desiderare justificationes tuas. *Psal. 118.*

Coelestem dubitans , terrenumque inter
Amorem,

Nescio quo statuam sub duce signa sequi.
Ille sub imperium, vocat hic ad pilea : pugnant
Dissimili nimium conditione duces :

Hinc vocor , hinc revocor , rursusque invitor
utrinque

Non secus ac refluxo quassa carina salo.

Ambiguum faciunt Amor hic, Amor ille duellum,
Impediuntque suo sistere vota loco.

Sit satis, ah ! tandem mala tot fastigia passa,

Et sinar ad portus spem revocare suos !

O Deus ! aut nullo caleat mihi pectus ab igne,

Aut solo caleat legis amore tuæ !

Non nego ; quod lubeat , magna est, optare , vo-
luptas ;

Et modò posse Volo dicere ; Nolo, modò !

Frena nihil patitur minùs, atque libido vovendi,

Nec se lege sinunt libera vota premi,

Ut



Concepivit anima mea desiderare justificationes tuas Psalmus.

Ut vagus exultim lorisque, lupisque solutus
 Quoslibet in pastus currere gestit equus:
 Aut stabulo ruit & viridi mox sternitur herbâ,
 Deposito nimum bacula lata iugo;
 Ast ubi mox revocat consueta ad arata colonus,
 Excudit ille lupos, illa recusat onus.
 Scilicet expetitur libertas una vovendi,
 Qua satis est, quamvis utilitate vacet.
 Sic Phaëton, patria ruiturus ab axe quadriga,
 Appetis ignotos flectere rector equos.
 Sic quoque non solitis dum niteris altius alis
 Icari, subjectis labere mersus aquis. (res!
 Quàm varia Superum lassas prece tundimus au-
 Cœlitibus puto nos sæpè movere jocum.
 Ille vovet nuptam, nupta vovet ille sepulcrum;
 Hic sobolem nasci postulat, ille mori:
 Ille Patri mortem, Patri rogat ille salutem;
 Hic fieri juvenis supplicat, ille senex.
 Vix, puto, consentit centum de millibus unus;
 Quin aliquis voto diffidet ipse suo.
 Denique quid Superos oret, pars maxima nescit,
 Tam nova quisque sibi vota, precèsque facit.
 Sic ubi jam gravidæ stimulant fastidia Matres;
 Obscœnam satiant ferula pudenda famem:
 Scilicet expetitur modò calx modò creta palato,
 Et modò, quæ stomacho displicuere, placent.
 Quid desideris ultra tot inanibus uror?
 Quid jaculor nullo votâque, spēsque scopo?
 Este procul gemitus, procul anxia turba timores,
 Sollicitaque preces, votâque, spēsque procul.
 O Deus, aut nullo caleat mihi pectus ab igne,
 Aut solo caleat legis amore tua.

Concupivit anima mea desiderare justificationes tuas. Psalm. 118.

Mirum est, quomodo concupiscatur desiderium; nec sit in nobis, cujus concupiscentia jam sit in nobis. Quis nesciat in homine esse concupiscentiam, in homine desiderium? cur ergo concupiscitur, ut habeantur, quasi forinsecus inferatur? aut quomodo haberi ejus concupiscentia sine ipso potest, cum non sit & ipsum quid aliud, quam concupiscentia? Nam & desiderare, procul dubio concupiscere est. Quis enim iste mirabilis atque inexplicabilis languor? & tamen est; nam & ægrotus qui fastidio laborat concupiscit utique desiderare cibum, dum concupiscit non habere fastidium. An aliud est concupiscere, aliud desiderare? non quod non sit concupiscentia desiderium, sed quia non omnis concupiscentia desiderium est, concupiscuntur enim & quæ habentur, & quæ non habentur: nam concupiscendo fruitur homo rebus quas habet; desiderando autem, absentia concupiscit: desiderium ergo, quid est, nisi rerum absentium concupiscentia? sed Dei justificationes absentes esse quomodo possunt? An & quando sciuntur, & non fiunt, absentes habendæ sunt? sæpè enim quid agendum sit, videmus; nec agimus, quia non delectat ut agamus, & concupimus ut delectet. Prævolat intellectus; & tardè sequitur, & aliquando non sequitur,

a August. in Psalm. 118.

sequitur, humanus atque infirmus affectus. Ideo ergo desiderare concupiscebat, quæ bona esse cernebat, cupiens eorum habere delectationem, quorum potuit videre rationem.

a Non dixit [autem] concupivi judicia; sed, concupivi desiderare: sicut enim vitâ vivere, plus est, quàm vivere (vivere namque commune etiam hujus est vitæ; vita autem vivere, Beatorum est) sic concupiscere, ut desideremus judicia Dei, plus est, quàm desiderare judicia; concupiscimus enim desiderare, quasi non sit potestatis nostræ desiderium, sed gratiæ Dei. Cùm enim Dominus oblectari nos viderit cupiditate desiderii judiciorum suorum, sobrium auget affectum; cùm autem peccamus non concupiscimus desiderare judicia Dei. Unde etiam Dominus non otiosè ait: *Desiderio desideravi hoc pascha manducare vobiscum*; non solum desiderans, sed etiam geminato desiderio concupiscens remissionem tribuere peccatorum. Concupiscamus ergo & nos desiderare judicia Dei.

b Nam sicut dicitur aliquis carnalis Amor, quem & Cupidinem appellaverunt Poëtæ, secundum quem qui amat, in carne seminat: ita est & quidem spiritualis Amor, secundum quem & ille interior homo amans in spiritu seminat.

c [Jam] discerne petitionem cordis tui, à petitionibus carnis; discerne quantum potes. Verbi gratiâ: cæcus est corpore; rogat ut illu-

E 7

minetur:

a August. in Psal. 118. *b* Orig. prolog. in Cant.
c August. in Psalm. 36.

minetur : Petitio hæc carnis. Infirmatur, rogat se saluum fieri ; saluus fit moriturus ; & ista petitio carnis est, & si quæ sunt talia. Petitio cordis quæ est ? sicut petitio carnis est, velle sibi præparari oculos, utique ad videndam istam lucem (quæ talibus oculis videri potest) ita petitio cordis, ad illam lucem pertinet ; *Beati mundo corde, quoniam ipsi Deum videbunt.*

a Sed homo, quasi pullum onagri se liberum natum putat ; nam qui implere cuncta quæ desiderat per effrenatam libertatem quærit, quid aliud, quam pullo onagri esse similis concupiscit ; ut disciplinæ hunc lora non teneant, sed audenter inter vagos per sylvam desideriorum curret ?

b Mens quoque nostræ rebus mutabilibus subdita, & à semetipsâ varistur. Nam quærens quod non habet, anxia percipit, cumque habere coeperit, tædet hanc percepisse, quod quæsit. Amat sæpè quod despexerat, despicit quod amaverat. Diu quærit, & parùm in his quæ invenit, perseverat.

c Nos enim, nati in hujus peregrinationis ærumnâ, huc fastidiosi jam venimus ; nescimus quid desiderare debeamus.

d Ac planè quid oremus, sicut oportet, nescimus. Alius vult conjugari ; alius conjugio viduatus deinceps continenter eligit vivere ; alius nulum concubitus nec in ipsis nuptiis experiri.

a Et

a Greg. c. 15. in c. 12. Job. *b* Greg. c. 22. in c. 7. Job. *c* D. Greg. hom. 36. in Evang. *d* August. de orando Deo. Epist. 21. ad Proban. c. 5.

LIBER SECUNDUS. III

a Et ego inhiabam honoribus, lucris conjugio, & tu irridebas.

b Certè, qui dicit in oratione, verbi gratiâ : Domine multiplica divitias meas ; aut, da mihi tantas, quantas illi vel illi dedisti ; aut honores meos auge ; aut fac me in hoc sæculo præpotentem atque clarentem, vel si quid hujusmodi est ; & hæc dicit, eorum habens concupiscentiam, non id attendens, ut ex his, secundum Deum profit hominibus, puto eum non invenire in oratione Dominicâ, quo possit hæc vota coaptare : Quamobrem pudeat saltem petere, quæ non pudet cupere ; aut si & hoc pudet, sed cupiditas vincit ; quanto melius hoc petitur, ut etiam ab isto cupiditatis malo liberet, cui dicimus : *libera nos à malo.*

c Vides [ergo] aviditate omne malum exortum, cum ipsum desiderium videlicet, non sustineat intra proprios terminos consistere ;

Quidquid enim terminos à Deo statos transgreditur, id absurdarum ac minimè legitimarum rerum appetens est. Quemadmodum enim fieri sæpè videmus, ut qui ciborum appetitionem, quique impotenti siti correpti fuerint, ii & cœnum quoque nonnunquam ad bibendum appetant ;

d Sic cor meum, cor vanum, vagum & instabile dum suo ducitur arbitrio, & divino caret consilio, in seipso non potest consistere, sed
omni

a Aug. Confess. 6. c. 6. *b* August. de orando Deo. c. 12. Ep. 121. ad Proban. *c* Chrys. in Ep. ad Rom. c. 1. hom. 4. *d* Bernard. cap. 9. medit.

omni mobili mobilius, per infinita distrahitur,
& hac atque illac, per innumera discurret; &
dum per diversa requiem quærit, non invenit,
sed in labore miserum, à requie vacuum manet;
sibi non concordat, à se dissonat, à se resilit, vo-
luntates alternat, consilia mutat, ædificat nova,
destruit vetera, destructa coædificat, eadem ite-
rum atque iterum alio & alio modo mutat & or-
dinat; quia vult & non vult, & nunquam in eo-
dem statu permanet.

a Sed allide Domine concupiscentiam meam
dulcedine tuâ, quam abscondisti timentibus te,
ut concupiscam te concupiscentiis sempiternis;
ne vanis illectus & deceptus interior gustus po-
nat amarum dulce & dulce amarum.

II.

Utinam dirigantur viæ meæ ad custodien-
das justificationes tuas! *Psalm. 118.*

QUO ferar in tanto deprensa errore viarum.
Scitum vobis tam vario tramite fallit iter?
*Hæc abit in dextram, tenet altera semita lavam,
Illa tumet in clivos, vallibus ista jacet:
Hæc faciles aditus, aditus habet illa malignos,
Et quos illa tegit, detegit illa dolos.
Quoque vel hæc tendat, vel quò se porrigat illa,
Exitus implexo sine videre vetat.
Non ita, quæ partes via se findebat in ambas,
Herculis ambiguum fecit euntis iter,
Nec totidem refluis Meander flectitur undis,
Ipse suis quamvis obviis erret aquis.*

Nec

a *August. Soliloq. c. 12.*



*Ut inam dirigantur viæ mæ ad custodi-
endas iustificationes tuas 'Psalm. n^o.*

Nec labyrinthæi tanta est fallacia tecti,
 Curva licet variis flexibus antra tegat.
 Heu graviora meos cobibent discrimina gressus!
 En geminâ dubiam parte pericla premunt:
 Non ego quæ metuum divortia mille viarum,
 (Solum Dædaleâ, qui fuit æde labor)
 Sed præter varios curvis ambagibus orbes,
 Nox etiam cæcas celat opaca vias;
 Nullaque se presso monstrant vestigia signo,
 Quâ populus trito calle, notârit iter.
 Et licet explorem prætensis obvia palmis,
 Et vitæ obstantes, tubera dura, petras;
 Vix satis inceptos ausim producere cursus,
 Sed retinent timidum noxque, dolusq; gradum.
 Lassus ut ignotâ cum fors regione viator
 Opprimitur nebulâ præcipitante diem:
 Nullaque jam toto collucent sidera Cælo,
 Nec propè sunt ullæ, rustica tecta, casæ;
 Nullaque signato callem notat orbita sulco,
 Ulla nec humano semita trita pede;
 Nec scit, an in sylvas, an eat ruiturus in undas,
 Longiùs inceptam si paret ire viam,
 Tum validis mutos compellat vocibus agros
 Si quis aberranti præstet arator opem.
 Utque vel è stabulis tacitisque quis audiat antris,
 Ingeminant longos, tæque quaterque sonos.
 Omnis at in surdas clamor volat irritus auras,
 Nullaque Pastoris verba remissa sonant.
 O quis in his tendat mihi stamina fida periclis!
 Quis Deus, in tantâ, sit mihi nocte Pharos?
 Isacidas quondam per inhospita regna vagantes,
 Insolitas docuit clara columna vias:

Stella

Stella comes monuit Nabalbaos lumine reges,
 Parvâque Bethlemia duxit in antra domus.
 Quin recreant trepidos, fratrum duo fidera, nautas
 Tu quoque mi gemini Castoris ede facem.
 Gnosis aberrantem revocavit Thesea filo,
 Sestâque Leandro fixit amica facem.
 Ecce ego sum Theseus, vice tu mihi sis Ariadnes,
 Cumque ero Leander sis vice Sestiados.
 Afficis ut multi, vaga turba, per avia currant,
 Et suus huc, illuc, quemlibet error agat?
 Hic cadit ignotâ praeceps Regione viarum,
 Ille vago cecum tramite versat iter:
 Hic celerat cursus; hic passu deside lentat;
 Sapius ille suos fertque refertque, gradus:
 Hic diversus abit, lateri comes ille propinquat;
 Hic comitis ductu fallitur, ille suo:
 Perpetuos aliquis vestigia flebit in orbes,
 Alter in obliquas volvitur usque vias:
 Hic ratus ad certam cursu se tendere metam,
 Decepto repetit limina prima pede:
 Denique in errorem facto ruit agmine vulgus,
 Quodque tenere decet, vix tenet ullus iter.
 Utinam, recto tendat mea semita ductu,
 Nec fraus decipiat tramitis ulla gradum?
 Qualis at excusso fugit irrevocabilis arcu.
 Dum volat ad certum missa sagitta locum;
 Talis in offenso festinet limite cursus,
 Quâ tua nempe movent tendere iussa, viâ.
 Esto igitur mea lux, quoties jaculabere, nervus.
 Quemque petis jaculis lex tua sancta, scopus;
 Quâque scopum cupies certus tetigisse sagitta,
 Illa ego sum digitis lecta sagitta tuis.

Utinam

*Utinam dirigantur viae meae ad custodiendas
justificationes tuas. Psalm. 118.*

Hieremias dicit: Scio Domine, quia non est
in homine via ejus; nec viri est ut ambulet
& dirigat gressus suos. Hinc & in Psalmis cum
quidam dixisset Deo: tu mandasti mandata tua
custodiri nimis, continuo, non de se praesumpfit,
sed optavit ut faceret. *Utinam, inquit, dirigantur
viae meae ad custodiendas justificationes tuas.*

Miles qui ingreditur iter, viandi ordinem
non ipse disponit sibi, nec pro suo arbitrio viam
carpit, nec voluntaria captat compendia, ne re-
cedat à signis, sed itinerarium ab Imperatore
accipit & custodit illud; praescripto incedit or-
dine, rectaq; viâ conficit iter, ut inveniat com-
meatum, parata sibi subsidia. Hanc legem vian-
di esse praescriptam, Christo ducente, sanctis
commeantibus, recognoscas velim. Profecti
sunt enim & Patres nostri de terra Aegypti, per
longa spatia terrarum, quorum stativæ omnes,
mansionesque descriptæ sunt. Advertimus ergo
quis has ordinaverit mansiones, quomodo am-
bulare oporteret filios Israël. Praebat enim illos,
per diem, Deus in columna nubis; noctu au-
tem in columna ignis, ut viam ostenderet ambu-
lantibus & tenebras dimoveret, lex viarum, co-
lumna erat & ignis & nubes.

Multæ enim sunt viæ & multa genera via-
rum;

August. l. 2. de oper. merit. b Ambr. in Psal.
118. Oct. 5. c Bern. serm. 11. super: Qui habitat in
adjutorio.

rum ; magnum profectò periculum viatori. Quàm facile in multarum occurſu , errabit in via ſua, qui viarum diſcretione caruerit ? Scrutemur proinde vias noſtras , etiam vias dæmonum , vias quoque Beatorum ſpirituum, & vias Domini inveſtigemus.

a [Si enim] viam ingreſſus cùm veneris ad compitum aliquod : (& nescias quod iter ingredi debeas) ſtas & cogitas ipſe tecum, utrùm primam, aut ſecundam, aut tertiam viam eligas quam ſequaris , nec putas priùs adoriendum iter quàm animo deficiens ; quanto magis animo debes ac mente conſiſtere qui ad regnum cœleſte tendis, & cogitare tecum, quia non omnis via illò ducit, non omnis eò dirigit ad Hieruſalem illam quæ in cœlo eſt. Sunt viæ quæ malos exitus mortis habent. Hæ ſunt viæ de quibus legiſti : *Quia ſunt viæ quæ videntur viro rectæ eſſe, ultima autem ejus aſpiciunt in profundum inferni.*

b Viæ igitur filiorum Adam in neceſſitate & cupiditate verſantur. Ab utraque ſiquidem ducimur, & ab utraque trahimur, niſi quod videmur magis urgeri neceſſitate, trahi cupiditate. Et neceſſitas quidem ſpecialiter corpori tribuenda videtur, nec ſimplex illa eſt, ſed *anfractus habens plurimos plurimæque diſpendia* ; nam compendia pauca admodum, ſi quæ tamen. In his quoque docetur quàm neceſſe habeat clamare ad Dominum, non de neceſſitate, ſed de
neceſſi-

a *Ambr. in Pſalm. 118. Oſion. 8.* *b* *Bern. ſerm. 11. ſuper : Qui habitat.*

necessitatibus meis erue me. Non modò ab hac viâ necessitatis, sed ab eâ quoque quæ cupiditatis est, optabit educi, quisquis non surdâ aure monita Sapientis exceperit. Quid enim ille ait? *à voluntatibus tuis avertere, & item: post concupiscentias tuas non eas.* Hæ sunt viæ quæ videntur hominibus bonæ, sed finem non habent nisi cùm demergunt in profundum.

a Si invenisti vias hominum, illud quoque considera, ne fortè de his dictum sit: *Contritio & infelicitas in viis eorum*; ut sit contritio in necessitate, infelicitas in cupiditate. Videamus & vias Dæmonum, videamus & caveamus; videamus, & fugiamus eas; siquidem via illorum, Præsumptio & Obstinatio. Quàm perverso & everso sunt corde filii hominum! quicunq; sectantur vias Dæmonum, ingrediuntur Dæmonum vias. Hæc enim tota adversum nos spiritualium colluctatio nequitiarum est, ut nos seducant, ut nos inducant in vias suas, ut deducant in eis, perducant ad destinatum finem, qui paratus est.

Quæ verò sunt sanctorum Angelorum viæ? Profectò illæ, quas unigenitus enarravit dicens: *Videbitis Angelos ascendentes & descendentes super filium hominis.* Ascensio igitur & descensio viæ illorum. Ascensio propter se, descensio vel potiùs condescensio propter nos. Puto & vias Domini vultis audire. Docuit itaque vias suas, cùm aperuit labia Prophetæ ut diceret: *Universa via Domini misericordia & veritas.* Ita ad singulos, ita ad omnes communiter venit, in
miseri-

a *Ibidem.*

misericiordiâ scilicet & veritate. *Ab hâc itineribus incurvati sunt colles mundi, superbi, Dæmones, Principes.*

a Ille ordo est, alii præcedunt, alii sequuntur, Qui præcedunt exemplum se præbent sequentibus; numquid neminem sequuntur? Si neminem sequuntur, errabunt. Sequuntur ergo & illi aliquem, ipsum CHRISTUM. Et cernitis ordinatos gressus per Paulum Apostolum dicentem: *Imitatores estote sicut & ego CHRISTI.* Justi attendendo eos qui se in bono præcedunt, imitando sequuntur. Quomodo sequuntur? *Videbunt justi & timebunt.* Videbunt & timebunt sequi vias malas, cum vident quosque meliores, jam elegisse vias meliores; & dicent in animo suo, quemadmodum solent dicere viatores, attendentes alios cum præsumptione ambulantes in viâ, ipsi adhuc incerti viæ, & quasi fluctuantes quò eant, dicunt sibi: Non frustra illi hæc eunt, quando illò eunt, quò nos ire volumus. Et quare cum magnâ fiduciâ hæc eunt, nisi quia illac ire perniciosum est. Videbunt ergo justi & timebunt. Angustam viam vident illac; hæc vident paucos, illac multos; sed si justus es, noli numerare; noli numerare turbas hominum incedentes latas vias; noli eos attendere, multi sunt; pauci autem eunt per viam angustam.

b Reproborum [siquidem] *semitæ* semper involutæ sunt, ut pravis concupiscentiis dediti aut bona nulla appetant, aut appetentes infirmo desiderio

a Augustin. in Psalm. *b* Greg. c. 17. l. 7. mor. in c. 6. Job.

Aderio ad hæc nequaquam mentis *liberos gressus* tendant. Recta enim aut non incipiunt, aut in ipso fracti itinere, adhæc minimè pertingunt, unde fit plerumque, ut ad morem suum, lassati redeant, seseque ab intentione animi in carnis voluptatibus sternant, sola quæ transeunt, cogitent; nulla quæ secum permaneant, curent.

a Caput circuitus eorum? quid est circuitus ipsorum? ut circumeant & non stent, in gyrum eant erroris, ubi iter est sine fine: qui enim in longum it, aliunde incipit, alicubi finit; qui in gyrum it, nusquam finit. Ipse est labor impiorum, qui demonstratur in alio Psalmo evidentiùs: *in circuitu impii ambulant.*

b Benè ergo de reprobis dicitur: *Involuta sunt semitæ gressuum eorum*, quia recta quidem deliberando appetunt, sed ad consueta semper mala replicantur, & quasi extra se tensi, ad semetipsos per circuitum redeunt, qui bona quidem capiunt, sed à malis nequidquam recedunt.

c Et quidam cadunt extra viam; ut ille qui nunquam fuit de Ecclesia. Quidam cadunt à viâ; unde hoc: *Melius est viam justitiæ non agnoscere, quàm post agnitam retroire*: Quidam cadunt in viam, unde dicitur: *justus septies cedit in die.*

d Sed est multa differentia inter casum Justi & injusti: *Justus*, inquit, *cùm ceciderit, non prosternitur*. Injustus, & qui spem non habet in Deo

a August. in Psal. 139. *b* Greg. lib. 7. moral. c. 24. in cap. 6. Job. *c* Bonav. in Psal. 36. *d* Orig. hom. 4. in Psalm. 36.

Deo positam, si ceciderit, prosternitur, & non surgit, id est, si peccaverit, non poenitet, & peccatum suum emendare nescit.

a *O tortuosas vias!* vae animæ audaci, quæ speravit, si à te recessisset, se aliquid melius habituram! Versa & reversa; in tergum & in latera, & in ventrem, & dura sunt omnia, & tu solus requies. Et ecce ades, & liberas a miserabilibus erroribus, & constituis nos in viâ tuâ, & consolaris & dicis: *Currite ego feram, & ego perducam, & ego ibi feram.*

b *Meliùs dirigebantur à Domino gressus eorum,* quibus per noctem, ignis columna lucebat, per diem, nubis. Et tu merere factis, votisque deposce, ut *gressus tui à Domino dirigantur, ne moreantur pedes tui.* Cavendum est quoq; ne rectam semitam derelinquas, & *diverticulate viarum tortuosarum* decipiant. Idèd dicit: *Parate viam Domini, rectas facite semitas ejus.* Rectas faciamus animorum semitas, ne labamur, ne effundantur gressus nostri sicut uxoris Loth, quæ post se respexit, & gressus tenere non potuit, sed effusi sunt. Non effundantur sicut Ægyptiorum, quorum gressum maris fluctus effudit. Nónne de his pulchrè dixeris: *Effusi sunt gressus eorum,* quos benè vixisse poenituit?

c *O qui dereliquisti semitas rectas, abeundo in vias tenebrarum!* ô qui lætaminî in malis, & gaudetis in everfione malâ, quorum semitæ pravæ, & *flexuosi cursus eorum* sicut lubricus & fluxuo-

a *August. confess. 6. c. 16.* *b* *Ambr. in Psal. 36.*
c *August. in Psal. 38.*



*Perfice gressus meos in semitis tuis: ut
non moveantur vestigia mea. Psalm. 16.*

fluxuosus author ipforum, cur odisse cœpistis
viam rectam! Non vos dixerit Dominus.

a O Domine qui lux es, qui es via, veritas &
vita, in quo non sunt tenebræ, error, vanitas,
neque mors. Lux, sine quâ tenebræ; via, sine
quâ error; veritas, sine quâ vanitas, vita, sine
quâ mors: Dic verbum, Domine; fiat lux, ut
videam lucem & vitem tenebras: videam viam,
& vitem invium: videam veritatem & vitem
vanitatem: videam vitam & vitem morem.
*Illuminare, inquam, illuminare huic cœco, qui
in tenebris & in umbrâ mortis sedet, & dirige pe-
des ejus in viam pacis!*

b [Fac] ut anima [mea] telum sit in manu
potentis ad scopum supernum directum, [scio]
esse eundem & sponsum nostrum & sagitta-
rium; [fac] eandem item animam esse spon-
sam & telum, quâ ille tanquam telo utatur,
dum eam bonum ad scopum dirigit.

III.

Perfice gressus meos in semitis tuis: ut
non moveantur vestigia mea. *Psal. 16.*

ERgo caduca gradum toties mihi tibia fallit,
Sternet & in planâ pes vitiosus humo?
Aspice, qui in Cœlis hominum vestigia spectas,
Firmaque fac pressostet mea planta solo.
Instruit implumes pennata Ciconia pullos,
Et docet aërias prapes inire vias.

F

Exem-

a August. Soliloq. cap. 4. *b* Nyssen. orat. 4. in
Cant.

Exemplo volucrum sequitur modò filia Matrem,
 Tutàque jam peragit, quod metuebat, iter.
 Provocat expansis sobolem Jovis armiger alis,
 Et jubet insuetas sollicitare plagas.
 Mox præt, & pleno se jactat in aëra lapsu,
 Remigio soboles subsequiturque patrem.
 Dum primum ignotas tentat puer inscius undas,
 Corporis indoctum subere fulcit onus:
 Mox opis oblitus, flumen sine cortice tranat,
 Flumen inexperto sæpè sed ore bibit:
 Sapiùs at doctis ubi plauserit æquora palmis,
 Ducit in immenso brachia tuta salo.
 Aspice, qui in Cœlis hominum vestigia spectas,
 Aspice, quâ nobis arte levetur iter:
 Sustineor fragili puerilia membra curuli,
 Quæque vehunt socias ipsa propello rotas.
 Nempe tripes baculi sic stipite nititur atas,
 Quisque senem vectat à sene fertur equus.
 Ne tamen ambiguis malè decipiare querelis;
 De pedibus, tecum nulla querela meis:
 Nec vitio planta, vitio neque crura laborant;
 Saxa per & salebras tibia nostra salit.
 Non ego pennipedi dubitem certare Camilla,
 Isse per intactas quæ pede, fertur, aquas.
 Quod queror, est animi vitium lacrymabile nostri,
 Qui, quibus incedat, languidus est pedibus.
 Heu jacet afflictis, affectibus omnibus æger!
 (Hi, quibus incessit, nempe fuere pedes) (est,
 Si quod iter, quamvis breve sit, virtutis eundum
 Mens mihi sit minima lassæ labore viæ;
 Crura forent fragilis veluti tu, Nile, papyrus,
 Quæque ruit motâ canna palustris aquâ.

Rarus,

Rarus, at immodicus quandoque resuscitat ardor,
 Et pede fulmineo stringere cogit iter: (dor;
 Sed bene vix coeptum, currendi extinguitur ar-
 Lampadis ut magno flammula parva Noto.
 Ne tamen ignavis videar segnescere plantis,
 Promoveo tardos pigra subinde gradus.
 Ast mea tunc, caveam quisquam vestigia servet,
 Ne puter immodicis ebria facta scyphis:
 Scilicet in partes ita tibi claudicat ambas,
 Semipedis claudi pes ut hiulcat iter.
 Nunc volo, nunc nolo, nunc aestuo, nunc languesco,
 Nunc stupet ut rigido mens religata gelu.
 Impatiens igitur, coepti sine fruge laboris,
 Sape via medio, lassâ retento gradum.
 Sed neque, quâ languens statione resistere tento,
 Instabilem valeo figere firma pedem.
 Auferor adverso velut incita puppis ab aestu,
 Quam neque vis remi nec sua vela juvant;
 Damnâque sunt iterum vano redimenda recursum,
 Irritus aeterno sic redit orbe labor.
 Nempe catenati, sic publica corpora, servi
 Circumeunt toties, pendula testâ mola.
 It mola, perque suos rapitur circumvaga gyros,
 Sed perit bis, quicquid conficit illa via.
 Heu quid agam! neq̃ sueta vehineq̃, currere doctâ,
 Nec pedibus minimas utilis ire vias!
 Magnum iter est Cœlo, magnis huc passibus itur;
 Quid faciet lentis nostra quadriga rotis?
 Tu spatia ingenti perlaberis ardua saltu,
 Vastâque tergemini crura gigantis habes.
 Eoum passu, Hesperidâque amplectere mundum,
 Sub femur ut Rhodius vela Colossus agit:

*Ast testudineo reptat mihi tibia gressu,
 Aut chelis referor, Cancer adunce tuis.
 Quid possitas igitur sperem contingere metas,
 Quæ metas refugo perdita sector equo?
 O Deus, ambiguos trepidantis perfice gressus,
 Vincat & applausis nostra quadriga rotis!*

*Perfice gressus meos in semitis tuis, ut non
 moveantur vestigia mea. Psalm. 16.*

a In quo corrigit adolescentior viam suam?

*b SÆpè etenim egregiâ dum spe subnixus, in
 altum*

*Efferor, ac mediæ virtutis septa volatu
 Transilio dirus, resupinum mentis ad ima
 Precipitem fundit Satanas; mihiq; accidit illud,
 Quod solet huic, qui littoreâ dum incedit arenâ,
 Haud certa elusis pedibus vestigia firmat.*

*Erigor ipse iterum, rursusque in terga relabor,
 Infelix magè, quàm prius; incedensque labore
 Perpetuo, trepidumque fovens in corde pavorem
 Vix gradior, citus at labens figo oscula terræ.*

*c Vias tuas Domine demonstra mihi, & semi-
 tas tuas edoce me.*

d Deduc me in viâ tuâ.

e Fac mihi viam in quâ ambulem.

*f Nam quis inter tot passiones hujus corpo-
 ris, inter tantas illecebras hujus sæculi, tutum
 atque*

*a Psal. 118. b Nazianz. de vir. huma. c Psal.
 24. d Psal. 85. e Psal. 182. f Ambr. de fugâ sæ-
 culi, c. 1.*

atque intemeratum servare potest *Vestigium?* Respexit oculus, & sensum mentis avertit, audivit auris, & intentionem inflexit; inhalavit odor, & cogitationem impedivit; os libavit, & crimen retulit; tectus contigit, & ignem adolevit.

a [Quare] qui iter agit ad virtutem, multa sunt quæ digredi habet & transire. Ergo & tu, qui ad CHRISTUM tendis (qui es Dei virtus) digredere luxuriam, scorta, adulterium; digredere furta, falsa testimonia; tum deinde digredere & avaritiam, & omnem pecuniæ cæterarumque malarum rerum concupiscentiam; digredere mendacium, digredere stultitiam sæculi.

b Bonum crus fac pedi tuo, non enim naturæ est, sed voluntatis: levem hanc reddamus, ne celeritati pedum reliquum pondus officiat. Doce pedes esse cautos; pavimentum enim multis locis est lubricum; ac si cadas, multa perdidisti: attamen etsi cecideris, surge; licet enim & hoc pacto vincere. Nunquam lubricis rebus te committas, & non cades: super solidas ac stabiles curre.

c In eo namque ostendimus, quantâ ad Dominum cupiditate flagramus, si non solum ad eum per tranquilla & mollia, sed etiam per aspera & dura transimus. Hinc namque Propheta ait: *Qui perfecit pedes meos, quasi cervi.* Cervus enim cum montium juga conscendit, quæque

F 3 aspicit

a Orig. hom. 4. in Psal. 36. *b* Chrys. in 3. c. ad Phil. *c* Greg. l. 26. mor. c. 10. in c. 35. Job.

aspicit aspera, quæque se objiciunt sentibus illigata, dato saltu transgreditur, & absque ullo cursus sui obstaculo, in superioribus elevatur; ita etiam electorum mentes, quæque sibi in hoc mundo obistere atq; obviare conspiciunt, contemplationis saltu transcendunt, & more ceravorum, despectis terrenorum sentibus, in superna se evehunt.

a Est ascensio, est transilitio, non pedibus, non scalis, non pennis; & tamen si interiorem hominem attendas, & pedibus, & scalis, & pennis. Nam si non pedibus; quomodo dicit homo interior: *Non veniat mihi pes superbiae*: si non scalis; quid sunt quas vidit Jacob? si non pennis, quis est qui dicit: *Quis dabit mihi pennas sicut columba, & volabo & requiescam?* sed in rebus corporalibus, aliud sunt pedes, aliud scalæ, aliud pennæ. Intus autem & pedes & scalæ, & pennæ affectus sunt & bonæ voluntates.

b Stat [anima] manu verbi levata velut super duos pedes, devotionem & agnitionem. Stat, inquam, sed sibi putet dictum: *qui se existimat stare, videat ne cadat*. Putasne stare per se poterit, quæ surgere per se non potuit? Cur ergo si stare per se poterat, orabat homo de terrâ, *Confirma me*, inquit, *in verbis tuis Domine*: Denique & probârat. Ejus ipsius illa vox fuit: *Impulsus, eversus sum ut caderem, & Dominus suscepit me*. Quæris, quis ille impulsor? non est unus, Impulsor Diabolus est, impulsor Mundus, impulsor Homo. Quis iste homo sit, quæris?

a Aug. in Ps. 38. b Bern. serm. 23. in Cant.

quæris? quisque sui. Noli mirari, usque adeò homo impulsor sibi est, & suimet præcipitator, ut non sit quod ab altero & impulsore formides, si ipse à te proprias contineas manus: manus tua, consensus tuus. Cùm igitur tres sint stanti imminentes stratores; horum, Diabolus livore malitiæ; Mundus, vento vanitatis; Homo, semetipsum pondere suæ corruptionis impellit. Impellit Diabolus, sed non evertit, si quidem tuum tu illi negaveris assensum. Est & mundus impulsor; quia in maligno positus est; impellit omnes, sed solos evertit amicos suos. Ex quo satis claret, quàm sit Homo præcipuus impulsor sui, qui suo, sine alieno impulsu, cadere potest; alieno, absque suo, cadere non potest. Sed innixum verbo & indutum virtute ex alto, nulla vis, nulla fraus, nulla jam illecebra poterit vel stantem dejicere, vel subjicere dominantem. Vis non timere impulsorem? *Non veniat tibi pes superbiae*, & manus impellentis non moveat te. *Ibi ceciderant, qui operantur iniquitatem*, ibi Diabolus & Angeli corruerunt. Denique *in veritate non stetit*, qui non innixus est verbo: & ideo fortassis sedere voluit, qui stare non valuit; dicebat enim: *sedebo in monte testamenti*. Ceterùm Deo aliter judicante nec stetit, nec sedit, sed cecidit, dicente Domino: *Videbam Satanam sicut fulgur de cælo cadentem*; ergo qui stat, si non vult cadere, non fidat sibi, sed nitatur verbo. Cujus manu erigeris, ipsius necesse est virtute tenearis.

a Via nostra ambulantes quærit ; sed tria sunt hominum genera, quæ odit : Remanentem, Retro-redeuntem, Abeuntem : ab his tribus generibus malis , Domino adjuvante vindicetur, & defendatur gressus noster. Jam verò cum ambulantes fumus , alius tardiùs ambulat, alius celeriùs, ambo tamen ambulant ; excitandi sunt ergo Remanentes ; Retro-redeuntes revocandi ; Errantes in viam ducendi ; Tardi exhortandi ; Celeres imitandi. Qui non proficit, remansit in viâ ; qui fortè à meliore proposito declinat, ad id quod deterius reliquerat, reversus est retrò ; qui fidem deserit, à viâ erravit. Cum tardis sit nobis & cum celerioribus ratio, cum ambulantibus tamen. Quis est qui non proficit ? qui se putaverit esse sapientem, qui dixerit, Sufficit mihi, quod sum : qui non attenderit eum, qui dicit : *quæ retro oblitus, in ea quæ ante sunt, extentus secundum intentionem, sequor ad palmam vocationis Dei in CHRISTO JESU.* Currentem se dixit, sequentem se dixit, non remansit, non retrospexit : absit ut erraverit, quia viam ipse docebat, qui & tenebat, & ostendebat.

b Beati sunt qui non de præteritâ sibi iustitiâ blandientes, secundum Apostolum, per dies singulos in virtute renovantur. Iustitia enim Iusti non proderit ei, à quo die iustus esse desierit. Sanctus ergo securus esse non debet, quamdiu in hujus vitæ agone versatur, sed totum quo

a Aug. tract. de Cant. novo cap. 7. b Paul. epist. ad Galat. in fine inter epist. Hier. to. I.

quo tenditur spatium, vitæ tuæ est, ut peragere possis justitiam, nec de præteritâ justitiâ confidens remissior efficiaris.

a Quare semper tibi displiceat quod es, si vis pervenire ad id quod nondum es; nam ubi tibi placuisti, ibi remansisti. Si autem dixeris; sufficit, & peristi; semper adde, semper ambula, semper profice, noli in viâ remanere, noli retroredire, noli deviare. Remanet, qui non proficit; retro-redit, qui ad alia revolvitur, unde jam abcesserat; deviat, qui apostatat. Melius it claudus in viâ, quàm cursor præter viam.

b Et quid claudicatis in duas partes? dixit Elias populo. Si Deus est, ite post illum; si mundus est, ite post illum; si Deus eligitur, servia- tur illi, secundum ipsius voluntatem; si mun- dus eligitur, ut quid fictum cor quasi Deo ac- commodatur? quid tibi cum pompis Diaboli, amator CHRISTI? Ô munde immunde teneri vis pergens, quid faceres si remaneres? quem non deciperes dulcis, si amarus alimenta men- tiris?

c Deus Dominus fortitudo mea, & ponet pedes meos quasi cervorum.

d Sperabam aliquando in virtute meâ, quæ tamen non erat virtus, & sic volui currere? ubi magis stare credebam, ibi magis cecidi, factusq; sum magis retrò, & non antè, & quod credebam consequi, magis elongatum est à me.

F s

a Cogi-

a August. serm. 13. de verbis Apost. *b* Aug. l. 4. de symb. de Catech. *c* Habacuc 3. *d* Aug. Soliloq. c. 25.

a Cogitavi [ergo] vias meas, & converti pedes meos in testimonia tua.

b Adhuc sequor, adhuc proficio, adhuc ambulo, adhuc in viâ sum, adhuc me extendo, nondum perveni.

IV.

Confige timore tuo carnes meas, à iudiciis enim tuis timui. *Psal. 118.*

Littera prima rudi quondam inculcata juven-
venta,

Fertur ab antiquis, Numinis esse Timor:

Certâque non aliâ Sapientia discitur arte

Si qua fides verbis, Nate Davide, tuis.

Hoc quoque nostra sui, formata puertia ludo,

Doctâque fidereas mens trepidare minas.

Semper atheu! tantis stupuit mens cæca tenebris,

Ull neque, quod toties audiit, Alpha sciat.

Tristibus Orbilii plectenda ignavia sceptris,

Post malè tot positos, nil didicisse, dies.

Et queri serulis segnes Elementa docentur,

Qua levis assequitur sedulitate labor;

Assiciunt nigras Cadmi bis, terve, puellas,

Aspectâsque vocant, nomine quamque suo:

Et licet atrato fit par color omnibus ore,

Signa tamen faciem propria quamque notant.

Cur ergo quod teneris Infantia combibit annis,

Discere non etiam tempore posse putem?

Plurima sunt, nullo penitus mihi docta Magistro.

Cur disci nequeat, arte juvante, Timor?

Ab

a Psal. 118. b Aug. serm. 15. de verb. Domini.



*Confige timore tuo carnes meas, à judicis
enim tuis timui. Psalm. iis.*

*Ab pudet! en timeo, quæ contempsisse decebat;
 Non timeo, justos quæ meruere metus.
 Flagitium, minimo timeo committere teste,
 Non timeo facinus, teste patrare Deo.
 Ne corpus perimant, metuo de nocte latrones,
 Nil metuens Animæ certa pericla meæ,
 Nempe fugit picta sic passer imagine larva,
 Illita cui visco virga timenda fuit.
 Sic tremit aspecta cervus formidine penna,
 Nec tremit obstantes, agmina rauca, canes.
 Sic quoq;, Marmarica trepidat leo terror arena,
 Et cadit in tensas, territus igne plagas.
 Heu! premit humanas furor hic caligine mentes,
 Fulgetras metuunt fulmina, nulla pavent:
 Subjicitur pedibus nigri metus omnis Averni,
 Creduntur stygii fabula ficta foci.
 Scilicet, abjecto leve sit scelus omne Timore,
 Sed gravis insequitur pœna Timore, scelus.
 Flagitiis demum incipiunt trepidare peractis,
 Ante scelus, nullus pectora terror habet.
 Tum pavor heu madidis mentem sudoritus angit,
 Et læsi ante oculos Numinis ara redivit!
 Tum subitus strato vigiles Timor excutit artus,
 Propria tum vacuos terret imago thoros.
 Si strepitum moti dederit mus stramine lecti,
 Creditur è sylvis exsiluisse leo:
 Nocte levis, quassâ si murmuret arbore ventus,
 Horrescunt rigida, fronde sonante, comæ.
 Quid faciant, subitis si fulminet ignibus æther,
 Aut sonet æthereo grandior axe fragor?
 Pectora cœlesti stupeant percussa tumultu,
 Et flammâ metuant dissiliente peti.*

*Tunc terrent aura, tunc terrent scilicet umbra,
 Augurioque notant omnia signa necem.
 Quin etiam nemorum nocturna silentia terrent,
 Ipsaque se fontem mens furiata timet.
 En quantum miseris pœna, mens conscia donat;
 Ipse in sese animus verbera tortor agit.
 Heu quoties stygii, turbato in Cesare, manes;
 Pharsali quoties emicuiſtis agri!
 Sæve Patris vindex, furiis agitaris, Oreste,
 Umbra trucidatæ viva Parentis erat.
 Mæſte colubriferæ Pentheu laniaris Erynni,
 Vindicat hoc læſos verbere Diva Deos.
 Nulla reos animos agitât magè dira Tyrannis,
 Quàm teſtem aſſiduè pectore ferre ſuum.
 O Deus! ô conſige tuo mihi corda timore!
 Ne peccem, furor hâc cuſpide noſter eget.
 Utilis ante ſcelus Timor eſt qui frena gubernet,
 Qui timet, amiſſo crimine, ſerò timet.*

*Conſige timore tuo carnes meas, à judiciis
 enim tuis timui. Pſalm. I 18.*

NIS I timor inſtituendæ vitæ noſtræ rudimenta jaciât, impoſſibile fuerit ſanctimoniam legitimè obſervari. *Conſige*, inquit, *timore tuo carnes meas*; nam quemadmodum qui corporis membra habent clavis tranſfixa, ad actionem quamlibet inſmobilia ea retinent, ſic ii, quorum animam occupavit *Dei timor*, omnem prorſus importunam peccati & obſtreperam occaſionem vitant: Timenti itaque nulla ad comple-

a. Baſil. hom. in Pſalm. 33.

complectendam virtutem desit facultas, cum per *Timorem* ab indecorâ omni & absurdâ actione revocatur & impeditur.

a Nam quemadmodum quercus altius demissis radicibus, nullius venti viribus sternitur, ita animam *Divino timore confixam* nullus tentationum ventus evellit.

b Sunt autem & carnes quædam animæ, sicut corpus est animæ. Carnes animæ, sunt carnales cogitationes: *Configat has carnes timor Domini & judiciorum ejus.*

c Ejusmodi ergo timore eruditus, quasi freno quopiam abarce, & inhihe animam ad vitiosam concupiscentiam propendentem.

d Prudenter sagittari & impugnari salubriter postulat Sanctus cum dicit in oratione: *Confige timore tuo carnes meas*; optima *Timor* iste sagitta, qui configit & interficit carnis desideria, ut spiritus salvus sit.

e Teneat ergo & terreat timor Judicii, metus gehennæ, laquei mortis, dolores inferni, ignis urens, vermis corrodens, sulphur foetens, flamma tartarea & omnia mala.

f In veritate enim didici, nihil æquè efficax esse ad gratiam promerendum, retinendam, recuperandam; quam si omni tempore, coram Deo, inveniaris non altum sapere, sed timere. Beatus es si cor tuum triplici amore repleveris;

F 7 ut ti-

a Chrys. hom. 53. in Joan. *b* Ambr. in Psalm. 118. Oñon. 15. *c* Basil. hom. in Psal. 33. *d* Bern. serm. 29. in Cant. *e* Bern. l. de interiore domo, c. 36. *f* Bern. serm. 54. in Cant.

ut timeas quidem pro acceptâ gratiâ, ampliùs pro amissâ, longè plus pro recuperatâ.

a [Sed multi] *trepidaverunt timore, ubi non erat timor*: numquid enim timor est si quis perdat divitias? non est ibi timor, & ibi timetur, si quis autem perdat sapientiam, ibi verè timor, & ibi non timetur. Stultitia, dicens in corde suo: non est Deus; timuisti perdere terram & perdidisti cœlum!

b [Sed] ita se habet peccatum, ut priusquam fiat & ad opus perveniat, obtenebret & decipiat mentem; postquam autem consummatur, manifestè nobis suam absurditatem proferat & ostendat. Unde brevis illa & absurda voluptas continuum menti dolorem inserit, conscientiaëque fiduciam aufert, confusione captam perfundens. Misericors enim Deus ejuscemodi accusatorem nobis assistere voluit, ut nunquam soli relinquamur, sed indefinenter ille congregiendi clamet, & pœnam exigat delictorum. Scortator enim vel adulter, etiamsi omnium oblivisci queat, nunquam tamen sic in solitudine versatur, quin habens acrem illum accusatorem, suspiciones timeat, umbras tremiscat, & eos qui conscii sunt, & qui non sunt; perpetuaque in animo ejus potestas est, ac reciprocantes, & contrarii fluctus. Insuper neque somnus ei suavis, sed terrore & formidine plenus; neque cibus voluptatem præbet, neque amicorum colloquia talem refocillare vel liberare ab urgente anxietate possunt: sed quasi *Carnificem gestaret se lan-*

a Aug. in Ps. 52. b Chrys. hom. 20. in Genes.

se lancinantem & flagellantem continuò, ita post admissum facinus obambulat; nullo conscio, sustinens intolerabiles poenas illas, & iudex sui ipsius factus & accusator.

a Sonitus terroris semper in auribus illius: & cum pax sit, ille semper insidias suspicatur.

b Explica mihi [improbi] conscientiam, & videbis intùs gravem peccatorum tumultum, jugem metum, tempestatemurbationum videbis, velut in curiâ, mentem ad thronum conscientiae conscendisse regalem, & tanquam Judicem quempiam sedentem & cogitationes loco carnificum adhibentem, in equuleo suspendentem, lateraque conscientiae radentem ungulis; pro commissis vehementer inclamantem, cum nemo sciat, nisi quòd solus Deus hæc videre noverit. Etenim qui committit adulterium, etiamsi millies fuerit dives, etiamsi nullum habeat accusatorem, non desinit tamen intùs se accusare. Et voluptas quidem temporaria est, dolor verò perpetuus, timor undique ac tremor, suspicio & anxietas: angulos metuit, umbras ipsas formidat, suos ipsius famulos, conscios, inscios; illam ipsam quam corrumpit, & virum quem affecit contumeliâ. Obambulat, amarum accusatorem circumferens, conscientiam, cum sit suo ipsius iudicio damnatus, nec possit vel ad breve tempus respirare. Nam & in lecto, & in mensâ, & in foro, & in domo, & interdiu & noctu, & in ipsis frequenter somniis,

a Job 15. b Chrysost. conc. 1. de Lazaro, in cap. 16. Luc.

somniis, hæc iniquitatis simulacra videt, ipsius-
que Cain vitam vivit, gemens ac tremens super
terram, cum nemo sciat; intus tamen habet
ignem implicitum. Idem patiuntur & qui rapi-
nam exercent, & qui fraude lucrum faciunt,
& ebriosi, & in summâ quotquot in peccatis
vivunt. Neque enim ullâ ratione iudicium illud
potest corrumpi muneribus.

a Externi Iudices pecuniis corrumpuntur,
& assentationibus delinquantur & metu simu-
lant; denique multa sunt alia, quæ rectum illo-
rum iudicium depravant: At conscientiaë tri-
bunal, nulli hominum novit cedere, sed quam-
vis dederis pecunias, quamvis mineris, quamvis
aliud quidlibet feceris, justam feret sententiam
adversus peccatorum cogitationes, aded ut ipse
quoque, qui peccatum admisit, seipsum conde-
mnet, etiamsi alius nullus accuset.

b Incorruptus iudex, conscientia, cum ad-
versus hominem exurgit, clarâ voce clamat &
accusat, & ostendit, & quasi ante oculos scribit
peccatorum magnitudinem.

c *Confige* [ergo Domine] *timore tuo carnes*
meas; lætetur cor meum, ut timeat nomen
tuum. Utinam te sic timeret peccatrix anima
mea, quomodo ille vir sanctus qui dixit: *Sem-*
per enim quasi tumentes super me fluctus timui
Deum!

V. Aver-

a Chrys. conc. 4. de Lazar. *b* Chrys. hom. 17.
in Gen. *c* Aug. medit. cap. 34.



*Averte oculos meos ne videant vanita-
tem. Psalm us.*

V.

Averte oculos meos ne videant vanitatem. *Psalm. 118.*

Pervigilant gemina celsi mihi vertice stella,
 Quis est perpetuis munus in excubiis,
 Nec tamen errantes neque possum dicere fixas,
 Sed meritò, duplex utraque nomen habet.
 Errat ab officio vaga sæpiùs utraque iusso,
 Utraque docta suum fixa tenere locum.
 Motibus amba agiles, fixa stationibus amba,
 Quod genus hoc stellas Oedipus esse putet?
 Vos, oculi; vos conspicua duo lumina frontis,
 Sidera vos estis, quæ mihi bina micant.
 Vos, quibus in celsâ statio data pervigil arce,
 Excubat ut summâ lucida flamma Pharo.
 Aut qualis speculâ servans spectator ab altâ,
 Quæque propinqua, videt, quæq; remota videt.
 Non tamen, ut trepidis qui lucent navibus ignes,
 Vos mihi tam fidâ lampade fertis opem:
 Flamma regit nautas, dum flammam teda ministrat,
 Aut flammam retrahant quæ posuere manus;
 Vos (velut excussis rapidus ruit axis habenis,
 Frenâque qui rupit durior oris equus)
 Quò lubet, indomitum differtis in avia cursum,
 Jam nullâ Domini lora regente manu.
 O oculi scopuli titulo meliore vocandi!
 Heu quibus allisæ tot periëre rates!
 Dina peregrinas virgo visura puellas;
 Mater, depositâ virginitate, redit.

Rex

*Rex videt Uriaden nitido semel amne lavantem;
 Illa, Cupidineas vibrat ab amne faces.
 Pulchra Duci Assyriodum comit Juditha for-
 mam.*

*Assyrium truncat Juditha compta Ducem.
 Fortè senes niveam semel aspexère Susannam,
 Ambo senes oculis interiére suis.
 Non tot, ad infames, dura Acroceraunia, cautes,
 Hypotadæ laceras contudit ira rates.
 Non tot, inexpletis fera faucibus unda Malea,
 Scillaque vel feras hausit avara trabes.
 Quis pia nunc igitur non laudet fœdera Iobi,
 Quæ cum luminibus sanxerat ille suis?
 O oculi! ô quanto vos tutius illa revulsit,
 Democriti, propriis dextera magna cavis!
 Quàm tenè, Christiadam quoque nobile, Lucia,
 nomen,*

*Extrudit intrepidâ lumina bina manu!
 O oculi! ô scopuli! crudelia, barbara saxa!
 Saxa, quibus magnæ tot cecidère Animæ!
 Quàm malè commissò geritis pro munere curam;
 Ad mala quos toties sensimus esse Duces!
 Scilicet hæc vobis: capitis custodia lege,
 Præcipiæque arcis credita cura fuit.
 Ut rectos hominum vultus, sublimiæque ora
 Digna Polo, brutâ deprimeretis humo.
 Quin potius Superis mentes attollitis oris,
 Hæcque super terras, Oceanumque super?
 Stellarumque super, mundi que volubilis orbes,
 Denique quicquid habet, lunæque solq, super?
 Illius, ô oculi! spectacula pulchra theatri,
 Materies, vestris lusibus apta foret.*

Putre

*Putre sed aternis cœnum præponitis Astris,
 Omnis & in terras pronior ivit amor.
 Quid faciam? abruptis oculi regnatis habenis,
 Jam frenum ind ciles imperiūque pati.
 Obde, Deus piceas oculis erronibus umbras,
 Aut superinjectâ lumina claude manu!*

*Averte oculos meos ne videant vanitatem.
 Psalm 118.*

VÆ cæcis oculis qui te non vident, Sol illuminans Cœlum & terram! væ caligantibus oculis, qui te videre non possunt! væ avertentibus oculis ut non videant veritatem! væ non avertentibus ut videant vanitatem.

b Numquid, quamdiu sumus in hoc mundo, possumus non videre vanitatem? *omnis enim creatura vanitati subiecta est.* An iste fortassis hoc orat, ut non sit ejus vita sub sole, ubi omnia vanitas?

c Qui in viâ est Dei, vanitates non aspicit: via perfecta CHRISTUS est; qui igitur in CHRISTO est, quomodo potest vanitates aspicere, cum CHRISTUS in carne suâ omnes hujus mundi crucifixerit vanitates? *Avertamus igitur oculos nostros à vanitatibus, ne quod oculus viderit, animus concupiscat.* Pantomimum aspicias, vanitas est: luctatores aspicias, vanitas est: equos currentes aspicias, vanitas est, Ante nos est CHRISTUS; ante nos bravium ejus; ad hunc

*a Aug. soliloq. cap. 4. b Aug. in Psalm. 118.
 c Ambr. in Psalm. 118. Orlon. 5.*

ad hunc dirige oculos tuos, averte à spectaculis, averte ab omni sæculari pompâ; serva eos, ut erigas melioribus. Erige ad Cœlum; vel nocte, stellarum monilia, orbem lunæ decorum; vel die, solem aspice. Specta mare; terram circumspice, ut opera facta divino omnis creatura te pascat. Quæ formarum gratia in ipsis bestiis? quantus decor in hominibus? quanta in avibus pulchritudo? hæc intueri, & non videbis iniquitatem; hæc vide, & non introibit mors per fenestras oculorum tuorum. Si videris mulierem ad concupiscendam eam; intravit mors per fenestram: si videris possessionem minoris aut viduæ, & concupieris deripere eam, intravit mors per fenestras: si videris aliena monilia, aurum, argentum, & concupieris ut extorqueas; intravit mors per fenestram. Claude ergo hanc fenestram, cum videris alienæ mulieris pulchritudinem, ne mors possit intrare. Vanitas est, sollicitudo vitæ hujus. In vanitate currit, qui sibi successibus videtur affluere sæcularibus, qui tanquam umbra prætereunt; *Averte igitur oculos tuos, ne videant vanitatem*; Sed non satis est ut tu avertas, ne fortè velis & non possis; si offundat tibi diabolus vanitatum spectacula, incentiva inserat voluptatum; pete ut Dominus avertat oculos tuos.

a [Etenim] pulchras formas & varios, nitidos & amœnos colores amant oculi. Non teneant hæc animam meam. Teneat eam Deus, qui

a Aug. lib. 10. Confessio, cap. 34.

qui hæc fecit bona quidem valde, sed ipse est bonum meum, non hæc. Resisto seductionibus oculorum, ne implicentur pedes mei, quibus ingredior viam tuam, & erigo ad te invisibiles oculos, ut tu evellas de laqueo pedes meos. Tu subinde evellis eos, nam illaqueantur. Quàm innumerabilia variis artibus & opificiis, in vestibus, calceamentis, vasis & hujusmodi fabricationibus, picturis etiam diversisque figmentis, atque his usum necessarium atque moderatum, & piam significationem longè transgredientibus, addiderunt homines ad illecebras oculorum, foras sequentes quod faciunt, intus relinquentes à quo facti sunt, & exterminantes quod facti sunt! At ego, Deus meus, & decus meum, etiam hinc dico tibi hymnum, & sacrifico laudem sanctificatori meo, quoniam pulchra trajecta per animas, in manus artificiosas, ab illâ pulchritudine veniunt, quæ super animas est, cui suspirat anima mea die ac nocte. Ego autem hæc loquens, atque discernens etiam istis pulchris gressum innecto, sed tu evellis Domine; evellis tu, quoniam misericordia tua ante oculos meos est, nam & ego capior miserabiliter, & tu evellis misericorditer, aliquando non sentientem; quia suspensius incideram, aliquando cum dolore, quia jam inhæseram.

a Ut Deum contemplare, factus es; non ut humi irrepas vita tua, non ut pecudum ritu, voluptate perfruaris; verius ut ad normam & institu-

a *Basil. hom. 11. in Hexameron.*

institutum coelestis vitæ, tuam ipsis componas : & hanc gratiâ non inscitè dixit sapiens Ecclesiastes : *sapientis oculi in capite ejus*. Cujusnam oculi non sunt in capite ? atque hic, *in capite*, hoc est, ut ea contemplentur quæ in sublimi sunt ; nam qui non ad bona quæ in sublimi sunt, sed quæ in terrâ respicit, is utique defigit detrahitve oculos in terram.

a Perversa res est & foeda, luteum vas (quod est corpus de terrâ) oculos habere sursum, cœlos liberè suspicere, cœlorumque luminaribus oblectare aspectum ; spirituales verò cœlestemque creaturam, suos è contrario, oculos trahere in terram deorsum ; & quæ debuit *nutriri in croceis*, hærere luto tanquam unam de suis, *amplexarique stercora*. Erubescere anima mea divinam in pecorinam commutasse similitudinem. Erubescere volutari in cœno, quæ de cœlo es.

b Qui fecit omnia, melior est omnibus, pulchrior est omnibus ; qui fortia, fortior est ; qui magna, major est. Quicquid amaveris, ille tibi erit. Disce amare in creaturâ Creatorem, & in facturâ factorem ; ne teneat te, quod ab illo factum est, & amittas eum, à quo & ipse factus es. Ergo *beatus vir, cujus est nomen Domini spes ejus, & non respexit in vanitates & insanas mendaces*. Forrè nobis dicturus est, qui versu isto percussus corrigi voluerit, & cœperit ambulare angustam viam ; ambulare non durabo, si nihil spectabo ; quid ergo facimus, fratres ?

a Bern. serm. 25. in Cant. b Aug. in Psal. 39.

fratres? dimissuri vos sumus, sine spectaculo. Demus pro spectaculis, spectacula. Et quæ spectacula daturi sumus Christiano homini? *Multa fecisti tu Domine Deus meus mirabilia tua.* Miracula hominum intuebatur, intendat mirabilia tua. *Multa fecit Dominus mirabilia sua,* hæc respiciat. Aurigam laudas regentem quatuor equos, & sine lapsu atque offensione currentes; fortè alia miracula non fecit Dominus. Regat luxuriam, regat ignaviam, regat injustitiam, regat imprudentiam, & regat & subdat sibi, & teneat habenas. Nunc specta histrionem (didicit enim homo magno studio in fune ambulare, & pendens, te suspendit) illum attende editorem majorum spectaculorum: Didicit iste in fune ambulare: numquid fecit in mari ambulare? obliviscere theatrum tuum; attende Petrum nostrum, non funambulium, sed ut ita dicam, mariambulium. Ambula & tu (non in illis aquis, ubi Petrus aliquid significans ambulavit, sed in aliis, quia hoc seculum mare est) hinc ambula, hoc calca. Spectare vis, esto spectaculum, hæc miracula Dei sunt, hæc cogitationes Dei sunt, quibus nemo est similis, ut spectator ille abducatur à curiositate, & quærat ista & meliora, fructuosiora, de quibus inventis gaudebit.

a Porro autem oculis maximè parcendum est, quoniam melius est labi pedibus, quam oculis. *Si te tuus scandalizat oculus, excinde eum.* Lascivi autem aspectus & versatilibus, ac
tanquam

a Clem. lib. 3. in pedag. cap. 11.

tanquam conniventibus oculis intueri, nihil est aliud, quam oculis mœchari, cum per eos cupiditas prima ineat pugnae praeludia. Nam ante totum corpus, corrumpuntur oculi.

a Pulchrè igitur David, qui periculosos etiam ipsos aspectus fuerat expertus, beatum illum dicit, cui spes omnis in Dei nomine est. Hic enim non respicit in vanitates & insanias falsas. Unde iterum ad ipsos conversus ait: *Averte oculos meos ne videant vanitatem!* Vanitas, circus est, quia nihil prodest, vanitas, est equorum velocitas, quia mendax ad salutem est; vanitas, theatrum est; vanitas, ludus omnis. *Omnia vanitas*, inquit Ecclesiast. *quæ in hoc seculo sunt.*

b Quam multos scio per visum esse deceptos, & in laqueum diaboli missos! Dina filia Jacob, egressa est ut videret mulieres Regionis, & adamavit eam Sichem atque rapuit, & virginitatem illius turpiter corrumpit. Et sic misera puella, quia carne vidit quod videre non debuit, honestatem ac virginitatem perdidit. David etiam stans quâdam die in solario domus suæ, vidit mulierem & adamavit eam; pro cuius amore committit adulterium & homicidium; & sic deceptus factus est legis Dei reus. Fortissimus Samson descendit in Regionem Philistinorum, & vidit ibi mulierem, atque adamavit, & in gremio illius dormivit.

c Utinam tam prudens ad cavendam mulierem,

a Ambr. de fugâ seculi cap. 1. *b* D. Bern. de modo bene viven. serm. 23. *c* Paulin. ep. 4. ad Sever.



*Fiat cor meum immaculatum in justifi-
cationibus tuis, ut non confundar. Psalm. iis.*

lierem, quam fortis ad strangulandum leonem!)

a Illa verò crines capitis ejus rasit, & tradidit eum in manibus inimicorum ejus, qui statim oculos ejus eruerunt. Moneo ergo ut *facias pactum cum oculis tuis*, ne incautè videas, quod videre non debes.

b Videtur enim super omnia esse adversandus mulierum aspectus; non solum enim si tangantur, sed etiam si spectentur, potest peccari, quas maximè vitare oportet eos qui rectè & sincerè constituuntur. *Oculi enim tui recta videant.* Etsi enim fieri potest, ut qui viderit, se fortiter gerat, veruntamen cavendum est ne cadat; fieri enim potest, ut qui viderit, labatur; sed fieri non potest, ut qui non viderit, concupiscat.

VI.

Fiat cor meum immaculatum in justificationibus tuis, ut non confundar!
Psal. 118.

Si tibi me gratam facie fore, sponse, putarem,
Nulla mihi prior hoc cura labore foret.
Primâque de nitidis cautela coloribus esset,
Altera, deformes ore fugare notas;
Nullâque deficerent medicandis vultibus arma,
Multa sed omnigenas pixis haberet aquas;

G

Mul-

a Bern. de modo bene vivendi, serm. 23.

b Clem. lib. 3. pedag. cap. 21.

Multaque compositos celaret capsula colores,
 Quæque novant vetulam picta venena cutem;
 Lanaque purpurei madefacta rubedine fuci,
 Cretaque montanas vincere nata nives.
 Et nitri rubra spuma & pinguis poppæana,
 Quæque curis maculas, Halcyonæa, necant.
 Denique quicquid id est, quo tingitis ora, puellæ,
 Ab nimium formæ gens studiosa tuæ!
 Tunc quoque corrigerem specula censore lituras,
 Ore nec in toto menda notanda foret.
 Siquæ supercilii pilus unus abesset ab arcu,
 Unicus ecce pilus, vociferarer, abest.
 Si color inficeret vitiatos decolor orbes,
 Luminibus color hic, vociferarer, obest.
 Si nimis adductam convolveret area frontem,
 Quæ mihi ruga cutem, vociferarer, arat?
 Nempe vel exiguo metuam te ledere naso
 Ulla foret formæ si tibi cura meæ.
 Unaque, quæ tumidum faceret verrucula clivum,
 Hæc foret offensa causa putata tuæ.
 Atque ita de minimis audirer dicere mendis
 Displicet hæc sponso fortè litura meo.
 Nostro igitur reliquus si quæ decor abforet ori,
 Eximeret vitium factus ab arte decor;
 Cesariemque alto struerent tabulata capillo,
 Staret & in volucris plurima gemma comâ:
 Aure duplex gemini pretium pendere Elenchi,
 Iret Erythraeus colla per alba lapis.
 Tumque ego sic faciem, rutilos ita compta capillos,
 Auderem ternas vincere quarta Deas.
 Sed memini, neque te facies, neque forma laceffit,
 Spes capit hæc cæcos invidiosa procos;

Quid,

Quid, quid ament, inter phaleras tot sæpè requi-
runt;

Quas ubi sustulerit, pars quota Virgo sui est?
Fallitur insidio prope, turba levissima, fuco;
Præter & has phaleras, vix quod ametur, ha-
bent,

Æquabat niveos par Wilgesfortis olores
Nota nimis formæ nomine virgo suæ:
Fiat ut Androgynos setosis hispida malis;
Barba, rogat, teneras, vestiât hirta genas.

Lucia sydereis, ceu fax, lucebat ocellis,
Cunctorumque oculis, Lucia, fidus erat.
Ne malè luceret, mea lux, extinguere dixit;
Fodit & impactâ lumen utrumque manu.

Læserat egregio multos Euphemia vultu,
Fecerat & roscis vulnera multa labris;
Ut fieret mutilo, fœdæque inamabilis ore,
Abscidit ense duas, bina labella, rosas.

Maxima de facie verus præconia rumor,
Dæque tuis dederat Andragesina genis,
Non poteras veram falsi convincere famam,
Quod poteras, facta est per tua vota, brevis.

Sponse, peregrina non caperis igne figura,
Nec bene crispata falleris arte comæ:
Cor tibi labe carens, tibi cor sine crimine, cor-
di est;

Obstet & ut facies, cor tibi, sponse, placet.
O utinam mihi cor nullis infame lituris,
Flagitii purum suspitione vacet!
Tum, securâ tui mihi mens gestiret amoris,
Nec mea dejiceret conscius ora pudor.

Fiat cor meum immaculatum in justificationibus tuis, ut non confundar.
 Psalm. 118.

^a **M**eritò omnis cura Sanctorum, spreto ornatu, cultuque superfluo exterioris hominis (qui certè corrumpitur) omni se diligentia præbet & occupat excolendo ac decorando interiori illi qui ad imaginem Dei est, & renovatur de die in diem.

^b Hæc, hæc profectò pulchritudo est, cui nihil deest, quæ sola meretur audire à Domino: *Tota es formosa proxima, & reprehensio non est in te;*

^c Pulchritudo enim optima, primum est pulchritudo Animæ. Est autem absurdum, eos qui facti sunt ad imaginem Dei & similitudinem, (tanquam Archetypum exemplar contemnentes) externum ornatum inducere; improbum humanum artificium Dei artificio præferentes.

^d Non ergo externi hominis aspectus, sed animus probitatis ornamento est ornandus.

^e Non intelligunt [enim] miseræ, se propriam perdere pulchritudinem, dum externam inducunt. Antiphanus Comicus in Malthæa: irridet.

*Venit ipsa, transit, accidit, non transit,
 Venit, adest, abstergitur, accidit,*

Smeg-

^a Bernard. serm. 25. in Cant. ^b Ambros. lib. 1. de virtut. ^c Clem. lib. 1. pedag. c. 2. ^d Ibidem. ^e Ibidem.

Smegmate, saponeve purgatur,
 Pectitur, ejicit, teritur, lavatur,
 Se contemplatur, componitur, unguentis per-
 funditur,

Ornatur, ungitur, & si quid non habeat, enecatur,
 Ter enim, non semel dignæ sunt, quæ pereant,
 Quæ Crocodylorum excrementis utuntur.

Et spumâ lacertarum unguntur;

Et supercilia fuligine illinunt

Et cerussâ.

Porro autem alias quoque arguit Comicus,
 nempe Alexis, ejus enim verba afferam.

Est aliqua parva, suber, insuitur in soleis:

Longa est aliqua, tenue gestat diabathron:

Caput in humerum demittens ingreditur,

Hoc ei detrahit de longitudine;

Depressiores alicui sunt coxæ & femora;

Eis aliquid assuit, ———

Mollem ac prominentem habet ventrem;

(Ut comicorum nutrices) appositis nonnullis,
 eum erigit:

Depressus est venter; veluti contis efficit ut ante-
 rius procedat:

Supercilia habet flava; ea aliquâ depingit fu-
 ligine:

Contigit alicui ut sit nigra; tollit nigrorem ce-
 russa:

Est aliqua nimis alba, interitur farina:

Habet aliquam coporis partem candidam, eam
 nudat, ostendit;

Bellos habet dentes; rideat, necesse est;

Et quamvis non sit leta, toto tamen die ridet,

*In labris tenuem habens myrrhi tabellam,
Ut velit, nolit, ea cogatur tandem diducere.*

a Resideat quidem in vultu pudor & viraginem aspectu præ se ferat, procul autem absit caligo myropolarum, aurificum, lanificum, cæterarumque officinarum.

b Atque cum caro quidem serva sit, quemadmodum testatur Paulus, quomodo quispiam jure ancillam, lenonis instar, exornaverit? Ipsum autem Dominum fuisse aspectu deformem testatur spiritus per Isaiam; *& vidimus ipsum, nec habebat speciem, nec pulchritudinem.* Quis est autem Domino præstantior? sed non carnis pulchritudinem (quæ visione apprehenditur) sed veram animæ & corporis ostendit pulchritudinem: Animæ quidem beneficentiam; carnis verò immortalitatem.

c Quando eras in sæculo, ea quæ erant sæculi diligebas, polire faciem purpurisso, & cerussâ ora depingere; ornare crinem & alienis capillis turritum verticem struere. Ut taceam de inaurium pretiis, candore margaritarum, rubri maris profunda testantium; smaragdorum virore, cerauniarum flammis, hyacinthorum pelago, ad quæ ardent & insaniunt studia matronarum.

d *Ablue è malitiâ cor tuum.*

e Quam enim mihi dabis animam, quam audeas ex toto pulchram definire?

a Nemo

a Clem. lib. 3. pedag. cap. 11. *b* Clem. l. 3. pedag. c. 1. *c* Hieron. ad Demetr. de virg. servan. c. 5. *d* Hier. 4. *e* Gilb. serm. 29. in Cant.

a Nemo mundus à sorde.

b Si laveris te nitro, & multiplicaveris tibi herbam Borith, maculata es iniquitate tuâ.

c Da mihi, Domine, cor quod te timeat, mentem quæ te diligat, aures quæ te audiant, oculos qui te videant!

d Cor enim hominis quadam velut indecentium cogitationum colluvie maculatur. Noli extraordinariis cogitationibus adversa naturæ contaminare penetralia, manus lavas, quasi possis crimina eluere, cum mentem tuam vel nudis cogitationibus inquinatam lavare non possis. Didicisti cor esse mundandum; disce quemadmodum mundes. Mundat hunc fontem justificatio legitima, hoc est, confessio peccatorum. Munda ergo aquam tuam, illam aquam, de qua dictum est, *aqua alta, consilium in corde viri*, quæ sint justificationes, audisti dicentem: *Dic iniquitates tuas, ut justifice- ris*: Ergo qui iniquitates suas dixit, justificatur, qui autem justificatur non confunditur, quia pudorem peccatorum maturâ confessione prævenit.

e Nescis ergo, Anima mea, quam foeda prius fuisti, quam deformis & squalida, discissa & dissipata, omni horrore, & enormitate plena! Prius stude formam tuam excolere, faciem ornare, habitum componere, maculas tergere, munditiam reparare, mores corrigere, disci-

G 4 *plinam*

a Job. 25. b Hier. 2. c Aug. med. cap. 40. d Ambr. in Psalm. 118. Oñon. 11. e Hugo de S. Victor. in Arba Anima.

plinam servare, & omnibus tandem in melius commutatis, digno sponso dignam sponsam reddere. Numquid audisti, quid Rex Assverus fecit? *Factum est Regis præceptum, ut de omni Regno suo congregarentur puella speciosa virgines, & adducerentur ad Civitatem Susan, & traderentur in domum foeminarum, ibiq; acciperent mundum muliebrem, & cætera ad usum necessaria. Sicque omnibus abundanter secundum Regiam ambitionem suppletis, excolerentur, & ornarentur. Per sex menses, oleo myrbhyno ungerentur, per alios seu quibusdam pigmentis uterentur, & sic compositæ & ornatæ de triclinio foeminarum ad Regis cubiculum transfirent, ut quæ ex omnibus, magis oculis Regis placuisset, illa pro Vasthi in solio Regni sederet. Consideremus ergo si fortè exemplum hoc, præsentī (de quo agimus) negotio valeat adaptari. Rex, summi Regis filius, venit in hunc mundum, desponsare sibi uxorem electam, uxorem unicam, uxorem nuptiis Regalibus dignam. Missi sunt Ministri Regis, Apostoli videlicet, per totum mundum congregare animas ad sanctam Ecclesiam, in quâ domus est & mansio mulierum regiarum, id est, sanctarum Animarum, Ibi sacramenta CHRISTI, quasi quædam unguenta, & antidota ad reparationem & ad ornatum animarum præparata, accipiunt. Vide ergo ubi posita es, & intelliges quid facere debeas. Posuit enim te sponsus in triclinio, ubi mulieres ornantur: varia pigmenta, & diversas species dedit, cibosque Regios de mensâ suâ, tibi mini-*

ministrari præcepit ; quidquid ad sanitatem, quidquid ad refectiorem, quidquid ad reparandam speciem, quidquid ad augendum decorem valere potest, tribuit. Primò fons Baptismi est hic positus, & lavacrum regenerationis, in quo sordes præteritorum criminum abluis. Deinde chrisma & oleum, in cuius unctione, Spiritu sancto liniris. Post hæc, delibuta & unctione lætitiæ perfusa, ad mensam venis, & percipis ibi alimentum corporis & sanguinis CHRISTI, quò interiùs saginata, atque resecta, noxiam illam præteritorum jejuniorum maciem depellis. Deinde vestimenta bonorum operum induis, & fructu eleemosynarum, cum jejuniis & Orationibus, cum sacris vigiliis, aliisque operibus pietatis quasi quodam vario ornatu decoraris. Ad ultimum sequuntur aromata virtutum, quarum odor suave spirans, omnem illum antiquarum sordium foetorem fugat. Datur etiam tibi *speculum, sancta Scriptura, ut ibi videas faciem tuam*, ne quid minus, aut aliter quàm decet, habeat compositio ornatus tui.

O quàm multa sunt in me, de quibus coram oculis ejus erubesco, & pro quibus jam magis illi displicere timeo, quàm pro iis, quæ laudanda in me sunt, (si qua sunt) placere posse in me confido ! O utinam ad modicum ab oculis ejus possem abscondi, donec maculas omnes istas detergerem, & sic demum ante conspectum ejus, sine maculâ, immaculata appare-rem ! Nam quomodo in hâc deformitate pla-

cere illi potero, quæ & mihi quoque in illâ vehementer displiceo? Ô maculæ veteres! Ô maculæ foedæ & turpes! quid tam diu hæretis? abite, discedite, & ne præsumatis amplius oculos dilecti mei offendere.

VII.

Veni dilecte mi, egrediamur in agrum,
commoremur in villis. *Cantic. 7.*

JAm satis urbanas, mea lux, habitavimus ades;
Quin semel in virides exspatiamus agros?
Tuta quidem validi circumdant oppida muri,
Portaque ferratis non caret ulla seris:
Est tamen in patulis, quid nescio, tutius hortis,
Quod nusquam in clausæ mœnibus urbis habes,
Magnificis turgens urbana palatia testis,
Maltus & hic celsâ cuspide surgit apex.
Nescio quid melius tamen illa mapalia spirent,
Rustica qua tenui stramine canna tegit.
Quid dubitas, mea lux, quin, quàm procul urbi-
bus agri,
Tam procul agrestum, distet ab urbe quies;
Fabula cantatur vatum notissima lusu,
Ad benè fallendas fabula ficta vias:
Et facit ad rerum modò quas tractavimus, usum;
Si lubet, auditu decipiemus iter.
Rusticus urbanum tectomus paupere murem,
Fertur & appositis detinuisse cibis.
Misque epulas muris ridens urbanus, agrestis,
Hæc tua si mensa est, sat mihi ruris, ait.

Mox



*Veni dilecte, mi' egrediamur in agrum ,
commoremur in villis. Cantic, 4,*



Faint, illegible text or a signature, possibly located below the illustration.

LIBER SECUNDUS. 155

Mox vice conversâ, mus Rusticus ivit in urbem,
 Urbico in hospitum mure vocante suum:
 Magnâque cùm tanto minor esset mensa paratu,
 Ut sonuere fores mensa relicta fuit.
 Et propè deprenso convivâ expalluit hospes,
 Turbatique suum vix reperere cavum.
 Rusticus ast animo sensim cum voce recepto,
 Corripuit celerem Musculus urbe fugam:
 Et procul è clivis oculis ad mœnia torquens;
 Quàm meus his præstat mœnibus, inquit, ager!
 Jam satis urbanas, mea lux, habitavimus ades.
 Urbe volant strepitus, Rus colit alta quies.
 Si memor es (subeat tibi pars tantissima vulgi)
 Quisque suburbanum rus propè cinis habet;
 Cùmque suam assiduè commendet quilibet urbem,
 Re tamen, ipsa magis rura; placere docent.
 Quin, quorum imperiis urbésq; arcesq; reguntur,
 Anxia securo pectora rure levant.
 Et magis hic puri libertas aurea Cœli,
 Quàm laqueata, domi, marmore tecta placent.
 Nec quæ centeno sinuat se porticus arcu,
 Lenit, ut ambiguos parvula villa, metus.
 Jam satis urbanas, mea lux, habitavimus ades,
 Quin semel in villis degimus, aut in agris?
 Est mihi fontanis circumdata villula rivis,
 Villula, quâ nusquam cultior ulla viret.
 Seu cœli ingenio, seu fertilis indole terræ;
 Aptâque vicini commoditate loci.
 Huc mea lux, paucis tantùm si veneris horis,
 Oblitus patriæ protinus urbis eris.
 Tumq; ego, ceu tacitâ turtur meditatus in umbrâ,
 Libera, colloquiis, Sponse, vacabo tuis.

Et procul à populis, procul urbibus atque tumultu
 Optata toties, sola, quiete fruar.
 Audiet hîc nullus quæ mutua verba loquemur,
 Nostrâque qui turbet otia nullus erit.
 Quig, notet nostros, nemo metuendus, amores,
 Tetricus hîc nullum jus sibi Censor habet.
 Tunc mihi tu promes secretis intima fibris
 Quæque juvent animum verba cupita meum.
 Tunc ego, sim quantâ, dicam tibi, saucia flammâ;
 Quæque, licet smiles, dicta placere, scio,
 O semel optati micet hæc mihi sideris aura;
 Quàm fortunato lux erit illa die!
 Jam satis urbanas, mea lux habitavimus ades;
 Nostra sit exiguo tempore, villa domus.

*Veni dilecte mi, egrediamur in agrum, com-
 moremur in villis. Cantic. 7.*

***Q**uallis dabit me in solitudine diversorium
 viatorum?*

*b Mallem [enim] in solitudine habitare, per
 quam nullus vel rarus transit.*

*c Utinam nullus hominum esset mecum ex-
 terius, ut familiarius loqui possem cum Deo in-
 terius! ipse enim & secretum quærit, & solita-
 rium locum diligit. Fugiam ergo hominum so-
 latia & colloquia; ut in secreto cordis mei
 Deum habitatorem habere possim. Assuescam
 ergo sola intima cogitare, sola interiora dilige-
 re, & in illis permanere, ut possim audire quid
 loqua-*

*a Hieron. 2. b D. Thom. Aquin. hoc loco.
 c Bern. de inter. domo cap. 66.*

loquatur in me Dominus Deus meus. Ecce adsum piissime Deus, tecum sum, intus sum. Quamdiu in exterioribus occupatus fui, vocem tuam intrā audire non potui. Nunc autem reversus ad me, ingressus sum ad te, possim te audire, & tibi loqui.

a Ecce elongavi fugiens, & mansi in solitudine.

b Fugiens se elongat, qui à turba desideriorum temporalium in altam Dei contemplationem se sublevat.

c Oppidum, carcer; solitudo, paradus est.

d O solitudo beata! ô Eremita, mors vitiorum, vita virtutum! te lex & Prophetæ mirantur, & quicunque ad perfectionem venerunt, per te in Paradisum introierunt: ô beata vita solitaria & contemplativa! quid ultrā de te loquar? ipse Dei filius Salvator & Magister noster, exemplum dedit nobis, fugiens in desertum & mansit in solitudine, ubi sunt Rosæ charitatis, quæ semper flammescunt, quæ semper in sancto odore vivunt? ô solitudo negotiorum cœlestium apotheca! in te transitoria & terrena mutantur in cœlestia & æterna. Denique in te, lacrymæ mutantur in risum, & gaudium pariunt sempiternum.

e Pia anima [Deo] se totam exhibere nitens in studio contemplationis, *Veni*, inquit; *in agrum, commoremur in villis*: congruentissime

G 7

con-

a Psal. 54. *b* Greg. l. 4. mor. c. 35. in Job.

c Hier. Epist. ad Rustic. *d* Bern. hom. Simile in Regnum cœlorum homini negotianti. *e* Mich. Gisler. in cap. 7. Cantic.

contemplationis studium, *agri* exprimit vocabulo, quia & illud in solitudine, longeque ab hominum conversatione exerceri solet; & novimus agrum eas dici terras, quæ sunt in solitudine, longeque à conventibus humanis; Ac, sicut ager si excolatur, ingentem profert fructuum ubertatem, quibus nutrimur in corpore, ita & contemplatio, si rectè exerceatur, tantam profert virtutum copiam, ut per illas, in vita aliamur spirituali. Unde bene & libro Genesis dicitur de S. Isaac: *Et egressus fuerat ad meditandum in agro inclinatâ jam die?* Nec minus congruè particulares meditationes, villarum nomine designat; quandoquidem, sicut villas ea appellare solemus prædia, in quibus præclaræ in agro sunt habitationes, ad id potissimum extructæ, ut in illas tunc se conferant homines, cum à mundanis negotiis respirare voluerint; cum ex infirmitate aliquâ convalescere, aut quoquo pacto se recreare voluerint, & cum fructus ex agro colligere, atque servare curaverint: ita & meditationes pariter præclara sunt ædificia ab Animâ ipsâ in agro contemplationis sibi extructa, in quibus illa, fugiens præsentis sæculi negotia, quietè commoretur; in quibus & commorans, ex qualibet peccati ægitudine convalescat, summisque fruatur deliciis, ac demum eximios virtutum colligat, servetque fructus. Benè quoque pia anima, cum Deo dilecto suo, *egredi* se, inquit, *vel in agrum* contemplationis, & *sommarari in villis* meditationum, cum voluptatem nullam percipiat ex hominum conversatione.

Quin

Quin imò quamvis terrenarum rerum copia exuberet in sæculo; quamvis prosperè sibi cuncta contingant, minimè tamen ex commodis hisce quippiam percipiat voluptatis, nec unquam verè se arbitratur lætam, nisi cum sibi egredi liceat in hunc contemplationis agrum. Quâ in re, videtur se habere instar avis illius, quæ tametsi in caveâ omnibus abundet rebus, tum quæ ad victum ei sunt necessaria, tum quæ voluptati illi esse possent; lætam tamen nunquam se reputat, quoad usque permissum ipsi fuerit, à caveâ ipsâ egredi, liberè volare, & commorari in foraminibus petrae. Jure autem cum Deo egredi vult, quem unum habet dilectum; quia nec homines ardentè quempiam amantes, villarum quippiam percipiunt gustus, nisi amicum illum comitem habeant, ideoque ipsum invitant. Et experientia comprobamus, etiam summos Reges ac Principes, ad quos difficillimus aditus esse solet, cùm in palatio Regioque in throno resident, in villis commorantes, etiam cùm infimis rusticis libentissimè conversari; & hoc illud est, quod anima intendit, cùm illum in dictum invitat agrum & villas, ut familiariter cum eo agat, uti cum unico dilecto. Neque verò admodum temporis huic indulgere vult studio contemplationis, & familiariter agere cum Deo, sed delectatione maxima, diutiùs in eo optat persistere; id namque iis indicat verbis; *commoremur, sed pernoctemus, aut requiescamus in villis.*

a Quamdiu [enim] animus permixtus est
turbis

a Laur. Just. in lig. vit. tract. de orat. c. 5.

turbis & in multitudine fluctuantium volutatur, nec vacat soli Deo, nec segregatus est à vulgo. Propterea, ô anima, quæ per orationem & contemplationem Deo vacare decrevisti, esto sola, hominum consortia fuge, tumultuosas mortalium conversationes evita, ut illi soli te solam serves, quem ex omnibus elegisti.

a O sancta Anima, sola esto, ut soli omnium serves te ipsam, quem ex omnibus tibi elegisti. Fuge publicum, fuge & ipsos domesticos, secede ab amicis & intimis, etiam & ab illo qui tibi ministrat. An nescis, te verecundum habere sponsum, & qui nequaquam velit tibi suam indulgere præsentiam, præsentibus cæteris? secede ergo, sed mente, non corpore, sed intentione, sed devotione, sed spiritu; de cætero, sola indicitur tibi mentis & spiritus solitudo. Solus es, si non communia cogites, si non affectes præsentia, si despicias quod multi suscipiunt, si fastidias quod omnes desiderant, alioquin nec si solus corpore es, solus es.

b O desertum CHRISTI floribus vernans! ô solitudo in quâ illi nascuntur lapides de quibus in Apocalypsi civitas magni Regis extruitur! ô Eremita, familiaris Deo gaudens! quid agis? quamdiu te testorum umbræ premunt? quamdiu famosarum urbium carcer includit? Crede mihi nescio, quid plus lucis aspicio; libet sarcinâ corporis abjectâ, ad purum ætheris evolare fulgorem.

VIII.

a Bern. hom. 40. in Cant. *c* Hieron. epist. 1. ad Heliod.



*Trahe me post te, coremus in odorem
unguentorum tuorum, Cant. i,*

VIII.

Trahe me post te, curremus in odorem
unguentorum tuorum. *Cant. 1.*

A Spicis ut jaceant strati sine viribus artus,
Nec sim qualis eram, sola sed umbra mei?
*Vix trabo pertasæ fastidia tetrica vite,
Ipsaque sunt oneri languida membra sibi.
Lassa jacet capitis nimio sub pondere cervix,
Sarcina suntque manus, sarcina suntque pedes.
Assidueque novam querunt jactata quietem,
Nec scio quo tandem fessa locare situ. (to,
Surgere nunc meditor, nunc lassa recumbere stra-
Nunc nixum cubito sustinuisse caput.
Nunc lubet inverso, nunc ore cubare supino,
Nunc aliud lateri substituisse latus.
Cumque tori cunctas per agravi languida partes,
Quilibet ex æquo displicet usque locus.
Heu! quid agam, gravis ipsa mihi languensque,
jacensque,
Tæque volens cursu, non tamen apta, sequi?
An fugis, & mediis morientem deseris agris,
Nec mora tanta datur dum comes ire queam?
Æger ita in Libycis, à milite, miles arenis
Deseritur, subita cum data signa fugæ;
In triviis genitrix ita projicit impia natum,
Quem lactare pudor, pauperiæve vetat.
Tende manum, nostrique pius miserere doloris;
Tende manum refugo vel pede siste gradum.
Troica Dardanius cum Pergama cingeret ignis,
Quisque senem rapuit filius igne Patrem.*

Trans

Trans mare defessam fert nata Cyconia matrem,
 Sustinet hinnulei Cerua natantis onus.
 Tu solam ignotis, fugitive, relinquis in arvis,
 Nec finis hoc humeris ponderis esse tuis?
 Quanquam ego, vel fieri tibi sarcina tanta recusẽ,
 Si modò vel leviter traxeris, ipsa sequar.
 Et sequar & curram, rapiarq; simillima vento,
 Languida funesto quæ modò strata solo.
 Nec quibus invitam cogas, opus ense, vel armis,
 Sponte nec injecto, libera, fune sequar.
 Traxit ad impulsæ querulos testudinis ictus,
 Cum sylvis Geticas Thrax Cytharista feras
 Traxit, & attonitæ sylvaque, feræq; stupebant;
 Sic fide sic filo, se potuisse trahi.
 Non ego Bystonii movear testudine Vatis,
 Nec trahar Aonia voce sonante lyra.
 Quemq; sui rapiunt sensus, sua quemq; voluptas,
 Se finit hic oculis auribus ille capi.
 Non ego luminibus, non auribus otia venor;
 Noster Achæmenii languor odoris eget.
 Lux mea, rorilegis balat tibi spica capillis,
 Manat odoratæ Palladis imbre caput.
 Uda Palestino fragrant tibi tempora nardo
 Myrrhæque de madidis stillat odora labris.
 Efflat Orontei tibi graminis halitus auras,
 Verbaque quot loqueris tot jacies ore rosas.
 Albæque Panchæo cervix tibi sudat olivo,
 Assyriæque humeros rore perungit Onix.
 Et manus Ambrosiis pluit utraque roscida guttis,
 Et digiti Libycæ germina messis olent,
 Deniq; quidquid olent, conchis unguenta Sabæis,
 Balsama quidquid olent, hoc meus balat Amor.

Nec

*Nec solum Assyriis quæ sudant balsama ramis,
 Natæque odorifero thura Sabæa solo :
 Fragrat Orontæis hic spica suavior herbis,
 Guttaque Pancheis nobilior lacrymis.
 Nempe tuo qualis, Basilissa pudica, cubili,
 Qualis odor thalamo, Cæcili casta, tuo ;
 Aut qualis, cum Dorothea pennatus Ephebus
 Attulit hybernæ germina verna rosas ;
 Aut Nasatenigenæ qualis cum Virginis adem
 Sparsit Iessei floris anhelus odor ;
 Denique Divorum qualis cum gemmea stillant
 Indigetum liquidis amphitheatra crocis.
 O semel has liceat mihi ducere naribus auras !
 Quæ modò languebam, sana repenti sequar.
 Multaque currentem sociarum turba subibit,
 Ut glomerat socios uncta columba greges.*

*Trabe me post te, curremus in odorem un-
 guentorum tuorum. Cant. 1.*

a **A** Nima amans fertur votis, trahitur desi-
 deriis.

b Fessa sum, deficio ; noli me deferere, sed
trabe me post te, ne incipiam vagari post ama-
 tores alios, nec curram quasi in incertum, *Tra-*
be me post te, quia satius mihi est ut me trahas,
 ut scilicet vim qualemcunque mihi, aut ter-
 rendo minis, aut exercendo flagellis, inferas,
 quam parcens in meo me torpore securam de-
 relinquo. *Trabe me* quodammodo invitam,
 ut facias

a August. man. c. 20. *b* Bernard. serm. 21. in
 Cant.

ut facias voluntariam : trahe torpentem, ut red-
das currentem. Erit quando non indigebo tra-
ctore, quoniam voluntariè & cum omni alacri-
tate curremus.

a Quid ? sponsane ergo necesse habet trahi,
& hoc post sponsum ? quasi verò invita eunt
& non libens sequatur. Sed non omnis qui tra-
hitur, & invitatus trahitur ; nempe enim infir-
mum aut debilem (eum scilicet qui per se ire
non valet) trahi ad balneum, seu ad prandium
non piget ; etsi reum pigeat trahi ad iudicium
vel ad poenam. Denique trahi vult quæ & hoc
rogat ; non autem rogaret, si sequi per seipsam
dilectum, prout vellet, valeret, ut quid verò
non valet ? An infirmam fateamur & sponsam ?
si qua ex adolescentulis infirmam se diceret &
peteret trahi, nequaquam miraremur. At verò
de sponsa, quæ trahere & alios (utpote fortis
& perfecta) posse sufficere videbatur, cui non
durum sonet, quod & ipsa trahi tanquam in-
firma vel debilis necesse habeat : de quânam
animâ jam confidimus, quòd valida sit & sana,
si illam infirmam dici consenserimus, quæ pro
sui singulari perfectione & excellentiori vir-
tute, sponsa Domini nominatur ? Quantævis
perfectionis anima, quamdiu quidem gemit sub
corpore mortis hujus, & hujus sæculi nequam
retinetur inclusa carcere, vincta necessitatibus,
totque sceleribus, libentiùs, segniusque assur-
gat necesse est ad contemplanda sublimia, nec
omniò liberum habet, sequi sponsum quo-
cumque

a Ibidem initio.

cumque ierit. Hinc lacrymosa vox illa gementis : *Infelix ego homo, quis me liberabit de corpore mortis hujus ?* hinc supplex illa precatio : *Educ de carcere animam meam.* Dicat proinde, dicat cum gemitu etiam sponsa : *Trabe me post te, quia corpus quod corrumpitur aggravat animam, & deprimit terrena inhabitatio sensum multa cogitantem.*

a Propterea opus habeo trahi, quoniam refriguit paulisper in nobis ignis amoris tui, nec valemus à facie frigoris hujus currere modò sicut heri & nudiustertius. Curremus autem postea, cùm reddideris lætitiā salutaris tui, cùm redierit melior temperies gratiæ ; cùm Sol justitiæ iterum incaluerit & pertransierit tentationis nubes, quæ nunc operire ad horam cernitur, atque ad levem flatum auræ blandioris solito, cœperint unguenta liquefcere & aromata fluere, & dare odorem suum. *Tunc curremus ;* in odore illo curremus, spirantibus, inquam, unguentis curremus, quoniam abscedet torpor qui nunc est, & revertetur devotio, & jam non erit opus nobis ut trahamur, quippe odore excitatis, ut spontè curramus. Nunc verò interim *trabe me post te*, non curram ego, sola etsi solam me trahi petierim, current & adolescentulæ mecum. Curremus pariter, curremus simul ; ego odore unguentorum tuorum, illæ meo excitatæ exemplo, atque hortatu, ac per hoc omnes, *in odore unguentorum tuorum curremus.*

Cur-

a Bern. serm. 21. in Cant.

Curremus, curremus, sed *in odore unguentorum tuorum*, non in nostrorum fiducia meritum, nec in magnitudine virium nostrarum. Currere nos confidimus, sed in multitudine miserationum tuarum. Nam etsi quando cucurrimus ac voluntariæ fuimus, *non fuit volentis, neque currentis, sed miserentis Dei*. Revertatur misratio, & curremus. Tu quidem in virtute tuâ, *tanquam Gygæ & potens curris*; nos, nisi unguenta tua spiraverint, non curremus. Tu, quem Pater *unxit oleo lætitiæ præ consortibus tuis*, curris in ipsâ unctione; nos in illius odore curremus. Tu in plenitudine, nos in odore.

a Odor super omnia necessarius utpote infirmis purgativus, proficientibus confortativus, perfectis verò sanativus: nōne vides agrum hujus mundi hoc odore plenum; cū videas alios justitia fortes, alios claritate ferventes, alios promptos ad obediendum & humilitatis obsequium, hos lacrymis irriguos, & ad eleemosinas profusos? de odore autem, scriptum est: *Trabe me post te in odorem unguentorum tuorum*. Et alibi: *Ecce odor filii mei, sicut odor agri pleni, cui bene dixit Dominus*.

b Nec currimus æqualiter omnes in odore omnium unguentorum, sed videas alios vehementius studiis flagrare sapientiæ; alios magis ad pœnitentiam, spe indulgentiæ animari, alios amplius ad virtutum exercitium, vitæ & conversationis ejus provocari exemplo; alios ad
pieta-

a Absalon Abb. serm. 1. de annun. B. Virg. qui est 20. b Bern. serm. 22. in Cant.

pietatem, passionis memoriâ magis accendi. Currebant in odore sapientiæ, qui missi fuerant à Phariseis, cùm reversi dicerent : *Nunquam sic loquutus est homo.* Currebat in hoc ipso odore S. Nicodemus qui venit ad JESUM nocte, in splendore multo sapientiæ. In odore justitiæ, cucurrit Maria Magdalena, cui *dimissa sunt peccata multa, quoniam dilexit multum.* Cucurrit & Publicanus, qui cùm propitiationem peccatis suis humiliter imploraret descendit justificatus, testante ipsâ justitiâ. Cucurrit Petrus, qui lapsus flevit amare. Cucurrit David, qui reatum agnoscens & confitens, audire meruit : *Et Dominus transtulit à te peccatum tuum.* Porro in sanctificationis odore Paulus currere sese testatur, cùm CHRISTI esse se imitatore gloriatur. Cucurrerunt & omnes qui dixerunt : *Ecce nos reliquimus omnia, & secuti sumus te.* Jam qui in odore cucurrerunt passionis, omnes Martyres accipe. Et quatuor unguenta assignata habetis, Primum sapientiæ, secundum justitiæ, tertium sanctificationis, quartum Redemptionis.

α Fac me, dulcissime Domine, amare te, & desiderio tui deponere pondus omnium carnalium desideriorum & terrenarum concupiscentiarum gravissimam sarcinam, quæ impugnant & aggravant miseram animam meam, ut post te, expedite in odorem unguentorum tuorum currens, usque ad tuæ pulchritudinis visionem
effica-

efficaciter satiandus, quantocyus te quoque duce, merear pervenire.

a Descendat, Domine, descendat, precor descendat in cor meum odor tui suavissimus, ingrediatur amor tui mellissimus.

b Trahe me, sursum ad te, ut curram post te in odorem unguentorum tuorum; curram & non deficiam te trahente, te ducente me currentem.

c Tenax enim funiculus amor: amor affectuose trahit, cui est idipsum alloqui quod est allicere; nihil amoris tenacius vinculo, nihil trahentius.

IX.

Quis mihi det te fratrem meum sugentem ubera matris meæ, ut inveniam te foris, & deosculer te, & jam nemo me despiciat! *Cant. 8.*

Quis cumulet patrias tanto mihi stemmate ceras,

Frater ut ad fratres annumerere meos!
Non tamen hoc facio pro stirpis imagine votum;
Nulla mihi augendi sanguinis ambitio est.
Stirpe licet nostrâ sanguis tibi vilior esset,
Optarem fratrem te tamen esse meum.
Non pubente quidem vernantem flore juventa,
Prima cui roseas vestiât umbra genas:

Sed

a August. medit. cap. 35. *b* August. medit. cap. 37. *c* Gilil. in Cant. hom. 19.



Quis mihi det te fratrem meum sugentem
 ubera matris meae, ut inveniam te foris et de-
 osculer te, et iam nemo me despiciat. Cant. 8.

Sed puerum, toto qui nondum vixerit anno,
 Lactis adhuc mater quem mea pascat upe.
 Quique ego quas suxi, parvo trahat ore papillas,
 Insidéatque illos, quos ego sæpè, sinus.
 Hoc ego vel simili cupiam te corpore fratrem,
 Si fueris major, non ego te cupiam.
 Quin igitur nostris, mea vita renascere sacris,
 Et videam cunas pusio parve, tuas?
 Et nisi fallor, habent pueri quid amabile mores,
 Quoque carent juvenes, virque senexq; carent.
 Utq; suam quævis laudem sibi vendicet ætas,
 Ille tamen pueros scilicet ornat amor.
 An dubitas, alias puerili pusio vultu,
 Ipse Deum domitor, parvulus esset, Amor?
 Non nisi quod reliquis, magis hæc fit amabilis ætas,
 Nullaque fit tantum quæ, quod ametur, habet.
 Hæc quoq; cur voveam puerum Te caussa coëgit,
 Crediderim, puero quod mage posse frui.
 Quin igitur nostris, mea vita renascere sacris
 Ut videam cunas parve puellæ, tuas?
 Tum mea, ceu nato, quoties daret ubera Mater
 Parve, Tui toties copia prompta foret.
 Prompta foret nocturnaque, diuque, domiq; forisque,
 Et sine sollicito copia multa metu.
 Quin igitur nostris, mea vita renascere sacris,
 Osculer ut cunas parve puellæ tuas.
 Casta, soror parvo quæ porrigit oscula fratri,
 Oscula derisor carpere nemo potest.
 Et licet illa frequens spectaverit oscula testis,
 Illa tamen testis carpere nemo potest.
 Et licet inceptas stiterint hæc oscula voces,
 Semper habent justas oscula casta moras.

H

O bona,

O bona, quæ nostris faveant ita Numina votis,
 Téque velint fratrem sic semel esse meum!
 Nascere parve puer, fraterque admitte vocari;
 Omnia te mundi vota, precésque petunt.
 Quid præ latitiâ facerem tibi, parvule frater?
 Ah! præ latitiâ, quid tibi non facerem?
 O quoties vetitis furtim deprenderer horis,
 Pervigil, ad cunas, nocte stetisse tuas!
 Quo tibi servitiis soror obsequiosa studerem,
 Fortè vel officiis facta molesta meis.
 Nempè dato quoties depelleret ubere mater,
 Depulsum geminis exciperem manibus;
 Aut quoties tepidâ gestare juberet in umbrâ,
 Gestarère ulnis sarnica grata meis.
 Quoties blando dare languida lumina somno,
 Somniferis caneret vox tibi nostra modis.
 Ipsâque, cùm digitos cunis adhiberet agendis,
 Illicet hoc à me prariperetur opus.
 Mox ubi te nostra concederet anxia cura,
 Discedensque, mihi diceret; esto vigil:
 Excubiis, soli propè Te mihi, parve, relictis,
 Quàm facerem votis libera frena meis!
 Continud, tacitè velo de fronte reducto,
 Exemplum aspectu lumina nostra tuo.
 Inq, tuo, fixis heres obtutibus, ore,
 Uterer oblatis commoditate loci:
 Et citò subjicerem capiti, colloque sinistram,
 Apprimerètque meo Te mea dextra sinu.
 Et tibi, vix tactis furarer basia labris,
 Basia fit somno non nocitura tuo.
 Quin igitur nostris, mea vita renascere sacris,
 Ut semel optatas suâvier ore genas?

Mox

*Mox ubi lactanti sensim tibi cresceret atas,
 Primâque discenti verba docenda forent;
 Discenti cuperem fieri tibi, parve, Magistra,
 Blasâque, truncatis verba praire sonis:
 Cùmque geri alterius nolles modò grandior, ulnis,
 Ausus arundineo currere solus equo,
 Instruerem stabili vestigia figere gressu,
 Membrâque constanti firma locare pede.
 Tumq; molesto a'iquod si offenderet obice saxum,
 Tutus in extensas exciperêre manus.
 Quin tua sepè velim falli vestigia lapsu,
 Lapsus ut amplexu sustineare meo.
 Nec tanti pretium peterem mihi grande laboris,
 Suaviolo pretium solveris omne tuo.*

*Quis mihi det te fratrem meum sugentem
 ubera matris meæ, ut inveniam te foris,
 & deosculer te, & jam nemo me despi-
 ciat! Cant. 8.*

a **Q**Uæ amatrix unquam optavit, ut is quem diligit, parvulus efficiatur ejus frater, & in infantem versus sugat ubera matris?

b Ergo antiquorum vox est ista justorum, qui Dominum salvatorem, quem in divinitate Patri & Spiritui sancto consubstantialem credebant, ac debitis venerabantur obsequiis in hominis quoque habitu & hominibus consubstantialem videre cupiebant. Intus quippe erat dilectus, quia in principio erat verbum, & verbum erat apud Deum, & Deus erat verbum; sed ut foris

H 2

quoq;

a S. Tho. in c. 8. Cant. b Beda c. 7. in Cant.

quoq; posset inveniri, *verbum caro factum est, & habitavit in nobis*; viderunt namq; Patriarchæ, viderunt Prophetæ Dominum, sed intus, id est, in contemplatione mentis spirituali, non in oculi carnalis intuitu. Viderunt eum, sed in imagine, sed in Angelicæ forma substantiæ; at ipsam ejus naturam, nequaquam videre valebant. Denique legifer ipse, qui audire meruit, *ostendam omne bonum*; rursum audivit: *Non poteris videre faciem meam; non enim videbit faciem homo, & vivet: felices*; qui inter se conferre meruerunt: *Invenimus Messiam qui dicitur CHRISTUS*. Hoc est namque osculum, id est amantissimum illud oris illius donum, ac mutux commercium allocutionis.

a [Sed &] ingens in his suum, pia anima, exprimit desiderium; quo eâ ratione per amorem, Deo uniri peroptat, ut nedum in secreto contemplationis, verum etiam foris & coram proximis, in vitâ activâ eidem inhærere sibi liceat, ita ut omnibus ædificationi sit, nec quorumcunque mundanorum hominum vereatur contemptum: æquè enim est ac si dicat: O utinam, tanto mihi astringeris amoris vinculo, Deus meus, quanto adstringuntur frater atq; soror! ô utinam tam tenerè te diligerem, quàm tenerè â sorore diligitur frater parvulus, sugens ubera matris suæ! ita ut etiam palam & coram fratribus, dum proximorum indulgeo utilitati, deosculer te osculo charitatis; ita ut non pudeat ante omnes, te confiteri, tibiq; obsequi, oratione ac bonis operibus. Quis mihi det ut jam nedum te timeam
ut Deum

a *Mich. Gisler. c. 8. Cant. expos. 3.*

ut Deum zelotem, Dominum exercituum, ignem comburentem, & quidquid tale nominari voluisti, quo mihi tui incuterer pavorem, sed ut etiam diligam tanquam fratrem meum, & talem fratrem, qui ob infantiam nihil incutiens metus, vel lapidea ad amorem pertrahas corda!

a Tu qui modò es in sinu Patris, quis det, ut homo efficiaris & particeps ac consors naturæ nostræ existens, frater meus appelleris? ut hominem factum in aperto videam, & deosculer te, id est, apertâ visione te aspiciam, quem nunc totum in fide teneo!

b Cùm magnus & excelsus esses, bonorum meorum non indigebas; utinam detur mihi, ut propter magnam charitatem tuam, factus frater meus ex Virgine, lacte indigeas, quo sustentaris; sic enim confido, aliquâ ex parte amorem meum, me tibi exhibituram. Priùs te invenire nequibam, unde & querebar; deploransq; cum Prophetâ, dicebam: *Fuerunt mihi lacrymæ meæ panes die ac nocte, dum dicitur mihi quotidie, Ubi est Deus tuus?* At nunc audiens Angelum ad pastores dicentem: *Invenietis infantem positum in præsepio*; confido sanè, me quoq; inventuram te foris; extra incomprehensibilem majestatem illam, quâ intra temetipsum ab æterno latebas; quærebam te jam in hoc mundo, & in creaturis: *In lectulo, namq; mentis meæ, quæsi vi te, quem diligit, anima mea: quæsi vi, & non inveni, surrexi, & circuivi civitatem præsentis mundi: per vicos & plateas creaturarum, quæsi vi te, & non inveni.*

H 3

a S. Tho. in c. 8. Cant. *b* Gisler. c. 8. Cant. expos. 3.

*inveni. At modò te inter creaturas, parvulum fratrem meum, ex uberibus Virginis Matris tuæ, simul ac meæ, pendentem inveniens, haud continere me potero, quin tota in tua prörumpam oscula, quin tota tibi per dilectionem uniar, & jam me nemo despiciat, quod adorem, quem nesciam; quod osculer, quem non videam; quod illi offeram preces, qui nostra non curet; quòdve illi obsequia exhibeam, ad quem accedere minime liceat. De osculans profectò te, in primo conceptionis instanti, unxit te Deus tuus oleo latitiæ præ consortibus tuis; osculis meis, ita te meum adorabo fratrem, ut iisdem te quoque meum profitear. Regem dilectissimum: eo modo quo & Samuelem Saul in Regem unctum, osculo adorasse, lego in lib. Reg. Tibique ut Regi morem geram in omnibus, id quod & iisdem contestabor osculis meis, quæ tuo imprimam ori, sicut antiquo illi Joseph, per Ægyptiaci populi osculi signum, totius Ægypti obedientiam promissam lego à Pharaone, cùm ei dixit: *Et ad os tuum cunctus populus deosculabitur.**

a Ignoravi, quòd tam suavis, ò bone JESU, esset tuus amplexus, tam honestus attactus tuus, tam deliciosus convictus tuus! Cùm enim te amavero, munda sum, cùm tetigero casta sum, cùm accepero, virgo sum. Tuus, ò dulcissime JESU, amplexus non maculat, sed mundat; tuus attactus, non inquinat, sed sanctificat. O JESU fons universæ & dulcedinis & suavitatis, ignosce mihi, quod tam serò credidi quantum habet deliciousi.

a Bonav. soliloq. c. I.



*In lectulo meo per noctes quæsiui quem
diligat anima mea; quæsiui illum, et non in-
veni. Cant. 3.*

liciositatis, quantum honestatis, quantum jucunditatis, quando *lava* tuæ æternæ sapientiæ & cognitionis, est *sub capite meo*, id est ratione, & *dextera* tuæ Divinæ clementiæ & dilectionis *amplexabitur me*, id est voluntatem. Heu me miseram! quid unquam tam dulce, tam suave, tam delizioso & salutiferum potest experiri, quàm inter brachia tanti Sponsi quiescere, inter oscula tanti Regis & amico tam fideliter obdormire? hanc dulcedinem senserat anima devota, quando optabat dicens: *Osculetur me osculo oris sui*. Numquid has delicias anima devota erat experta, quando orabat ardens, & jam penè deficiens præ dilecti sui concupiscentiâ, dicens, in Canticis: *Quis mihi det te fratrem meum sugentem ubera matris meæ; ut inveniam te solum foris, & deosculer te?* Quis enarrare sufficeret, nisi qui mente gustasset, quantum habet hoc verbum dulcedinis & devotionis, quando bene ponderatur & rectè cibatur devotâ mente? sed ô Domine Deus, si hæc tam dulcia sunt cogitanti, quàm dulcia esse possunt degustanti? si tam suavia sunt legenti, quàm consolatoria erunt per affectum sentienti?

X.

In lectulo meo per noctes quæsi vi quem diligit anima mea; quæsi vi illum, & non inveni. *Cant. 3.*

Casta canunt nostræ suspiria, votâque *Muse*,
Nullâque de thalamis vox, *Hymenæe* tuis.

Ut sua corporibus, sic mentibus est quoq; flamma,
 Et propè deterior corpora flamma coquit.
 Intus, in accensis qui mentibus aestuat ignis,
 Delicias liquidi solus amoris habet.
 O quantò his, Anima, facibus melioribus ardent!
 Oscula quàm certâ dântque ferûntque fide!
 Quàm placidis castas complexibus itur in ulnas,
 Quàm sancta sociant mutua vincla manus!
 Et suus hic etiam torus est genialis amorî,
 Quæque maritali fœdera nexa face;
 Casta Cupidineæ sed fœdera nescia tede,
 Nec, nisi quem cupiat Vasta subire torum.
 Sed neque cynæis hic turget culcitra plumis,
 Fartaque Amycla vellere fulcra tument.
 Quo duo tam casti thalamo sociantur amantes
 Lectus olorinas non habet ille nives.
 Lectulus auspiciis tantorum stratus amorum
 Mens est lætitiæ pace quieta sua.
 Lectule; pax animæ; cœlestis lectule tede;
 Pronube fidereis lectule caste toris! (tum,
 Tu Sponsi atq; Animæ thalamus secretus aman-
 Solus es ô tantas dignus habere faces!
 Hoc ego consuevi, meditans, traducere noctes,
 Cùm requiem pulso cura sopore negat.
 Hoc meus ille; meos rapuit qui primus amores,
 Est solitus vigili secubuisse toro.
 Et mihi tunc imas urit fax Dia medullas,
 Inque vicem flammis uritur ille meis.
 Tunc desideriiis querimur sine voce loquentes;
 Mutaque plus verbis lacryma vocis habet.
 At nova quæ subiti sit, nescio, caussa recessus;
 Subvereor, vitio sit data caussa meo.

Nam mihi jam spatium plus usus abesse diurno,
 Et secus atque solet nocte fuisse foris.
 Hæcine signa forent mutati fors an amoris?
 Aut illum melior lectulus alter habet?
 Hei mihi quàm miseris ea nox fuit acta querelis,
 Quæ sine te, viduâ nox fuit acta domo!
 Jam propè constiterat medio vaga Cynthia cælo,
 Altâque sopierat lumina lassâ quies;
 Cum mihi visa tori pulsâ vox dicere spondâ,
 Surge parat thalamo Sponsus abire tuus,
 Suscitor, & piccos oculis detergeo somnos.
 Impositum cubito sustineoque caput:
 Et desolatâ implens ululatibus ædes,
 Sollicitâ, dormis lux mea? voce rogo.
 Hei mihi! responsum nullum dedit ille roganti,
 Fugerat è thalamis transfuga nempe meis.
 Protinus accenso reperi vestigia lychno
 Quæ cuperem nunquam visa fuisse mihi.
 Dic meus, exclamo, quò fugit, lectule, Sponsus?
 Perfide, dic meus heu! lectule, Sponsus ubi est?
 Et vago, & toto velut amens erro cubili,
 Ut tua te viduâ luxit Alexi, domo.
 Quos ego tunc animo sensi effervere tumultus,
 Cygneus fuerat Pax cui fida torus!
 Quæ mentem subito insanâ vertere procella,
 Insolitam dubiis pandere lina Notis!
 Quàm sterili jacuit damnatum pectus arenâ,
 Dia cui æthereis vena scatebat aquis!
 Jam gravidus labor est oculos attollere cælo,
 Orâque divinâ solvere laude, labor.
 Jam neq; sacra valent prisca in certamina vires,
 Quæ modò lusus erant prælia, facta dolor.

Scilicet optatâ dum felix uterer aurâ,
 Aurea molliculus Pax mihi lectus erat.
 Tunc ut inexpertis Tiro temerarius armis,
 (Omnia qui linguâ praelia victor agit)
 Optabam rabidis caput objectare Tyrannis,
 Aut animam pulchrâ fundere posse nece.
 Tunc & Apolloniæ mihi credita flamma, rose-
 tum;

Tunc rota Costiadæ Virginis, esse trochus:
 Visaque sunt Agathæ gemini duo vulnera, tor-
 ques,

Blandâque Blandinæ, Taure putatus ovis:
 Denique barbarici laniena infanda macelli,
 Totâque carnificum visa theatra, jocus.
 Nempe erat in calidis tam fervida flamma me-
 dullis,

Aurea cùm placidus Pax mihi lectus erat.
 At simul ac Sponso calor hic abeunte recessit;
 Frigidior Scythica mens mihi facta gelu est.
 Sic nova, quas Zephyris spirantibus educat æstas,
 Decoquit immeritas una pruina rosas.
 Lampada sic tenui Pallas quam nutrit olivo,
 Extinguit tremuli bucca soluta Noti.
 Ab malè, te placido quæsi Sponse cubili;
 Qui Crucis in thalamo repperiendus eras!
 Pax mihi lectus erat, Tibi Crux erat aspera le-
 ctus,

Hoc te debueram, querere Sponse toro.
 Lux mea, jam quota. Te querendo perditæ
 nox est!
 Sed quæsi, ubi non inveniendus eras.

In lectulo meo per noctes quæsiui quem diligit anima mea ; quæsiui illum, & non inveni. Cant. 7.

^a **N**on est reversus Sponsus ad vocem & votum revocantis. Quare? ut desiderium crescat, ut probetur affectus, ut exerceatur amoris negotium. Sanè ergo dissimulatio est, non indignatio, superest ut quæeratur, si fortè reperiatur quæsitus, qui vocatus non venit; dicente Domino: *Omnis qui quærit, invenit, & primo quidem quærit illum in lectulo, sed minimè invenit, neque unius noctis quæsitio hæc est frustratio, cùm dicat ista; quia quæsiui per noctes.*

^b Legimus Psalm. 76. Piam quandam animam exquisisse Deum nocte, exquisisse verò manibus ac vocibus; illiusque inquisitionem haudquaquam spe frustratam: sic namque illa, id quod sibi contigit testatum omnibus volens ait: *In die tribulationis meæ Deum exquisivi manibus meis, nocte contra eum, & non sum deceptus; at verò in hac sententiâ (in lectulo meo per noctes quæsiui) Anima pia Deum ipso noctu quæsisse se asserit, idque frequenter, per multas scilicet noctes; nullatenus tamen illum vel post diutinas inquisitiones reperisse.*

^c Quid est quod non invenitur quæsitus, cùm requiratur tam studiosè & impigrè, ipse autem dicat: *Quærito & invenietis: & qui quærit,*
H 6 *invenit;*

^a Bern. serm. 75. in Cant. ^b Gisler. in Cant. cap. 3. expos. 3. ^c Bern. serm. 75. in Cant.

invenit; quomodo ergo implebuntur Scripturæ? neque enim quæ hîc inducitur quærens, una est ex his, quibus ipse ait: Quæretis me, & non invenietis.

a Ob istiusmodi diversitatem non modicum primo aspectu offensus est animus, multoque magis offendebar; quia rationi magis consonum mihi videretur, ut Deus ab illa citius inveniri se sineret, illiusq; vocibus potius intenderet, quæ majori erga ipsum flagraret charitate; qualem absque dubio Sponsam censebam.

Verum attentius utriusque animæ perpendens verba, percepi statim rationem diversitatis prædictæ. Intellexi quid causæ fuerit, cur Anima loquens in Psalmo, Deum repererit; Sponsa autem neutiquam eundem invenerit; quia nimirum ista, etsi manibus Deum quæsit, & vocibus; in lectulo tamen & lectulo suo singulari quietem agens & manibus palrans eum quæsit, qui ibi haud quaquam esset. Illa autem de tribulationibus ad eum clamavit, qui ait: *De quacunque tribulatione clamaverint ad me, exaudiam eos.* Sicque facili negotio, non solum invenit, sed & apprehendit eum, qui dixit: *Cum ipso sum in tribulatione; in die tribulationis, inquit, Deum exquisivi manibus meis nocte contra eum, & non sum decepta.*

b Attendite [ergo] tres esse causas, quæ interim occurrunt, & quærentes frustrari solent, cum aut videlicet: *Non in tempore quærunt, aut non*

a Gisler. inc. 3. Cant. expos. 3. *b* Bern. serm. 75. in Cant.

non sicut oportet, aut non ubi oportet. Si enim omne tempus aptum est ad quærendum, cur ergo dicat Propheta: *Quærite dum inveniri potest*: erit absque dubio cum inveniri non poterit, & hæc una causa quæ impedire potest, ne inveniatur sponsus à quærentibus se, cum non quærunt in tempore opportuno. At non ea causa impedit sponsam, nempe invocantem & quærentem in tempore opportuno. Sed ne illa quidem eum tepidè aut negligenter seu perfuriose quærit; nam corde ardenti & omninò infatigabiliter, quærit planè ut decet. Restat ut de tertiâ videamus, ne videlicet, ubi non decet quærat. *In lectulo meo quæsi per noctes quem diligit anima mea.* An fortè non in lectulo, quærendus erat, sed in lecto: quippe cui orbis angustus est? sed non horreo lectulum, qui novi parvulum. An non lectulus, tumulus? an non lectulus, præsepium? an non lectulus, uterus Virginis? neque enim magni Patris uterus, lectulus est, sed lectus magnus, de quo ad filium: *Ex utero, inquit, ante luciferum genui te.* Quamquam nec lectus quidem forsitan dignè censendus sit uterus ille, qui Regentis potius quàm jacentis est locus. Meritò proinde Sponsa, ponens lectulum, dicit; *Suum.* [Sed] quid in tuo quærebas, qui se jam in sua receperat? non videras filium hominis ascendentem ubi erat prius? Jam cælum tumulo commutavit, & tu illum, in tuo adhuc lectulo quæris? *Surrexit, & non est hic.* Quid quæris, in lecto, fortem? in lectulo, magnum? in stabulo, clarificatum? Introivit in

potentias Domini, *decorem induit & fortitudinem*, & ecce sedet super cherubim, qui sub lapide jacuit. Ex hoc, jam non jacet, sed sedet, & tu tanquam jacenti subsidia paras: sive ut absolutior veritas sit, aut sedet judicans, aut stat adjuvans. Ex tunc ergo & deinceps frustra in lectulo quæsitus est sponsus: pulchrè verò sponsa, non quem diligo ego, sed *quem diligit anima mea*, inquit, quod verè & propriè ad solam pertineat animam illa dilectio, quâ aliquid spiritualiter diligit. Nam cum secundum carnem quippiam diligit vel potius appetit anima, carnis potius, quam animæ amor dicendus est. Et benè *per noctes* se quæsisse eum ait, nam non absurdè dici potest, quod qui ignorant, nocte ignorant; ac per hoc qui quærunt, nocte quærunt. Quis enim quærît quod palam habet? Nox est itaque donec quæritur sponsus, quoniam si dies esset de medio fieret, & minimè quæreretur, sed dicet aliquis: quòd non sit tam stulta tamque cæca sponsa, ut quærat lumen in tenebris, quærat Dilectum apud ignorantes, & qui non diligunt eum. Quasi verò se per noctes nunc quærere dicat, & non potius quæsisse? Non ait, Quæro, sed quæsi, *per noctes quem diligit anima mea*. Et est sensus, quia cum esset parvula, sapiebat ut parvula, cogitabat ut parvula, & quærebat veritatem ubi non erat, errans & non inveniens; juxta illud in Psalm. *Erravi sicut ovis quæ periit*.

a Quod si quis contendat sponsam ipsam hîc ea referre, quæ sibi tunc temporis evenere, cum
toto

a Gisler in cap. 3. Cant. expos. 3.

toto corde viribusque omnibus, ardentissimo amore Deum dilectum suum prosequeretur; Dicendum; nomine *lectuli*, non quamlibet hîc significari quietem, sed illam dumtaxat, quâ anima sancta quiescit in pace interiore, quam pacem & Isaias, *lectuli & cubilis* nomine insignivit, cùm de iusto loquens dixit: *Veniat pax, requiescat in cubili suo, qui ambulavit in directione suâ.*

a Dilectum [enim] in *lectulo* quærimus, quando in præsentis vitæ aliquantulâ requie redemptoris nostri desiderio suspiramus. Per noctem quærimus; qui etsi jam in illo mens vigilat, atmen adhuc oculus caligat.

b Sed ingens illicò hîc insurgit difficultas, quâ ratione anima sancta in ejusmodi *lectulo* Deum quæsisse se asserat, & non invenisse? cùm alibi fateatur, in eo ipso *lectulo*, se unâ cum illo, quietissimè dormituram, dicens: *In pace in idipsum, dormiam & requiescam.* Cumque exploratum omnibus sit; *In pace factum esse locum ipsius Dei.* Si ergo in pace commoratur Deus: si in pacis *lectulo*, cum eo pacifica dormit anima: quomodo sponsa, ibi se eum invenisse negat, ubi jam præsens is adest? Ad hæc breviter respondendum: adesse quidem Deum, & ut proprio requiescere loco, in interiore pace, veruntamen, admirabili providentiâ, elongari nonnunquam, vel abscondi ab ipsâ animâ, cum quâ *lectulum* habet communem;

a Greg. hom. 19. in Ezech. & 25. in Evang.

b Gisler. in c. 3. Cant. expos. 3.

nem; sinens eam esse aridam, & quodammodo dulci destitutam complexu.

a Sunt [enim] qui in studiis spiritualibus fatigati, & versi in teporem, atque in defectu quodam spiritus positi, ambulant tristes via Domini corde arente & tædente, longos dies, longas conqueruntur & noctes, loquentes cum S. Job: *Si dormiero, dicam: quando consurgam? & rursum expectabo vesperam.* An tibi aliud, vel pati, vel petere ille videtur, qui ait: *Dormitavit anima mea præ tadio, confirma me in verbis tuis.*

b Porro id ob triplicem [accidit] rationem: Primò ut hâc suâ tantillâ elongatione, ad maiorem perfectionem eam provehat. Secundò ut jucundior postea sit ejus reditus vel ejus inventio. Denique quemadmodum chorda, quò magis ab arcu recedit, eò majore impetu ad ipsum accedit, majoremque exhibet vim sagittæ, quæ per arcum jacitur; ita quò magis Deus videtur se ab anima amovere, eo ardentiori benevolentia, in eandem sese postea insinuat. At, si ob alias rationes ab illâ se abscondit, cur non inveniri se finit ab eâ, quæ tanto studio ibi ipsum quæsit, ubi quæri is velit? *Quæsi vi illum, inquit, & non inveni;* ut videlicet, ejus perseverantiæ periculum faceret, utque experiretur, quò ea tenderet, cùm aliquando ab internæ pacis lectulo surgeret.

c Abscondit se [ergo] Sponsus cùm quæritur, ut non inventus ardentius quærat; & differ-

a Bern. *serm.* 32. *in Cant.* *b* Gisler. *in cap.* 3. *Cant. expos.* 3. *c* Greg. *lib.* 5. *mor. cap.* 4.



*Surgam, et circuibō civitatem; per vicos et
plateas quæram quem diligit anima mea;
quæsiui illum, et non inveni. Cant. 3.*

differtur quærens Sponsa ne inveniatur, ut tarditate suâ capacior reddita, multiplicius quandoque inveniatur, quod quærebat.

a [Sed] Domine, si non es hîc, ubi te quæram absentem? si ubique es, cur non video te præsentem? sed certè habitas lucem inaccessibilem. Et ubi est lux inaccessibilis, aut quomodo accedam ad lucem inaccessibilem? aut quis me ducet, aut inducet in illam ut videam te in illâ? accedere ad te desiderat servus tuus, & inaccessibilis est habitatio tua. Invenire te cupit, & nescit locum tuum. Obsecro Domine, doce me quærere te, & ostende te quærenti; quia nec quærere te possum nisi tu doceas, nec invenire nisi te ostendas: quæram te desiderando, desiderem quærendo, inveniam amando, amem inveniando.

XI.

Surgam, & circuibo civitatem; per vicus & plateas quæram quem diligit anima mea; quæsi vi illum, & non inveni.

Cant. 3.

TAndem, serò licet, meus est mihi cognitus
error:

Si bene quæsissem, Sponse, repertus eras.

Credideram placido somnos te carpere lecto,

Commodus, at video, non fuit ille torus.

Quid faciam cæptæ pergā dare membra quieti,

Et sine te somnus lumina nostra teget!

Ab,

a *Anselm. in protolog. c. i.*

*Ah, sine te, nequeam solito dare membra sopori,
 Aut illâ, sine te, Sponse, quiete, frui!
 Non si somniferis invitet lymphæ susurris,
 Lymphæ cavernoso præcipitata jugo;
 Aut nemorum blandis agitata cacumina ventis,
 Multâque quæ sylvis garrula cantat avis:
 Aut Heliconiadum, Parnassia turba, Dearum,
 Aut pater auratæ Delius ipse lyre.
 Nec tua discutiant mihi, Somne, papavera curas,
 Humida nec virgâ tempora tacta tuâ.
 Noxia nec vigilem quæ sopiit herba Draconem,
 Fistula quæque oculos condidit, Arge, tuos.
 Vix ubi composui luctantia lumina somno,
 Rumpitur indomito cæpta dolore quies.
 Et nullam accipiunt oculis, aut pectora noctem,
 Quin mihi, nox etiam creditur, una decem!
 Fingit & assidue de te, mihi somnia Morpheus,
 Nec fugis ex oculis flebilis umbra meis.
 Cur toties igitur somni mihi nocte petuntur,
 Si mihi nulla venit, nocte, petita quies?
 Eripiar stratis, mediâque vagata per urbem,
 Quod sors aut ratio me volet ire, ferar.
 Et circumspiciens, num fortè quis angulus abdat,
 Quæram quem propriâ diligo plus animâ.
 Quæram porticibus, quæram stabulisq; casisque,
 Perque semel tritas ibo, redito, vias.
 Nec malè perspecta fallet specus ulla latebra,
 Nec quem transiero, circulus ullus erit.
 Qualis odora canis vestigia pressa ferarum
 Mersâ nare legens lustra, rubôsque subit:
 Aut qualis ficulas Ops errabunda per urbes,
 Afficit an flores perdita Nata legat,*

*Ruráque piniferis vestigans avia tedis
 Persephonen stygiis optat adire vadis.
 Aut potius Solymis qualis vaga Magdala campis
 (Cum flebat Domini marmor inane sui)
 Saxa peralta rudésque ruit furiata peragros
 Qua dolor ancipitem quâ rapiebat amor.
 Omnibus una locis aderat, comes omnibus una,
 Una super Domini funere multa rogans.
 Attica sic viduo volucris gemit anxia nido,
 Luctisonisque nemus personat omne modis:
 Et circum, supráque volans, nunc ardua summo
 Vertice, nunc imâ pendula fronte sedet;
 Et raptam sobolem, raptoris & aucupis artes
 Heu! consanguineo nunciat orba gregi.
 Haud alter cunctis lustravi compita vicis,
 Non tamen est ullo prada reperta loco.
 Infames vici, loca detestanda plateæ,
 Decepto toties compita trita pede!
 Amissum in thalamis, foris hîc reperire putabam,
 Sed malè quæsitus, perditus usque latet.*

*Surgam, & circuibo civitatem; per vicos &
 plateas queram quem diligit anima mea:
 quæsi vi illum, & non inveni. Cant. 3.*

***E**FFUNDITE lacrymas oculi mei, plo-
 rate & nolite deficere. Ambulate pedes
 mei, discurrete, & nolite quiescere. Heu! heu!
 quò abiit gaudium meum, ubi latet amor meus?
 ubi est dulcedo mea? cur dereliquisti me, salus
 mea?*

a Orig. homil. 10. in diver.

mea? O dolores! ô angustia! Intolerabiles angustia sunt mihi undique, & quid eligam, ignoro. Quò me vertam? ad quem ibo? à quo consilium petam? quem percontabor? quis mei miserebitur? quis me consolabitur? quis indicabit mihi quem diligit anima mea? Revertere, dilecte mi! revertere, dilecte votorum meorum! ô amabilis! ô desiderabilis! redde mihi lætitiā salutaris præsentiæ tuæ.

a Heu me! ubi eum quæram, ubi eum inveniam? surgam certè, & circuibo omnia loca quæ potero; non dabo somnum oculis meis, non dabo requiem pedibus meis, donec inveniam illum, quem diligit anima mea.

b Sedens in lectulo, quæsi, cùm adhuc infirma & invalida forem, & omninò minùs idonea sequi Sponsum quocunque ierit; sequi ad ardua & excelsa sublimitatis illius. Incidi in multos, qui cognoscentes desiderium meum, dicebant mihi: *Ecce hîc est CHRISTUS, ecce illic est*, & neque hîc, neque illic erat; & dixi: *Surgam & circuibo civitatem per vicos & plateas, quæram quem diligit anima mea.* Intuere vel nunc quia jacet, quæ dicit *surgam*.

c Adhuc ut parvula sapit; per vicos & plateas, quærendum putavit, fruendi avida, sed ignara mysterii; iterum ergo frustrata repetit dicens: *Quæsi eum, & non inveni.* Non est, ut ista suspicata est, in plateis, aut vicis; nisi fortè in illis, de quibus dicitur: *Platea tuâ, Hierusalem,*

a Orig. *Ibid.* *b* Bern. *serm. 7. in Cant.* *c* Bern. *serm. 76. in Cant.*

lem, sternentur auro mundo, & per omnes vicos tuos alleluja cantabitur.

a Anima [enim] quæ amat, adscendit frequenter, & currit familiariter per plateas cœlestis Hierusalem, visitando Patriarchas & Prophetas, salutando Apostolos, admirando exercitus Martyrum, & Confessorum, chorosque Virginum speculando.

b Ibi, ibi illum, qui quæret, inveniet, & videbit gloriam ejus, non gloriam quasi unius cæterorum, sed planè gloriam, quasi unigeniti à Patre, quid facies, ô Sponsa! putas, potes sequi eum illic? aut te ingerere audes, vel vales huic tam sancto arcano, tamque arcano sanctuario, ut filium in patre, & patrem intuearis in filio? non utique; ubi est ille? tu non potes venire modò; venies autem postea: Age tamen, sequere, quære, nec te inaccessibleis claritas, vel sublimitas à quærendo deterreat, ab inveniendo desperare faciat. Si potes credere, omniaabilia sunt credenti. Propè est, inquit, verbum in ore tuo, & in corde tuo. Crede & invenisti, nam credere, invenisse est. Norunt fideles, habitare CHRISTUM, per fidem, in cordibus suis. Quid propius est? Quære ergo segura, quære devota, bonus est Dominus animæ quærenti se. Quære votis, sequere actibus, fide inveni; quid non invenit fides? attingit inaccessa, deprehendit ignota, comprehendit immensa, apprehendit novissima; ipsam denique æternitatem suo illo vastissimo sinu quodammodo circumducit, fidenter

a Aug. man. cap. 24. b Bern. serm. 76. in Cant.

denter dixerim : æternam, beatamque Trinitatem, quam non intelligo, credo, & fide teneo, quod non capio mente.

a Quid hoc desiderii est & ardoris, ut surgens de nocte publicum non erubescat? percurrat civitatem? percunctetur palam & passim de dilecto, atque â vestigandis semitis ejus nullâ valeat ratione averti? nullâ præpediri difficultate, non tempestivæ retineri amore quietis, non Sponsæ verecundiâ, non vel timore nocturno? Et tamen in his omnibus frustrata est usque adhuc â desiderio suo. Quare? quid sibi vult pertinax hæc & diuturna fraudatio; tædiorum nutritrix, suspicionum fomes, impatientiæ fax, noverca amoris, mater desperationis? si adhuc dissimulatio est, nimis est molesta. Esto, quod piè, utiliterq; interim fuerit dissimulatum, donec in solâ adhuc vocatione, seu revocatione res erat: nunc verò cum requiritur, & ita requiritur, quid jam conferre poterit dissimulatio? si de carnalibus sponsis, & pudendis amoribus quæstio est, sicut literalis superficies prælusisse videtur, & si inter illos talia contingere queant, mea non interest, ipsi viderint.

b Nolo te sponsum quærere per plateas, nolo te circumire angulos civitatis, dicas, licet: *Surgam circuibo civitatem, & in foro, & in plateis quæram, quem dilexit anima mea; & interrogas; Num, quem dilexit anima mea; vidistis?* nemo tibi respondere dignabitur; sponsus in plateis
non

a Bern. serm. 75. in Cant. b Hieron. epist. 22. ad Enstoc.

non potest inveniri. Arcta & angusta via est, quæ ducit ad vitam, zelotypus est Jesus, non vult videri faciem tuam: foris vagentur virgines stultæ, tu intrinsecus esto cum sponso.

a Non in foro, non in plateis CHRISTUS reperitur: non est CHRISTUS circumforaneus; CHRISTUS enim pax; in foro, lites: CHRISTUS iustitia est: in foro iniquitas: CHRISTUS operator est; in foro inane otium: CHRISTUS charitas est, in foro obtrectatio; CHRISTUS fides est, in foro fraus atque perfida, fugiamus ergo forum, fugiamus plateas. Nec illa eum in foro & in plateis potuit reperire, quæ dixit: *Exurgam, ibo & circuibo in civitate, in foro, & in plateis, & quæram quem diligit anima mea; quasi vi eum, & non inveni eum.* Nequaquam igitur ibi quæremus CHRISTUM, ubi invenire non possumus.

b Non pedum passibus, sed desideriis quæritur Deus; & ubique non extundit desiderium sanctum, felix inventio, sed extendit. Numquid consummatio gaudii, desiderii consumptio est? oleum magis est illi, nam ipsum flamma. Sic est; adimplebitur lætitia, sed desiderii non erit finis; ac per hoc, nec quærendi: quid ni animer ad quærendum, experta clementiam, & persuasa de pace?

c Attendite vehementiam & vim amoris. Nec abesse dilectum sustinet, nec sufficit præfenti; ibi, vota anhelata laborant; hîc exhausta relinqui

a Ambr. lib. de virg. *b* Bern. serm. 84. in Cant.
c Guilib. Abb. serm. 45. in Cant.

relinqui patiuntur. O felix amor, qui continuâ quâdam vicissitudine, aut liquefcit in ipso, aut quærens, anhelat ad ipsum! *quæsi & non inveni.*

a Ego erravi, sicut ovis quæ perierat, quærens te exterius, qui es interiùs; & multum laboravi quærens te extra me, & tu habitas in me, si tamen ego desiderem te. *Circuivi vicos & plateas civitatis* hujus mundi, quærens te & non inveni, quia malè quærebam foris, quod erat intus. Misi nuncios meos, omnes sensus exteriores, ut quærerem te; & non inveni, quia malè quærebam. Video enim, lux mea, Deus; qui illuminasti me, quia malè te per illos quærebam, quia tu es intus, & tamen ipsi, ubi intraveris, nesciverunt. Serò te amavi pulchritudo tam antiqua & tam nova, serò te amavi; & tu intus eras, & ego foris, & ibi te quærebam, & in ista formosa quæ fecisti, ego deformis irruebam. Mecum eras, & tecum non eram. Ea me tenebant longè à te, quæ esse non poterant, nisi in te. *Circuibam* enim omnia, quærens te, & propter omnia derelinquens me. Interrogavi terram, si esset Deus meus, & dixit mihi, quod non: & omnia quæ in ea sunt, hoc idem confessa sunt. Interrogavi mare & abyssos & reptilia quæ in eis sunt, & responderunt, non sumus Deus tuus: quære super nos eum. Interrogavi stabilem aërem, & inquit universus aër, cum omnibus incolis suis: fallitur Anaximenes, non sum ego Deus tuus. Interrogavi Cœlum, Solem, Lunam

a Aug soliloq. cap. 31.



Num quem diligit anima mea vidistis?
 paululum cum pertransissem eos, inveni quem
 diligit anima mea. Tene eum, nec dimittam.
 Cant. 3.

Lunam & Stellas; neque nos sumus Deus tuus, inquit. Interrogavi deinde mundi molem. Dic mihi, si es Deus meus, an non? & respondit voce forti: Non sum, inquit, ego, sed per ipsum sum ego; quem quæris in me, ipse fecit me; supra me quære eum qui regit me, qui fecit me.

XII.

Num quem diligit anima mea vidistis?
 Paullulùm cùm pertransissem eos, in-
 veni quem diligit anima mea; Tenui
 eum, nec dimittam. *Cantic. 3.*

R *Estat adhuc totâ locus ullus omissus in urbe?
 Aut regio nostro non peragrata pede?
 Flammiferis cunâta facibus luxere plateæ,
 Nullaque vel minima compita spreta via.
 Hei mihi! quos vicos, quæ non loca tristis obivi?
 Urbs etiam in tantâ defuit urbe mihi.
 Sed quod in hos frustra juvat incubuisse labores,
 Si Sponsum semper quero, nec invenio?
 Ergo domum lacrymans, vestigia retrò ferebam,
 Quique rogaretur, nemo viator erat.
 Cùm propter portis à mœnibus aufero gressum,
 Et vigil ad portas occupat ecce cohors.
 At prior hic dixi, quem diligo fortè latebit;
 Et subito, vigiles, reppererintne? rogo.
 Illi, cum tacito convertere lumina visu,
 Verbâque dentatis reddere salsa jocis.
 Et quidam; Quisnam ille tuus quem diligis ignis,
 Absq̃ suo nosci nomine posse putas?*

I

Parcite,

Parcite, respondi, tam rusticus est mihi candor,
 Scire omnes rebar; quis meus esset amor.
 Nec mage vel Pyladis notum, vel nomen Orestis,
 Néve tuum, Thïsbe, Pirame, néve tuum:
 Vosque etiam quamvis, quem diligo, scire negetis,
 Scire, nec ignotum posse latere, puto,
 Obsecro, dic igitur Custodia pervigil urbis,
 Num meus hac vobis tendere visus Amor?
 Ille meus, propriâ quem plus ego diligo vitâ,
 Qui quoque me vitâ plus amat ipse suâ.
 Dicite, quando abiit? quantillo tempore mansit?
 Quâque prehensurum se simulavit iter?
 Hac iit aut illac? dextrâ vel fortè sinistrâ?
 Solus erat? sociis an comitatus erat?
 Excubia falsis iterum risere cachinnis;
 At mihi salsa meas obruit unda genas.
 Transieram: Sponsi neque spes super ulla videndi,
 Mânsque erat in damni mersa dolore sui:
 En subito, dumcuncta animo tristissima volvo,
 Nullâque quam tantâ, vota minora spei;
 Ille meus, totâ toties quæsitus in urbe,
 Jam non quæsitus constitit ante oculos.
 Exilii, mystoque metu perterrita gaudens
 Vix potui propriis credere luminibus.
 Et, Têne aspicio, mea lux, mea vita? volentem
 Dicere, vox hærens faucibus impediit.
 Qualis ubi viso conjux inopina marito,
 (Quem mendax tulerat rumor obisse diem)
 Obstupet ac visâ veluti percellitur umbrâ.
 Optantemque loqui, pallida facta, fugit.
 Nec nisi jam noto reducis fidentior ore,
 Auder in amplexus conjugis ire sui:

Tumque

Tumque veretur adhuc, ne se malè credula fallat
Inque fidem levior decipiatur amor:

Sic ego, dum trepido rediére in pectore vires,
Teque iterum ante oculos, Sponse, reviso meos;
Subdubitans speransque timensque & amore fatiscens.

Túne es, quem video, clamo, vel umbra tui?
Ab Sponse! ab non es! non es, quem diligo, non es!
Imò es quid dubito? numquid es? haud dubito.

O mea lux, video, te nunc video, mea vita;
Nil ultra dubito, lux mea, te video.

Agnocénsque tui vocem præsentis & ora,
Involo in amplexus, Sponse reperte, tuos.

Jámque ego te teneo, neque per vaga compita
queram,

Ludibrium vigili, nocte futura gregi.

O mea si geminis mutentur brachia vinculis,

Atque manus manicis, compedibusque pedes!

Quàm te complicitis, mea lux amplecterer ulnis!

Arctius amplexu, vitis & ulme, tuo.

Arctius anguipedum manibus, pedibusque he-
derarum,

Queis obit annosas herba marita domos.

Sed neque te nostri lassent, mea vita, lacerti,

Sapè nec errantes per tua colla manus:

Longa Tui subeat, mea lux, absentia mentem,

Nec nisi pensari tempore posse putes.

Ab citò tam longi quæreris compendia damni.

Vix ego jam cœpi, tu satur, ecce fugis.

Non ita discedes non tam citò liber abibis;

Non nisi pugnando viceris, effugies.

*Num quem diligit anima mea vidistis?
Paullulum cum pertransissem eos, inven-
ni quem diligit anima mea. Tenui eum,
nec dimittam. Cant. 3.*

a **O** AMOR præceps, vehemens, flagrans, im-
petuose! qui præter te, aliud cogitare non
finis, fastidis cætera, contemnis omnia, præter
te, te contentus: confundis ordines, dissimulas
usum, modum ignoras. Totum quod opportu-
nitatis, quod rationis, quod pudoris, quod con-
sili, judiciive videtur, triumphas in temetipso,
& redigis in captivitatem En omne quod cogitat
ista & loquitur, te sonat, te redolet, & aliud ni-
hil, ita tibi, ipsius & cor vendicasti & linguam.
Ait: *Num quem diligit anima mea vidistis?* quasi
verò hi sciant, quid cogitet ipsa! Quem diligit
anima tua de ipso sciscitaris? & non habet no-
men? Quænam verò tu, & ille quis?

b Quo pacto inveniri posset, quod nullæ res
nobis cognitæ ostendere possunt? non forma,
non color, non circumscriptio, non qualitas, non
locus, non figura, non conjectura, non adsimi-
latio, non proportio; sed quod semper extra
omnem perceptionis viam positum, comprehen-
sionem pervestigantium planè fugit. Propterea,
inquit, *quæsi vi eum*, per animæ facultates eas
quæ inveniendi vi præditæ sunt; per ratiocina-
tiones & cogitationes: at extra hæc omnia posi-
tus erat, accessum mentis propiorem effugiens.
Qui verò semper reperitur omni notâ carere, de
quâ

a Bern. ser. 79. in Cant. **b** Nyss. ora. 12. in Cant.

quâ possit agnosci, quo pacto queat is per indicationem aliquam vocum percipi?

a [Sed] sicut Conjux amatrix viri, absente marito suo, per fenestras circumspicit, ipsum requirens, & ubiq; speculans, in mari & in terrâ; & si viderit navem venientem, ibi suum putat esse virum & si viderit viatores procul venientes, inter ipsos adesse existimat, & occurrens eis, interrogat dicens: Dicite mihi ubi eum dimiseritis, in quâ regione, aut in quâ civitate? quid dicentem, aut quid facientem, aut quando venientem? in hunc modum, omnis sancta [anima] constricta amore CHRISTI interrogat: *Dicite mihi, ubi pascit, ubi cubat, quem diligit anima mea?*

b Jam optas videre quem amas, cui nunc blandiris, & nunc ad amoris & desiderii intentionem suaviter illum pervestigas, nunc moras accusas, nunc te cernis contemptum, nunc te visitatione confiteris indignum, & iterum de ejus, (totiens expertus) bonitate præsumis nunc quasi ulterius non sustineas, spirituali quodam litigio vel luctamine evincere retardantem conaris. Quæ tunc lacrymæ? qui gemitus? quæ suspiria? quæ voces? nunc oculi fletu graves, cum intimis singultibus eriguntur ad cælum; nunc manus extenduntur & brachia, nunc pectoris contusione animæ tarditas accusatur. Proferuntur interim verba sine principio, sine fine, quorum nec sententiæ cohærent sibi, nec rationes similes sunt, nec alicujus linguæ sensus vel idioma servatur:

I 3

quando

a Chrys. hom. de virt. *b* Bern. hom. infr. oct. Epiph.

quando vox aliquando respondet affectui, & iterum vocem affectus intercipit. Gaudet certe pius ille Jesus tali certamine superari.

a Superest itaque ut ad eum recurrat, in quo solo vera est consolatio, & per istius vitæ nodos, in lectulo cordis DEUM quærat: Quem si primò non invenit, magis ad quærendum animetur, surgat ad amorem coelestium; civitatem circumbeat exultatione universæ terræ fundatam; interroget vigiles, qui custodiunt Ecclesiam, nudetur pallio sæcularis ornatus, & charitatis sagittâ interiùs vulneretur. Nec priùs à quærendo desistat; quàm mœrentium consolatorem inveniat. Inventum autem summopere teneat, donec redemptus ope adjutricis gratiæ, à conscientia eripiatur tribulatione.

b Est enim quidam spiritualis amplexus, atq; utinam contingat, ut meam Sponsam altior Sponsi amplexus includat, ut ego quoq; possim dicere, quod in eodem libro scriptum est: *Sinistra ejus sub capite meo, & dextera illius amplexabitur me!*

c Quid hoc tenacius glutino, quod nec aquis cluitur, nec ventis dissolvitur, nec scinditur gladiis? Deniq; *aqua multa non poterunt extinguere charitatem. Tenui eum nec dimittam.* Et sanctus Patriarcha: *Non te, inquit, dimittam, nisi benedixeris mihi:* Ista non vult eum dimittere: & fortè magis quàm Patriarcha id non vult, quia nec pro benedictione quidem; siquidem ille, benedictione acceptâ, dimisit eum: hæc autem non sic,
Nolo,

a S. Greg. in Psalm. pœn. *b* Orig. hom. i. in Cant. *c* Bern. serm. 79. in Cant.

Nolo, inquit, benedictionem tuam, sed te. *Quid enim mihi est in cœlo, & à te quid volui super terram? non dimittam te, nec si benedixeris mihi. Tenui eum, nec dimittam.* Nec minùs forsitan ille teneri vult; cùm perhibeat dicens: *Deliciæ meæ esse cum filiis hominum.* Quodq; pollicens ait: *Ecce ego vobiscum sum, usq; ad consummationem sæculi:* quid hâc copulâ fortius, quæ una, duorum tam vehementi voluntate fundata est? sed nihilominùs, illa vicissim tenetur ab eo quem tenet; cui alibi dicit: *Tenuisti manum dexteram meam.* Quæ tenetur & tenet, quomodo jam cadere potest? tenet fidei firmitate, tenet devotionis affectu. At nequaquam diu teneret, si non teneretur. Tenetur autem potentiâ & misericordiâ Domini. *Tenui eum, nec dimittam.*

a Inveniam [& ego] Te desiderium cordis mei, teneam Te, amor animæ meæ, amplectar Te sponse cœlestis, exultatio mea summa, intus & extra, possideam. Te beatitudo sempiterna, possideam. Te in medio cordis mei, vita beata, dulcedo summa animæ!

b Ecce quod concupivi jam video, quod speravi jam teneo, quod desideravi jam habeo; illi namque in cœlis junctus sum, quem in terris positus totâ virtute dilexi, totâ caritate amplexus sum, cui toto amore inhæsi, ipsum laudo, benedico, atque adoro.

c Tantò instantiùs inventum tenui, quantò tardiùs, quem quærebam, inveni.

I 4

a O piis-

a Aug. soliloq. c. 1. *b* Aug. med. c. 37. *c* Beda in c. 3. Cant.

a O piissime Domine & dulcissime Magister! quàm bonus es his, qui recto sunt corde, & humiles sunt spiritu! ô quàm beati, qui in simplicitate cordis quærunt te, & quàm felices qui sperant in te! Verum certè est, & indubitanter verum, quòd tu diligis omnes diligentes te, & numquam derelinquis sperantes in te. Ecce enim dilectrix tua simpliciter quærebat te, & veraciter invenit te. Sperabat in te, & non est derelicta à te. sed plus est consecuta per te, quàm expectàrat à te.

b Gratias Tibi, lux mea, quoniam illuminasti me, & inveni Te, & me, ubi inveni me, ubi cognovi me, ibi inveni Te, ibi cognovi Te; ubi autem cognovi Te, ibi illuminasti me.

XIII.

Mihi autem adhærere Deo bonum est,
ponere in Domino Deo spem meam.
Psal. 72.

Quàm mea, per varios, vita est exercita casus!
At pila, percussu pulsa, repulsa manu.
*Munera belligeri primùm placuere Gradivi,
Armæque spe laudis, sanguinolenta tuli.
Arma dabant animos, & erat spes omnis in armis,
Ceui foret hæc votis meta futura meis,
Sæpè vigil tetricas traduxit cantibus horas,
Et custos speculæ tædia longa tuli. (est,
Nec semel admonitu fraus hostica prodita nostro
Cum signum toties, ore, vel ære dedi.*

Addidici

a Orig. hom. 10. in divers. *b* Aug. soliloq. c. 38.



*Mihi autem adhærere Deo bonum est, pone
re in Domino Deo spem meam. Psalm. 72.*

Addidici septis fossam producere castris,
 Et sude præfixas impediisse vias.
 Quin etiam subita faciem componere pugna,
 Et trepidis animos addere, voce, globis.
 Denique non tenuit belli quis certiùs artes,
 Militis auxilio seu Ducis esset opus.
 Ah, quoties Libycas pressit pes lassus arenas,
 Et cecidit madidis sudor in ora comis!
 Collaque magnanimus tinxit fumantia pulvis;
 Nec tamen unda, sitim qua recrearet, erat.
 Ah quoties gelidos fluviorum innavimus alveos.
 Ære gravante humeros, ære gravante caput!
 Oraque prensatos retinebant mordicus enses,
 Nando per obstantes cum veheremur aquas.
 Bellantem tenuit jam tot me Marspiter annis,
 Principioque pedes, sine merebar eques:
 Quoque tegor, decima fuit ictus arundine thorax,
 Laeqque, sunt totidem cassis & umbo locis.
 Lethifero cecidit sonipes mihi tertius ictu,
 Crista quater galeæ cuspide, rapta fuit.
 Quin animam præceps in aperta pericula misi,
 Dum nimis hostili dextera cade calet.
 Nulla tamen nostro tunc sunt data vulnera tergo,
 Omne sed adverso pectore vulnus erat.
 Nempe gradum tenui, contra ferrumque facèsque,
 Telaque præcipiti grandine plura tuli.
 Perque meo factos gladio spatia bar acervos,
 Imposito subigens corpora strata pede.
 Quis putet, hoc tantis caput insuperabile bellis,
 Non etiam bellis, vota tulisse suis?
 Heu mihi! post partas proprio tot sanguine lauros,
 Post tot ad infernos funera missa lacus;

Post toties meritas gladio victore coronas,
 Post tot fixa tuo signa, Gradive, tholo:
 Una tot egregios delevit culpa triumphos,
 Nec fuit ulla super nominis umbra mei:
 Et gravis in pœnam me diruit ære Tribunus,
 Jussit & incincto turpiter ire sago,
 Gloria quin odiis popularibus obruta vertit,
 Sic cecidit tanto Marte petitus honos.
 O utinam potius pro te, Deus, arma tulissem!
 Non ita cassa suis laudibus arma forent.
 Te super, intrepidâ melius spe, vota locantur,
 Ut fundat trepidas anchora fida rates.
 Ergo suum Odrysiò positum sustendimus ensem,
 Æràque sunt curvæ jussa valere tubæ,
 Tum lucra, tum vigiles, lucro arrisère tabernæ,
 Unàque Mercurio cura litasse fuit.
 Tum piper & lanas lydo reparavimus auro,
 Veximus & gravidâ grana, merùmque trabe.
 Nostrâque Barbaricos tetigerunt lintea portus,
 Et sinus in vectâ vix sine merce fuit.
 Scilicet, è minimâ magnum re cogere questum,
 Maximus hâc studii parte triumphus erat.
 Creverat aggestis jam densa pecunia nummis,
 Nec domus immensas arcta tenebat opes.
 Classis & ambustis onerata redibat ab Indis,
 Sed periit, patriis proxima classis aquis.
 Plurimus implebat tabulas mihi debitor ambas,
 Credita perjurus debitor esse negat.
 Ergo velut liquidis sal crescit & interit undis,
 Ut crevistis opes, sic periistis opes.
 O quanto placidos tranquillius exigit annos,
 Qui neque lucra cupit, qui neque bella movet!
Dives

Dives Athlantiade, tua linquo negotia, dixi,
 Nulla mihi vestrâ merce redempta quies.
 Quid facerem, toties frustrantibus omnia votis,
 Martenegante decus, Mercurioque fidem?
 Regis in ignotam subrepsi nobilis aulam;
 Magnaque mox regi fama relata mei est.
 Et vocor, & videor, placidoque arrideor ore;
 Dûmque loquor, pronâ Principis aure fruor.
 Nescio quid fuerit, quod Rex ita cœpit amare;
 Non fuit hoc meriti, sed magè fortis opus.
 Seu fuerit virtus, seu sors, seu Regius error,
 Maximus exiguo tempore crevit amor.
 Sæpè diem nocti conjunximus, inque loquendo,
 Non fuerat visus præcipitasse dies.
 Sæpè domi tacitas lusu traduximus horas,
 Unâque sæpè foris mensa duobus erat.
 Non ita Sejanum Latiae favor extulit Aula;
 Clitus Alexandro non ita carus erat.
 Comodus haud tantum potuit tribuisse Cleandro,
 Aut Constantini plus amor Ablavio.
 Jamque, suâ fateor, favor hic, novitate placebat,
 (Ut propè non solitæ res novitate placent)
 Aulâque felicem, felicem turba vocabat,
 Quodd mihi tanta Ducis gratia parta foret.
 Vah! nimis infidis subnixâ potentia sceptris,
 Quæ minimo sortis turbine versa ruit!
 Ecce, minax tetricos cœpit Rex ducere vultus,
 Nec tamen est vitio gratia lesa meo.
 Hei mihi! cœptus amor, subitam se vertit in iram,
 Hostis & è patrio cogor abire solo.
 Et veteres auxi casus nova fabula fastos;
 Fabula sic elegis tristè carenda meis.

*Arcadii Eutropius, Stilico redivivus Honorius,
Et Constantini Caesaris Ablavius;
Clitus Alexandri; Tiberi Sejanus; imago
Heu nimis historia vera fuere mea!
O Deus! ô quantò tranquillius exigit ævum,
Qui locat in sceptris votaque spēsque tuis!*

*Mibi autem adharere Deo bonum est, ponere
in Domino Deo spem meam. Psalm. 72.*

COR humanum in desiderio æternitatis non fixum, numquam stabile potest esse: sed omni volubilitate volubilius de alio in aliud transit, quærens requiem, ubi non est. In his autem caducis & transitoriis, in quibus ejus affectus captivi tenentur, veram requiem invenire non valet, quoniam tantæ est dignitatis, ut nulum bonum præter summum bonum, ei sufficere possit.

b [Et ego] aliud & aliud sequebar, & à nullo implebar; dum non in me inveniebam te, incommutabile & singulare, indivisum, unum bonum, quod consequutus, non egeo; quod consequutus, non doleo; quod possidens, satiatur totum desiderium meum.

c [Sed nunc] nihil mihi tam dulce quàm cum Domino meo esse. *Mibi autem adharere Deo bonum est.* Da mihi, Domine, donec his fragilibus assisto membris, *tibi adharere*, sicut scriptum est, *qui adharet Domino; unus spiritus est cum eo.*

a Eligant

a Aug. med. cap. 25. *b* Aug. soliloq. c. 13. *c* Aug. med. cap. 37.

a Eligant alii militiam, alii advocationem, alii diversas variasque doctrinas, alii negotiationem, alii agriculturam, *mibi autem adhaerere Deo bonum est.* Deo adhaerere nihil est melius quando eum videbimus facie ad faciem: modò ergo quid? quia adhuc peregrinus loquor. *Adhaerere Deo bonum est;* sed modò in peregrinatione, quia nondum venit res: *ponere in Deo spem meam.* Quamdiu ergo nondum adhæsisti, ibi pone spem. Fluctuas? præmitte ad terram hanc anchoram. Nondum hæres per præsentiam? inhære per spem: & quid hîc ages, ponens in Deo spem tuam? quod erit negotium tuum, nisi ut laudes, quem diligis: Ecce si amares Aurigam, non raperes cæteros ut tecum amarent? Amator Aurigæ quacumque transit, loquitur de illo, ut eum ament & cæteri.

b Divitiæ si affluent, nolite cor apponere. Fluxa est divitiarum natura, suos possessores, ocyùs torrente prærapido, prætercurrit; alios alio modo, apta mutare Dominos. Hodie hujus est ager, cras erit alterius, & paulò post ad alium perveniet. Respice parumper ad civitatis domos; quot nomina ex eo tempore, quo fuerunt ædificatæ, fortitæ sunt, aliter ab aliis atque aliis appellatæ possessoribus? Et aurum è manibus habentis se, fluens semper ad alium transfertur; & ab illo, ad alium; magis enim aquam manu circumplexam retinere continenter possis, quàm divitias conservare tibi ipsi.

I 7

a Justo-*a* August. in Psalm. 72. *b* Basil. in Psalm. 61.

a Justorum iudicio (quælibet bona adfuerint) cum sanctis desideriis æstuant, bona minimè videntur, unde David Propheta, qui Regni divitiis, multisq; obsequiis fulciebatur, quamvis & hæc ad necessitatem bona esse conspiceret, uni tamen singulariter bono inhians æstuabat, dicens: *mibi autem adbarere Deo bonum est.*

b Sit ergo Dominus Deus spes tua, non aliquid aliud à Domino Deo tuo speres: sed ipse Dominus tuus sit spes tua. Namque multi de Deo sperant pecuniam; multi de Deo sperant caducos honores & perituros; aliud quodlibet à Deo, præter ipsum Deum, sed tu ipsum Deum tuum pete. Relinque omnes amores, pulchrior est ille qui fecit cælum & terram. *Beatus vir cuius est nomen Domini spes ejus, & non respexit in vanitates & insanas mendaces.*

c Sicut autem nemo potest duobus Dominis servire, ita nemo potest in duobus Dominis sperare. Nemo potest in incerto divitiarum sperare, & in Domino. Nemo potest sperare in Principibus, & in Deo. Nemo potest sperare in viribus equi, & in Deo. Nemo potest sperare in sæculo, & in Deo. Nisi enim in solo Deo speraveris, & videat Deus spem tuam, in sæculum æternum esse conversam, & quia aliam nullam omninò spem geris, nisi in ipso, qui vivificat mortuos, & vocat, quæ non sunt, non poteris eripi à peccatoribus. Solus est enim ipse qui *salvos facit sperantes in se.*

a Huic

a Greg. homil. 4. in Evang. *b* August. in Psalm. 30. *c* Orig. in Psalm. 30. hom. 5.

a Huic qui in homine spem ponit magnoperè est metuendum, ne in execrationem illam indicat: *Maledictus homo, qui confidit in homine, & fulcit carnem brachii sui, & defecit à Domino anima ejus.* Quæ verba cùm dicunt, *Qui confidit in homine*, illud præcipiunt; nequaquam in altero spem poni debere: cùm autem, *& fulcit carnem brachii sui*; in se, sui habendam fiduciam vetant.

b Quidquid igitur agendum sit, quidquid declinandum, quidquid tolerandum, quidquid optandum. Tu es Domine, spes mea, hæc una mihi omnium promissionum causa; hæc tota ratio meæ expectationis. Prætendat alter meritum; sustinere se jactet pondus diei & æstus; jejunare bis in sabbatho dicat, postremò non esse sicut cæteri hominum gloriatur; *mibi autem adherere Deo bonum est, ponere in Domino Deo spem meam.* Sperent in aliis alii; fortè hic in scientiâ literarum; hic in astutiâ sæculi; ille in nobilitate; ille in dignitate; ille in aliâ qualibet vanitate confidat; propter te, *omnia detrimenta feci, & ut stercora arbitror: quoniam tu es Domine spes mea.* Speret, qui vult, *in incerto divitiarum*; ego verò ne ipsa quidem, nisi abs te victui necessaria spero. Si mihi præmia promittuntur, per te obtinenda sperabo. Si insurgant adversum me prælia, si sæviat mundus, si fremat malignus, si ipsa caro adversus spiritum concupiscat, in te ego sperabo.

a Basil. in reg. fusiùs disp. q. 42. b Bern. ser. 2.
Beati qui habit.

rabo. Quid cunctamur abjicere omninò spes mī-
feras, vanas, inutiles, seductorias, & huic uni,
tam solidæ, tam perfectæ, tam beatæ spei, totâ
devotione animi, toto fervore spiritus, inhæ-
rere? si quid illa impossibile, si quid vel difficile
est, quære aliud in quo speres.

*a Fortissimum solatium habeamus, qui confugi-
mus ad tenendam propositam spem: quam sicut
anchoram habeamus animæ tutam ac firmam.*

*b Jam spem quasi anchoram [præmisimus] ne
in isto mari turbati, naufragemur. Quemadmo-
dum enim de navi, quæ in anchoris est, rectè di-
cimus, quod jam in terrâ sit, adhuc tamen flu-
ctuat, sed in terrâ quodammodo educta est con-
tra ventos, & contra tempestates; sic contra ten-
tationes hujus peregrinationis nostræ, spes no-
stra fundata, facit nos non abripi in saxa.*

*Adbareat, quæso, Domine, anima mea post
te, suscipiat me dextra tua; sustollat me super
altitudinem terræ, & cibet me illâ cælesti hæ-
reditate, cui suspirat peregrinatio mea die ac
nocte.*

XIV.

Sub umbrâ illius, quem desideraveram,
sedi. *Cant. 2.*

Fors iter ignotas longum meditabar in oras,
Et bona jam cœpta pars erat acta via.
Utque solet lassus metam spectare viator,
Credebam spatiis pauca deesse meis.

Ut cœpi

a Heb. 6. b August. in Psalm. 64.



*Sub umbra illius, quem desideraveram
sedi. Cant. 2,*

Ut cœpi reliquos metiri provida passus,
 Majus erat medio, quod superabat, iter.
 Hei mihi! tum refuga ceciderunt corpore viri,
 Totque nimis durus, millia visa labor.
 Ergo oculos cœlo miserâ cum voce tetendi,
 Ferret an hinc aliquis, voce vocatus, opem?
 Et mihi, quis, dixi, dabit hisce sub æstibus um-
 bram?

Solis ab infesto verberor igne caput.
 Affice, sub plantis quàm ferveat arida tellus,
 Siccâque semustos urat arena pedes
 O nemora! ô rigue, frondosa cacumina, sylva:
 O latebra! ô fontes! arboræaque domus!
 Outinam, virides pandat mihi populus alas,
 Aut caput hoc, mali fronde comante tegar!
 Audiit ille meas solitus lenire querelas,
 Cujus erat toties umbra petita mihi.
 Et scio, quò properas, scio, quas, ait, arripis
 oras,

Et scio, quam toties anxia poscis opem
 Cœlestis Solymæ longinquam tendis in urbem,
 Quàmque agis in terris, huc tibi, vita, via est.
 Jàmque gravat longi te tanta molestia cursus.
 Et cuperes Mali fronde virente tegi.
 Ecce tuis venio sperata laboribus umbra,
 Quàmque voves, placido tegmine, Malus ero,
 Aspicias herentes funestâ ex arbore palmas,
 Quosque fodit geminos cuspis acuta pedes?
 Aspicias innumero laniatum vulnere corpus?
 Aspicias? heu vix est corporis umbra mei.
 Hæc tibi quæstam fessæ dabit umbra quietem,
 Portus & in duris, hæc tibi Malus, erit.

Dixe-

Dixerat, & vires subito rediére jacenti,
 Tanta loquente Deo, visque vigórque fuit
 Tunc ego suspiciens, in Sponsum lumina fixi :
 Hei mihi, suspensus de Cruce Sponsus erat !
 Et qualis, Sponse, inquam, hac est, quàm tristis
 imago ?

Haccine eris capiti *Malus* aprica meo ?
 Hec ego sanguineâ languens residebo sub umbra,
 Tu, crucis infami stipite fixus eris ?
 O mala *Malus* ! & infelix, quæ te manus unquam
 Fixit humo ! manus hæc, cæde cruenta fuit.
 Attamen hæc lætos *Malus* jacet ardua ramos,
 Utque cubent, placidos umbra dat apta toros ;
 Umbra dat apta toros, sed non tamen apta sopori :
 Ab ! magis hæ lacrymis, *Malus* & umbra pe-
 tunt,

O bona *Malus* ! & ô felix, quæ te manus unquam
 Fixit humo, hanc fidus jam decet esse manum.
 Ah video, cui te similem, mi Sponse, vocabo ;
 Sæpè mihi umbriferæ munere funde domus.
 Qualis onusta rubris latè sua brachia pomis
 Spargit, & apta sui munera *Malus* habet ;
 Exsuperâtque suas, numerosâ fruge sorores,
 Una nemus lassis, hospitibusque penus :
 Talis es æstivis mihi, Sponse, caloribus umbrâ ;
 Lymphâque dum sitio, dum fameoque cibus.
 O quoties ego te ! quoties, mi Sponse, vocavi,
 Ut semel illa meum conderet umbra caput !
 Hic ego, si liceat, dixi, gemebunda sedebo ;
 Ut sedet amisso mœsta columba viro,
 Et modò purpurei concreto sanguine crine,
 Et modò materies, labra, doloris erunt.

Nunc

*Nunc oculi ante oculos, nunc frons, nunc pendula
cervix,*

Nunc os, nunc atro barba cruore madens.

*O quoties latus hoc, lacrymansque gemensque
videbo!*

*Ne videam lacrymis impediârque meis! (nus,
Multa tamen dabit hoc unum mihi vulnera, vul-
Saucia dum geminos labar ad usque pedes.
Tuncque iterum amplexu lignum lacrymabile
stringens,*

*Subscribam hæc plantis verba suprema tuis:
En duo qui caussam præbent sibi mortis, Amantes;
Mergitur hæc lacrymis, ignibus ille perit.*

*Sub umbrâ illius, quem desideraveram
sedi, Cant. 2.*

***A** Moris enim vulnere percussa arborum so-
lata sylvarumque sectatur.*

*b Sicut [namque] arbor mali inter reliqua li-
gna sylvæ, sic est sponsus inter reliquos filios,
habens fructum, qui non solum sapore omnes,
sed & odore præcellat; & duos animæ sensus:
id est, gustum & odoratum reficiat: diversis
namque copiis mensam suam nobis præparat
sapientia, in quâ non solum panem vitæ apponit,
sed immolat carnes verbi; & non solum miscet
in cratere suo vinum, sed mala adhibet odorata
& dulcia, quæ non tantum in ore & labiis sua-
vitatem reddant, sed & interioribus tradita fau-
cibus dulcedinem servant.*

Is enim

a Orig. hom. 3. in Cant. b. Orig. ibid.

a Is enim qui in sylvâ naturæ nostræ, ob suam erga genus humanum benevolentiam germinavit, eo ipso quo carnis ac sanguinis particeps factus est; quasi malum quoddam existit. Nam in hoc fructu videre est quiddam, quod cum utroque, nimirum, carne ac sanguine, similitudinem aliquam habeat: etenim ratione coloris subalbi; carni quod proprium est imitatur; rubedinis specie cognatio quasi quædam cum sanguinis naturâ indicatur.

b Meritò ergo ejus desideraverat umbram, de quo & refrigerium esset & refectiorem pariter acceptura. Nam cætera quidem sylvarum ligna etsi umbram solatii habent, sed non vitæ refectiorem, non fructus perpetuos salutis, unus est etenim vitæ auctor, unus mediator Dei & hominum homo CHRISTUS JESUS, qui dicit sponsæ suæ: *Salus tua ego sum*. Propterea ergo CHRISTI potissimum desideraverat umbram; quod solus sit, qui non solum ab æstu refrigerat vitiorum, sed & replet delectatione virtutum. *Sub umbrâ ejus quem desideraveram sedi*, umbra ejus, caro ejus.

c Quis enim posset, sustinere Solem justitiæ nudum? quis non consumeretur ardentibus radiis ejus? assumpsit ergo Sol justitiæ hominem mediatorem, & ita ex conjunctione solis & humani corporis facta est umbra.

d CHRISTUS ergo affixus ad lignum, sicut
malum

a Nyss. in orat. 4. in Cant. *b* Bern. serm. 48. in Cant. *c* Guil. apud Delrio in c. 2. Cant. *d* Ambr. in Psalm. 118. Octon. 5.

malum pendens in arbore, bonum odorem mundanæ fundebat redemptionis ; quæ peccati gravem deterfit foetorem & unguentum potus vitalis effudit. *Tanquam malum*, inquit, *in lignis sylvæ, ita consobrinus meus in medio filiorum. In umbrâ ejus concupivi & sedi.* Bona umbra, quæ nos ab iniquitatis sole defendit, & *fructus ejus dulcis in faucibus meis.* Quis fructus ejus dulcis, nisi prædicatio Dominicæ passionis ?

a Nathanaël *sub arbore fici* videtur ; David, *in umbrâ alarum Domini Jesu* sperare se dicit, Zacchæus *in arborem ficomori* ascendit, ut CHRISTUM videret. Nobis quoque expandit manus suas JESUS, ut totum mundum obumbraret, quomodo non sumus in *umbrâ*, qui Crucis ejus protegimur velamento ? quomodo non sumus in *umbrâ*, quos crucifixus a malignitate sæculi, & corporis ardore defendit.

b Hâc *umbrâ* David protegi se postulabat, ne eum per diem Sol ureret vel luna per noctem. Hanc umbram spiritualis ministrat gratia, torrida sæculi hujus, & mundi æstiva fugientibus. In hâc ergo *requiescamus umbrâ*, peccatorum nostrorum æstibus fatigati ; si quos adussit libido, hos Domini Crux refrigeret, in quâ se reclinavit, ut nostra delicta susciperet.

c Umbra fit ex corpore & luce, & est itinerantium refrigerium ab æstu, & protectio a tempestate. Arbor vitæ, scilicet *malus*, est *sancta Crux* : fructus ejus, *Christus*, umbra, tutela vel refri-

a Ambr. in Psalm. 118. Oñon. 3. *b* Idem. ibid. Oñ. 4. *c* Hon. apud Delr. in cap. 2. Cant.

refrigerium humani generis, quod gravi onere peccatorum per æstum concupiscentiæ premebatur.

a Umbra Christi [siquidem] omnem tentationum fervorem temperat, & dum aura suæ inspirationis suaviter mentem tangit, quidquid noxii caloris sustinebat, expellit, & quam jam forsitan nimius vitiorum æstus marcidam fecerat, umbra sancti Spiritus, protegens recreat, ut dum in ejus inspiratione sedens pausat, vires colligat, quibus ad æternam vitam robustius currat.

b Per *umbram* ex supernâ protectione refrigerium cordis exprimitur. Sicut Sponsa in Canticis Cant. adventum Sponsi præstolata prænunciat, dicens: *Sub umbrâ illius quem desideraveram sedi*, ac si dicat: ab æstu carnalium desideriorum, sub adventus illius protectione requievi.

c Nónne merito sub arboris hujus umbrâ sedit genus humanum, quod per esum ligni scientiæ boni & mali paradysum amiserat? grave onus peccatorum in æstu vitiorum portabat, quod deorsum in præcipitium tormentorum trahebat, & ideò ad arborem vitæ JESUM CHRISTUM festinabat.

d Tu ergo, vide, ut vivas in umbra ejus, ut quandoque & regnes in lumine ejus. Non enim tantum umbram habet, habet & lucem.

a Apo-

a Greg. in cap. 2. Cant. *b* Greg. l. 33. mor. cap. 3. in c. 40. Job. *c* Honor. apud Delr. c. 2. *d* Bern. serm. 48. in Cant.

a Apostolus dicit : legem , umbram habere futurorum bonorum , & omnem veterem culturam umbram & exemplar pronunciat esse cœlestium . Nos autem alieni sumus ab umbrâ eorum quoniam non sumus sub lege , sed sub gratiâ , sed quamvis non sumus sub umbrâ illâ , sumus tamen sub umbrâ meliore ; in umbrâ enim CHRISTI vivimus inter gentes .

b Et meritò sponsa sub mali umbrâ sedere concupiscit ; sine dubio , ut vitæ , quæ est in ejus umbrâ , particeps fiat , videtur omnis [quoque] anima , donec in præsentî vitâ est , umbram habere necessariam , propter illud , credo ardorem Solis , qui cùm exortus fuerit , continuò semen , quod non altâ radice demersum est , arescit & deperit .

c Sed fortasse felicius aliquid ista expertam se gloriatur in eo quod se in umbrâ dicit non (ut Propheta) vivere , sed sedisse : sedere enim quiescere est . Plus autem est quiescere in umbrâ quàm vivere ; sicut vivere plus est quàm tantummodò esse in eâ . Igitur quod est commune multorum , Propheta assumens sibi : *in umbrâ ejus vivimus* , inquit ; sponsa verò , habens prærogativam , etiam quòd sub eâ singulariter *sederit* gloriatur , ubi itaque nos cum labore vivimus , qui conscii peccatorum sub timore fervimus , ibi hæc devota & amans suaviter requiescit . Denique timor pœnam habet , amor suavitatem , unde ait ; *Et fructus ejus dulcis gutturi*

a Orig. hom. 3. in Cant. *b* Ibidem. *c* Bern. serm. 58. in Cant.

gutturi meo ; gustum contemplationis significans, quem obtinuerat per amorem suaviter sublevata. Ast istud, in umbrâ, quia, per speculum & in enigmate, erit cum declinaverint umbræ crescente lumine, imò penitus disparuerint, & subintrabit sicut. perspicua ita & perpetua visio, eritque non modò suavitas gutturi, sed & satietas ventri, sine fastidio tamen : sub umbrâ ejus quem desideraveram sedi, & fructus ejus dulcis gutturi meo.

a In te ergo, dulcissime Domine JESU, quiescat mens nostra, & à te, nec ad modicum separetur. Stultissimum quidem est, etiam nobilissimo & jucundissimo loco exire. Quomodo audemus, nisi dulcissimum sponsum inspicere, ne subtrahatur à nobis? quid, quæso, nos movet, aliud intueri? quomodo omnia non desipiunt & despiciuntur?

b Confugiat, Domine, mens mea, *sub umbrâ alarum tuarum*, ab æstibus cogitationum hujus sæculi; ut in tui refrigerii temperamento absconsa, lætabunda cantet, & dicat: *In pace in idipsum dormiam & requiescam.*

XV.


Quomodo cantabimus canticum Domini
in terrâ alienâ. *Psal. 136.*

Quid toties cantus iterare jubetis amici,
Seu lubeat digitis, seu juvet ore loqui?
Leti-

a Bonav. 2. part. stimul. c. 8. b Aug. med. c. 27.



*Quomodo cantabimus canticum Domini
in terrâ alienâ Psalm, 136,*



THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF NEW YORK
AND
THE
ADJACENT ISLANDS
AND
THE
VILLAGE OF MANHATTAN
NEW YORK
1881

*Latitiam cantus poscunt, animique quietem,
Turbida cum mens est, os digitique dolent,
Quin mage cantandum cum mens jacet agra, mo-
netis;*

*Tuncque opus esse lyrâ, tuncque opus esse chely.
Nempè suo nimium ne mersa dolore laboret,
Aut intenta suis, sit nimis ipsa malis:*

*Quid quod opem certa promittitis usque medela,
Vestra nec exemplo dicta probante carent:*

*Dicitis hanc causam defessus navita cantet,
Sollicitat celeri cum freta lenta manu.*

*Quique gregem virides pastendum ducit in agros,
Non nisi, ne nimium sit mora longa, canit.*

Et canit ut fallat fastidia longa viator,

Miles & ut cantet, noxque laborque facit.

Non ego, quod faciunt, miles, nauta, atque viator,

Quodque facit pastor, damno rebellis opus.

*Adde quod & Domina jam dudum assueta que-
relis,*

Ad solitos gemitus plus mea lingua valet;

Vixque retentanti jam carmina prisca subibant,

Musica quin etiam res mihi visa nova est.

Utque timet longo veniens è carcere Solem;

Sic mea latitiam lingua modòsque timet.

Ad numeros quoties fuit impetus ire relictos,

Aut solitam digitis, sollicitare chelyn;

Aut docto querulas impellere pectine chordas,

Aut mollem articulis increpuisse lyram;

Aut leve ceratis modulari carmen avenis,

Aut voci liquidas associare fides.

Heu! toties lacrymae sunt, me tentante, profuse,

Et lacrymis, digiti, voxque retenta fuit.

K

Mox

*Mox luctata iterum cantu deducere vocem,
 Et querulâ digitos attenuasse lyrâ;
 Ne quicquam adversis sensi me tendere Musis,
 Ulla nec est nostrâ barbitos ista manu.
 Interea longâ jam desuetudine pigrâ,
 Artem dedidicit vóxque manúsque suam.
 Nec si nunc studium gravitatis inane retentem,*

*Molescant studio tristia fata meo.
 Esto, sciam levibus tamen addere carmina nervis,*

*Aptâque mutandis sit mihi lingua sonis;
 Et vincam Aonias digitis aut gutture Divas,
 Et mea sit melior, Marsia Canna tuâ,
 Panâque multi forem cogam submittere buxum,
 Et superem Thressæ stamina docta lyræ:
 Questibus, an cantu videor debere teneri,
 Maxima cui flendi copia semper adest?
 Ab! bene, ne cantem, mihi per mala plurima cautum est;*

*Vertit & in mortem, jam mihi pœne dolor.
 Nec locus, ut cantem, patitur, neq; tempora prosunt;*

*Utg; locus sinat aut tempora, mœror obest.
 Quid? vultis patriâ procul à tellure jacentem,
 Externo patrios orbe sonare modos?
 Parcite, fortunæ nimis exulis ista repugnant:
 Non est conveniens cantibus ille locus.
 Exul & à patrio tam longè dissita Cælo,
 Impellam patriæ dulcia fila lyræ?
 Parcite tam miserum fortunæ vulnus habenti;
 Cantandi, externo nulla libido solo est.*

Tristia

Tristia stabilibus manant mihi lumina rivis,
 Et videor festam posse ferire chelym?
 Semper in obtutu vigilat mens fixa malorum,
 Et cytharâ videor posse, vel ore loqui;
 Heu! nimis insistant præsenti pectora fato.
 Et numquam exilii sensus acerbus abest.
 Si quisquam his jubeat Amphionia vivere terris,
 Aonia numquam pectine tangat ebur.
 Respectu Euridicen propero cum perdidit Or-
 pheus,
 Ilicet artifices obriguere manus;
 Et manibus cecidit leve cum testudine plectrum,
 Fractâque sunt casu garrula fila suo.
 Quid mihi, non unâ fatorum clade sepultæ
 Præcipitis, toties ungue ciere fides?
 Dum circumspiciens, ubi sim, te Patria specto,
 Heu cadit aspectu mens labefacta, tuo!
 Cum semel, ô sperata diu, tibi Patria reddar,
 Tunc ego voce canam, tunc ego mente ca-
 nam.

Quomodo cantabimus canticum Domini in
 terrâ alienâ? Psal. 136.

UTINAM possem talia dicere qualia hymni-
 dici Angelorum chori! ô quam lubenter
 me in tuis laudibus totum effunderem? ô quam
 devotissimè illa cœlestis melodiæ cantica, ad
 laudem & gloriam nominis tui, in medio Eccle-
 siæ infatigabilis perorarem!

K 2 a O bea-

August. med. cap. 35.

a O beatæ nimum illæ Coelorum virtutes, quæ laudare possunt te sanctè & purissimè, cum nimia dulcedine & ineffabili exultatione ! Inde laudant unde gaudent, quia semper vident unde gaudere valeant & laudare. Nos verò mole carnis pressi procul à vultu tuo in hâc peregrinatione positi, atque per mundanas varietates distenti, te dignè laudare nequimus, laudamus tamen per fidem, non per speciem. Illi verò Angelici spiritus per speciem & non per fidem.

b Nostra certè natura usque adeò delectatur canticis & carminibus, & tantam cum eis habet necessitudinem & convenientiam, ut vel infantes ab uberibus pendentes, si fleant & afflictentur, eâ ratione sopiantur. Nutrices quidem certè, quæ eos gestant in ulnis, sæpè adeuntes & redeuntes, & quædam puerilia iis carmina decantantes, supercilia eorum ita sopiunt : quocirca sæpè quoque viatores meridie agentes jugalia animalia hoc faciunt canentes, itineris molestiam illis canticis consolantes ; nec solum viatores, sed etiam agricolæ, uvas in torculari calcantes, vindemiantes & vites colentes, & quodcunque aliud opus facientes sæpè cantant. Nautæ quoque remos impellentes hoc faciunt.

c Jam verò mulieres quoque texentes & confusa stamina radio discernentes, sæpè quidem & per se singulæ, sæpè autem etiam omnes
concor-

a August. med. cap. 33. *b* Chrysost. in Psal. 61.
c Ambros. enarrat. in Psalm. 36.

concorditer, unam quandam melodiam concinunt. Hoc autem faciunt & mulieres & viatores, & agricolæ & nautæ, laborem qui ex opere faciendo suscipitur, cantu consolari volentes? utpote quod anima, si carmen & canticum audierit, molesta & difficilia sit facilius toleratura.

a [Sed] *quomodo cantabimus canticum Domini in terrâ alienâ?* Hebræi non canebant in terrâ captivitatis, quod in suâ patriâ canere consueverant. Hæc terra captivitatis est, alia terra libertatis est; ista peccati, illa quietis æternæ; vallestris ista, illa cœlestis.

b [Imò] si caro menti repugnat, nec subdita est animi gubernaculo, & mentis imperio, *aliena est terra*, quæ non domatur exercitio cultoris, & ideo non potest fructus charitatis, patientiam pacis afferre; *Quomodo cantabimus canticum Domini in terrâ alienâ?*

c Qui cantat, vacuus est, & diversarum cogitationum curas relevat, culpas relegat, sequestrat avaritiam, & non solum corporis voce, sed etiam mentis suavitate se mulcet.

d *Nam cum mens querulo semel est obsessa dolore,*

Ad lata oclusas tunc habet illa fores:

e In regione umbræ mortis sumus; abscondita est vita nostra, non libera. Erit enim li-

K 3

bera

a Ambr. enarrat. in Psalm. 36. *b* Ambr. lib. 2. de pœnitent. c. 11. *c* Ambr. in Psalm. 118. Octon. 7. *d* Nazianz. de humana natur. *e* Ambr. in Psalm. 118. Octon. 22.

bera in regione vivorum. Ibi ergo vivit anima nostra, ubi nihil mortale, nihil infirmum amicta sit, nihil debitum poenæ; ibi laudabit Dominum, ubi deposito infirmitatis corpore, conformis esse cœperit gloriæ corporis CHRISTI, nam dum in peccato sumus, plenè laudare quid possumus. In umbrâ sumus hîc positi, in umbrâ vivimus, in umbrâ laudamus: perfectè in umbrâ laudare non possumus. Denique *in terrâ alienâ* sumus: *quomodo cantabimus canticum Domini in terrâ alienâ?*

a Eructabat hymnum anima pia, cui dicebat Dei verbum: *insinua mihi vocem tuam, quia vox tua suavis est*, eructabat hymnum cui dicebat: *Favum distillant labia tua ô sponsa, mel & lac sub linguâ tuâ*; sed non potest quis ante eructare hymnum, nisi didicerit iustitias Dei, & didicerit ab ipso Domino Deo suo, idèò specialiter hoc David petit ut eum doceat Deus, quomodo cantare potest in metu positus & in timore poenarum? quomodo cantare potest gravium sibi conscius delictorum; nisi priùs fiat veniæ securus? Denique *quomodo cantabimus canticum Domini in terrâ alienâ*, in quâ impugnetur, in quâ captivetur in lege peccati, in quâ defleat atque deploret suæ captivitatis ærumnas?

b O pax illa, quam videbimus apud Deum! ô illa sancta æqualitas Angelorum! ô illa visio & spectaculum pulchrum! ecce in Babylonia
pulchra

a Ibidem superiùs. *b* Aug. in Psalm. 136.

pulchra sunt quæ tenent; non teneant, non decipiant. Aliud est solatium captivorum, aliud gaudium liberorum.

a Facile potest demonstrari captivos nos esse: Non enim respiramus jam in auras illius libertatis; non enim fruimur libertate veritatis; delectationibus temporalium rerum tentamur, & colluctamur quotidie, cum suggestionibus illicitarum voluptatum. Vix respiramus, vel in oratione, captivos nos esse intelligimus.

b Illi autem qui captivos duxerunt nos, quando intrant in corda hominum & interrogant nos, & dicunt nobis: *Cantate nobis verba canticorum*: Quid respondemus? Babylonia te portat, Babylonia te continet, Babylonia te nutrit, Babylonia de te loquitur; non nosti capere nisi quod fulget ad tempus: æterna meditari ignoras, non capis quod interrogas. *Quomodo cantabimus canticum Domini in terrâ alienâ.*



K 4

LIBER

a Ibidem. *b* Ibidem.

LIBER TERTIUS.
 SUSPIRIA
 ANIMÆ AMANTIS.

I.

Adjuro vos, filiæ Hierusalem, si inveneritis dilectum meum, ut nuncietis ei: quia amore langueo. *Cant. 5.*

Coelestes animæ, Solymæ cœlestis alumna,
 Quæ teritis niveo cæcula templa pede;
 Vos ego, vos nunquam violando carmine testor,
 (Si meus est vobis fortè repertus amor)
 Dicite, quòd cœcâ, sic ejus langueo flammâ,
 Languet ut Assyrio flosculus ustus agro.
 Nempe suas nuper cùm spargeret ille sagittas,
 Delituit propriis mystus arundinibus:
 Et summâ trifidi præfixus cuspide teli,
 Cor mihi, ceu Parthi, canna redunca fudit,
 Ab quibus, ab quantis tum pectus amoribus arsit!
 Non furit Ætnæo sevirior igne rogos.
 Nunc igitur cupidus de me si plura rogabit,
 (Namque solent cupidi multa rogare proci)
 Dicite, languentis quæ sit mea visa figura;
 Plurâque languentem non potuisse loqui.
 Si roget; an lento mihi febris inæstuet igne?
 Dicite, quod nullo febris ab igne coquar.
 Si roget, an mortis propior sim visa periclo?
 Dicite quæ vobis, ore tacente, loquer.

Dicite,



Atiuro vos, filiae Hierusalem, si inveneritis di-
lectum meum, ut muncietis ei: quia amore
languo. Cant. 5.



Dicite, nulla meis vos reddere nuncia verbis,
Sed fati tantum reddere verba mei.
Si lubeat nostros tamen illi noscere vultus,
Nec grave sit vobis dicere, qualis eram:
Hâc, precor, aut simili, tum me depingite formâ,
Quâ sciat & morbi quæ sit origo mei.
Dicite, quòd jaceam tenebris ex sanguis obortis,
Succiduo in nudum corpore lapsa solum.
Sintque hebetes oculi, mediâ ceu morte natantes,
Inque sinu jaceat languida facta manus:
Nec rosa picta genis, neque viva corallia labris,
Vendâque vix, quamvis pollice tacta, micet:
Jâmque diu nullo constet me vivere signo,
Quàm quod arhelanti pectore sæpe gemam.
Quodq; mihi certam non possim fingere causam,
Cur toties nullo lesa dolore querar:
Non possim, nisi fors gemitu se prodere cogat,
Qui gemitum toties pectore rupit Amor.
Hæc reor, hæc nostri fuit unica causa doloris,
Et quid amans esset nescii, amansque fui.
Hoc fuit, hoc toties me suspirare coëgit,
Per gremium injussæ cùm flueretis aquæ.
Hoc, fuit, ut quamvis toties aliena loquenti,
Illius assiduè nomen in ore foret.
Ergo meis, oro, Dilecto hæc dicite, verbis;
Illius immodicâ quod cremor ægra face:
Dicite, quòd lento sic torreo illius igne,
Vt rosa cœlesti torrida facta cane.
Dicite, quòd longâ sic ejus langueo flammâ,
Ut languent sicca lilia cana coma.
Dicite quodque mei causa unica sit languoris,
(Qui simul est mortis causa futurus) Amor.

*Adjuro vos, filia Hierusalem si inveneritis
Dilectum meum, ut nuncietis ei: quia
amore languedo. Cant. 5.*

a **P**ROBAVIT dilectionem suam nobis præclarus ille procius animarum nostrarum CHRISTUS, quâ adductus etiam tum, cùm adhuc peccatores essemus, pro nobis mortuus est. Idcirco sponsa vicissim, amore incensa erga illum, qui ipsam dilexerat, demonstrat latens in se dilectionis telum, imò in pectore.

b Sagittarius autem ejaculatus hoc telum, est ipsa dilectio, & Deum esse dilectionem, sacris è litteris didicimus, qui quidem, telum electum, Deum illum unigenam, ad eos mittit, qui servantur; spiritu vitæ, triplicem cuspidis aciem inungens, ut eum in quem immissa fuerit, unà cum telo, & ipso sagittario, is unum colligat. Itaque videt jam anima per divinos gradus in sublime deducta dulcedinem dilectionis, tamquam telum in sese quo vulnerata est. O præclarum vulnus! ô dulcem plagam, per quam vita ad interiora penetrat, quasi quoddam ostium & januam sibi aperiens ipsâ divisione.

c Quàm pulchrum est, quàm decorum, vulnus à charitate accipere? Alius jaculum carnei amoris accepit, alius terreno cupidine vulneratus est; tu nuda membra tua, & præbe te jaculo formoso; siquidem Deus sagittarius est. Audi scripturam de hoc eodem jaculo;
imò

a Nyssen. orat. 13. in Cant. **b** Nyssen. orat. 4. in Cant. **c** Orig. hom. 2. in Cant.

imò ut ampliùs admireris , audi ipsum jaculum quid loquatur : *Posuit me in sagittam electam, & in pharetra sua servavit, & dixit mihi : magnum est tibi hoc vocari puerum meum.* Intellige sagittam , quid dicat , & quomodo à Deo sit electa. Quàm beatum est, hoc jaculo vulnerari !

a Nec mirum si sponsus habeat plures sagittas, de quibus in 119. Psalmo dicitur : *Sagittæ potentis acutæ.* His sagittis & Cleophas in itinere cum altero vulneratus, aiebat : *Nonne cor nostrum ardens erat in nobis ?* Et in alio loco legimus : *Sicut sagittæ in manu potentis, ita filii excussorum.* His sagittis totus mundus vulneratus & captus est. Paulus sagitta fuit Domini, qui postquam ab Hierosolymis usque ad Illyricum missus arcu Domini, huc illucque volitavit ; ad Hispanias ire festinans, ut velox sagitta, sub pedibus Domini sui , Orientem Occidentemque prosterнат.

b Quid ergo dicam ? quid faciam ? quò vadam ? Ubi eum quæram ? vel quando inveniam ? quem rogabo ? quis nunciabit Dilecto meo, *quia amore langueo ?*

c O vita, cui omnia vivunt, vita quæ das mihi vitam ? vita quæ est mea vita ! per quam vivo, sine quâ morior ; vita per quam resuscitor, sine quâ pereor ; vita per quam gaudeo, sine quâ tribulor ; vita vitalis, dulcis & amabilis, semper memorialis, ubi quæso es ? ubi te inveniam,

K 6

ut in

a Hier. epist. 104. ad Principiam. b Aug. med. c. 40. c Aug. soliloq. cap. 1.

ut in te deficiam, & in te subsistam? propè esto in animo, propè in corde, propè in ore, propè in auribus, propè in auxilio, *quia amore languéo*, quia sine te morior?

a Anxia vota, suis nesciunt esse contenta meritis: ideò alienæ precis mendicant suffragia: *Adjuro vos*, inquit, *filia Hierusalem*; vos nunciate, quibus paret ad dilectum familiaris accessus; vos nunciate, quæ nostis ex parte, quanta sit amatorii virtus languoris, quam sit fortis ut mors dilectio.

b Sed quorsum sic adjurat? Nónne Dilectus cuncta noverat, & in his amorem Sponsæ amanti? si Petrus dixit: *Tu scis, quia amo te*, quantò magis, ô dilecta, tam prudens, tam fidelis, per temetipsam absque internuntiis dicere poteras Dilecto, & frequenter sine dubio dixisti; dilecte nullum tibi absconditum est cor, nullius occultus amor, *tu scis, quia amore tui languéo*. Quorsum igitur, tendit hæc adjuratio? Nónne ut percussa, percutiat? ut vulnerata, vulneret?

c Nunciate ei, non quasi ignoranti (nihil enim ei incognitum est) sed quia gaudet, quæ novit de dilecta etiam ex aliis intelligere.

d Narrate & annunciate, & exaudiet vocem vestram, ut refoveat vota mea, *Annunciate, quia amore languéo*. Non languet amor, sed languet amans; ubi viget amor, ibi viget languor;

a Guilb. Ab. serm. 46. in Cant. *b* Rupert. in Cant. *c* Guilb. apud Delr. Cant. *d* Guilb. Ab. serm. 64. in Cant.

guor; si absit, quod amatur, languet animus dum æstuantis voti nimietate conficitur; liquefactus se fugit animus amoris violentiam ferre non valens. Sic enim in consumptâ materia & jam deficiente, languidiora redduntur ignis incendia. Et *Deus noster ignis consumens est*, ô potens & præpotens passio charitatis! si non temperatur non toleratur. Jure potens, quæ animum, quem possederit, suiipsius efficit impotem.

a Annunciate, quia amore langueo, præ magno faciei ejus videndæ desiderio; vitæ tædium patior, & vix præsentis exilii moras sustineo.

b Singultus de imis prodeuntes præcordiis, crebri gemitus, nōne sunt quædam eructationes spiritus & conceptæ gratiæ? nōne talibus indiciis se probat languor amoris? Non est occultatus languor, quando gemitus non est absconditus. Ipse se prodit languor, cū hæc producit indicia.

c Langueo in amore mei, præ amore Sponsi coelestis. Amor ejus languidum & remissum in me facit amorem mei ipsius. Meo amanti mortua, vivo ego, jam non ego, sed vivit in me Sponsus. Me namque amo, non amore mei, sed amore sponsi qui me amat. Non amo me, in me; sed me in ipso, & ipsum in me.

d Eja dulcissime Jesu, transige saluberrimo vulnere amoris tui, medullas animæ meæ,

K 7

ut verè

a Rupert. in Cant. *b* Guilb. Ab. serm. 66. in Cant. *c* Guilielm. apud Delrio in cap. 5. Cant. *d* Bonav. soliloq. cap. 3.

ut verè ardeat, *languet*, & liquefiat, & solo tuo desiderio deficiat; *cupiat dissolvi*, & *esse tecum*. Te solum semper esuriat panem vitæ, qui de Cælo descendisti. Te sitiat fontem vitæ, fontem æterni luminis, torrentem veræ voluptatis. Te semper ambiat, te quærat, teq̃e inveniatur, in te dulciter requiescat.

II.

Fulcite me floribus, stipatē me malis; quia amore languco. *Cant. 2.*

O Amor! ô quantis torres mihi viscera flammis!

O Amor! ô animi blande Tyranne mei!

O Amor! ab tantos quis pectore comprimat ignes?
Parce, vel in vapidos dissolvor cineres.

Parce Amor, ô toties repetitis parce sagittis!

In nova, pars animi, vulnera nulla vacat.

Parce Amor, & nocuæ procul abjice tela pharetra,

Proxima quam jacies figet arundo necem.

Ab perii! neque nota mihi suspiria duco,

Qua sonat, ignoto vox ab amore sonat.

Scilicet arcanos penitus grassatus in artus,

Jam mea, victor ovans, regna subegit Amor.

Aie miseram! tantos nemo miserabitur ignes?

Nemo vel è terris, nemo vel è superis?

Tuque meus (tanti caussa unica qui tormenti es)

Tu meus, hec pocco lumine cernis Amor?

Vos saltem Æltherii Cælo properate coloni,

Vos, quibus à simili mens calet ista face:

Ferte



*Fulete me floribus, subate me malis; quia
amore languo. Cant. 2.*

Ferte rosas, date mala, & odoræ Chloridæ herbas,
 Quidquid & Alcinoüs, floridæque quicquid
 habet.

Ferte rosas, date mala ardentibus obvia flammis,
 Mitior in malis est amor, inque rosis.

Ferte rosas manibus, calathis effundite mala,
 Fors erit hinc nostris certa medela malis.

Sed quid ago? quid posco rogas? quid postulo
 mala?

Est dolus in malis, est dolus inque rosis:

Forſan Amor falſi tegitur velamine mali,
 Aut ſua ſpiniferis occulit arma roſis.

Perjuro ſimplex malo deluſa Cydippe eſt,
 Et Venus armata cuſpide leſa roſæ.

Nolo tuas Cytherea roſas, tua mala, Cydippe,
 Neſcia perfidia mala roſasque volo.

Quales Dorothea ſuperis tulit Ales ab hortis,
 Canaque quas ſtupuit Bruma rubere roſas.

Quale tibi Elyſiis venit, Luduina, viretis
 Angelico carptum pollice liliolum.

Has mihi poſco roſas, hæc mala, hæc lilia poſco,
 Neſcia perfidie lilia, mala, roſas.

His mihi vernantem viridi ſuper aggere lectum,
 Piſtæque puniceis ſternite fulcra crocis.

Fiſcinaque è lento fiat pulvinus hibisco,
 Fiſcina quam viridi farciat herba toro.

Jungite vimineis collecta liguſtra quaſillis,
 Et pluat in laxos lutea Caltha ſinus:

Junceaque egregiis onerate caniſtra Hyacinthis,
 Miſceat & calyces Bellis amœna ſuos:

Spicæque Narciffusque & apex ſtellatus Amelli,
 Pulchræque cæruleis cum Cyanis Anemon,

Et Nym-

Et Nymphaea marina, immortalésque Amaranthi,

Iridis & Viola multicoloris oper.

*Junctaque Smilacibus Paeonia regia parvis,
Cunctaque quæ Pasto diviteserta virent.*

*Addite deceptas Arabo de cortice frondes,
Et Myrthum & Daphnen Cecropeumque Thymum.*

Serpillumque Chamamelumque Aloénque, Ciperumque,

Et Nardum & Tymbram, Cynnámque & Cassiam:

*Et Costum & Stracén, & olentis germen Amomi,
Et cilicum tota sternite messe solum.*

Sternite, & hoc anima quidquid super expirandum est,

Roscidulis, finite, elangueat in foliis.

*Tunc ego sic moriens componam leniter artus,
Ut Rosa deciduas ungue resecta comas.*

*Aut moritura graves inclinant Lilia culmos,
Quæque balant animas gramina messa suas.*

*Fulcite me floribus, stipate me malis; quia
amore languo. Cant. 2.*

CREVIT amor, quia incentiva amoris plura solito processerunt. [sed] post illa omnia, Sponso (more suo) secedente; illa, languere amore se perhibet, id est, præ amore. Quo enim graviolem fuerat experta præsentiam, eò postmodum absentiam molestiorem sensit,

a Bernard. serm. 51, in Cant.

fenfit. Subtraçtio nempe rei quam amas, augmentatio defiderii est, & quod ardentius desideras, eo cares ægrius. Rogat proinde ista interim odoramentis florum ac fructuum confoveri, quo usque denuò revertatur, quem molestissimè sustinet remorantem.

a [Nempe] quod amentibus sæpè evenire solet puellis, ut præ amore ad illius quem deperirent absentiam, & corporis languorem & animi patiantur deliquium, hoc Sponsæ frequentius in Cantico Cant. evenisse comperimus. Nam in hujuscemodi deliquio constituta prima illa protulit verba: *Osculetur me osculo oris sui*, hanc ægritudinem sese opprimentem, Sponso, ut nuncient, socias supplicibus exorat verbis; cùm defatigata jam esset in illo quærendo, dicens: *Adjuro vos filia Hierusalem, si inveneritis Dilectum meum, ut nuncietis ei, quia amore langueo*; quin imò & hoc ipso amore, eadem in somnum dicitur incidisse, ita ut Sponsus eam miseratus, in ea ipsa proruperit verba: *Adjuro vos, ne suscitatis*. At nullibi sanè clariùs describitur istiusmodi ejus deliquium, quàm in præsententi sententiâ, in quâ ipsamet ægritudinem suam, simul cum illius causâ exprimens illa exposcit remedia, quæ præsentanea iis exhiberi solent, qui talem patiuntur languorem, flores, odores, vina, & poma.

b Bonus certè languor, cùm infirmitas hæc non sit ad mortem, sed ad vitam, ut glorificetur

a Gisl. in cap. 2. Cant. expos. 1. *b* Idem ibid. expos. 3.

ficetur Deus per eam. Cùm ardor, febrisve ista, non sit ab igne consumente, sed ab igne potius perficiente. Porro quod advertitur in ægritudinibus corporalibus, ut languens (cum sibi integrum non sit voluptatem capere ex ciborum varietate, vel gelidarum refrigeratione) ne omni penitus careat delectatione, cubiculum sibi curet viridi fronde convestiendum, ac variis & odoratis floribus, pomisve exornandum, quibus visum & defessum mœstumve soletur animum: Illud idem prudens efficit anima, quæ ardentissimo laborans Divini amoris languore, cùm humanos gustus nequeat percipere, divina verba audire exoptat, & toto laborat studio, ut actiones, operaque sibi recenseantur CHRISTI dilecti sui, & istiusmodi florum ac pomorum suavissimo odore ac pulchritudine, vires sibi ad serviendum Deo, & spiritus suppeditandos confidit.

a Fulcite me floribus, ô columnas admirabiles! ô nova fulcra! quomodo flores columnæ fiunt? quomodo queunt retinere nutantem? quid ni sustineant, nixam lacerti fortissimorum athletarum & gigantum; quorum robur inexpugnabile fuit? quidni sunt columnæ, & quidem adamantinæ, quæ duratione sunt æternæ, celsitate cœlum, altitudine, (inferno terribiles) ad tartara usque penetrârunt.

b Stipate me malis. Non vult super fundamento CHRISTI ædificare lignum, non fœ-

num,

a Delrio in c. 2. Cant. b Ibidem.

num, non stipulam; quia hæc ignis absumet; sed poma suavissima.

a Quodnam enim spectaculum elegantius excogitare quis possit, malorum compositio-
ne? cum ordine continuo fructus hîc bellè col-
locatus, atque in loco confertim positus varie-
tatem quamdam aspectui exhibet; rubedine,
cum colore subalbo, permistâ.

b Sponsa [verò] quia amore languet; fulciri
se floribus, & stipari malis appetit? quia, dum
se æternitatis desiderio afficit? dum, qualiter
illuc perveniet, totâ anxietate perquirat (eò
quòd perfectionem, dum in carne vivit, omninò
non invenit) fatigata in desiderio suo requiescit?
& in hoc solo gaudet, si circa se respicit, vel
quibus ipsa proficiat; vel in quorum pro-
fectione consolationem, de languore suo, reci-
pere possit.

Fidem [ergo] florem; fructum, actum intel-
lige. Nec incongruè, ut opinor, id tibi videbi-
tur, si advertas quomodo instar floris necessariò
præcedentis fructum, bonum quoque opus,
fide oporteat præveniri. Alioqui sine fide, im-
possibile est placere Deo. Itaque nec sine flore
fructus, nec sine fide, opus bonum. Sed &
fides sine operibus mortua est; sicut inutiliter
quoque flos apparet, ubi non sequitur fru-
ctus. *Fulcite me floribus, stipate me malis, quia
amore languo.* Cùm præsto est quod amatur, vi-
get amor; languet cùm abest: quod non est aliud,
quàm

a Nyssen. orat. 4. in Cant. *b* Greg. in cap. 2.
Cant.

quàm tædium quoddam impatientis desiderii, quo necesse est affici mentem vehementer amantis, absente eo quem amat; dum toties in expectatione, quantamlibet festinationem, reputat tarditatem. Et ideo ista postulat sibi accumulari bonorum operum fructus, cum fidei odoramentis, in quibus moram faciente sponso, interim requiescat.

III.

Dilectus meus mihi & ego illi, qui pascitur inter lilia, donec aspiret dies, & inclinentur umbræ. *Cant. 2.*

F*Elices anima populus genialis Amantum,
Quas amor irruptâ nectit utrimque fide!
Non ego præ vestrâ, fortunam optavero Regum;
Nam puto Coelicolûm vos ego sorte frui.
Sed neque jam Siculi mirer nova vota Tyranni,
Optantis, Pythia tertius esse Comes.
Ecquis enim sociis medius neget esse duobus,
Quos sibi tam sancto fœdere junxit Amor?
Aurea conditio, quoties redamantur amantes,
Reddit & alternas mutua flamma vices!
Hâc ego me toties optavi lege beatam,
Ad sua cùm trepidam signa vocaret Amor.
O quoties dixi; si quando cogar amare,
Non nisi qui pariter me redamârit, amem!
Audiit optantem volucrum Deus ales Amorum,
Et quid, ait, dubitas? ut redameris, ama.
Vicino extimui præsentis Numine Divi.
Attonuitque meum vox inopina caput.*

Ecquid



*Dilectus meus mihi et ego illi, qui pascitur
inter illia, donec asperet dies, et inglientur
umbræ. Cant. 2,*

*Ecquid inexpertam puer, inquam, perfide castris,
Auspiciisque jubes ara merere tuis?*

Sapè quidem inveni mihi narravère sodales.

Gaudia quanta suis polliceatur Amor.

Sapiùs at contra monuit me sedula nutrix,

Cùm veherer gerula sarcina parva sinu.

Vera nimis reputa Peligni oracula vatis,

Qua cecinit castis ingeminanda choris:

*„ Quot lepores in Atho, quot apes pascuntur in
Hyblâ,*

„ Cærula quot baccas Palladis arbor habet;

*„ Littore quot conchæ, tot sunt in amore do-
lores,*

„ Res est solliciti plena timoris Amor.

Semper enim miseros timor ille flagellat amantes,

*Ne fors non redamet, quem tamen alter
amat.*

Fida vel alternis si sint rata fœdera vinclis.

Tum gravis, ut constent fœdera, cura subit.

Curre per historias; quotus, heu! securus amavit?

Hunc brevis, hunc fictus ludificavit Amor.

Quâ Paris Oenone sine vivere posse negabat,

Oenonem potuit deseruisse Paris.

Dilecti Hypsiphile non mansit Iasonis uxor,

Non mansit reducis, sicut euntis erat.

Theſia crudelem quoties Ariadna vocavit.

Navigio numerum quæſta deesse suum?

*Quin etiam levibus monſtras, Puer improbe,
pennis,*

Quàm citò succedat, quàm citò cedat amor.

Ite igitur, levibusq; animas modò credite flammis

Cùm ſua non aliter ſceptra Cupido gerat.

„ Et

*Dilectus meus mihi, & ego illi, qui pascitur
inter lilia; donec aspiret dies & incli-
nentur umbræ. Cant. 2.*

QUID est hoc quod dicit, *ille mihi, & ego illi?* Nescimus quid loquitur, quia non sentimus, quod sentit. O sancta anima, quid tuus ille tibi? quid tu illi? Quænam, quæso, hæc inter vos tam familiariter favorabiliterque discurrens exhibitio & redhibitio? tibi ille, tu-que vicissim illi; sed quid? id ipsum ei tu, quod tibi ille? an aliud? si nobis, si ad nostram loqueris intelligentiam, evidenter quod sentis; edicto: quousque animas nostras tollis? An secundum Prophetam, secretum tuum tibi? Ita est. Affectus locutus est, non intellectus; & ideò non ad intellectum. Ad quid ergo? Ad nihil, nisi quod mirabiliter? delectata & affecta vehementer ad desideratos affatus, finem illo faciente, nec tacere omninò quivit, nec tamen, quod sensit exprimere. Neque enim ut exprimeret, sic locuta est, sed ne taceret. Ex abundantia cordis, os locutum est; sed non pro abundantia. Habent suas voces affectus, per quas se etiam cum nolunt, produnt. Timor, meticulosas; dolor gemebundas; amor jucundas. Ejusmodi certum est, non nutu prodire animi, sed erumpere motu. Sic flagrans ac vehemens amor præsertim Divinus, cum se intrà cohibere non valet, non attendit quo ordine, quâ lege, quâve serie, seu paucitate verborum
ebul-

a Bern. serm. 67. in Cant.

ebulliat, dummodo ex hoc nullum sui sentiat detrimentum. Interdum nec verba requirit, interdum nec voces omninò ullas; solis adhuc contentus suspiriis. Inde est quod sponsa sancto amore flagrans, idque incredibili modo, sanè pro captandâ quantulacumque evaporatione ardoris quem patitur, non considerat, quid, qualiter eloquatur, sed quidquid in buccam venerit, amore ingenti, non enunciat, sed eructat: *Dilectus meus mihi, & ego illi.* Nihil consequentiæ habet, deest orationi. Quid inde? Rustus est. Quid tu in rustu? quæras orationum juncturas, sollempnia dictionum? quas tu, tuo rustui leges imponis vel regulas? Non est dubium, duorum quidem hoc loco amor mutuus flagrat; sed in amore summo, unius profectò felicitas, alterius mira dignatio: neque enim inter pares est consensio seu complexio hæc. Ait itaque: *Dilectus meus mihi, & ego illi*, principium *Dilecto* tribuens; in consequentibus; *Ego*, inquit, *Dilecto meo, & Dilectus meus mihi*: consummationem æquè illi concedens. Nunc jam videamus quid dicat: *Dilectus meus mihi.* Si enim hoc recipitur, ut subaudiamus, intendit, & sicut Propheta ait: *Expectans expectavi Dominum & intendit mihi*: ego in verbo isto sentio, nescio quid, non planè exiguum, nec mediocris prærogativæ.

a Audite gaudium meum quod sensi; & vestrum est, audite gaudentes sponsa locuta est, & dixit, sponsum intendere sibi, Quæ est sponsa, & quis

a Bern. serm. sequenti.

& quis est sponsus? Hic, Deus noster est; & illa, si audeo dicere, nos sumus; gaudeamus. Nos sumus in quos intendit Deus. Quanta tamen disparilitas! qui terrigenæ & filii hominum coram illo? quid sibi vult ergo ista inter tam dispares comparatio? Aut illa in immensum gloriatur, aut is in immensum amat. Quam admirabile est quod illius intentionem ista quasi sibi propriam vendicat, dicens: *Dilectus meus mihi*. Nec eo contenta tamen pergunt amplius gloriari, respondere se illi, quasi ex æquo morem gerere, rependere vicem. Sequitur enim: *Ego illi*, insolens verbum, *Ego illi*; nec minus insolens: *dilectus meus mihi*, nisi quod utroque insolentius, utrumque simul. O quid audet cor purum & conscientia bona, & fides non ficta! *Mihi*, inquit, *intendit*. Itane huic intenta est illa majestas, cui gubernatio pariter & administratio universitatis incumbit & cura sæculorum, ad sola transferuntur negotia, imò otia amoris & desiderii huius. Ita planè. Providentiam cæteris creaturis non negamus; curam ipsa vindicabit sibi. [Sed &] propterea utrumque ponit, dicens: *Ille mihi & ego illi*. Ille mihi, quia benignus & misericors est; ego illi, quia non sum ingrata: Ille mihi gratiam ex gratiâ; ego illi gratiam pro gratiâ; Ille meæ liberationi, ego illius honori; ille salutis meæ, ego illius voluntati; ille mihi & non alteri, quoniam una sum columba ejus; ego illi & non alteri, nec enim audio vocem alienorum.

a Anima [enim] ex eo, quod se diligere & vehementer diligere sentit, etiam diligit nihilominus vehementer, non ambigit, ac de suâ singulari intentione, sollicitudine, curâ, operâ, diligentia, studioque, quo incessanter & ardentem invigilat, quemadmodum placeat Deo, æquè hæc omnia in ipso indubitanter agnoscit, recordans promissionis ejus; *in quâ mensurâ mensi fueritis, remetietur vobis*, ergo nec dubitat se amari, quæ amat. Ita est. Amor Dei amorem animæ parit.

b Et unde tibi, ô humana anima, unde tibi hoc? unde tam inæstimabilis gloria, ut ejus sponsa merearis esse, *in quem desiderant Angeli prospicere?* unde tibi hoc, ut ipse sit sponsus tuus, *cujus pulchritudinem Sol & Luna mirantur*, ad cujus nutum universa mutantur? Quid retribues Domino pro omnibus quæ retribuit tibi? ut sis socia mensæ, socia Regni, & socia thalami, ut introducat te Rex in cubiculum suum, vide quibus brachiis vicariæ charitatis redamandus, & amplectendus sit qui tanti te æstimavit, imò qui tanti te fecit. Desere carnales affectus, sæculares mores dedisce, consuetudines noxias obliviscere. Quid enim putas? Nónne stat Angelus Domini, qui secet te mediam, si fortè (quod avertat ipse) alterum admiseris amatorem?

c Zelotypus est sponsus iste, si fortè alium ama-

a Bernard. serm. 69. in Cant. *b* Bern. serm. Domin. 1. post octa. Epiph. *c* Auth. Scale paradisi cap. 9. tom. 9. August.

amatorem acceperis , si aliis placere studueris, statim discedet à te ; & aliis adhærebit adolescentulis.

a Quis huic jam imputet præsumptioni vel insolentiæ , si se dicat iniisse societatem cum illo qui pascitur inter lilia ? etiamsi inter sidera pasceretur, eo solo quo pasceretur, nescio quid magnum videri possit cum ejusmodi amicitias seu familiaritatem habere. Non ignorat [sponsa] unum esse , & qui nascitur , & qui pascit ; inter lilia commorantem , & regnantem inter sidera : Nam qui in altissimis est Dominus, in imis est Dilectus ; super sidera regnans , & inter lilia amans. Amabat & super sidera, quia nusquam & nunquam potuit non amare, quia amor est : sed donec ad lilia descendit, & pasci inter lilia compertus est, nec amatus est, nec factus dilectus ; quia non potuit antè diligi quam agnosci , ô verè amandum & totis medullis cordis amplectendum sponsum ! quærenda in spiritu hæc refectio inter lilia ; nam corporea cogitare, ridiculum est. Quin ipsa lilia spiritualia à nobis demonstranda erunt. Quæ ergo sunt illa lilia è quibus species decoris ejus ? *Procede, inquit, & regna, propter veritatem & mansuetudinem & justitiam.* Bonum lilium *veritas*, candore conspicuum, odore præcipuum. Est & *mansuetudo*. Quod autem *justitia* lilium sit, recordamini de scriptura ; quia *justus geminabit sicut lilium.* Sunt multa apud sponsum, & alia lilia præter

L 2

a Bern. serm. 70. in Cant.

præter hæc: quis illa enumeret? nempè quot virtutes, tot lilia. Et fortasse propterea ipse se liliū appellavit, quòd totus versetur in liliis; & omnia quæ ipsius sunt, lilia sunt: conceptio, ortus, conversatio, eloquium, miracula, sacramenta, passio, mors, resurrectio, ascensio. Quid horum non candidum, & non suavissimè redolens?

a Nimirum hic est præclarus ille pastor, qui non fœnum gregi, pabuli loco præbet, sed puris liliis oves alit, non amplius fœno fœnum nutriens. Est enim fœnum brutorum naturæ proprium, ac peculiare alimentum; homo autem, cum rationis sit particeps, verâ ratione pascitur. Quod si ejusmodi fœno saturaretur, & ipse in fœnum commutaretur. Est enim præscriptum, *omnis caro fœnum est*; quamdiu scilicet caro existit; at si quis spiritus fiat è spiritu progenitus, non amplius victu gramineo pascetur, sed spiritus ei pro nutrimento erit, id quod puritas & fragrantia lilii obscuriusculè denotat. Quin etiam ipse, liliū fragrans ac purum erit, in naturam ipsius alimenti commutatus, atque hoc sibi vult; *Dies per radios diffusa sive perfians*, quemadmodum Divina vox loquitur, cum diffusionem, per spiritum radiorum factam, *perspirationem* appellat, per quam umbræ hujus vitæ removentur, in quas studiosè defixis oculis respiciunt, qui necdum luce veritatis animi oculum illustrarunt, qui umbram ac vanitatem sic intuentur, quasi revera quiddam subsistens;

a Nyss. orat. 4. in Cant.

stems; quod autem verè existit, quasi non existeret, negligunt. At qui liliis vescuntur, hoc est, quorum animus ex puro ac fragranti alimento pinguescit, omni fraudulentâ, amorisque consimili rerum specie (quæ res hæc in vitâ caræ ducuntur) rejectâ ad veram ipsarum rerum substantiam respiciunt, effecti lucis ac diei filii.

a Tu ergò qui hæc audis, vel legis; cura habere lilia penes te, si vis habere hunc habitatorem liliorum habitantem in te. Opus tuum, studium tuum, desiderium tuum lilia esse protestentur, moralis quidam rerum ipsarum candor atque odor. Habent & mores colores suos, habent & odores. De colore, Conscientia consultetur, de odore, fama: sponsus itaque & cum sit virtus; in virtutibus complacet sibi, & cum sit lilium, libenter inter lilia commoratur; & cum sit candor, delectatur candidis.

b O anima mea, insignita Dei imagine, dilige illum, à quo tantum dilecta es! Intende illi, qui intendit tibi! Quære quærentem te, ama amatorem tui, à quo amaris; cujus amore præventa es, qui est causa amoris tui. Esto sollicita cum sollicito, cum vacante vacans, cum mundo munda, cum sancto sancta. Elige illum amicum præ omnibus amicis tuis, qui cum omnia subtrahita fuerint, solus tibi fidem servabit: in die sepulturæ tuæ, cum omnes amici tui recedent à te, ille te non derelinquet, sed tuebitur à rugientibus preparatis ad escam.

L 3

IV. Ego

a Bern. serm. 71. in Cant. *b* Aug. man. cap. 24.

IV.

Ego dilecto meo , & ad me conversio
ejus. *Cantic. 7.*

Mœsta cupressiferi nemoris spatiabar in um-
brâ,

Tristitiam lacrymis compositura meis :
Jamq; sinum tepidis submerserat imbris unda,
Concideramque meis pane subacta malis.
Fors Chelys ex humeris pendebat et urnea nostris,
Mœstitiæ quondam certa medela chelys :
Utrata tristitiâ, frondente sub arbore sedi,
Associans querulis talia verba modis :
Ergo mei vidui, sine lufibus, ibitis anni,
Nullus & in nostro carmine vivet amor ?
Ab ! precor, eveniant hæc hostibus omnia nostris,
Et procul his flammæ tam bona tela cadant !
Vivere se juret, non hunc ego vivere credam,
Qui trahit vos vacuos frigidus igne dies.
Unicus est homini vivendi fructus, amare ;
Solutus amans, vixi, dicere jure potest.
Qualis, in ima, suo desidit pondere tellus,
Et subit æérias, ardua flamma, vias ;
Nos ita fax animi, violento cogit amore,
Abripimurque omnes, impetu qui que suo.
Me quoque nativâ stimulari sentio flammâ,
Visque adhibet tacitas, nescio, quanta faces.
Quo meus ergo suos Amor ejaculabitur ignes ;
(Primitiæ nostri namque calor erunt)
Afferar humanæ furiosa Cupedine tedæ,
Cognata Angelicis, stirpsque, sororq; choris ?

Aut




*Ego dilecto meo, et ad me conversio
ejus, Cantic, 7.*

Aut mea mortales venient in colla lacerti,
 Quæ sum immortalis Sponsa creata Deo.
 Ab, super hæc hyemes, nostri rapiuntur amores,
 Terra parem thalamis non habet ista meis.
 Nympha puellarum pulcherrima Romulearum
 Agnes, Ausonio sponsa petita prece;
 Absit, ait, juvenis mea ne tibi fœdera speres,
 Jam mea cœlestis fœdera sponsus habet.
 Sic nostra ætherios ambit quoque fax Hymenæos,
 Inde petendus erit qui mihi sponsus erit.
 Hunc ego non alium, solū hunc ego diligo sponsum,
 Nemo potest uno tempore amare duos:
 Illius ante oculos mihi semper oberrat imago,
 Ante oculos, quamvis longius absit, adest.
 Et loquor absenti momentis omnibus, absens,
 Absentisque sonos illius aure bibo.
 Sic ubi magnetis vim ferrea linea sensit,
 Semper ad agnati vertitur alta poli.
 Et sua Sydoniis patet hinc Cynosura carinis,
 Servat & hinc Helicon cymba palasga suam;
 Sic læsi sequeris studiosa pedissequa Phœbi
 Dilectam Clytie, flos modò facta, facem:
 Bisque die quovis; verso jubar ore salutans,
 Manè precaris Ave; sero precare Vale.
 Obvia fraternos ita spectas Cynthia vultus,
 Et reparat vultus ignibus ille tuos. (bum
 Sponse, ego sum Clytie, Tu Sol; ego Cynthia, Phœ-
 Quolibet obverso persequor ore meum:
 Es mihi, sponse, Helyce, Cynosurâq; duplicis Arcti
 Quo trahis, huc oculis ad tua signa volo.
 Quid mirum, alterno respondemus amori?
 Magnetem sequitur linea tacta suum.

Ego dilecto meo , & ad me conversio ejus.
Cant. 7.

a I Mpossibile est, ut non semper humana natura aliquid amet, omnis namque qui ad id ætatis venerit, quam pubertatem vocant, amat aliquid, seu minus rectè, cùm amat, quæ non oportet; seu rectè & utiliter, cùm amat quæ oportet.

b Cor meum per multa dispergitur, & huc, illucq; quærit ubi requiescere possit, & nihil invenit, quod ei sufficiat donec ad ipsum redeat.

c Duo enim amores, alter bonus, alter malus, alter dulcis, alter amarus, non se simul in uno capiunt pectore. Et ideo si quis præter te aliud diligit, non est charitas tua Deus, in eo, amor dulcedinis & dulcedo amoris. Amor non crucians, sed delectans, amor sincerè casteque permanens in sæculum sæculi, amor qui semper ardes & nunquam extingueris, dulcis CHRISTE bone JESU, charitas, Deus meus, accende me totum igne tuo, amore tui, suavitate & dulcedine tuâ, ita ut nullus pateat in me locus adulterinis amoribus. 

d Nam Christo & mundo quisquis partitur amorem,

*Hujus amor planè levis est & frigidus; at qui
Totam animi flammam penitus defixit in uno,
Ille procul dubio, constans & certus amator.*

Quin

a Orig. in prologo Cant. **b** Bernard. med. cap. 9. **c** Aug. cap. 35. **d** Nazianz. de laudib. Virgin.

Quin etiam latomi sollertes, quique fabrilem
 In lignis artem exercent; cum linearecta
 Queritur, exactâque operâ captatur amussis,
 Ex oculis unum claudunt, & lumine toto
 In socium fuso, visus acieque coactâ,
 Recta sequente tenent duro vestigia ferro.
 Sit collectus amor, propius conjungit amanti
 Pectora casta Deo, cupientem qui cupit, atque
 Cernentem cernit, sitq; obniscienti,
 Quem quò plus quisquam cupit, hoc magis cernit
 eundem,
 Quoque magis cernit, tantò magis expetit illum
 Cernere: Sicque bonus semper convolvitur
 orbis.

a Carissima illa est, una uni, non adhærens al-
 teri sponso, non cedens alteri sponsæ. Quid ista
 non audiat apud tam ambitiosum amatorem?

b Paveant quæ non amant. Ego verò amans,
 amari me, dubitare non possum, non plusquam
 amare: nec possum vereri vultum cujus sensi
 affectum.

c Ego diligentes me diligo, & qui manè vigila-
 verint ad me, invenient me. Vide quomodo
 non solum de amore suo certum te reddat, si qui-
 dem tu ames illum; sed etiam te sollicitudine
 suâ quam pro te gerit, si te senserit esse solli-
 citum sui? vigilas tu? vigilat & ille. Consurge
 in nocte in principio vigiliarum tuarum, acce-
 lera quantum vis, etiam ipsas anticipare vigi-
 lias; invenies eum, non prævenies. Temerè in

L s tali

a Bern. serm. 98. in Cant. *b* Bern. serm. 98. in
 Cant. *c* Bern. serm. 69. in Cant.

tali negotio vel prius aliquid tribuis tibi vel plus: & magis amat & antè.

a Reperiuntur imagines quædam eo artificio à peritis pictoribus depictæ, ut quacunque ex parte inspiciantur, semper videantur habere oculos ad intuentes converfos. Hujuscemodi sanè imagines, ex parte suâ, semper ad quoscunque conversæ sunt, qui in illo reperiuntur cubiculo, ubi ipsæ fuerint: quod si quis minimè percipiat ab illis se respici, id haud ab eis, sed ab ipso provenit potius, qui suam avertit faciem; ideoque ut primum is ad illas sese converterit, eas pariter ad se animadvertet conversas: Quid simile & in re nostrâ fieri censendum est.

b *Ego dilecto meo, & ad me conversio illius.* Ac si diceret: quoniam fide ac dilectione, soli CHRISTO adhæreo, solum sequor, solum videre concupisco; respectiōis ejus suavitatem, visitationis benignitatem, conversationis dulcedinem gaudenter experior.

c Ille quippe singularis amor est, qui soli non adjungit alterum, & æternus, qui nec primo secundum.

d Magna res amor, si tamen ad suum recurrat principium, si suæ origini redditus, si refusus suo fonti, semper ex eo sumat, unde jugiter fluat. Solus est amor ex omnibus animæ motibus atque affectibus in quo potest creatura,

a *Gisler. in cap. 7. Cant. expos. 3.* *b* *Greg. Papa in Cant.* *c* *Hugo de S. Viçt. serm. de Assum.* *d* *Bern. serm. 33. in Cant.*

tura, & si non ex æquo, respondere auctori, vel de simili mutuam rependere vicem. Verbi gratiâ: si mihi irascatur Deus: num ego illi similiter redirascar? non utique. Ita si me arguat, non redarguetur à me. Nec si me judicabit, judicabo ego eum. Si dominatur, me oportet fervire: si imperat, me oportet parere. Nunc jam videas de Amore, quàm aliter sit? nam cum amat Deus, non aliud vult quàm amari; quippe non ad aliud amat, nisi ut ametur; sciens ipso amore beatos qui se amaverint.

a Revera hæc est vera cordis requies, cum totum in amorem Dei, per desiderium figitur, nec quicquam aliud appetit, sed in eo quod tenet, felici quâdam dulcedine delectatur, delectando jucundatur. Si verò vanâ aliquâ cogitatione, vel rerum occupatione, indè aliquantulum abstractum fuerit, summâ cum festinatione illuc redire festinat (exilium reputans alibi) quàm ibi moram facere.

b Si enim homo hominem tantâ diligit dilectione, ut alter alterum vix patiaturs abesse: si sponsa sponso, tanto conglutinatur mentis ardore, ut præ magnitudine amoris, nullâ perfrui valeat requie, Chari sui absentiam non sine magno mœrore ferens; quâ dilectione, quo studio, quo fervore anima, quam desponsasti fide & miserationibus, debet diligere te, verum Deum & pulcherrimum sponsum.

L 6 V. Ani-

a Aug. man. cap. 29. *b* Aug. med. cap. 25.

V.

Anima mea liquefacta est, ut dilectus locutus est. *Cantic 5.*

TE semel ut cursim tantum, mea vita, videre,

*Quot juga, quot sylva, quot loca visa mihi!
Ut semel audirem tantum, mea vita, loquentem,
Ab! quot inaccessis rura petita viis!*

*Aërii montes, metuendaque culmina rupes,
Saxa que sylvivagis vix adeunda feris.
Nec tamen, ecce, tui data spes fuit ulla videndi,
Vixque vel alloqui spes fuit ulla tui.*

*O quoties dixi! quæ te, mea vita latebra,
Quæ cava, quæ terra, quæ nigra lustra tegant?
Sed neque lustra meum, neque rus solata dolorem,
Respondit lacrymis sylva nec ulla meis.*

*Fors semel ignotos, me duxerat error in agros,
Solut ubi ante oculos campus, & error erant.
Metior hinc oculis Cœlos, clamoribus agros;
Sed neque vox Cœlis, nec data vox ab agris.*

*Inde deerranti vallis se monstrat opaca,
Vociferor, nullus fit mihi valle sonus:
Ecce cavâ densum, procul haud à valle, viretum
Adjacet, æstivo textilis umbra gregi:*

*Hic erit, hic forsân, dixi, mea vita, latebit;
Heu dolor! ut vidi, nulla latebra fuit.*

*Ergo amens tandem lacrymansque ad littora
curro,*

*Littora, quæ refluïs Nereetundis aquis:
Hic Pharos ingenti se tollit in ardua clivo,
Unde suam ratibus navita captat iter.*

Scando



Anima mea liquefacta est, ut dilectus locutus est. Cantic. 5,



Very faint, illegible text or a caption located at the bottom of the page, possibly describing the drawing above.

Scando Pharon, totòque oculis circumfero ponto,
 Et quantà possum littora voce voco.
 Littora, littora, vos cautes, vòsque æquoris undæ,
 An latet æquoreis lux mea mersa vadis?
 Vix prior attigerat resonantia littora clamor,
 Cum citò littoribus vox geminata redit.
 Ambigo, num scopulis fallax responderit Echo,
 Et nimium pronà luserit aure fidem:
 Tristibus ergo iterum cava littora pulso querelis;
 Littoribusque iterum vox repetita redit.
 Vox redit, & vox nota redit, Tua vox, mea vita,
 Et mihi voce Tuâ, reddita vita fluit.
 Ibam semianimis, subitò ad tua verba revixi,
 Ne penitus morerer, vox satis una fuit.
 Scilicet ora loquens, quoties cœlestia solvis,
 Magnum aliquid verbis, fulminis instar inest.
 Ignivomæ non quale nucis, testudine clausum
 Efflabas Syrie fraudibus, Euna, Deæ,
 Quale sed in comites, Emmautia rura petentes
 Sparxisti stygiis Dux redire plagis,
 Frigida cum subitis arserunt pectora flammis
 Pectora colloquio, lux mea, tacta tuo.
 Hinc mihi succensis caluit quoque flamma me-
 dullis.
 Istaque cœlesti vocis ab igne frui:
 Et licet Oceano, gelidis licet undique saxis,
 Undique cœruleis obsita cingar aquis;
 Intus agunt flammæ, sic loquor ab ignibus intus,
 Liquitur ut lento pinea teda foco.
 Outinam, mea vita, animam liquamur in unam,
 Unaque vita duos jungat Amorque duos?

Anima mea liquefacta est, ut dilectus locutus est. Cant. 5.

^a QUID est hoc quod sentio? quis est ignis qui calefacit cor meum? quæ est lux quæ irradiat cor meum? Ô ignis qui semper ardes & nunquam extingueris, accende me? O lux quæ semper luces, & nunquam obfuscaris, illumina me! O utinam arderem ex te, ignis sancte! quàm dulciter ardes, quàm secretè luces, quàm desideranter aduris.

^b Sicut cera fluit à facie ignis, sic anima succensa est à facie ejus; *Anima mea liquefacta est, ut dilectus locutus est*, quàm dulcis hora, quando anima huic igneo torrenti, liquefacta miscetur, quàm subtilis est in illo momento, quàm extenuata, quàm mobilis? Nihil tunc torporis habet, nihil duritiæ reliquum, nihil rigoris, tantummodo calens & liquens. Cognata sunt sibi invicem liquidum & calidum; in his duobus contemplationis usus consistit. Quod liquidum est, calorem citiùs concipit, & conceptus calor vice versâ, quod liquidum reperit, liquidius reddit. Quod dico calidum & liquidum, hoc aliis nominibus, est succensum & sincerum. O mira vis verbi & ignita vehementer! inflamat cor, commutat renes, in nihilum (in conspectu suo respectu Dei sui) animum redigit; à seipso liquefcere & deficere facit; ut jam anima non sit tecum.

^a Ausculta

^a August. soliloq. c. 34. ^b Guilb. Ab. serm. 44. in Cantic.

a Ausculta & recale, quid locutus Mariæ Magdalænæ, quid mulieri in adulterio deprehensæ, quid Samaritanæ, Chananæ, Zachæo, Petro, Centurioni? Ad tot pietatis sermones & clementiæ, cujus non mollescat affectus viscera liquefiant! Ad tam vehementes flatus Austrinos, etiam de durissimo pectore, quantumlibet annosa poterat glacies dissolvi. Sentio me affluentis olei liquore perfundi & simili affectu liquefcere, quoties misericordiæ tuæ opera & verba perfecta recenseo. *Ignitum eloquium tuum vehementer, & servus tuus dilexit illud.*

b Dum [enim] CHRISTUS se per spiritum suum animæ desideranti infundit, omnem duritiam cordis mox dissolvit, & aliquando mentem in tantas lacrymas liquefacit, ut vix capere possit hoc quod se capere intra se exultat, & intus miretur quid fuerit & quid factam subito seipsam videat. Quem liquorem dum sentit, perfectiùs apprehendere concupiscit, & aliquando dum hoc ipsum cogitat, hoc quod modò sentiebat, jam non sentit.

c Quia nimirum mens dum occultæ locutionis aspiratione tangitur, à statu suæ fortitudinis infirmata, ipso quo absorbetur desiderio, liquatur.

d Sed res corporeæ cum per calorem extrinsecus liquefunt, in semetipsas resolvuntur; animæ

a Ibid. *supr.* *b* Gregor. in cap. 5. Cant. *c* Greg. c. 39. in c. 3. Job. *d* Guill. Abb. apud Delr. c. 5. Cant.

animæ verò, cùm per calorem intimum lique-
fiunt, non in semetipsas resolvuntur, sed in re-
solventem. Resolvuntur à semetipsis, sed non
in semetipsas; resolvuntur igne Dei, ab amore
sui in amorem sponsi cœlestis. Hoc Paulus infi-
nuans, *qui adhæret*, inquit, *Domino, unus spiri-
tus est*. Et suam animam hoc modo liquefactam
indicans: *Vivo*, inquit, *ego, non jam ego, vivit
autem in me CHRISTUS*.

a Quid verò congruentius est quàm amorì
tribuere hanc liquefactionem, quâ id, quod
alioquin durum est, redditur fluens; cùm ex-
ploratum sit, eos esse præcipuos amoris effe-
ctus, ut amantem impellat ad amatum, eun-
demque cum illo uniat, quæ certè unio tunc
fit pulchrius, cùm amor ipse fit mutuus, atque
adeò & ambos amantes ad alterutrum fluidos
faciens. Nec ignoramus, dilectum piarum
animarum JESUM CHRISTUM dixisse, in
Psalmo 21: *Factum est cor meum tanquam cera
liquefscens*, unde si liquefacta anima fluat ad
JESUM, qui & liquefactus ut cera, fluit ad
ipsam animam, quid exinde consequitur nisi
perfecta unio;

b Anima mea liquefacta est, ut dilectus lo-
cutus est, ô mira & inæstimabilis virtus amo-
ris! Deum inclinat ad terram, mentem elevat
ad patriam & Deum & animam vel hominem
simul conglutinat ad gloriam; Deum facit
hominem & hominem facit Deum; tempo-
ralem

a Gisl. in cap. 7. Cant. expos. 3. *b* Bonav. sti-
muli amoris, p. 1. cap. 8.

ralem facit æternum , immortalem occidit,
mortalem facit immortalem, & imum excel-
sum constituit , inimicum facit amicum, ser-
vum facit filium, & abominabile facit glorio-
sum, frigida facit ignea, obscura facit clara,
dura facit liquida. Nam *anima mea liquefacta*
est. O verbum admirabile! ô verbum nimium
delectabile! Ego vilissimus & nequissimus ser-
vus tuus Domine Deus meus, qui etiam non
sum dignus aliqua creatura tua vocari, nec
esse, quomodo sum tibi tanto vinculo charita-
tis colligatus, ut ad verbum tuum, præ amore,
fuerim liquefactus? O ardor amoris qui inti-
ma mentis in Deum infundis! Nam adaman-
tina erat anima mea; & ejus intima nimium
solidata. Nunc amore liquefcit, nunc extra
se exit, & in Deum tota se diffundit, proprium
locum relinquit, & in Deum currit, absorbe-
tur à Deo & obliviscitur sui. O amor! quid tibi
tribuam, qui me fecisti divinum? *Vivo ego,*
jam non ego, vivit autem in me CHRISTUS.
Inenarrabilis est virtus tua, ô amor, qui lutum
in Deum transfiguras! Quid ergo te potentius,
quid dulcius, quid jucundius, quid & nobilius,
obsecro? O desiderabilis amor, qui summis
deliciis repleas egentes! sed si liquefacta es, ad
verbum ejus, ô anima mea, quomodo sustines
amplexus ejus? Quomodo non es assumpta
ad oscula ejus? si liquefacta es ad affatum ejus,
quomodo non es absorpta, cum intras per vul-
nera & per venas, ad cor ejus? sed ô mira
dulcedo, & mira jucunditas, ut quod non me-
remur

remur nominare, possimus masticare! Non me-
reor esse ancilla, & facta sum in deliciis caris-
sima. Quis sufficit tanti amoris, etiam scintillam
minimam intueri! Non ergo mirum, si ad ver-
bum tuum, *liquefcit cor meum*: imò de cætero,
totus accendar, & totaliter *liquefciam*, ut in te
totaliter fim effusus. Nihil præter te videam,
nec in aliud, cogitata, dicta vel facta transeant
ullo modo. Imò mirum videtur, quomodo
non fimus sic intenti ad te, ut ignoremus omnia
præter te. Si enim habemus te, quid amplius
volumus? In te ergo, dulcissime Domine Jesu,
quiescat mens nostra, & à te nec ad modicum
separetur!

VI.

Quid enim mihi est in cœlo, & à te quid
volui super terram? *Psalm. 72.*

Quid cœlo, mea lux, terræque, maris re-
quiram?

Nec cœlum, sine te, terra, nec unda placet.

Non equidem ignoro, quæ, quantaque gaudia
Cœlum,

Terræque quas fundat, undæque condant opes.

Sed sine te, mea lux, mala sunt, quæcunque vel
æther,

Vel tellus gremio, vel tegit unda salo.

O cœlum! ô tellus! ô carula marmora ponti!

O tria deliciis regna superba suis!

Delicias cumulus vestras licet aggerat unus,

Non sunt delicia, si meus absit amor.



Quid enim mihi est in caelo, et a te quid
volui super terram, Psalm. 72.

Sapè tulit, fateor, vaga per divortia mentem
 Hinc Thetis, hinc Tellus, arduus inde Polus.
 Sed totum injectis, mundum si metiar ulnis,
 Non tamen hæc ulnis par erit ulna meis.
 Mens aliquando fuit gravidam recludere terram,
 Æræque divitibus veliere fulva cavis,
 Aurumque, argentumque nitentis germina vena,
 Quæque metallifero nutrit arena sinu.
 Ferro igitur magna Matris suffodimus alvum
 Totæque telluris gaza coacta fuit.
 Quid juvat? aggestas licet aurum fregerit arcas,
 Non tamen est animo nausea pulsa meo.
 Ergo sub aquoreos rapuit me cura penates,
 Quâ subit Eoas Indus adustus aquas.
 Quidquid & aurifluis gemmarum nascitur undis
 Carpere sub liquido gurgite fervor erat.
 Et pressum roseis conchyliis edere rorem,
 Rideret patulis purpura si qua labris.
 Et sparsas rutilis baccas conquirere ripis,
 Dives Hydæssæi quâ nitet unda vadi.
 Hei mihi! tam vario lectis ex aquore gemmis,
 Littoribus totidem fluminis atque maris,
 Tot cyanos, tot chrysolitos, tat jassidas Inter,
 Nulla mea potuit gemma sat esse siti.
 Quid facerem, votis, terræque marique negatis?
 Sidereos, dixi, vota subire lares.
 Visa igitur superi circumvaga machina mundi,
 Templæque luciferis fulgida lampadibus.
 Obstupui stabili currentes ordine flammæ,
 Astræque perpetuos ducere nexa cohors:
 Inter at indigenas tot Olympi pensilis ignes,
 Flamma capax animæ non fuit ulla meæ.

Nempe

*Nempe ita cùm totum requievit in Hercule Cœ-
lum,*

Non illi requies fidera, pondus erant.

Ab! piget è terris Cœli convexa tueri,

Jam super alta feror nubila, terra vale.

Jam cunctæ ex oculis, turrésque urbesq; recedunt,

Jam coit in minimam pendula terra pilam:

Jam luna, solisque, Jovisque supervenor orbes,

Et septena premens fidera, calco pedes:

Jamque pavimentum stellarum illustre pyropis,

Sub pede despicitur, quod modò culmen erat:

Ataque jam cingunt flammantis mœnia mundi,

Et propior cœli regia tota patet.

Quin properant volucres, pennata examina, cives,

Et sociant variis verba fidesque modis.

Saltantesque obeunt pedibus plaudentibus orbem,

Latæque ceu festo personat Aula die.

O cœlum? ô cœlum! ô fulgentia lumina stellæ!

O, nisi fidereis, atria digna choris!

O volucres animæ, rutili respublica Regni!

O chelys Angelicis associanda modis!

*O ubi sum? prope facta sui immemor, exciderat
mens?*

Sed redit ut sponsum sensit adesse suum.

Astra valete, valete Poli; Volucresque valete;

Nil mihi vobiscum est si meus absit amor.

Jam video, mihi quid terræque poloque petendum,

Si meus absit amor, Terra, Polusque vale.

Magnanimas juvenis lacrymas, Pellæ, dedisti,

Nulla tibi domito terra quod orbe foret:

Quid mihi millenos si fregero viribus orbes?

Non satis est votis gloria tanta meis.

Ab, mi-

aut si jam postposuisti universa hæc, aliud habes, quod præ omnibus his diligas.

a Quid tibi placet in sæculo? quid est quod vis laudare? quid est quod vis amare: quocunque corporeis sensibus te converteris, occurrit tibi cœlum, occurrit tibi terra. Quod amas in terrâ, terrenum est; quicquid amas in Cœlo corporeum est. Jam ergo diu occupata vixisti, & desideriorum diversitate verberata, portas plagas, faucia, divisa per amores multos, ubiq; inquieta, nusquam secura. Colligere ad te ipsum; quicquid tibi foris placebat, quære quem habeat auctorem. Nihil melius in terrâ, verbi gratiâ, quàm hoc & illud. Aurum, argentum, animalia, arbores, amœnitates, totam terram cogita; quid melius in Cœlo, sole, lunâ, sideribus? Totum cogita; omnia ista simul bona valdè, quia fecit Deus omnia bona valdè; undique pulchritudo operis, quæ tibi commendat artificem. Miraris fabricam, ama fabricatorem. Non occuperis in eo quod factum, & discedas ab eo qui fecit: hæc enim quibus occuperis sub te fecit, quia sub se ipso te fecit.

b Anima humana, quæ ad Deum appetendum facta est, quicquid infra Deum appetit, minus est, ideoq; jure ei non sufficit, quod Deus non est. Sed cave, anima mea, ne non sponsa, sed adultera dicaris, si munera dantis plusquam affectum amantis diligis. Væ tibi, si oberras vestigiis suis, si nutus suos, pro eo amas, & non advertis purgatæ mentis intelligentiâ, quid innuat lux illa beatif-

a Aug. in Psal. 143. *b* Bonav. soliloq. cap. 1.

beatissima, cujus nutus & vestigia sunt omnium creaturarum decus & forma. Adhuc si fortè ignoras te *ô pulcherrima mulierum, egredere, & abi post vestigia gregum*, id est, irrationabilium creaturarum, quæ sunt vestigium Creatoris tui; tu verò speculum sanctissimæ Trinitatis. Ergo omnibus dignior & excellentior comprobaris. Et *pasce hædos tuos, juxta tabernacula pastoris*, id est, converte cogitationes tuas ad choros Angelorum, quibus quodammodo similis es in naturâ & concivis eris in gloriâ.

a Heu Domine, nunc intelligo, sed confiteri erubesco, species & decor creaturarum decepit oculum meum, & non adverti, quia speciosior omnibus creaturis es tu, quibus tantummodo unam guttam tuæ inæstimabilis pulchritudinis communicasti. Quis enim ornavit cælum sideribus, aërem volucris, aquam piscibus, terram plantis & floribus? sed quid sunt hæc omnia, nisi tuæ pulchritudinis modica scintilla? dulcedo etiam Creaturarum decepit gustum meum, & non adverti, quòd melle dulcior es. Tu enim melli & omni creaturæ dulcedinem suam, imò tuam commodasti. Decepit etiam odor creaturæ olfactum meum, & ignoravi quòd odor tuus, *ô bone Jesu*, redolet super omnia aromata. Decepit etiam sonus falsus sive fallax creaturarum, auditum meum, & nescivi nec sensi quam dulcia faucibus electorum tuorum eloquia tua.

b Cor meum, à cogitatione in cogitationem ducitur,

a Bonav. cap. 1. soliloq. b Bern. med. c. 9.

ducitur, & per varias occupationes & affectiones variatur, ut saltem varietate ipsarum rerum impleatur, quarum qualitate satiari non potest.

a Sed hoc scio Domine Deus meus, quia ubicunque sum sine te, malè est mihi præ te; non solum extra me, sed etiam in me; quia omnis copia, quæ non est Deus meus, mihi est egestas. *Satiabor tunc cùm apparuerit gloriatus tua.*

b Anima [enim] quam creasti, ita facta est capax majestatis tuæ, quod à te solo & à nullo alio possit impleri; quando autem te habet plenum est desiderium ejus, & jam nihil aliud quod desideretur exterius, restat. Dum autem aliquid exterius desiderat, manifestum est, quod te non habet interiùs; quo habito, nihil est quod ultra desideret: cùm enim sis summum, & omne bonum, non habet quod desideret amplius, sed possidet te omne bonum.

c Bruma, calens æstas, ver, Autumnusq; vicissim,

Spectra duo vitæ, nox simul atque dies;

*Cælum, æquor, tellusque novum nihil est mihi
prorsus,*

Non quæ sunt motu prædita, quæque carent.

*Nil moror hæc, alium mihi da Rex optime,
mundum,*

Propter quem hic prompta tot mala corde fero.

Cætera quæ terris voluntur, nil moror ipse

Amplius, humanis relinquere cuncta libet.

d Ad quodcunque me convertero, vilescit mihi

a Aug. soliloq. c. 13. *b* Aug. soliloq. c. 30. *c* Nazian. carm. de externi hominis utilitate. *d* Aug. in Psal. 102.

mihi adeptum, quamvis acciderit desideratum, quando satiabitur desiderium meum in bonis? non satiabor de mortalibus, non satiabor de temporalibus; aliquid æternum donet, aliquid æternum concedat. Bonum tuum quære, ô anima. Est enim bonum illud alteri, & omnes creaturæ habent quoddam bonum suum, integritatis suæ & perfectionis naturæ suæ interest, quid cuique rei imperfectæ necessarium sit, ut perficiatur: Quære tuum bonum, *Nemo bonus nisi unus Deus*, summum bonum, hoc est tuum bonum. Quid ergo deest, cui summum bonum, bona est? sunt enim & inferiora bona, quæ aliis & aliis bona sunt: Pecori quid bonum est, nisi implere ventrem, carere indigentia, dormire, gestire, vivere, sanum esse, generare? Tale tu bonum quæris? Cohæres CHRISTI, quid gaudes; quia socius es pecori? Erige spem tuam ad bonum bonorum omnium [ad eum] *qui satiat in bonis desiderium tuum.*

a Audi quid Propheta dicat: *Quid enim mihi est in Cœlo?* & illud: *A te quid volui in terrâ?* ac si dixisset nullius prorsus alterius rei, nec cœlestis, nec terrestris sed tuo unius desiderio teneor.

Hoc est; Tu portio mea es, abundas mihi ad omnia, nihil quæsi aliud, nisi ut te partem haberem; nullas sæculi huius divitias & voluptatum illecebras concupiui. Nullius ego, qui à te assumptus sum, nec superest in cœlestibus, quod amplius quæram. Nihil habens omnia habeo, quia CHRISTUM habeo: omnia ergo in illo

M habens,

a Chrys. hom. 5. in ep. ad Roman.

habens, aliam non quæro mercedem, quia ipse merces est universorum.

a Nihil [enim] aliud desiderat anima, nihil aliud à Deo quærit, quàm ipsum Deum, ut jam ex affectu cordis, atque sententiâ clamet illud de Psalmo: *Quid enim mihi est in cælo, & à te quid volui super terram? Defecit caro mea, & cor meum, Deus, cordis mei, & pars mea Deus in æternum.* Neque enim sum aliquid, non felicitatem, non gloriam, non aliud quidquam tantum privato sui ipsius amore desiderat anima, quæ istiusmodi est, sed tota pergit in Deum, unicumque ei ac perfectum desiderium est, ut introducat eam Rex in cubiculum suum, ut ipsi adhæreat, ipso fruatur.

b Vidit [nempe] quid ibi servaretur, & cogitans & æstuans in cogitatione cujusdam rei ineffabilis, quam nec oculus vidit, nec auris audivit, nec in cor hominis ascendit; non dixit: Illud aut illud mihi est in cælo; sed: *quid mihi est in cælo?* quid est illud, quod habeo in Cælo? quantum est? quale est? & cum non transit, quod habeo in Cælo, *à te quid volui semper terram?* servas tu mihi in cælo divitias immortales, teipsum; & ego volui à te in terrâ, quod habent & impii, quod habent & mali, quod habent & facinorosi, pecuniam, aurum & argentum, gemmas, familias, quod habent & scelerati multi, quod habent multæ fæminæ turpes, multi viri turpes? Hæc pro magno desideravi à Deo

a Bern. de divers. affectionib. animæ. b Aug. in Psal. 72.



Heu mihi quia incolatus meus prolongatus est: habitavi cum habitantibus Cedar, multum incola fiat Anima mea. Psalm. vii.

Deo meo super terram, cūm seruet se mihi in Cœlo Deus meus.

a Defecit gaudium cordis mei, versus est in luctum risus meus; defecit caro mea & cor meum Deus cordis mei & pars mea Deus in æternum. Renuit consolari anima mea, nisi de te, dulcedo mea. *Quid enim mihi est in cœlo, & à te quid volui super terram? Te volo, te spero, te quaero; Tibi dixit cor meum? Quasi vi vultum tuum, vultum tuum Domine requiram, ne avertas faciem tuam à me.*

b Scis igitur, occultorum cognitor Deus, quia non solum terrâ & omnibus quæ in eâ sunt, sed ipso Cœlo, & omnibus quæ in eo sunt, tu mihi carior, tu acceptior, tu amabilior es; diligo enim te supra Cœlum & terram, & cætera omnia, quæ in eis sunt.

c Quidquid enim cœli ambitu continetur, inferius ab anima humanâ est, quæ facta est ut summum bonum superius possideret, cujus possessione beata fieret.

VII.

Heu mihi quia incolatus meus prolongatus est! habitavi cum habitantibus Cedar, multum incola fuit Anima mea.
Psal. 119.

AN peragit solitis Phœbi rota curfibus annum,
Sidereūque suo tempore finit iter?

M 2

Credi-

a Aug. med. cap. 40. *b* Ambr. in orationib.
c Aug. soliloq. cap. 20.

Credideram fractis currum consistere loris,
 Tempora tam lentis ire videntur equis.
 Hei mihi, decretos jam dudum explevimus annos,
 Nec tamen è vitâ cedere Parca jubet!
 Cur mea tam longo ducuntur stamina filo?
 Debueras, Lachesis, deproperasse colum.
 Ecquid in his adeò delectet vivere terris?
 Quidve quod invitet, tristis hic orbis habet?
 Quælibet, ab! simili mihi mors minùs aspera
 vitæ est.

Si genus hoc mortis vita vocanda fuit,
 Nempe gradu stabili nihil hic immobile constat,
 Cuncta sed assiduâ mobilitate fluunt.
 Manè dies oritur Phœbeo splendor auro,
 Squallidus emoritur, nocte premente, dies.
 Nox subit Astrorum rutilis comitata choreis,
 Nox iterum Cœlo, sole fugante, fugit.
 Nunc Zephyro gremium tellus spirante recludit,
 Nunc claudit gelidos, stante Aquilone, sinus.
 Nunc canet nivibus, nunc spargitur alba pruinis,
 Nunc tepidi solis veris amicta viret. (das,
 Mollia jam liquidas pandunt freta navibus un-
 Jam tenet inclusas unda gelata rates.
 Nunc agitat tumido venti fera praelia Ponto,
 Nunc stagnat placidis cœrula Tethys aquis.
 Humidus effusis nunc liquitur imbribus æther,
 Nunc aquâ nitidus stat sine nube Polus.
 Nunc fragor horrisono Cœlum quatit omne tu-
 multu,
 Nunc silet, & superas pax tenet alta plagas.
 Deniq; (quæ reliquos superant incommoda casus)
 Mœsta ferè in mediis vita trabenda feris.

Quæque

Quaque domus hominum, magè sunt spelæa ferarum,

Quique homines, hominum nil nisi nomen habent,

Scilicet infidiæ, fraudesque dolique triumphant,

Nec, nisi quod rigido jus datur ense, viget.

Exulat hinc pietas, terrisque Astræa recessit,

Fasque relegatum sub pedibusque jacet.

Adde loci faciem; locus est inamabilis, & quo

Libera vix risu solvere corda queas.

Martius, heu! sevis ardet furor undique bellis!

Nec numerat plures altera terra neces.

Hostibus in mediis, inter gladiosque facèsque,

Hæc geris arma manu, quæ seris arva manu.

Quis velit in tantis tolerare laboribus annos,

Sortis & assiduis ictibus esse scopus?

Hei mihi, decretus, jam dudum explevimus annos!

Tempora cur fati sunt ita lenta mei?

Tempora cum numero (numero quæ sæpius exul)

Iure graves damnat nostra querela moras.

Nec scio quæ cæcas hebetent obliviam mentes,

Omnia queis longi sunt sua vota, dies:

Crediderim miseræ nescire pericula vitæ,

Nec quàm sit gravis hic conditione locus.

Nam bona fiderei si nossent maxima mundi,

Arceri patriam se quererentur humo.

Sed procul absentes cœlestia gaudia fallunt,

Raræque de Cœlo nuncia rumor habet.

Hei mihi, quàm procul his distas, mea patria, terris!

Quàm procul à cœli finibus exul agor?

*Exulibus quoddam tellus fuit ultima, Tybur;
 Me profugam satis ultimus orbis habet.
 Et nondum infaustas colui satis incola sedes,
 Squallentes tenebris, tristitiâque domos?
 Sexta Ceres casis quoties procumbit aristis,
 Servus ab Hebræo pilea sumit hero:
 Cur ego non etiam servili emancipor agro?
 Et rudis immunem verbere virga facit?
 Cur patriæ fines, portûsque relinquere cogor,
 Nec sinor ætherios exul adire lares?
 Deserit externas peregrina Ciconia sedes,
 Inque suas revolat, per mare vecta, domos.
 Nuncia veris avis, nidos quoque mutat hirundo,
 Cum redit ad notos Bistonis ales agros.
 Urbe relegatus, patriis Antistius oris,
 Redditus, exilii sine favente, fuit.
 Hei mihi, cognatis cur exul abarceor astris?
 Nec sinor illa meo tangere regna pede?
 Lux mea, rumpe moras, satis his habitavimus oris,
 Aut quo non potui corpore, mente ferar.*

*Heu mihi quia incolatus meus prolongatus
 est! habitavi cum habitantibus Ce-
 dar, multum incola fuit Anima mea.
 Psalm. 119.*

** T*ÆDET enim me, Domine, valde
 vitæ hujus, & istius ærunnosæ pere-
 grinationis! Tota quippe vita ista, intelligen-
 tibus tribulatio est; sunt enim duo tortores
 animæ,
*a August. med. cap. 11. August. serm. 42. de
 verbis Domini.*

animæ, non simul torquentes, sed cruciatu alternantes. Horum duorum tortorum nomina sunt, timor & dolor. Quando tibi benè es, times; quando malè es, doles.

a Vita hæc, vita misera, vita caduca, vita incerta, vita laboriosa, vita immunda, plena miseriis & erroribus, quæ non est vita dicenda sed mors; in quâ momentis singulis morimur, per varios mutabilitatis defectus, diversis generibus mortium. Mors ista vitalis, & vita mortalis, licet his aliisque sit respersa amaritudinibus, proh dolor! quàm plurimos suis capit illecebris, & quàm multos suis falsis promissionibus decipit!

b Dulcem [namque] hanc lucem, quâ nunc utimur, illi dicunt, qui dulcedinem veræ lucis ignorant, sed ne auspicia quidem veri luminis ulla senserunt, nec sciunt Angelicam vitam sperandam esse animæ, cùm ex vanitate hujus vitæ evaserint.

c Quid amissa cœlesti patriâ, repulsus homo delectatur exilio?

d Vitium [hoc est] nostræ infirmitatis, qui voluptate corporis; & delectatione vitæ istius capimur, & cursum hunc consummare trepidamus, in quo plus amaritudinis, quàm voluptatis est. At non sancti ac sapientes viri, qui longævitatē vitæ hujus ingemiscebant, dissolvi & cum CHRISTO esse pulchrius æsti-

M 4 mantes:

a August. med. cap. 21. *b* Origen. homil. 1. in Psalm. 38. *c* Gregor. l. amor. in cap. 14. Job. *d* Ambros. de bono mortis cap. 2.

æstimantes : denique idem generationis suæ execrabantur, sicut ille qui ait, *Pereat dies illa: in quâ natus sum.* Quid enim est, quo hæc vita delectet? plena ærumnarum & sollicitudinum, in quâ innumeræ calumniæ & multæ molestiæ, & multæ lacrymæ eorum qui affliguntur molestiis, & non est, inquit, qui eos consoletur, & ideo laudat Eccles. *defunctos magis quàm viuentes.*

a Vita [certè] mea, vita fragilis, vita caduca, vita quæ quantò magis crescit, tantò magis discescit; quantò magis procedit, tantò magis ad mortem accedit. Vita fallax & umbratica, plena laqueis mortis; nunc gaudeo, nunc statim tristor, nunc vigeo, jam infirmor, nunc vivo, statim morior, nunc felix appareo semper miser, nunc rideo, nunc fleo; sicque omnia mutabilitati subjacent, ut nihil una horæ in uno flatu permaneat.

b *Nec terra intrepida est, quatitur sed turbine venti,*

*Inq, vicem cedunt tempora prompta sibi
Nox tegit atra diem, tempestas æthera fuscatur,
Astrorum obscurat sol radiânsque decus.
Sol tegitur nebulis, redivivâque luna resurgit,
Dimidiâ Cælum parte latetque sui.*

c *Quæ vita hæc? tumulum? à tumulo peto rursus,
& ignis*

Post tumulum rursus me tumulabit edax.

Idque

a Aug. soliloq. cap. 2. b Nazianz. Carm. de human. nat. c Nazianz. Carm. de externi hominis vilitate.

*Idque ipsum est, quod vivo, velut rapidissimus
amnis,*

Qui sursum exoriens semper ad ima fluit.

a Est enim præsens vita *Incolatus* & quid dico *incolatus*, cum res sit vel *incolatus* inferior, unde *Christus* etiam, ipsam vocavit viam, dicens : *angusta est porta, & arcta est via quæ ducit ad vitam.*

b Via quippe est vita præsens, quâ ad patriam tendimus; & idcirco hîc occulto iudicio, frequenti perturbatione conterimur, ne viam pro patriâ diligamus. Solent enim nonnulli viatores, cum amœna fortasse in itinere prata conspiciunt, pergendi mōras innectere, & à cœpti itineris rectitudine declinare; eorumque gressus tardat pulchritudo itineris dum delectat. Electis ergo suis ad se pergentibus Dominus, hujus mundi iter asperum facit, ne dum quisque vitæ præsentis requie, quasi amœnitate vitæ pascitur; magis eum diu pergere, quàm citiùs pervenire delectet; ne dum oblectatur in viâ, obliviscatur, quod desiderabat in patriâ.

c Sed hæc est doctrina optima atque adeò prima, scire nos esse *inquilinos in vitâ præsentî*. Qui rerum quæ hîc sunt, est hospes, erit rerum supernarum civis. Qui eorum quæ hîc sunt, est hospes; non lubenter versabitur in præsentibus. Non domus, non pecuniæ, non alimentis, nec alterius ejusmodi curam gerit, sed

M s — quemad-

a Chrys. in Psal. 119. b Gregor. lib. 23. mor. cap. 24. in cap. 33. Job. c Chrys. in Psal. 119.

quemadmodum qui in aliena versantur, nihil non agunt & procurant ut patriæ suæ reſtituantur, & quotidie urgent & feſtinant, ut eam quæ eos tulit, videant. Ita etiam qui amore futurorum tenetur, nec rebus præſentibus adverſis animum demittet, nec ſecundis effe-
ret, ſed utraſque prætercurret tanquam qui viam ingreditur. Quocirca jubemur etiam dicere in Oratione: *Adveniat Regnum tuum*, ut illius diei deſiderium & cupiditatem animo noſtro verſantes & ipſum præ oculis habentes, ne videamus quidem præſentia. Si enim Judæi Hieroſolymam deſiderantes, etiam poſtquam liberati ſunt, deſcent præterita; quænam dabitur nobis venia, quænam relinquetur deſenſio, ſi non ſupernæ Hieruſalem teneamur vehementi deſiderio? Vide ergo quomodo hi quoque lamentantur, quod cum illis verſentur: *Habitavi dicentes, cum tabernaculis Cedar, multum incola fuit anima mea*: Hic enim non ſolum deſcent quod in aliena habitent, ſed etiam cum Barbaris verſentur. Neque enim hæc vita eſt eò tantum laborioſa, quod plurimam habet vanitatem & curas importunas, ſed quod etiam multus ſit malorum proven-
tus. ^a Nihil eſt autem gravius & moleſtius, quam quæ eſt cum huiusmodi hominibus congreſſio. Eſt Barbarorum, cum iis in quos imperium obtinuerunt, inſtar ferarum agere; ut qui tuguriis & tentoriis utantur, & ad immanitatem ferarum ſint reſecti: ſed his multo ſunt efferaciores, raptores, avari & qui impu-
dicæ,

dicè, ac libidinosè & in deliciis vitam transigunt. *Multum incola fuit anima mea*; non multum propter multitudinem, sed propter rerum difficultatem. Etsi enim sit exiguum, videtur esse multum iis qui affliguntur. Nonnulli è vulgo, pusilli & abjecti animi, qui etsi per multos annos vixerint, eos paucos esse dicunt. Quibus, quid esse potest à ratione alienius? quid verò crassius iis, qui cœlo proposito, & iis bonis quæ sunt in cœlis, quæ *nec oculus vidit, nec auris audivit*, ore hianti umbras stupent, nec volunt vitæ præsentis Euripum trajicere, in perpetuis fluctibus, tempestatibus & naufragiis volutati?

a O via quæ tantos decipis, de propriis tantos seduxisti, tantos excœcasti! Quæ dum surgis, nihil es: dum videris umbra es, dum exaltas fumus es. Dulcis es stultis, amara sapientibus, qui te amat, non te cognoscit, qui te contemnunt, ipsi te intelligunt. Væ qui tibi credunt! Beati qui te contemnunt! vera non es vita, quam tu ostendis. Aliis ostendis te longam, ut perdas in finem, ut faciant quod volunt aliis brevem, ut dum pœnitere volunt, non permittas. Sic est vita nostra, quasi homo in domo alienâ, nesciens quâ horâ vel die Dominus domus dicat: vade foras, quia non est tua domus in qua es. O sæculum vanum! quid nobis tanta promittis, dum decipis?

b Erravi fateor, sicut ovis perdita, & incolatus
M 6 meus

a August. serm. 49. ad fratres in Eremito.

b Ambros. in orationib.

meus prolongatus est; atque procul projectus sum à facie Dei mei, in hanc exilii cœcitatem, ubi expulsus à Paradisi gaudiis, deploro quotidie mecum super miseras captivitatis meæ, lugubre carmen, ingentesque lamentationes, dum recordor tui, mater Hierusalem, dum stant pedes mei in atriis tuis sancta & decora Sion!

a Heu quassa nostro CHRISTE mi, vis concidit!

Heu quas procellas excitat corpus mihi!

Heu quàm incolatus se meus longè extulit!

Omnino rerum sum satur presentium,

Census, inopiæ, gaudii, molestiæ,

Famæ, decoris, hostium, & chari gregis.

b Infelices quorum vita est in exilio, vita in periculo, finis in dubio, nesciens finem nostrum, quia omnia in futurum reservantur incerta. Adhuc in Pelagi fluctibus versamur suspirantes ad te, portum maris. O patria nostra! patria secura! à longè te videmus, ab hoc mari te salutamus, ab hac valle ad te suspiramus, & nitimur cum lacrymis, si quo modo ad te perveniamus.

c Sed quia dum sumus in corpore, peregrinamur à te Domine, non habemus hîc civitatem manentem, sed futuram inquirimus; noster autem municipatus in cœlis est. Ideò duce gratiâ tuâ, ingredior in cubile cordis mei: & canto tibi amatoria, Rex meus, & Deus meus, gemens inenarrabiles gemitus, in loco peregrinationis meæ, ubi cantabiles mihi sunt factæ justificationes

a Nazianz. ad Christum. Alibi optant finem vitæ. b Aug. soliloq. cap. 35. c Aug. med. cap. 18.



*Infelix ego homo, quis me liberabit de
corpore mortis huius, ad Rom. an. 7,*

tionem tuam. Et recordans Hierusalem, extendo in eam, sensum cordis; Hierusalem patriam meam, Hierusalem matrem meam; teque super eam regnatorem, illustratorem, patrem, tutorem, patronum, rectorem, pastorem, castas & fortes delicias, solidum gaudium & omnia bona, ineffabilia simul omnia, quia unum summum & verum bonum,

a O gaudium super gaudium, vincens omne gaudium, extra quod non est gaudium. Quando intrabo in te, ut videam Deum meum, qui habitat in te? Ibo illuc, & videbo visionem hanc grandem. Quid est, quod me detinet? Heu me quia incolatus meus prolongatus est! Heu me quamdiu dicetur mihi; ubi est Deus tuus? Quamdiu dicetur mihi: *expecta, reexpecta* & nunc, quæ est expectatio mea? nonne Deus meus? Salvatorem expectamus Dominum nostrum IESUM CHRISTUM, qui reformabit corpus humilitatis nostræ configuratum corpori claritatis suæ. Expectamus Dominum quando revertatur à nuptiis, ut indicas nos ad suas nuptias.

VIII.

Infelix ego homo, quis me liberabit de corpore mortis huius? *Ad Roman. 7.*

Infelix! ubi nunc bona tot, quæ perditam plango,

Sed frustra, planctu non revocanda meo?

M 7

Tot

a Aug. soliloq. cap. 35.

*Tot bona! quid repetit dolor! ah! meminisse no-
cebit:*

*Amissæ cruciant dum memorantur opes.
Utilius veteris fortunæ nescius esses.*

*Cum mala sors fato deteriore premit.
Passim hominum satyra est, decepti noxaparentis,
Stultitiæ solus scilicet ille reus. (dit;*

*Adam, Adam simplex, Adam, Adam uxorius au-
Pluribus, aut totidem vapulat Eva probris.*

*Non ego sic: sed, si gemitus finit edere vocem,
Pars, fateor; mundi in crimine, magna fui.*

*Te quoque, cui primos studium damnare parentes,
Peccati memorem convenit esse tui.*

*Cum vitæ & mortis non felix alea jacta est,
Collusor proavi dilapidantis eras.*

*Credite posteritas, Adam vos estis & Eva,
Et vestra pomum corripuere manus.*

*Hinc nudi, gens pelliceâ dignissima zonâ,
Et pudor & dolor, & Numinis ira sumus.*

*Non querar acceptæ tot publica vulnera cladis,
Materies elegi sum satis apta meis.*

*Ordior à cunis; hinc mecum lacrymana nata est,
Hinc docuit vitæ syllaba prima, queri.*

*Mensis erat Majus, mensis gratissimus orbi,
Sed, mea si reputem fata, December erat.*

*Septima lux ibat, quæ si suprema fuisset,
In cineres issset muta querela meos.*

*Cum tandem post luctam uteri horribilesque ulu-
latus;*

Progenies cervæ parturientis eram. (es,

O Mater, scio, tunc Mater, nova facta Rebecca

Tunc serus subiit virginitatis amor.

Dirigit

Diriguit nutrix, pallens pater ora retorfit,

Et cunæ in lævum procubuere latus.

Horror & horror erat, vox omnibus, omnibus una.

Heu puer, heu quantis gignitur ille malis!

Atra dies, Ægyptiacâ dignissima nocte;

Quâ, de me, licuit dicere; Natus homo est.

Atra dies! neque te Titan, neque Cynthia nôrit,

Nec statura qui Cœli tempora, Janus agit.

Illa dies, abeat Grajas orsura Kalendas,

Nullus eam cupiat mensis habere suam.

Si redeat, redeat piceis frontem obsita nimbis,

Et gelidum densâ grandine tunſa caput.

Tum tonitru & fulmen funesto ad verberet igne,

Et sibi sic hostem noverit esse Deum.

Sentio jam, quod fatidici plorastis amici:

Mentitur vitæ, clepsydra nulla mea.

Tanti erat hæc soboles, lacrymis assuevimus indè;

Indè oculos raro deservêre meos.

Nam postquam posita est praetexta, nucesq, tro-
chusq,

Et bulla ad patrios victima facta lares;

Tunc ego, quæ melius nescirem, discere cœpi;

Primus erat, sortem plangere posse, dolo.

Et vix posse datum est, sæpè obluctata fuit mens,

Naturæ impatiens sub pede serva premi.

Surgere sæpè adnixa, suoque irrumpere Cælo,

Nec poterat pigra tollere corpus humo.

Tum vibrans, ¹ oculos ⁸ tristi valdè imbre natantes,

Ab superi! dixit, (cætera fletus erant)

Et rursum ab! ab! (sed per luctisonos singultus

Ipsē sibi obfistens non finit ire dolor)

Sie

Sic puto Rex fremuit, dum crescere cornua sensit.

Qui bos ex homine est, de bove factus homo.

O Deus, ô superi, sapientia vincitur! ô quis,

Qui me mortali corpore solvat; erit?

O quis erit? nostris qui cantet in auribus, istud

Quod voveo toties, ilicet, ô quis erit?

Ille, necaturum mihi mergat in ilia ferrum,

Pocula Thessalico misceat ille favo.

Nec liquido plumbo, nec avaro terreor unco,

Mors misera quavis conditione placet.

Æratos gemitu doceam mugire juvencos;

Supposito quamvis excrucienda rogo.

*Aut etiam jubeam (quanquam pudor ista vos
vere)*

Inter Ulysseos exululare lupos.

O Deus, ô superi, patientia vincitur! ô quis

Qui me mortali corpore solvat, erit?

Parce Deus, ne crudelem vox impia jactet,

In furias quando præcipitata ruit.

Hic propè barbaries poterit clementia dici,

Ad pœnas veniat si stupefacta meas.

Corpora corporibus conjunxit mortua vivis

Ille, hominem quem vix dicere fama potest.

Me, vivum cruciat (magis hoc feralè) cadaver;

Nec, quæ dissidium finiat hora, venit.

*Infelix ego homo! quis me liberabit de cor-
pore mortis hujus? Ad Roman. 7.*

*Quomodo vivit anima operta mortis invo-
lucro?*

aCorpo-

a Ambr. serm. 22, in Psalm. 118.

a Corpori quoniammodo conjunctus sim, haud equidem scio; quoque pacto simul & Imago Dei sim & cum cœno voluter; quod & cum pulchrâ valetudine est, bello me lacescit; & cum bello premitur, mœrore me afficit: quod & ut conservum amo, & ut inimicum odi atque adversor; quod & ut vinculum fugio & ut cohæres vereor: si debilitare illud & conficere studeo, jam non habeo quo socio & opitulatore ad res præclarissimas utar; sin contra, ut cum socio & adjutore mitius agam, nulla jam ratio occurrit, quâ rebellantis impetum fugiam, atque à Deo non excidam, compedibus degradatus, vel in terram detrahentibus vel in eâ desinentibus. Hostis est blandus & placidus, insidiosus amicus. O miram conjunctionem & alienationem! Quod metuo, amplector; quod amo pertimesco. Antequam bellum gesserim, in gratiam redeo; antequam pace fruam, ab eo diffideo.

b Cur carnis laqueis tu me, Pater, implicuisti?
Cur vitæ misera, cur cœnosque baratbro?

c Ecce corpus quod corrumpitur, aggravat animam. Vitam ergo habet anima in corpore corruptibili. Qualem vitam? onera patitur, pondera sustinet. Ad ipsum Deum cogitandum (sicut dignum est, ab homine cogitari Deum) quanta impediunt veluti interpellantia de necessitate corruptionis humanæ? Quanta revocant? quanta à sublimi intentione detorquent?

a Nazianz. Orat. 16. *b* Nazianz. carm. ad Christum. *c* August. in Psalm. 102.

quent? quanta interpellant? quæ turba phantasmatum? qui populi suggestionum? [Jam] qui non ægrotat in hac vitâ? quis non longum languorem trahit? Nasci hîc in corpore mortali, incipere ægrotare est. Quotidianis medicamentis fulciuntur indigentia nostræ. Quotidiana medicamenta sunt refectiões omnium indigentiarum. Fames, nōne te occideret, nisi medicamentum apponeres? Sitis, nōne te perimeret, nisi eam tu bibendo non penitus extingueres, sed differres? reditura est enim sitis paullulum temperata. Temperamus ergo istis fomentis ærumnam ægritudinis nostræ. Stando lassatus eras, sedendo reficeris: ipsum sedere medicina est lassitudinis. In illa medicina rursus lassaris, diu sedere non poteris. Quicquid est, ubi fatigationi succurritur, alia fatigatio inchoatur.

a Quod melius ostendimus; si prius carnis, & post, pondera mentis exprimamus, ut enim taceamus hoc, quod dolores tolerat, quod febribus anhelat, suâ quâdam ægritudine constringitur. Ipsa hæc corporis nostri, quæ salus vocatur, ægritudo est. Nam otio tabescit, opere deficit: inedia deficiens, cibo reficitur ut subsistat; refectiōne lassescens, abstinentiâ relevatur, ut vigeat; aquâ perfunditur, ne arescat; linteis tergitur, ne ipsa nimis perfusione liquefiat; labore vegetatur, ne quiete torpeat; quiete refovetur, ne laboris exercitatione succumbat, fatigatur vigiliis, somno repara-

a Greg. cap. 22. in c. 7. Job.

reparatur; oppressa somno, vigiliis excutitur, ne suâ pejus quiete lassetur; vestibus tegitur, ne frigoris adversitate penetretur; quæsito calore deficiens, aurarum flatu refovetur; cumque indè molestias invenit, unde vitare molestias quæsit, malè sauciata (ut ita dixerim) de ipso suo medicamine languescit. Remotis ergo febribus, cessantibusque doloribus, ipsa nostra salus ægritudo est, cui curandi necessitas nunquam deest. Quot enim solatia ad vivendi usum quærimus, quasi tot ægritudini nostræ medicamentis obviamus. Sed ipsum quoque medicamen, in vulnus vertitur, quia exquisito remedio paulò diutius inhærentes, ex eo gravius deficimus, quod providè ad refectiorem paramus. Ipsa quoque mens nostra, à secreti interioris securo gaudio exclusa, modò spe decipitur, modò pavore vexatur, modò dolore dejicitur, modò falsâ hilaritate relevatur; transitoria pertinaciter diligit, eorumque amissione incessanter atteritur, quia & incessanter, cursu rapiente, permutatur.

a Habes, ô anima mea inimicum domesticum, hostem amicum, adversarium propinquum, qui tibi malum pro bono reddidit, & sub specie amicitiae crudelior existens inimicus, his omnibus & aliis infinitis bonis te privavit! Hic hostis, (salvâ tuâ reverentiâ) est caro infelix & misera, multum tamen tibi dulcis & dilecta. Hanc cum pavisti, inimicum pessimum contra te erexisti. Hanc cum honorasti,

a Bonav. c. i. soliloq.

norasti, hostem crudelissimum contra te armasti. Scio, inquit, Bernardus, ô anima, quendam qui plures annos tecum vixit, ad mensam tecum fedit, cibum de manu tua sumpsit, & in sinu tuo dormivit; cum voluit, tecum colloquium habuit. Hic jure hæreditario servus tuus est, sed quia delicate nimis enutristi eum, & virgæ pepercisti, levavit calcaneum super caput tuum, & te in servitutem redegit. O anima miserabilis & misera, quis te liberabit de vinculo improprietatis hujus! Recordare, ô anima, primordia tua; attende quod es insignita Dei imagine. Quid tibi cum carne, unde ista pateris? si diligenter conditiones ejus advertis, nunquam vilius sterquilinum vidisti; si ejus misérias enumerare velis, quam onusta sit peccatis, pruriens concupiscentiis, occupata passionibus, polluta illusionibus, confusione plena; & ignominia repleta, quid eâ habes aliud quam cogitationes foedas & immundas?

*a Exitiosa caro, Belia tenebrosa procella,
Exitiosa caro, quâ fluit omne scelus!*

*Coenum, massa gravis plumbi, limosa catena,
Bellua pugnaci prodita materia.*

*Pestifer æstus, heræq; tuæ vinclum atq; sepulchrum
Formæ, quæ superâ venit ab arce mihi.*

b Non sine causâ dictum est; hominum plasmatum, non de terrâ quâlibet, sed de limo. Vide enim quâm limosum sit corpus, quod ipsi quoque spiritu tam fortiter, & pene indissolubiliter

a Nazianz. carm. advers. carnem. b Bern. serm. de tripl. gen. cogita.

biliter inhæret, ut vix cum multâ afflictione possit aliquando separari.

a *Eja age mens, nam te tunc alloquar, atque ea dicam,*

Quæ fore narratu non aliena puto.

Ecquides, ô mea mens? & quis tibi contigit ortus?

Atque cadaver olens quis tibi fortè dedit?

Quis solidis vitæ astrinxit gravibusque catenis,

Pendentem assidue lumina fixa solo?

b *Universa vanitas omnis homo vivens, quî autem de hac vitâ accipiat ista sententia; audi Ecclesiasten protestantem & dicentem: laudavi omnes, qui mortui sunt super omnes qui vivunt, cuicumque ipsi vivunt usque modò, & bonus super istos duos qui nondum natus est. Laudat ergo mortuos plusquam vivos; quia illi hoc saltem lucri habent, quòd de vinculis hujus corporis liberati sunt, nec ultra carne ac pellibus induti sunt, nec ossibus ac nervis inserti sunt, nec ultra subjacent necessitati corporis. Si ergo intellexisti, quale sit vivere in carne (etiamsi Moyses sit quis, vel quisquis ille est) molesta ipsi est ista vita. Non enim à corruptione resolvitur, quæ mortali corpore, terrenoque circumdatur: vide ergo, quoniam *universa vanitas est omnis homo vivens*; contemnamus istam vitam, & festinemus ad sanctam vitam & beatam ac veram, & in illam animo & mente tendamus, omni vanitate discussâ.*

c *Ex quo enim quisque in isto corpore morituro*

a *Nazianz. carm. de hum. nat. b Orig. hom. I. in Psalm. 38. c Aug. lib. 13. de Civ. cap. 10.*

rituro esse cœperit, nunquam in eo non agitur, ut mors veniat. Hoc enim agit ejus mutabilitas; toto tempore vitæ hujus, si tamen vita dicenda est, ut veniatur in mortem.

a Et ideò laudat Ecclesiastes defunctos magis quam viventes, & *optimus*, inquit, *supra hos duos qui nondum natus est*. Et alibi idem Ecclesiastes, meliore longævo viro asseruit, quem ab ortu ejecit mater sua, qui non vidit hæc mala, quæ fiunt in hoc mundo, nec in has venit tenebras, nec in vanitate ambulavit sæculi. Quid enim boni est homini in hac vitâ?

c Cognovit se Paulus in miseriâ, in gemitu, in rixâ, in contentione: ipse secum sibi non concordans, à se dissonans, à se resiliens. Et quid ait optans pacem, pacem veram, pacem supernam? *Infelix ego homo, quis me liberabit de corpore mortis hujus?*

IX.

Coardior è duobus, desiderium habens dissolvi, & esse cum CHRISTO. *Ad Phil. 1.*

Quid faciam gemini flammata cupidine voti?
Anteferam terras? anteferamne Polum?
 Terra tenet, cælum revocat; lis magna moratur,
Jamq; volentem animum pondere membra premunt.

*Sed procul illecebra, semel impete rumpere modum
 Præstat, & è vinclis eripuisse pedes.*

Pergite

a Ambr. lib. de bono mortis cap. 2. b August. in Psalm. 102.



Coarctor é duobus, desiderium habens dissol-
vi, et esse cum Christo. Ad. Phil. i,

Pergite festina persolvere stamina Diva,
 Nec Letho clausa sint veniente fores.
 Affice, lux, quanto luxentur brachia nisu;
 Utque ferè à membris distrahar ipsa meis.
 Distrahar ut mediam tibi me conjungere possim,
 Unàqua sit saltem pars tibi nixa mei.
 Non finis, & rides nil proficientia vota,
 Quòdque negas toties, vis tamen usque peti.
 En peto quod renais, geminasq; exporrigo palmas,
 Et tibi, quas nequeonectere, tendo manus.
 Sape mibi de te, mendacia dulcia fingo,
 Vincula ceu positâ compede fracta forent:
 Et dico; meus hic, prendique & prendere certat,
 Meque sed ut video, dissimulante amat.
 Tam bona credulitas erat baud indigna favore,
 Debuératque meos expediisse pedes.
 Si tamen implicitam pedicis, cupis usq; teneri,
 Hic ego conatu deficiente cadam.
 Ast redit, & velut allabens sese ingerit ultrò,
 Spemque iterum nutu sollicitante facit.
 Surgam supremumque amplexibus obvia cur-
 ram,
 Collaque furtivâ fraude, negata petam.
 Quàm propè, quàm propè sum! vestis pars ultima
 tacta est.
 Jam puto, vicinâ prendere posse manu.
 O Amor! ô dolor! affectum deludis hiantem,
 Decipit amplexus mobilis aura meos!
 Et licet aut digitis tribus aut vix quatuor absis,
 Semotus medio crederis orbe mihi:
 Nempe pater Pelopis sic poma fugacia captat,
 Poma datam toties fallere docta fidem.

Dum

Dum modò prona arbor patulo super incubat ori,
 Osque iterum, fructu decipiente, fugit.
 Ludicra res Amor est, fallique & fallere gaudet,
 Sed fraus supplicio non caret illa suo.
 Decepti, quo tormento crucientur amantes
 Exemplo poterit discere quisque meo:
 Quisque alium ludit (sed rarum est ista fateri)
 Ipse suo patitur vulnera facta dolo.
 Nescieram, mea lux, istis de fraudibus uti.
 Sed nimis expertam jam sua poena docet.
 Ut canis indomitâ jaetans cervice catenas,
 A populo solvi prætereunte rogat;
 (Ni faciat, querulis ululans latratibus auras,
 In sua converso vincula dente furit.)
 Sic queror & supplex toties ad vota recurro
 Ut præstes, quam me poscere cernis, opem,
 At postquam implacido vertisti lumina vultu
 Nec placuit pedibus demere vincla meis.
 Clamavi; ô truculentum & inexorabile pondus!
 Quin etiam dicta est sæpè catena nocens.
 Hanc trahat Autolycus, trahat hanc furivus
 Orestes,
 Aut qui tardipedes vertit in antra boves.
 Sentiât hanc Scythicâ damnatus rupe Prome-
 theus;
 Aut Scinis, aut scelerum quis feritate prior.
 Scilicet à nimio venit hæc dementia luctu,
 Error & hic sese quo tueatur, habet.
 Compeditibus facile est sævoque ignoscere ferro,
 Durior at vinculis qui ligat illa, suis.
 O ubi littoreâ vindictam qui rupe puellam
 Bellerophon volacri rettulit ales equo?

En ego

*En ego barbaricæ constringor mole catenæ
 Servus vi à rigido transfuga vinctus hero.
 Et quoties patrias assurgere nitor in auras,
 Deprimor hospitii pondere victa mei.
 Nempe ita dat pueris captus ludibria passer,
 Dum fugit & revocant fila reducta fugam.
 Et licet è dominis cœnetve, bibátve labellis,
 Mavult in sylvas liber abire suas.
 Sic quamvis nitidâ pasta bene corte palumbes,
 Anteferant cavea rûsque nemisque suæ.
 O mea si lacrymis mollescere vincula possent!
 Dudum essent lacrymis mollia facta meis.
 Lux mea, tende manus; contra tibi tendo catenas,
 Has nisi qui vinxit solvere nemo potest.*

Coarctor è duobus, desiderium habens dis-
solvi, & esse cum CHRISTO. Ad Phil. I.

***Q**UID faciam miser ego, gravedine com-*
pedis mortalitatis meæ constrictus? quid
faciam?

b Quanam hæc lex? cur me constringunt vincula
carnis?

Spiritus & socium tam grave corpus habet?

c Compedes sunt infirmitas & corruptibilitas
corporis, quæ aggravant animam; ab his compe-
dibus concupiscebat dissolvi Apostolus & esse
cum CHRISTO.

d Utinam remissa peccatorum mole, me [quo-
que] ultimum servorum CHRISTI, juberet

N
Divina

a Aug. med. cap. 37. b Nazianz. cur. de animæ
calam. c Aug. in Psalm. 78. d Aug. man. cap. 18.

Divina pietas, hanc carnis *sarcinam* deponere,
ut in suæ Civitatis gaudia æterna repausandus
transirem!

*a Corporeâ nec mole gravis mens vergat ad ima,
Ac veluti plumbi massa profunda petat.*

*b Me miserum, caro quem remoratur perfida, cali
Ad Dominum, cursu dum properante feror!
Ebenæidis instar*

*c Quæ velut injectâ properantem compede puppim
Detinet.*

*d Ab gravibus me solve, Pater supreme, catenis,
Inque Beatorum me trabe sanctæ choros!*

*e Solvimur enim hoc nexu animæ & corporis,
cum recedimus: unde & David ait, dirupisti vin-
cula mea. Mors igitur solutio est animæ & cor-
poris. Denique & in Apostolo docuimus lectum.
dissolvi & cum CHRISTO esse multo melius. So-
lutio autem ista, quid aliud agit, nisi ut cor-
pus resolvatur & quiescat, anima autem con-
vertatur in requiem suam, & sit libera, quæ si
pia est cum CHRISTO futura sit. Quid igitur
in hac vitâ aliud justî agunt, nisi ut exuant se
hujus corporis contagionibus, quæ velut vin-
cula nos ligant, & se ab his molestiis separare
contendant, renuncient voluptatibus atque lu-
xuriæ, fugiant flammæ libidinum?*

*f Justos enim quamvis nullus desideriorum
carnalium tumultus possideat; duris tamen vin-
culis*

*a Nazian. car. de animæ calam. b Nazian. in
luctu. c Nazian. præcep. ad virgines. d Nazian.
in luctu. e Ambr. de bono mortis, cap. 3. f Greg.
l. 4. mor. c. 40.*

culis eos in hâc vitâ positos, suæ molestia corruptionis, ligat: scriptum quippe est: *Corpus quod corrumpitur aggravat animam*. Eò itaque ipso quo adhuc mortales sunt, corruptionis suæ pondere gravantur, & *astricti molestiâ vincti sunt*, quia in illa adhuc libertate vitæ incorruptibilis non exurgunt, An non *duro molestiæ vinculo ligantur*, quorum nimirum mens, sine labore, in ignorantia solvitur, & non nisi cum studio laboris eruditur? quæ coacta exigitur, libens jacet, ab infimis vix levatur, & tamen elevata protinus labitur semetipsam laboriosè vincendo, superna conspicit, sed reverberata. An non *duro molestiæ vinculo ligantur*, quos cùm accensus spiritus ad sinum pacis intimæ pleno desiderio pertrahat, fervente certamine, caro perturbat? Quibus exceptis etiam *ea vincula* sustinent, quæ gravis exterius necessitas astringit; esurire quippe, sitire, lassescere vincula corruptionis sunt, quæ scilicet solvi nequeunt, nisi cùm in illam immortalitatis gloriam, nostra mortalitas permutatur.

a Sed cùm corruptibili carne exuimur, quasi ab his, quibus nunc astringimur, molestiæ *vinculis* relaxamur. Præsentari namque jam Deo cupimus, sed adhuc mortalis corporis obligatione præpedimur. Jure ergo *vincti* dicimur: quia adhuc *incessum nostri desiderii, ad Deum liberum non habemus*. Unde bene Paulus æterna desiderans, sed tamen adhuc corruptionis suæ sarcinam portans, *vinctus* clamat: *Cupio dissolvi,*

N 2

& esse

a Idem c. seq.

Esse cum CHRISTO, dissolvi enim non quæreret, nisi se procul dubio vinculum videret. Hæc autem vincula, quia certissimè rumpenda in resurrectione conspexerat, jam quasi rupta gaudebat Propheta cùm diceret: Dirupisti vincula mea, tibi sacrificabo hostiam laudis.

a [Sic] Simeon se dimitti postulabat à Domino, quasi à *vinculis quibusdam ad libertatem festinaret*. Sunt enim velut *vincula* quædam corporis hujus, & quod gravius est *vincula tentationum, quæ nos alligant & ad injuriam captivitatis astringunt* quædam lege peccati. Quid igitur tantopere istam vitam desideramus in quâ, quantò diutiùs quis fuerit, tantò majore *oneratur sarcinâ peccatorum?* unde Jacob dixit: *dies annorum vitæ meæ, centum triginta, minimi & mali;* non quia dies mali, sed quia nobis accessu dierum, malitiæ incrementa accumulantur.

Nullus enim dies sine nostro peccato præterit: unde egregiè Apostolus ait: *mibi vivere CHRISTUS est & mori lucrum;* aliud ad necessitatem vitæ referens, aliud ad mortis utilitatem. Et addidit: *Dissolvi enim & esse cum CHRISTO multo melius; permanere autem in carne magis necessarium propter vos.*

b Sed sicut auceps avium; aut visco aut reti in grano aliquo captum tenet passerem, & manu suâ subtilissimo funiculo ligatum retinet, & quasi dimittens laxum de manu suâ; dat ei liberam volandi potestatem; at ille avidus ad volandum, elapsus.

a Ambr. lib. de bono mort. c. 2. *b* Chrys. serm. de pœnit.

elapsūque se putans, alacer altiora appetit; sed iste summum funiculum tenens, restringit eum cū volaverit, & ad se trahit ab spe volandi & vivendi deceptum; ita & diabolus versutus venator & per spiritum præsumptionis, laqueo suo deceptum implicat hominem. Qui semel hæserit, vult quidem ab eo evelli, sed vinculum velox venator tenens, revocare captum semel in laqueo & revolutum premit.

a Quousque [ergo] hīc erimus affici? adhæsimus terræ tanquam vermes, in cœno volutamur: corpus de terrâ nobis Deus contulit, ut ipsum & in cœlum revehemus, non ut animam per ipsum *ad terram detrahāmus*. Terrenum est, sed si velimus efficitur cœleste? trahe te ipsum ad illum, qui te sursum tollit, *pondere quodam vetustatis gravaris*.

b *Erige te mea mens, capiant de oblivia mundi, Nec trahat in vitium te malè blanda caro.*

c Eja dulcissime JESU, transfige saluberrimo vulnere amoris tui medullas animæ meæ, ut verè ardeat, langueat & liquefiat, & solo tuo desiderio deficiat, *cupiat dissolvi & esse tecum*. Te solum semper esuriat, panem vitæ cœlestis qui de cœlo descendisti! te sitiāt fontem vitæ, fontem æterni luminis, torrentem veræ voluptatis, te semper ambiat, te quærat, teque inveniat, in te dulciter requiescat!

N 3

X. Educ

a Idem hom. 55. ad pop. Antio. b Nazianz. ad anim. c Bonav. c. 1. soliloq.

X.

Educ de custodiâ animam meam, ad confitendum nomini tuo. *Psal. 141.*

Libera quæ potui spatioſo ludere Cælo,
Cernis; ut anguſto carcere clauſa premar?
Heu dolor! ut miſeras me lux effudit in auras.
Ipoſa loco cavea membra fuere mea.
Pes compes, manicaque manus, nervique catena,
Oſſaque cancellis nexa cataſta ſuis.
Quo mihi cognati nativa repagula clauſtri.
Damner ut hoſpitii carcere vincla mei?
Siccine, more Chelys, brevibus tegar abdita con-
chis,

Regia cui Cœli vix ſatis ampla domus?
O quoties quæſiva fuga fuit anſa pudenda!
In votis quoties reſtis? Unda fuit?
Sapè quidem raptò felix Lucretia ferro,
Fauſtaque combibito Porcia dicta foco eſt.
Viſa nec Aſſyria triſtis mihi ſica puella,
Heu nimis in geminas prodiga ſica neces!
Sed negat hæc animis Numen ſolatia captis,
Nec ſinit hæc vinctos fata præire viâ.
Ergo Syracuſiis malim jacuiſſe cavernis,
Aut Danaës rigidâ delituiſſe ſerâ:
Nec verear curvæ Cretæa volumina ſepti,
Unde citam rapuit Dadalus ala fugam.
Proſugus immeriti damnet pia clauſtra ri-
goris,

Quæ ſibi ſollicitam non renuere fugam.
Si mihi ſideriis pateat vel rimula tectis
Non querar immites Ætheris eſſe fores.

Donec



*Educ de custodia animam meam, ad
confitendum nomini tuo. Psal. 121.*

Donec at hac captam retinent ergastula mentem,
 Mens nequit agnati templa subire poli.
 Quin sueta imperiis jacet hic captiva voluntas,
 Nec bona quæ, vincula velle sinunt.
 Euge semel nostræ, mea lux, succede catastræ,
 Quantula sit nobis experiere domus.
 Si tamen infidia vel ahena repagula terrent,
 Fac pateat demptâ janua laxa serâ.
 Captivum gemitu fertur revocasse Magistrum,
 Oblitus caveæ pſittacus ipse suæ.
 Eja graves reseras, nove Jane petulcie, vestes;
 Non erit hac dextræ gratia prima tuæ.
 Angelico, memini, patefactas impete portas,
 Claustrâque suffractis diffuisse seris;
 Cum stupuit lapsas manibus, pedibusque catenas,
 Vixque Petrus patulas credidit esse fores.
 Nullus obit nostris obses vadimonia vinculis?
 Liberat Herculeâ Thesea nullus ope?
 Oibi nunc Minyis fidissima turba maritis,
 Vincula pro captis ausa subire viris!
 Aut qui Wandalicis obses ergastula nervis,
 Ipse sui capitis jussit abire lytro?
 Lux mea, pande fores, in amœnâque claustra re-
 solve,
 Et sine fidereas ætheris ire vias.
 Aut spectanda tuo vis ducar præda triumpho,
 Ut Scytecus caveæ pompa Tyrannus erat?
 En manus, en digiti rimis hiscentibus extant,
 Cur ego non digitos tota manumque sequor?
 Quâ caput, hæc reliquæ subrepat cauda colu-
 bræ &
 Cur mihi serpentis lubrica pellis abest?

Cortis obit toties volucris captiva fenestras,
 Et notat an tacitæ rima sit ulla fuga;
 Nexâque sollicitans furtivo vimina rostro,
 Nativas nemorum tentat adire domos.
 O Catharis, niveique polo comes agminis Agnes!
 O casta Ursulidum, Sophiadumque cohors!
 Vos ego, dimidium vestri modò nobile testor
 (Dimidium vester quod sibi junxit amor)
 Pandite ferratos, ergastula barbara, postes,
 Inferar ut vestris dimidiata choris.
 Dimidium felix, vinclis socialibus exfors,
 Cui licet in plenas jam caluisse faces!
 Lux mea, tam durum residet tibi pectore ferrum,
 Ut neque captivæ commoveare prece?
 Non ego, sed nostræ Tu maxima caussa querelæ es;
 Spectat enim laudes ista querela tuas, (thris,
 Non benè conveniunt rigidis tua carmina cla-
 Quis queat in caveâ cantibus esse locus;
 Libera quæ cantat vernis avis Attica sylvis,
 Capta filet, solitos nec ciet ore modos.
 Eja age, pande fores inamœnâq; claustra resolve,
 Et sine fidereas ætheris ire vias.
 Aut tua si cupidam præconia dicere temnis,
 Invidus in laudes efficiere tuas.

Educ de custodia animam meam, ad confi-
 tendum nomini tuo. Psalm. 141.

A L A U D O quantum possum, tenuiter, exili-
 ter, infirmiter, quare? quia quamdiu su-
 mus in corpore, peregrinamur à Domino. Quare
 sic laudas Dominum? non perfectè, non sta-
 biliter?

a Augst. in Psalm. 14.

biliter? Interroga scripturam; quia *corpus quod corrumpitur aggravat animam, & deprimit terrena cogitatio sensum multa cogitantem*. Tolle mihi corpus quod aggravat animam & *laudo Dominum*. Tolle mihi terrenam habitationem, deprimentem sensum multa cogitantem, ut à multis in unum confluam & *laudo Dominum*. Quamdiu autem ita sum, non possum; prægravor.

a Nihil enim *præsens vita* differre videtur à carcere, sed sicut cum triste illud introimus habitaculum, circumdatos ac vinctos videmus catenis, ita etiam nunc, si (extra omnia nos phantasmata collocantes) unius cujusque ingrediamur vitam, ejusque animam contemplerur, videbimus eam durioribus ferro vinculis colligatam.

b In exitu ipso videamus, quemadmodum anima decedentis, paulatim *solvat se vinculis carnis*, & ore emissa, *evolet tamquam carceris corporis hujus exuta gurgustio*.

c Carcere homo circumdatur, quia plerumque & virtutum profectibus, ad alta exurgere nititur, & tamen carnis suæ corruptione præpeditur, quâ bene exui Psalmista deprecatur dicens: *Educ de carcere animam meam*.

Sancti autem viri, quia scriptum est, *corpus quod corrumpitur, aggravat animam*, intentione jam quidem ultra semetipsos eminent, sed ta-

N s men

a Chrys. in cap. 4. Matth. hom. 14. *b* Ambr. lib. de bono mortis, cap. 2. *c* Greg. cap. 17. in cap. 7. Job.

men adhuc infirmitatis suæ incertis motibus subditi corruptionis suæ se *carcere clausos* dolent. Ait ergo Job; *numquid mare sum ego, aut cetus, quia circumdedisti me carcere?* ac si aperte diceret; mare vel cetus (iniqui videlicet, eorumque auctor malignus spiritus) quia effrenari ad solam perpetranda iniquitatis licentiam appetunt, rectè poenæ suæ carcere constringuntur; Ego autem quia jam æternitatis tuæ *libertatem desidero*, cur adhuc *mea carcere corruptionis premor?*

a Videmus in hoc sæculo *insertos nexibus catenarum reos*, in specie pompæ miserabilis duci, & nonnumquam patiuntur insontes, ut tolerabilius sit mori, quàm talia subire supplicia. Optant utique audiri bene sibi conscii. Optant etiam hi qui gravibus flagitiis urgentur, poenam, mortis celeritate transigere, ut aliquanta compendia poenarum lucrentur, Spes est etiam de iudicis misericordia. Ipso exilio *claustra carceris* duriora sunt.

b Quemadmodum [igitur] eorum qui in carceres conjiciuntur; hi quidem in afflictione carceralium vinculorum detinentur, introclusi diuturniore temporis morâ; illi verò ab eâ calamitate submoventur, sic & animæ. Etenim hæc distinentur in præsentī vitâ diutiùs; aliæ minùs, pro cuiusque merito, dignitatēve, juxta Divinæ sapientiæ profunditatem, sic ut mens nulla hominum, ea possit attingere, quæ de
unoquo-

a Ambr. in Psalm. 118. *b* Basil. in hom. in Martyr. Julitram.

unoquoque nostrum ipse Creator prævidit. Non audis dicentem David : *Educ de carcere animam meam* ? Non audisti ut sancti ejus exsoluta anima est ? quid rursus Simeon , Dominum nostrum pio ulnarum astringens complexu , cujusmodi vocem emisit ? nonne hanc ? *Nunc dimittis servum tuum Domine*. Ei enim qui ad supernum & cœleste domicilium festinus contendit , supplicio omni , *omni carcere* gravior est hæc inhabitatio corporis.

a O misera sors hominis cum hoc perdidit ad quod factus est ! ô durus & dirus casus ille ! heu quid perdidit & quid invenit ! quid abscessit , & quid remansit ? perdidit beatitudinem ad quam factus est ; invenit miseriam , propter quam factus non est. Abscessit sine quo infelix est , & remansit quod per se , non nisi miserum est. Ærumnosi ! unde sumus expulsi ! quò sumus impulsii ? unde præcipitati ? quo obruti ? A patriâ , in exilium ; à visione Dei in cœcitatem nostram ; à jucunditate immortalitatis , in amaritudinem & horrorem mortis. Misera mutatio ! de quanto bono , in quantum malum ! grave damnum , gravis dolor , grave totum ! sed heu me miserum unum de aliis miseris filiis Evæ elongatis à Deo ? quid incœpi ? quid effeci ? quò tendebam ? quò deveni ?

b *Dissolve me, oro, à vinculis, quibus constriktus teneor, ut relinquens ista omnia, tibi festinam, tibi soli inhæream, soli intendam.*

N 6

a *Hinc*

a *Anselm. in prosolog. cap. 1. b* *Hugo de S. Victor. lib. 4. de anima cap. 4.*

a Hinc me, CHRISTE potens, educ jam, quæso,
malisque,

Queis crucior medicam protinus affer opem,
Unum homini est certumque bonum, fixumque
beata

Vita; animus cujus languet amore meus.

b Felix anima, quæ terreno resoluta corpore libera cælum petit! secura est & tranquilla, non timet hostem neque mortem: habet enim semper præsentem, cernitque indefinenter pulcherrimum Dominum, cui servivit, quem dilexit, & ad quem tandem læta & gloriosa pervenit.

c Tu [ergo] Domine expectatio Israël, desiderium ad quod suspirat cor nostrum quotidie; festina, ne tardaveris; surge, propera & veni, ut educas nos de isto carcere, ad confitendum nomini tuo.

d Veni Domine, & noli tardare, veni Domine JESU, veni & visita nos in pace; veni & educ vinctos de carcere, ut lætemur coram te, corde perfecto; veni Salvator noster; veni desideratus cunctis gentibus; ostende faciem tuam & salvi erimus; veni lux mea, Redemptor meus, educ de carcere animam meam, ad confitendum nomini sancto tuo! O verè felices, qui è carcere ad palatium pervenerunt!

XI. Que-

a Nazianz. carm. de hominis utilitate. *b* Aug. med. c. 13. *c* Aug. soliloq. c. 23. *d* Aug. soliloq. c. 35.



Quemadmodum desiderat cervus ad fontes
aquarum, ita desiderat anima mea ad te
Deus. Psalm. 41.

XI.

Quemadmodum desiderat cervus ad fontes aquarum, ita desiderat anima mea ad te Deus. *Psalms. 41.*

Scire cupis, mea lux, quibus intus amoribus
urar?

Quantâque flamma tui pectora nostra coquat?
Nec satis extulero sitientis imagine prati,
Aut violæ, nimio quæ jacet usta die.

Nec satis æstiferæ depinxero fulmine stellæ,
Cum canis ardenti sidere torret humum.

Ab! quàm pulvereæ Libyes patiuntur arenæ,
Æstuat hæc, nostro siccior ore, sitis.

Siccior Icario quàm dum canis imminet astro.
Aut violæ tosto flos cadit ustus agro.

Vis dicam, mea lux, quàm te meus ardor an-
helet?

Cervus ut irrigui fontis anhelat aquas.
Nempe venenifero pastus serpente medullas,

Cervus agit totis hausta venena fibris;
Aut humeros tincti trajetibus arundine teli,
Carpitur infestâ viscera tacta lue:

Ille furit, pectusque citatus anhelitus urget,
Cæcâque per sylvas saucius antra petit:

Antra petit fugiens salientibus humida lymphis,
Ut sua fontano guttura rore lavet.

Hic rivi scatebris fumantia temperat ora,
Pellit & amne sitim, pellit & amne luem.

Haud aliter scelorum mihi mens temerata ve-
neno,

Tela venenatâ combibit uncta manu.

Et modò combibitum populatur pectora virus.
 Ardet & in tacito noxia flamma sinu.
 Nempe graves, animi sunt toxica vindicis, iræ,
 Et tua quæ jaculas tela, venena, Venus.
 Quæq; gravant nimio spumantia pocula Baccho,
 Pocula quæ diro gramine pota necant.
 Afficis ut tumido turgescunt pectora fastu?
 Pectoribus fastus virus inane tumet.
 Quo sitiens igitur peterem de flumine lympham,
 Cum mea tam varium viscera virus edit?
 Ab! nescis te, nulla sitis hæc placatur ab haustu,
 Tu potes hanc solus, forte domare sitim.
 Scis etenim, mea lux, quam te, meus ardor an-
 helet,
 Cerrus ut irrigui fontis anhelat aquas.
 Cervus odorisequi fugitivus ab ore Molossi,
 In laqueos nullo sæpè sequente ruit:
 Tunc densam aspiciens venantum, hinc inde co-
 ronam,
 Tela super, saltu corpora fertur agens,
 Exoritur clamorq; canum, strepitusq; sequentum,
 Ille fugit, tergo cornua celsa locans;
 Ambiguusque pavet ne sit comprehensus, & ipsa
 Quæ jam præteriit tela, canesque timet
 Respediansque metu, per saxa, per avia currit,
 Igneus atque illi spiritus ore micat.
 Gutturæque ardenti flagrant arentia linguâ
 Quæq; sitim revelet, querit anhelus aquam.
 Tum fontis mediis venas rimatus arenis,
 Fontano rabidam mergit in amne sitim;
 Et bibit & potis largè se proluit undis;
 Haurit & exhausto robur opemque lacu.

Sic

Sic ego tartareis cingor, mea vita, sagittis,
 Ægraque flammata torreo ora sui.
 Hinc puer Idalius, premit hinc ad retia Bac-
 chus,

Et multâ ancipitem trudit uterque cane.
 Sublimes levis hinc suspendit Gloria casses.
 Hinc tumidus pedicis fallere tentat honor,
 Indè cohors magnis sociorum hortatibus instat,
 Et docet exemplo crimina quisque suo.
 Hei mihi quot circum venabula stricla minan-
 tur!

Ceu fera, cum cincto clausa tenetur agro.
 Mille vias repetens, infrâque, supràque pererro,
 Si qua mea pateant hospita lustra fuge.
 Tum mihi per siccas fitis aestuat ignea venas,
 Et sensim vapidas decoquit igne fibras.
 Fontis inops igitur ad flumina quæque recurro,
 Flamma sed hæc nullo flumine victa fugit.
 Sic cadit obscænos miles defessus inbaustus,
 Sit licet infami turbida lymphaluto.
 Sperabam effusis æstum compescere rivis,
 Æstus at infusæ gurgite crevit aquæ.
 Qualis in amne levem sectatur faucibus undam
 Tantalus, & fallit, quam dedit unda, fidem.
 Mobilibusque inbiat, deluso gutture, lymphis,
 Semper aquæ locuples, semper egenus aquæ.
 Scilicet haud simili calor hic extinguitur haustu
 Nec domat hanc cœni turbida lymphasitim.
 Cœlestis animus fitit insatiabilis undas,
 Cervus ut irrigui fontis anbelat aquas.
 Ite igitur pigro torpentia flumina stagno.
 Non bibit è vili gurgite nostra fitis.

Ite gra-

*Ite graves stygiis serpentibus, ite lacunæ,
 Noxia Tartareis flumina pasta vadis:
 Ite, sitit superi diæ mens fluminis undas,
 Cervus ut irrigui fontis anhelat aquas.*

*Quemadmodum desiderat Cervus ad fontes
 aquarum, ita desiderat anima mea ad
 te Deus. Psalm. 41.*

a **H**ic est mos amantium, amatorem non celare, sed enunciare vicinis, & dicere, se amare. Ardens enim res est natura dilectionis, nec potest anima sustinere ut eam silentio teneat. Ita hic beatus Deum amans, & ardens in amore, non potest in animo inducere ut taceat, sed aliquando quidem dicit: *Quemadmodum desiderat Cervus ad fontes aquarum; aliquando autem; Deus, Deus meus, ad te de luce vigilo.*

b Quis est qui sic cantat? si volumus, nos sumus; Et quid quæris extrâ, quisnam sit, cum in tuâ potestate sit, esse quod quæris? Eja fratres, simul amemus, simul in hac siti exardescamus, simul ad fontem intelligendi curramus. Desideremus velut *Cervus fontem*. Desideremus illum fontem, de quo scriptura dicit: *Quoniam apud te est fons vitæ*. Ipse enim fons & lumen est, *quoniam in lumine tuo videbimus lumen*. Si & fons & lumen est, meritò & intellectus est; quia & satiat animam avidam sciendi. Curre ad fontes, desidera aquarum fontes. Apud Deum est fons vitæ, & insiccabilis fons; in illius luce, lumen inobscurable. Lumen hoc desidera; quemdam fontem, quod-

a Chrys. homil. in Ps. 41. **b** Aug. in Ps. 41.

quoddam lumen, quale non norunt oculi tui; cui lumini videndo, oculus interior præparatur; cui fonti hauriendo sitis interior inardescit.

a Salutaris nimirum aqua, quæ noxiam huius mundi sitim, & vitiorum ardorem prorsus extinguit, sordes omnes peccatorum eluit, animæ nostræ terram cœlesti imbre irrorat atque fœcundat; & ad solum Deum anhelu spiritu mentem humanam sitientem reddit. Hâc aquâ largiter potatus fuit Propheta, cùm totus ad Deum suspirans dixit: *Quemadmodum desiderat cervus ad fontes aquarum, ita desiderat anima mea ad te, Deus!*

b Curre ad fontem, desidera fontem, sed noli utcumque, noli ut qualecumque animal curre, ut *Cervus* curre. Quid est? ut *Cervus*? Non sit tarditas in currendo, impigrè curre, impigrè desidera fontem. Invenimus enim insigne velocitatis in Cervo, sed fortè non hoc scriptura solum nos in Cervo considerare voluit, sed & aliud audi: Quid aliud est in *Cervo*? serpentes necat, & post serpentium internecionem, majori siti inardescit; peremptis serpentibus ad fontes acrius currit. Serpentes, vitia tua sunt; consume serpentes iniquitatis, tunc amplius desiderabis fontem veritatis. Avaritia fortè in te tenebrosus aliquid sibilat, & sibilat adversus verbum Dei, sibilat adversus præceptum Dei. Et quia tibi dicitur: Contemne aliquid, ne facias iniquitatem; si mavis facere iniquitatem quam aliquod commodum temporale contemnere, morderi
magis

a Cyril. lib. 5. in Joan. c. 10. *b* Aug. in Ps. 41.

magis eligis à serpente, quàm perimere serpentem. Cùm ergo faveas adhuc vitio tuo, cupiditati tuæ, avaritiæ tuæ, serpenti tuo, quando in te invenio tale desiderium, quo curras ad fontem aquarum? quando concupiscis fontem sapientiæ, cùm adhuc labores in veneno malitiæ? interfice in te, quidquid contrarium est veritati, & cùm te videris tanquam vacare à cupiditatibus perversis, noli remanere, quasi non sit quod desideres. Quæris fortè unde delecteris; Desidera unde delecteris: *Desidera ad fontes aquarum*, habet Deus unde te reficiat, & impleat venientem ad se, & sitientem post interemptionem serpentium, tanquam velocem Cervum. Est aliud quod animadvertas in Cervo. Dicuntur Cervi, vel quando in agmine suo ambulant, vel quando natando, alias terrarum partes petunt, onera capitum suorum super se invicem ponere; ita ut unus præcedat & sequantur qui supra eum capita ponant; & supra illos alii consequentes, & deinde alii, donec agmen finiatur. Ille autem unus, qui pondus capitis in primatu portabat, fatigatus redit ad posteriora, ut alius ei succedat qui portet quod ille portabat, atque fatigationem suam recreet posito capite, sicut & cæteri ponebant. Ita vicissim portando quod grave est, & viam peragunt & invicem se non deserunt. Nónne quosdam Cervos alloquitur Apostolus dicens; *Invicem onera vestra portare, & sic adimplebitis legem Christi?* Talis ergo Cervus, in fide constitutus, nondum videns quod credit, cupiens intelligere quod diligit, patitur contra-

contrarios Cervos, non solum obscuratos intelligentiâ, in tenebris interioribus constitutos, vitiorum cupiditate cæcatos, insuper insultantes, & dicentes homini credenti, & quod credit, non ostendenti, *ubi est Deus tuus?* quid ergo iste Cervus fecerit contra hæc verba, audiamus; ut ipsi, si possimus, faciamus. Primò, expressit sitim suam: *Quemadmodum, inquit, Cervus, desiderat ad fontes aquarum, ita desiderat anima mea ad te Deus.* Quid si Cervus ad fontes aquarum, lavandi causâ desiderat? utrùm ergo bibendi, aut lavandi causa, nescimus? audi quod sequitur & noli quærere. *Sitivit anima mea ad Deum vivum.* Quid sitivit? *quando veniam, & apparebo ante faciem Dei?* hoc est, quod sitio, venire & apparere, sitio in peregrinatione, sitio in cursu, satiabor in adventu. Sed quoniam sicut *Cervus desidero ad fontes aquarum, & est apud eum fons vite.* Quid agam ut inveniam Deum meum? Considerabo terram; & facta est terra: Est magna pulchritudo terrarum, sed habet artificem: Magna miracula sunt seminum, atque gignentium, sed habent ista omnia Creatorem: Ostendo magnitudinem circumfusi maris; stupeo, miror; artificem quæro. Cælum suspicio & pulchritudinem siderum; admiror splendorem solis, exercitio diei sufficientem; lunam nocturnas tenebras consolantem. Mira sunt hæc, laudanda sunt hæc, vel etiam stupenda sunt hæc, neque enim terrena, sed etiam celestia sunt hæc. Nondum ibi stat sitis mea. Hæc miror, hæc laudo, sed eum, qui fecit hæc sitio.

a Anima

a Anima [enim] quam tangit amor Dei, nihil aliud potest cogitare, nihil desiderare, sed frequenter suspirat, dicens : *Sicut Cervus desiderat ad fontes aquarum , ita desiderat anima mea ad te Deus meus.*


b O fons vitæ , vena aquarum viventium, quando veniam ad aquas dulcedinis tuæ , de terrâ desertâ, inviâ & inaquosâ, ut videam virtutem tuam & gloriam tuam, & satiem ex aquis misericordiæ tuæ sitim meam? Sitio, Domine, fons vitæ es, satia me. Sitio Domine, sitio te Deum vivum.

c *Sitivit in te anima mea, quàm multipliciter tibi caro mea.* In aliâ vitâ, cùm resurrexerit caro ; satiabitur ; modò ex corruptione fragilitatis si non manducemus, deficimus & esurimus ; si non bibamus, deficimus, & sitimus. Si diu vigilemus, deficimus & dormimus ; si diu stemus, fatigamur, ideò sedemus ; & si diu sedeamus, fatigamur, & ideò surgimus. In istis omnibus multiplicibus defectionibus nostris, sitimus illam incorruptionem ; & sic caro nostra, *multipliciter sitit Deum.* In ista Idumæa, in isto deserto, quàm multipliciter laborat, tam multipliciter sitit, quàm multipliciter fatigatur, tam multipliciter sitit illam infatigabilem incorruptionem, in terrâ desertâ, sine viâ, & sine aquâ, talis enim est mundus iste.

XII.

a *August. man. cap. 20.* *b* *August. soliloq. c. 35.*

c *August. in Psalm. 62.*



Quando veniam et apparebo ante faciem
Dei. Psalm. 41.

XII.

Quando veniam & apparebo ante faciem
Dei? *Psal. 41.*

AH quoties, mea lux, mihi seria verba de-
disti.

Nulla secuta tamen, seria verba fides!

Euge brevi venies, toties dixisse recordor;

Adde fidem verbis, dic semel, Euge veni,

Heu mihi, quàm longa sunt expectantibus horæ!

Plus ævi spatium creditur una dies.

Jam, mea lux, lapsi menses, tot aguntur &
anni,

Spemque facis toties, spem tamen usque negas.

Quid miseram spatiis tam lentis ferreus uris?

Et toties, parvo hîc tempore, dicis, eris.

Jam lacerant falsis me publica compita sannis,

Et tuus ille Deus, dic, ubi? quisque rogat.

Quando igitur veniam? quando tibi libera sistar?

Quando adstabo oculis obvia facta tuis?

Aspicis ut misero consumar squallida luctu?

Quâ careo facies hac mihi damna facit,

O facies animi crudele mei, tormentum!

Unica quæ præsens esse medela potes.

O quando, facies toto spectabilis orbe,

Quando tua dabitur lumine posse frui?

Scilicet ut gravis est terris, absentia Phœbi,

Squallet & obscurus, sole latente, dies:

Nec color est hortis, nec amœnis gratia sylvis,

Jamque silent homines, jamque filetis aves:

Mox ubi purpureo roseum caput extulit ore,

Lata micat radiis, luce nitente, dies;

Et suus

*Et suus est hortis color, & sua gratia sylvis,
Jamque strepunt homines, jamque loquuntur
aves:*

*Sic ego, te viso, moriens, mea vita, resurgo;
Vivâque non viso protinus emorior.*

*Sapè jubes, aliò me pascere lumina vultu,
Multâque conspectu corpora pulchra refers.*

*Aspice prata, inquis, formosos aspice flores;
Picta mei multum prata coloris habent.*

*Aspice caruleo palantes æthere stellâs;
Hæ quoque de nostro lumine, lumen habent.*

*Aspice & humanis præstantia corpora formis;
Est meus humano multus in ore decor.*

*Siccine, Lux, nostris sperasti illudere votis?
Falsaque supposito vendere frustra vitro?*

*Non ego polliceor morialis imagine formæ,
Ah, mea fax facies est, mea vita, tua!*

*Illâ, ô digna Deo facies! gravis ille suavi
Mixtus in ore timor, parque timoris, amor.*

*Illâ supercilii majestas diâ, cadentùm
Cœlituum prono quam colit ore tremor.*

*Nam quota pars tanti sedet ulla in fronte de-
coris,*

*Lux mea, quanta tuâ fronte, genisque sedet?
Ab, neque si faciem cœat decor omnis in unam,
Tanta fit ullius gratia, quanta tuæ!*

*Lux mea splendidior quântò supereminet astris
Lucifer, & quântò Cynthia Lucifero;
Ipsâq, quântò iterum superatur Cynthia Phœbo,
Tantò formosis omnibus ore præis.*

*De tribus id melius narrabit testibus unus,
Qui tibi tum comites vertice Thabor erunt.*

Cum testata Deum facies tibi flammea luxit,
 Cinxit & auratas fax radiata comas :
 Nempe aliquis tanta captus dulcedine lucis.
 Et nimio forma saucius igne tuæ ;
 Immemor & patriæ, oblitusque suorumque,
 Optabat stabiles figere monte lares.
 Nec tamen augustum, qualis, quantusque videri
 Cœlitibus solitus, viderat ille Deum.
 Viderat aërios absistere vultibus ignes,
 Ut solet accenso candida mica foco.
 Viderat ardenti rutilantem vertice flammam,
 Quale lacestum Sole refulget ebur.
 Viderat, ut placidis Lucina videris in undis,
 Cum tuus in nitidis fluctuat ardor aquis ;
 Aut qualis pelago Cœli vibratur imago,
 Unda repercussæ cum tremit igne poli.
 Quid disturus erat, totâ si luce coruscas
 Vidisset, circum tempora bina faces ?
 Quid si oculos ? quid si faciem sine nube mi-
 cantem ?
 Quodque polo facies lumen utroque jacet ?
 Quando erit ille dies, mea lux, rex ille dierum,
 Numinis ambrosio cum sinar ore frui !
 Sæpè quidem vestres specto sub imagine vultus,
 Cum vultus obeunt spica, merumque tuos ;
 Magna, equidem fateor, tamen imperfecta vo-
 luptas,
 Pro facie, faciem nube tegente frui :
 At mihi mens a iō stimulata cupidine flagrat,
 Ardet & inubes lata videre genas.
 Quando erit ergo dies, cum te, sine nube, videbo ?
 Impedient faciem vela nec ulla tuam ?

Solâ-

*Solâque, quæ fueras anima libata voluptas,
Tandem oculis etiam percipiére meis?
Illa dies, fausto si quando affulserit astro,
Juro, erit his oculis carior illa dies.*

*Quando veniam & apparebo ante faciem
Dei? Psalm. 41.*

a *SI* invenis meliùs quàm videre faciem Dei,
illuc te præpara. Væ tali amoris tuo, si vel
suspicias aliquid pulchrius, quàm est ille, à quo
est omne pulchrum, quod te teneat, ne illum
cogitare merearis.

b *Dulcissime, amantissime, benignissime, ca-
rissime, pretiosissime, desideratissime, amabi-
lissime, pulcherrime, quando te videbo? quan-
do apparebo ante faciem tuam? quando satia-
bor de pulchritudine tuâ, quando educes me
de hoc carcere tenebroso, ut confitear nomi-
ni tuo.*

c *Dic nunc totum cor meum, dic nunc Deo;
Quæro vultum tuum, vultum tuum Domine re-
quiro. Eja nunc ergo, Tu Domine Deus meus,
doce cor meum, ubi & quomodo te quærat,
ubi & quomodo te inveniat. Quibus signis,
quâ facie, te quæram? numquam te vidi, Do-
mine Deus meus non novi faciem tuam, quid
faciet altissime Domine, quid iste tuus lon-
ginquus exul? quid faciet servus tuus anxius
amore tui, & longè projectus à facie tuâ?
anhelat*

a August. in Ps. 43. b August. med. cap. 37.

c Anselm. in prosolog. c. 1.

semperque memorialis; ubi non erit hostis impugnans, nec ulla illecebra, sed summa & certa securitas, secunda tranquillitas, & tranquilla jucunditas, jucunda felicitas, felix æternitas, æterna beatitudo, beata visio, quæ est gaudium Domini Dei tui.

a Hanc verò, dulcedinem, ut gustavit Petrus, omnium inferiorum oblitus, clamavit quasi ebrius, dicens: *Domine, bonum est nos hinc esse, faciamus nobis hinc tria tabernacula*, hinc moremur, te contemplemur, quia nullo alio indigemus. Sufficit nobis, Domine, *videre te*, sufficit, inquit, tantâ dulcedine satiari: unam enim stillam dulcedinis gustavit, & omnem aliam fastidivit dulcedinem. Quid putas dixisset, si magnam illam multitudinem dulcedinis Divinitatis tuæ gustasset, quam abscondisti timentibus te?

b Vide quoque ardentem hominem [Davidem] vide inflammatum, sciens enim se cum hinc recesserit, eum esse *visurum*, ne expectat quidem dilationem; moram enim non patitur, & si esset quidem privatus aliquis, humilisque & abjectus, & vivens in paupertate, magnum quiddam esset, vel sic, vitam præsentem contemnere; sed non esset adeò magnum ut nunc est, utpote Rex est & tantis fruitur deliciis, tantæque est gloriæ particeps, & est innumerabiles victorias consecutus, multaque bella vicit, & est omni ex parte clarus, insignis

a Aug. soliloq. cap. 22. *b* Chrysost. hom. in Psalm. 41.

insignis & illustris ; qui hæc omnia irrideat, divitias & gloriam & omnes delicias, ad futura autem aspiret & inhiet, hoc est magni cujusdam & excelsi animi, hoc est animæ, quæ tenetur studio sapientiæ, & coelesti amore verè capta est.

a Moyses sic desideravit & concupivit videre ipsam speciem Dei, & loquenti secum dixit: *Si inveni gratiam ante te ; ostende mihi temetipsum, adimplebis me lætitiâ cum vultu tuo.*

b Et ego parvulus , inter parvulos familiæ tuæ, Deus pater, & virtus mea, *quando veniam & apparebo ante faciem tuam*, ut qui tunc tibi confiteor ad tempus, ex tunc confitear tibi in æternum ? Beatus ero si fuero admissus ad videndam claritatem tuam. Quis mihi hoc tribuat, ut ad hoc venire permittas me !

c Sed *quando veniam ?* en quod citius est Deo, tardum est desiderio. *Quando veniam & apparebo ante faciem Dei ?* ex illo desiderio est & hoc, quod clamatur alibi : *Unam petii à Domino, hanc requiram, ut inhabitem in domo Domini, per omnes dies vite meæ.* Quare hoc ? ut contempler delectationem Domini, *quando veniam & apparebo ante faciem Domini.* Interim dum meditor, dum curro, dum in viâ sum, antequam veniam, antequam appaream, *fuerunt mihi lacrymæ meæ panes die ac nocte, cum dicitur mihi per singulos dies ; ubi est Deus tuus ?*

O 2

a Eja,

a August. in Psalm. 38. *b* August. soliloq. c. 23.
c Aug. in Psalm. 41.

a Eja, jam Domine! eja, appare mihi & consolatus ero! Exhibe præsentiā tuam, & consecutus ero desiderium meum, revela gloriam tuam, & erit perfectum gaudium meum, *Sitivit te anima mea, quā multipliciter tibi caro mea! Sitivit anima mea ad Deum fontem vivum; quando veniam & apparebo ante faciem Domini. Quando venies consolator meus, quem expecto? ô si quando videbo gaudium meum, quod desidero? ô si satiabor, cū apparuerit gloria tua, quam esurio! ô si inebriabor ab ubertate domus tuæ, ad quam suspiro! ô si potabis me torrente voluptatis tuæ, quam sitlo! sint mihi, Domine interim lacrymæ meæ panes die ac nocte, donec dicatur mihi, Ecce Deus tuus: donec audiat anima mea, Ecce sponsus tuus.*

b Ostende te mihi, consolator meus, *videam te*, lumen oculorum meorum, veni gaudium spiritus mei; *videam te* lætitia cordis mei. Diligam te vita animæ meæ. *Appare mihi*, delectatio mea, solium meum dulce, Domine Deus meus, vita mea, & gloria tota animæ meæ!

XIII.

Quis mihi dabit pennas sicut columbæ, & volabo, & requiescam? *Psal. 54.*

Magne opifex rerum, generis mortalis origo,
Corpora nostra tuâ sunt fabricata manu.
Si

a Aug. med. cap. 40. b Aug. soliloq. cap. 1.



*Quis mihi dabit pennas sicut columba, et
valabo, et requiescam? Psalm. 54.*

Sitamen adversis liceat contendere verbis,
 Quos habeant nœvos corpora nostra, querar.
 In tria jus homini vastissima regna dedisti;
 In maria, in terras, ætheriasque domus:
 Tanta sed ut justis tria regna gubernet habenis.
 Non quantum hac possit machina, robur habet.
 Parce, parùm timidè temeraria verba loquenti,
 Plus operi vitii, quàm reputetur, inest.
 Momus abesse homini; fertur, doluisse fenestram,
 Cetera tam nitida membra probasse domus:
 Sed fueritne foris, fueritne foraminis usus;
 Lis erit arbitrio, Mome, secunda tuo.
 Officit humana, me iudice, turpius ædi,
 Nulla quod obsequium squamma vel ala ferat.
 Non quod opus squammis ut terra regatur & alis;
 Imperium terræ squamma nec ala juvat.
 Sed simul ætherias homo cùm moderetur habenas,
 Et simul æquorea cerula sceptrâ plage;
 Quâ nisi sint pinne, tumidas reget arte procellas?
 Quâ nisi sint penna, nubila lege premet?
 Ut volet, æriâ volucris petit ardua, pennâ;
 Piscis ut æquor aret, squammea pinna facit.
 Sed neq; pinna vices homini, neq; penna ministrat,
 Et simul hic fluctus & simul Astra reget?
 Neo pelago piscis, neque nubibus imperat ales,
 Cur opus his, pennâ, remigique fuit?
 Scilicet, ingenii minus, orbis & artis haberet,
 Ni streperet pennis stridula musca suis.
 Nec stabili geminus penderet cardine mundus,
 Bina nisi querulas ala moveret apes. (agno,
 Quid, quod & in triplici, volucrum vilissime, re-
 Principis instar, iter Mergenator, agas:

Et modò gramineâ pedes expatieris in herbâ;
 Mox avis, alta petas; mox freta nauta, seces.
 Quin potius triplicis cessit tibi regia mundi,
 Per tria qui pennis hospita regna volas?
 Aut tria si fuerint hominis loca credita curæ,
 Cur homini, triplici non licet ire viâ?
 Carulus æquorei Nereus pater ipse profundi,
 Non nisi squammigeris, currere fertur equis:
 Juppiter, ærium qui flectere fingitur, orbem,
 Ætheris, ipse vehens alite; carpit iter.
 Nec levitas hominem celeri fert plumea pennâ,
 Nec liquidas pinnâ remige findit aquas.
 Et flectet geminum justis sine viribus, orbem,
 Æthere factus avis, factus in amneratis?
 Ut tamen undifraga careat moderamine pinna,
 (Plurima cum pinnis corpora cassa natent)
 At sine præpetibus nulli patet ardua pennis,
 Quæ patet aligero Regia sola gregi:
 O liceat vacuas mihi tollere corpus in auras,
 Altâque sidereæ visere regna plagæ!
 Assice, quos inter jaceat mea patria mores,
 Indignus patriæ nomen habere locus. (nas,
 Assice, nec quod amem volucres, mirabere, pen-
 Ne gravior, quàm quæ Persea, caussa movet,
 Pegaseis utinam rapiar super æthera plantis,
 Aut moveat volucres Perseos ala pedes!
 Aut agiles humeris aptes mihi, Dadale, ceras,
 Icaris quamvis fabula labar aquis!
 Aut lapsas agitem pennato pectore plumas,
 Quas vulsit vario picta columba sinu!
 Astra columbinis meditabor protinus alis,
 Et ferar ante tuam, Juppiter, ales avem.

O stultæ

O stultæ volucres gens nata palustribus ulnis,
 Sueta cavernosos turba natare lacus!
 Non ego, si vestras mihi Dædalus applicet alas,
 Littora vel scopulos imâque saxa legam.
 Non ego, flumineæ volitem levis accola ripæ,
 Aut mea percussas penna flagellet aquas:
 Non mea torpentes circum volet ala paludes;
 Ut propior segnes radit hirundo lacus,
 Non meâ, ceu mœstis Geyx dum plangitur undis,
 Humida vicino se lavet ala freto
 Persequar ætherium sublimior ales Olympum,
 Altâque mox solitis nifibus astra petam.
 O quondam felix hominum, modo turba volu-
 crum,
 Quos amor, in celeres irâque vertit aves!
 Cur mea non capiunt agiles quoque brachia plu-
 mas,
 Induit aut motas hispida penna manus?
 Quot ludunt liquidis examina plumea campis,
 Aligerâque secant nubila celsa pede!
 Si mihi, Nise, tuo plumescant brachia fato,
 Crurâque Scyllæis vestiar hirta comis;
 Si levis Aonio fierem certamine pica,
 Aut, Cytherea, tuâ verterer ales ave;
 O mea si tangant aliquod suspiria Numen,
 Muter ut in pennas, casta columba, tuas!
 Scilicet advectam, ceu Chaonis ales, olivâ
 Reppetiit notæ tectâ Noëa ratis;
 Protinus aligeris raperer super æthera velis,
 Nostra nec hæc iterum viseret ala plagas.

Quis mihi dabit pennas sicut columbæ, & volabo & requiescam? Psalm. 54.

A I N A R D E S C I T & suspirat omnis peregrinus in sæculo. Patria bona, patria cælestis, patria contemplationis, Angelorum patria! ubi nullus moritur, quo nullus hostis admittitur. Patria ubi habes sempiternum Deum amicum, ubi nullum timeas inimicum.

b *Quis dabit mihi pennas sicut columbæ, & volabo & requiescam? Nihil mihi tam dulce, quam cum Domino meo esse, præbe, mihi, rogo, pennas, quibus indutus, ad te volitem sursum.*

c *Quas pennas, nisi duas alas, duo præcepta charitatis, in quibus duobus præceptis tota lex pendet & Prophetæ? has alas, has pennas, si recipiam, possum fugere à facie tuâ ad faciem tuam; & à facie irati ad faciem placati. Jam volemus spe & desiderio habentes alas geminæ charitatis. Hoc meditemur, hæc sit spes nostra, hæc sit consolatio nostra. Recipiamus pennas per charitatem, quas amisimus per cupiditatem; cupiditas enim viscum facta est pennarum nostrarum; elisit nos de libertate aëris nostri, id est, aurarum illarum liberarum spiritus Dei. Inde elisi perdidimus pennas, & fuimus quodammodo captivati in ancupis potestate. In istâ vitâ, inter tanta scandala, inter tam multa peccata, inter tantas turbas tentationum quotidiana-*

a August. serm. 145. de temp. b August. med. cap. 37. c August. in Psalm. 138.

dianarum, quotidianarum suggestionum malarum: quid facio?

a Omne tempus in sollicitudine, omnis vita in molestiis: *in medio*, inquit, *laqueorum ambulat*, & alius; *in viâ quâ ambulat, extentos, sibi, sed absconditos laqueos querebatur*, ne deprehensus caderet; volebat fugere *sicut passer*, sed adhuc *laqueus contritus non erat*. Periiit, inquit, *fuga à me*. Gravatus habebat pennas per illam *tenebrosam aquam in nubibus aëris*, & fortasse evolare non poterat. Denique illa pennas quærebat accipere, ut *evolaret & requiesceret* sicut scriptum est: *Quis mihi dabit pennas sicut columba & volabo & requiescam?*

b Etenim quasi clavis quibusdam suffigitur anima, corporis voluptatibus, & cum semel adhæserit cupiditatibus demersa terrenis, difficile in altum potest, unde descendit, sine Dei favore *revolare*. Actuum enim suorum laqueis victa & deliciarum sæcularium illecebris obnoxia jam tenetur.

c Volare non potest nisi quod parum leve atque subtile est, cujus nec sinceritas intemperantiâ retardatur, nec alacritas, nec velocitas mole gravatur. Gravari autem *volatum* dico non tam mole membrorum quàm delictorum; unde puto etiam in ipsis avibus ideò velocius *columbam* pænè præ omnibus volitare, quòd alacritatem & innocentiam comitetur. Denique S. David cum puritate mentis volare concu-

O s

pisce-

a Ambr. de fuga sæculi cap. 5. *b* Ambr. lib. 4. in cap. 4. Luc. *c* Ambr. serm. 70.

pisceret, non alterius animantis nisi *columba* optavit alas; dicens, *quis dabit mihi pennas sicut columba, & volabo & requiescam!* Intelligebat enim quòd altiora facilius penetrantur simplicitate mentis, quàm levitate pennarum.

a Conceperat morem verbi Dei, & cupiebat ad ipsum *volatu celeri pervenire* dicens: *Quis mihi dabit pennas, sicut columba, & volabo & requiescam? volabo sensibus, volabo intellectibus spiritualibus, & requiescam, cum apprehendero sapientiæ & scientiæ ejus thesauros.* Puto enim, quia sicut qui mortem CHRISTI recipiunt, & mortificant membra sua super terram, confortes efficiuntur similitudinis mortis ejus; ita & hi qui virtutem Spiritus Sancti recipiunt, & sanctificantur ex eo, & donis ejus replentur (quia ipse *in specie columba* apparuit) etiam ipsi *columba* fiant, ut de terrenis & corporeis locis evolent ad cœlestia, pennis Sancti Spiritus elevati.

b Benefactum est ut pennas acceperetis sicut *columba, & volaretis ad requiescendum.* Nam in terrâ non erit requies, sed labor & dolor & afflictio spiritus. Quid ergo timendum est sic volanti? nisi fortè cadaver, vel simile aliquid videat in terrâ, cujus desiderio tractus, videatur à venatoribus illis pessimis, & præparatis laqueis capiatur, & sint novissima hominis illius pejora prioribus?

c Etenim tamdiu transilire debemus, quidquid

a Orig. hom. 4. in Cant. *b* Bern. serm. super Beati qui habitant. *c* August. in Psalm. 76.



*Quám dilecta tabernacula tua Domine
virtutum? concupiscit et Defecit anima
mea in atriis Domini. Psalm. 83.*

quid nos impedit, quidquid irretit; quidquid visco quodam illigat, & onere aggravat volatum nostrum donec perveniamus ad id, quod sufficit, ultra quod nihil est, infra quod sunt omnia, ex quo sunt omnia.

a Da, quæso, toto desiderio & omni studio, tendere quò te ascendisse credimus, ut in præfenti quidem miseriâ solo tenear corpore, tecum autem sim cogitatione semper & aviditate, ut ibi sit cor meum, ubi tu es thesaurus meus desiderabilis, & incomparabilis, multumque amabilis. Assumat Domine, assumat, rogo, spiritus meus pennas & volitet & non deficiat, volet & perveniat usque ad decorem domus tuæ, & locum habitationis gloriæ tuæ.

b Tene cor meum manu tuâ, quia sine te ad altiora non rapitur, illic festino, ubi summa pax regnat & jugis tranquillitas rutilat. Tene & rege spiritum meum, & assume illum secundum voluntatem tuam, ut te duce, ascendat ad illam regionem ubertatis, ubi pascis Israël in æternum pabulo veritatis.

XIV.

Quàm dilecta tabernacula tua Domine virtutum? concupiscit & deficit anima mea in atria Domini. *Psal. 83.*

O Qui fidereas ducis fortissime turmas,
Cui cingant decies millia mille latus!

O 6

Quàm

a August. med. cap. 37. *b* Ibidem.

Quàm tua Regifico radiant Prætoria luxu!
 Mens stupet, & tanta languet amore domus,
 Mœnia Tanario defendunt, marmore muros,
 Limina sunt Parius portaque celsa lapis.
 Vestibulo rutilant adamantum lumine valvæ,
 Amplaq; magnificus culmina splendor habet.
 Fulgurat excelsis fulvum laquearibus aurum,
 Et camera auratâ cedrina fulta trabe,
 Tectum augustum, ingens, gemmisque auroque su-
 perbum,

Quale putes ipsum posse decere Deum.
 Stratus humi calcatur enyx, vitréique plateas
 Stellarum fundant, marmora fulva, globi.
 Jam sua temperies placido mitissima Cœlo est;
 Qualis ubi vernis aura tepet zephyris;
 Nec glacialis hiems tremulo pede pulsat Olym-
 pum,

Ista nec hibernâ grandine tecta sonant;
 Nec pallent viso morituræ sole pruinae;
 Nec stant marmoreo flumina vincta gelu.
 Nec coquit æstivi Cererem juba seva leonis,
 Solstitii medius nec furit igne dies.
 Nec viridis foliis sanguis fervore recedit,
 Nec tostus nimio sole fatiscit ager.
 Perpetuum ver astra colunt, frigusq; calorémque
 Inter, Cœlicolæ tempora veris agunt.
 O qui siderens habitas, Rex maxime sedes,
 Quàm tua præ terris invidiosa domus!
 Quin absunt gelidi bruma intractabilis imbres,
 Quique regat madidos imbrifer hædus agros;
 Æolique silent animæ tranquilla per alta,
 Quassaque nec venti murmure spica tremit.

Stat

Stat placidus positis Aquilonem flatibus æther;
Servat & æternus longa serena tenor.

Sed neque flammantes liquido lavat æquore cur-
rus,

Nec subit occiduas Sol fugitivus aquas.

Nec premita astra dies, neque Sol fugat æthere
stellas,

Nec premitur lassus nocte fugante dies.

Nulla polos tacitis nox obruit atra tenebris,

Nigræque subducto somnia sole vocat.

Exulat æthereis longè nox horrida terris.

Et nitet æterno lumine clara dies:

Clara dies, jucunda dies, setemplice Phœbi,

Fulmineam nostri lampada, luce premens.

O qui fidereas habitas, Rex maxime, sedes;

Quàm tua præ terris invidiosa domus!

Sollicitæ procul hinc, profuere cubilia curæ,

Et metus & tristis luridus ore dolor;

Et caput atrato luctus velatus amictu,

Lessu, & impexis nania mœsta comis.

Et labor & totogemitus proscriptus Olympo,

Et lis & rabidi jurgia rauca fori,

Rixæque invidiæque, cruentæque sanguine bella,

Monstræque, quæ secum plurima, bella
trahunt.

Pauperies febrisque famésque sitisque luesque,

Quæque sequi solita Martia castra neces.

Hic clausæ Bello portæ, & sine militis armis

Otia cœlicolæ mollia pacis agunt.

Non galeæ, non scuta micant, non classica clan-
gunt,

Mitescunt positis aurea sæcla tubis.

*Tabificique absunt, examina pallida, morbi,
 Quæque cohors Letho prævia sternit iter.
 Quin etiam Letho interdictum mœnibus urbis,
 Nec quidquam in Superum corpora juris
 habet.*

*Lætitiæ data cura domus, quæ sedula fletum
 Elysii longè finibus arcet agri,
 Instruit auratis convivio Regia mensis,
 Quas recreant festis gaudia sancta jocis.
 Non quia Cœlicolæ dapibus jejunia solvant,
 Aut ullus Superum proluat ore liquor.
 Absq; epulis, hic omnis amor compressus edendi,
 Omnis & absque meri munere pulsa sitis.
 Non istis temerant Superi convivio mensis,
 Aut Regio similes suggerit illa dapes.
 Elysium sine carne epulas Bacchoque ministrat
 Cœlicolumque venit nullus in ora cibus.
 Cœlestes onerant, incognita fercula lances,
 Quales nemo hominum, contigit ore cibos.
 Ambrosia, Superos hilarat, quis nescio, succus,
 Deus, & ætherio nectare potus alit;
 Sicque super strato æternum discumbitur ostro,
 Gaudet & auratis gens epulata toris.
 Gaudet, & Angelicos placidis bibit auribus
 hymnos,
 Et salit, & rutilam sub pede plaudit humum.
 O qui fidereas habitas Rex maxime sedes,
 Quot tua deliciis affluit illa domus!
 Jam flagrat & studio nimis inflammata vi-
 dendi,
 Mens desiderio deficit agra suo.*

Quàm

Quàm dilecta tabernacula tua Domine virtutum! concupiscit & deficit anima mea in atria Domini. Psalm. 83.

MA TER Hierusalem, Civitas sancta Dei, charissima sponsa CHRISTI, te amat cor meum, pulchritudinem tuam amat cor meum, pulchritudinem tuam nimium desiderat mens mea. O quam decora, quam gloriosa, quam generosa tu es. Tota pulchra es, & macula non est in te. Felix anima mea; semperque felix in sæcula, si intueri meruero gloriam tuam, beatitudinem tuam, pulchritudinem tuam, portas & muros, & plateas tuas, & mansiones tuas multas; nobilissimos cives tuos, & fortissimum Regem tuum in decore suo. Muri namque tui ex lapidibus pretiosis; portæ tuæ ex margaritis optimis; plateæ tuæ ex auro purissimo, in quibus jucundum alleluja sine intermissione concinitur; mansiones tuæ multæ, quadris lapidibus fundatæ, saphyris constructæ, laterculis coopertæ aureis, in quas nullus ingreditur, nisi mundus, nullus habitat inquinatus. Speciosa facta es & suavis in deliciis tuis, mater Hierusalem; nihil in te tale, quale hîc patimur, qualia in hac miserâ vitâ cernimus. Non sunt in te tenebræ, aut nox, aut quælibet diversitas temporum, sed Deus de Deo, lux de luce, Sol Justitiæ semper illuminat te, Agnus candidus & immaculatus, lucidum & pulcherrimum est lumen tuum;
Sol

a August. med. cap. 25.

Sol tuus & claritas tua & omne bonum tuum, hujus pulcherrimi Regis indeficiens contemplatio; Ipse Rex Regum in medio tui, & pueri ejus in circuitu ejus.

Ibi Hymnidici Angelorum chori. Ibi societas supernorum Civium. Ibi dulcis solennitas omnium, ab hac tristi peregrinatione ad tua gaudia redeuntium. Ibi Prophetarum providus chorus. Ibi duodenus Apostolorum numerus. Ibi innumerabilium Martyrum victor exercitus. Ibi Sanctorum Confessorum sacer conventus. Ibi veri & perfecti Monachi. Ibi sanctæ mulieres, quæ voluptates sæculi, & sexus infirmitatem vicerunt. Ibi pueri & puellæ annos suos sanctis moribus transcenderunt. Ibi oves & agni, qui jam hujus voluptatis laqueos evaserunt. Exaltant omnes in propriis mansionibus, dispar est gloria singulorum, sed communis est lætitia omnium. Plena & perfecta ibi regnat charitas, quia Deus est ibi omnia in omnibus; quem sine fine vident, & semper videndo in ejus amore ardent, amant & laudant, laudant & amant. Omne opus eorum laus Dei sine fine, sine defectione, & sine labore. Felix ego & verè in perpetuum felix, si post resolutionem hujus corpusculi, audire meruero illa cantica cœlestis melodix; quæ cantantur ad laudem Regis æterni, ab illis supernæ patriæ civibus beatorumque spirituum agminibus! Fortunatus ego, nimiumque beatus, si & ego ipse meruero cantare ea, & assistere Regi meo & Duci meo!

a O tu vita, quam præparavit Deus iis, qui
 diligunt eum! vita vitalis; vita beata, vita
 secunda, vita tranquilla, vita pulchra, vita
 munda, vita casta, vita sancta, vita ignara mor-
 tis, nescia tristitiæ, vita sine labe, sine dolore,
 sine anxietate, sine corruptione, sine perturba-
 tione, sine varietate & mutatione, vita totius
 elegantiae & dignitatis plenissima, ubi non est
 adversarius impugnans, ubi nulla peccati ille-
 cebra, ubi est amor perfectus, & timor nullus,
 ubi dies æternus & unus omnium spiritus,
 ubi Deus facie ad faciem cernitur, & hoc vitæ
 cibo, mens sine defectu satiatur. Libet me tuæ
 intendere claritati, delectant me bona tua
 avido corde. Quantò plus valeo tecum con-
 siderare, tantò plus amore tui langueo, tui ve-
 hementi desiderio, tuique dulci memoriâ ad-
 modum delector. Libet itaque, libet in te
 oculos cordis attollere, statum mentis erigere,
 affectum animi conservare. Libet sanè de te
 loqui, de te audire, de te scribere, de te con-
 ferre, de tuâ beatitudine & gloriâ quotidie
 legere & lecta sæpius corde revolvere, ut vel
 sic possim ab hujus mortalis perituræque vitæ
 ardoribus, periculis & sudoribus sub tuæ vi-
 talis auræ dulci refrigerio transire & transiens,
 sinu tuo fessum caput dormiturus vel paulu-
 lum reclinare. O tu vita felicissima! ô Regnum
 verè beatum carens morte, vacans sine! cui
 nulla tempora succedunt per ævum, ubi con-
 tinuus sine nocte dies nescit habere tempus,
 ubi vi-

ubi victor miles, illis hymnidicis Angelorum sociatus choris, cantat Deo sine cessatione canticum de canticis Sion.

a Quæ cantica, quæ organa, quæ cantilenæ, quæ melodiæ ibi sine fine decantantur! sonant enim semper melliflua hymnorum organa, suavissima Angelorum melodia cantica canticorum mira, quæ ad laudem & gloriam tuam à supernis civibus in perpetuum decantantur.

b O anima, suspira ardentem, desidera vehementer; ut possis venire ad illam supernam Civitatem, de quâ tam *gloriosa dicta sunt*, in quâ *sicut letantium omnium habitatio est!*

c Quanta erit illa felicitas, uti nullum erit malum, nullum latebit bonum! vacabitur Dei laudibus, qui erit omnia in omnibus! Admonet etiam sancto Cantico, ubi lego: *Beati, qui habitant in domo tuâ Domine, in secula seculorum laudabant te*, omnia membra & viscera incorruptibilis corporis, quæ nunc videmus per usus necessitatis varios distributa, quoniam tunc non erit ipsa necessitas; sed plena, certa, secunda, sempiterna felicitas, proficient in laudibus Dei.

Vera ibi gloria erit, ubi laudantis nec errore quisquam nec adulatione laudabitur. Verus honor, qui nulli negabitur digno, nulli deferetur indigno. Vera pax ibi est, ubi nihil adversi nec à seipso, nec ab alio quisquam patitur. Præmium virtutis erit ipse, qui virtutem dedit.

a Hugo de S. Viç. lib. de anima cap. 4. *b* Aug. man. cap. 24. *c* 22. de Civit. Dei, cap. 30.

dedit, eique seipsum, quo majus nihil possit esse, promisit. Quid enim est aliud quod per Prophetam dixi: *Ero illorum, Deus, & ipse erunt mihi plebs*; nisi ego ero unde satientur, ego ero quæcumque ab hominibus honesta desiderantur, & vita & salus & victus & copia & gloria, & honor, & pax, & omnia bona? sic enim & illud rectè intelligitur, quod ait Apostolus, *ut sit Deus omnia in omnibus, ipse finis erit desideriorum nostrorum*, qui sine fine videbitur, sine fastidio amabitur, sine fatigatione laudabitur: ubi vacabimus & videbimus, videbimus & amabimus, amabimus & laudabimus. Ecce quod erit in fine, sine fine. Nam quis alius noster est finis, nisi pervenire ad Regnum, cujus nullus est finis?

a O Anima, quid dicere valeo, cùm, futurum gaudium aspicio? Jam pœnè præ admiratione deficiô, quia gaudium erit intus & extra, sub-
tus & supra, circum & circa. Gaudebis igitur in omnibus, gaudebis de omnibus.

b O Anima, qualis tibi erit dies illa, cùm ad hanc fecilem choream fueris assumpta, & cùm omne tormentum tibi (si piè vixeris, si patienter sustinueris) convertetur in æternum jubilum! Tunc de omnibus his laudabis Dominum Deum tuum, labiis exultationis, dicens: *Misericordias Domini in æternum cantabo*.

c O domus Dei æterna, post CHRISTI dilectionem,

a Bonav. soliloq. cap. 4. b Bonav. soliloq. cap. 4. c Ambros. in orationib.

tionem, tu esto lætitia mea & consolatio; dulcis memoria tui beati nominis, sit relevatio mœroris, tædiorumque meorum; Tædet enim me valde vitæ hujus & istius ærumnosæ peregrinationis.

a O domus Dei luminosa & speciosa, dilexi decorem tuum & gloriam habitationis gloriæ Domini mei fabricatoris & possessoris tui. Tibi suspiret peregrinatio mea die ac nocte: tibi inhiet cor meum, tibi intendat mens mea, ad societatem tuæ beatitudinis pervenire desideret anima mea.

b Quando transibo in illam admirabilem & pulcherrimam domum tuam, ubi personat vox lætitiæ & exultationis in tabernaculis Justorum? *Beati qui habitant in domo tua Domine, in secula seculorum laudabunt te!* Beati & verè beati, quos elegisti & assumpsisti in illam Cœlestem hæreditatem. Ecce *sant̃i tui, Domine, florent ante te sicut lilium*; replentur enim ab ubertate domus tuæ & torrente voluptatis tuæ potas eos, quoniam tu es fons vitæ. O quàm mira, quàm pulchra, quàm acceptabilia sunt domus tuæ habitacula, Domine virtutum, concupiscit intrare in ea hæc peccatrix anima mea! Domine *Dilexi decorem domus tuæ, locum habitationis gloriæ tuæ. Unam petii à Domino, hanc requiram, ut inhabitem in domo Domini omnibus diebus vitæ meæ.*

c O verè beati! ô terque quaterque beati,
qui

a Ambr. in orationib. *b* August. med. cap. 37
c August. soliloq. cap. 35.

qui jam omnium malorum exuti, securi de suâ immarcessibili gloriâ ad te, Regnum decoris, pervenire merverunt ! ô æternum Regnum, Regnum omnium sæculorum ! ubi lumen indeficiens & pax Dei quæ exuperat omnem sensum, in quo sanctorum animæ requiescunt, *lætitia sempiterna super capita eorum : gaudium & exultationem obtinebunt*, & fugiet dolor & gemitus. *O quàm gloriosum est Regnum, in quo tecum, Domine, regnant omnes Sancti.*

a Ibi est lux sine defectu, gaudium sine gemitu; desiderium sine pœna, amor sine tristitiâ; satietas sine fastidio, sospitas sine vitio, vita sine morte, sanitas sine languore. Ibi sancti & humiles corde, ibi spiritus & animæ justorum, ibi cuncti cœlestis Patriæ cives, & Beatorum spirituum ordines, Regem in decore suo videntes, & in gloriâ virtutis ejus exultantes. Perfecta viget in omnibus charitas, una omnium lætitia, una jucunditas.

Bone Jesu, verbum Patris, splendor paternæ gloriæ, in quem desiderant Angeli prospicere, doce me facere voluntatem tuam, ut à spiritu tuo bono deductus, ad beatam illam perveniam Civitatem, ubi est dies æternus, & unus omnium spiritus; ubi est certa securitas & segura æternitas, & æterna tranquillitas, & tranquilla fœlicitas, & fœlix suavitas, & suavis jucunditas; ubi tu Deus cum Patre & Spiritu Sancto vivis & regnas per infinita sæculorum sæcula, Amen.

XV.

ma Gregor. in Psalm. 7. pœnitent.

XV.

Fuge dilecte mi, & assimilare capreæ hinnuloque cervorum super montes aromatum. *Cant. 8.*

Ocyus aspectu, mea lux, te proripe nostro;
Ardeo, nec tantas mens capit ista faces.
Omala, quæ dudum timui tibi dicere verba!
Quàm, mea Lux, mallem dicere posse, mane.
Non etenim tua me præsentia tempore lassat,
Ab fine te, gravis est qualibet hora mihi!
Sed prohibent nimis incendia dulcia flammis,
Vel fuge, vel nocuam, Lux mea, conde facem.
Hæc mihi Tu, fateor, si jussa aliquando dedisses,
Ex animis misero lapsa dolore forem.
Parce, jubet sævis Amor ignibus, haud ego mando,
Stare velim totos in mea vota dies:
Si possem, cuperem non persuadere quod hortor,
Si potes, invitas aure repelle preces.
Ergo mane, mea lux, monitis neque flectere nostris,
Nec precor, audieris quæ modò jussa dedi.
Trans mare præcipientes rapiant verba irrita
Cauri,
Non mea, sed stolidi verba fuere metus.
At prohibet rapidus fibras qui pascitur ardor,
Æstuo nec tantas mens capit ista faces.
Ergo fuge & celeres pedibus præverte capellas,
Antevola cervos, antevola hinnuleos.
Sed fuge respiciens, tamquàm discedere nolles,
Ut qui spectari, dum fugit, antè cupit.

Deus




*Fuge dilecte mi, et assimulare caprae hinulo,
que cervorum super montes aromatum. Cart. 8.*

Deus in Ephremi cùm pectore ferveret ignis;
 Non ego par flammæ quin fugis, inquit, Amor?
 Ille triumphato clarus Xaverius Indo,
 Saucius ætheriâ pectora sæpe face;
 Cœlestis quoties ardebat arundinis ictu,
 Ab satis est, satis est! dicere suetus erat.
 Cùm flagrat juvenis sceptri laus magna Poloni,
 Corda rigat gelidis Stanefilaus aquis.
 Quis mea pectoribus compono pectora tantis?
 Non ego sum toti, lux mea, par pharetra.
 Carpe fugam, pedibusque leves præverte capellas,
 Antevola cervos, antevola hinnuleos,
 En jugo vicino cœlos tangentia olivo,
 Thuris ubi madido cortice gutta tumet;
 Cedrus ubi, Laurusque & copia plurima Myr-
 rha,
 Mixtâque puniceis Cynnama lata crocis.
 Huc fuge pennigeris super alta cacumina plantis,
 Seutua, Mons Amanâ, Libane sive tua?
 Alta super juvenum fastigia Seraphicorum,
 Cherubicôsque apices, Astrâque summa super.
 Scilicet insoliti non sunt his montibus ignes,
 Pectora quos imis in vallibus ista timent.
 Una potest flammare meas scintilla medullas,
 Non ego par totas, lux mea, ferre faces.
 Carpe fugam, pedibusque leves præverte capellas,
 Antevola cervos, antevola hinnuleos.
 Sic tamen, ut fugiens oculis huc sæpè recurras,
 Longiùs aspectu nève vagère meo.
 Qualis at oppositum spectat soror aurea Phœ-
 bum,
 Cùm plus de radiis, quo magè distat, habet.

Parce

*Parce, suas vires, mea lux, vitiumque fatenti,
 Nec tecum possum vivere, nec sine te.
 Ardeo, si properas, rigeo, si fugeris; hei mi,
 Et procul, & praesens, igne gelumque nocet!
 Quid facies, mea lux, sine te non esse volenti?
 Fac caleam, toto non tamen igne cremer.
 Ergo fuge, alipedesque celer praeverte capellas,
 Antevola cervos, antevola hinnuleos.
 Interea viridem fabricabor arundine cannam,
 Et referet laudes fistula facta tuas.
 Post, ubi vox longo modulamine fessa silebit,
 Ore silente novum dextra capeisset opus.
 Arboribusque meos foliisque insculpet amores,
 Amborumque uno cortice nomen erit.
 Scriptaque prateriens ne noscat signa viator,
 Littera confusum nomen utrumque teget.
 Post opus hoc, reliqua si qua super hora diei,
 Illa mihi in somnos hora quietis erit.
 Si tamen ut vestri sit mixtus imagine somnus,
 Et mihi stes clausos pervigil ante oculos.
 Dum loquor, en tacitis gliscunt incendia flammis,
 Ocyus ingratam lux mea carpe fugam.
 Carpe fugam, veluti cuperes tamen ante videri;
 Utq; brevi redeas, non Tibi dico Vale.*



*Fuge dilecte mi, & assimilare caprea, binnu-
loque cervorum, super montes aroma-
tum. Cantic. 8.*

a **S**PONSUS plerumque præproperè & præ-
maturè fugatur, & ante tempus dicitur ei,
Fuge, quippe tempus manendi sponso & tempus
fugiendi. Tempus dicendi ei: *Mane nobiscum
Domine*; & tempus dicendi ei: *Fuge dilecte mi.*
Tempus dimittendi eum, & tempus dicendi ei:
Non dimittam te nisi benedixeris mihi, nisi auxe-
ris incrementa frugum justitiæ meæ, ut suo tem-
pore dimittam te.

b [Sed] quis eum quem diligit, à suâ fugare
præsentia velit? quod ergo ait: *Fuge dilecte mi*,
non optando loquitur, sed ejus potius voluntate
fervendo.

c Sicut enim in quibusdam carnalibus officiis
adeò vincitur carnalis concupiscentia, quod
omnem usum rationis amittit, & fit homo quasi
totus carnalis? ita meritò in hac supernâ con-
templatione, ita consumuntur & absorbentur
carnales motus ab animâ, ut in nullo caro spiri-
tui contradicat.

d Numquid hujus consolationis & lætitiæ
testes sunt & nuncii, suspiria & lacrymæ? Si
ita est, nova est antiphrasis ista & significatio
inusitata; sed quid hujus secreti colloquia pro-
ferimus in publicum?

P **a** *Dimi-*

a *Guil. Abb. apud Delr. in cap. 8. Cant.* **b** *Beda
in cap. 8. Cant.* **c** *Author Scale Paradisi, tom. 9.
Aug. cap. 5.* **d** *Idem cap. 6.*

a *Dimitte me, jam enim ascendit Aurora: datâ ergo benedictione, mortificatio nervo femoris & mutato nomine de Jacob in Israël, paulisper secedit Sponsus, diu desideratus, citò elapsus.*

b Sed ne timeas, ô Sponsa, ne desperes, ne existimes te contemni, si paulisper tibi subtrahit sponsus faciem suam. Omnia ista cooperantur in bonum, & de accessu & recessu lucrum acquiris; tibi venit, tibi & recedit; venit ad consolationem, recedit ad cautelam, ne magnitudo consolationis extollat te. Hanc gratiam cum vult & quando vult Sponsus attribuit, non jure hæreditario possidetur. Vulgare proverbium est, quod nimia familiaritas parit contemptum. Recedit ergo, ne fortè nimis assiduus, contemnatur, & absens magis desideretur, desideratus avidius quærat, diu quæsitus tandem gratius inveniatur. Ne ergo exilium deputemus pro patriâ, arrham pro pretii summâ, venit sponsus & recedit vicissim, nunc consolationem afferens, nunc universum statum nostrum in infirmitate commutans, paulisper nos permittit gustare, quàm suavis est; & antequam plenè sentiamus, se subtrahit, & ita quasi alis expansis supra nos volitans provocat nos ad volandum.

c Meritò proinde quærenti illum anima respondetur: *Altissimum posuisti refugium tuum.* Neque enim sic Deum sitiens anima, aut cum Petro, ei in terreno monte facere tabernaculum,
aut

a *Idem cap. 7.* *b* *Idem. cap. 8.* *c* *Bern. serm. 9. super: Beati qui habit.*

aut cum MARIA deinceps, eum tangere vult in terrâ, sed planè clamat; *Fuge dilecte mi, assimulare caprea, hinnulòque cervorum.*

a Hortatur enim, ut fugiat sponsus, quia jam sequi potest etiam ipsa terrena fugientem. Dicit autem, *ut similis sit damula*, quæ evadit de retibus. Vult enim & ipsa fugere & evolare supra mundum.

b Assimilare caprea, hinnulòque cervorum super montes aromatum; multùm optando ac supplicando prosequitur, sciens hanc sibi maximam in præsentì vitâ esse felicitatem; ut quia continuâ visione non valet, saltem crebrâ ejus visitatione consoletur, quæ nimirum felicitas illis solùm conceditur, qui contempta terrestrium & gaudiorum appetitu cœlestium, appellari spiritualium merentur montes aromatum, assimilatur enim *caprea hinnulòque cervorum* apparentibus *super montes aromatum*, cùm rursus, ut opportunum ipse judicaverit, collatâ ibi luce sui præsidii, sive obsidentia tentationum pericula tollit, seu consueta quæ subtraxisse videbatur, virtutum dona, restituit: constat enim de nostrâ parvitate, quia nequaquam uno atque indissimili modo semper orationum dulcedini insistere, lacrymas (vel pro reatus nostri conscientia, vel pro desiderio patriæ cœlestis) fundere valemus; ita ut nonnunquam multum conati, his uti bonis nequeamus. Ac rursus aliquando, etiam minùs ipsi studentes, horum

P 2 copiâ

a Ambros. de bono mortis cap. 5. b Beda in cap. 8. Cant.

copiâ potiamur. Quod, unde agitur, nisi nunc fugit dilectus; nunc mentem nostram revisit.

a Quis verò mihi hujus mutabilitatis referet Sacramenta? quis mihi explicet ire, & redire *Verbi*? numquid levitate utitur sponsus? sensu animæ, non motu verbi, ista fieri sentiamus. Cùm sentit gratiam, agnoscit præsentiam? cùm non, absentiam queritur, & rursus præsentiam quærit: sed fortè ideò se subtraxit sponsus, quo avidius revocaretur, teneretur fortius? Nam & aliquando simulabat se longius ire; non quia hoc volebat; sed magis volebat audire: *Mane nobiscum quoniam advesperascit*. Nunc verò constat in animâ fieri hujusmodi vicissitudines euntis & redeuntis, *verbi*, sicut ait: *Vado & venio ad vos*. Item, *modicum & non videbitis me*. O modicum & modicum! ô modicum longum! Pie Domine, modicum dicis, quòd non videmus te? salvum sit verbum Domini mei, longum est; multum valdè nimis.

b Sed *fuge dilecte mi*, quia non possum adhuc sociari tibi in thalamo sicut vis.

c O vocem dignam auditu dilecti! vocem de corde fidei & mente humili! hoc enim est, quod anima quævis fidelis & sapiens dicere consuevit: Domine non sum digna ut intres sub tectum meum; non sum digna, ut in me ostendas frequens aliquod præsentia vel visitationis tuæ miraculum. *Fuge*, inquam, *dilecte mi*, & saltus hujusmodi similes saltibus capreae aut hirculi cer-
vorum

a Bern. serm. 75. in Cant. *b* Anselm. in cap. 8. Cant. *c* Rupert. in cap. 8. Cant.

vorum effice, non super me, sed super montes
aromatum, super præcelsa merita sanctorum,
atque perfectorum.

a Aliquando intromittis me in affectum mul-
tum inusitatum introrsus, ac nescio quam dulce-
dinem; quæ si perficiatur in me, nescio quid
erit, quod vita ista non erit; sed recido in hæc
ærumnosis ponderibus, & resorbeor solitis;
& teneor, & multum fleo, sed multum te-
neor.

b Domine consolator meus; in hac vitâ re-
nuit consolari anima mea, ut digna habeatur con-
solationibus æternis.

Recede à me, Domine, parumper; quoniam,
vasis hujus infirmitas ferre non potest.

S. August. 10. confess. c. 40. Aug. soliloq. c. 22.
s. Eu. in vitâ suâ.



SYLLABUS

LIBRI PRIMI.

GEMITUS

ANIMÆ POENI-
TENTIS.

ANIMA mea desideravit te in nocte *Isaiæ 26.* 1

Deus tu scis insipientiam meam, & delicta mea à te non sunt abscondita. *Psal. 68.* 6

Miserere mei Domine, quoniam infirmus sum: sana me Domine, quoniam conturbata sunt ossa mea. *Psal. 6.* 15

Vide humilitatem meam, & laborem meum, & dimitte universa delicta mea. *Psal. 24.* 25

Memento, quæso, quòd sicut lutum feceris me, & in pulverem reduces me. *Job. 10.* 32

Peccavi: quid faciam tibi & custos hominum? quare posuisti me contrarium tibi? *Job. 7.* 40

Cur faciem tuam abscondis, & arbitraris me inimicum tuum? *Job. 13.* 45

Quis dabit capiti meo aquam, & oculis meis fontem lacrymarum, & plorabo die ac nocte? *Hierem. 9.* 50

Dolores inferni circumdederunt me, præoccupaverunt me laquei mortis. *Psal. 17.* 55

Non intres in iudicium cum servo tuo, quia non

non justificabitur in conspectu tuo omnis vivens. *Psal.* 142. 62

Non me demergat tempestas aquæ, neque absorbeat me profundum. *Psal.* 68. 68

Quis mihi hoc tribuat, ut in inferno protegas me, & abscondas, donec pertranseat furor tuus? *Job.* 14. 75

Numquid non paucitas dierum meorum finietur brevî? dimitto ergo me, ut plangam paululum dolorem meum. *Job.* 10. 82

Utinam saperent, & intelligerent, ac novissima providerent! *Deut.* 32. 90

Defecit in dolore vita mea, & anni mei in gemitibus. *Psal.* 30. 99

SYLLABUS

LIBRI SECUNDI.

V O T A

ANIMÆ SAN- CTÆ.

CONCUPIVIT anima mea desiderare justificationes tuas. *Psal.* 118. 106

Utinam dirigantur viæ meæ ad custodiendas justificationes tuas! *Psal.* 118. 112

Perfice gressus meos in semitis tuis: ut non moveantur vestigia mea. *Psal.* 16. 121

Confige

Confige timore tuo carnes meas, à judiciis enim tuis timui. *Pſalm. 118.* 130

Averte oculos meos ne videant vanitatem. *Pſalm. 118.* 137

Fiat cor meum immaculatum in justificationibus tuis, ut non confundar! *Pſalm. 118.* 145

Veni dilecte mi, egrediamur in agrum, commoremur in villis. *Cant. 7.* 154

Trahe me post te, curremus in odorem unguentorum tuorum. *Cant. 1.* 161

Quis mihi det te fratrem meum fugentem ubera matris meæ, ut inveniam te foris, & deosculer te, & jam me nemo despiciat. *Cant. 8.* 168

In lectulo meo per noctes quæſivi quem diligit anima mea; quæſivi illum, & non inveni. *Cant. 3.* 175

Surgam, & circuibo civitatem; per vicos & plateas quæram quem diligit anima mea; quæſivi illum, & non inveni. *Cant. 3.* 185

Num, quem diligit anima mea, vidistis? Paululum cum pertransissem eos, inveni quem diligit anima mea; Tenui eum, nec dimittam. *Cant. 3.* 193

Mihi autem adhærere Deo bonum est; ponere in Domino Deo spem meam. *Pſalm. 72.* 200

Sub umbrâ illius, quem desideraveram, sedi. *Cant. 2.* 208

Quomodo cantabimus canticum Domini in terrâ alienâ. *Pſalm. 136.* 216

SYLLABUS

LIBRI TERTII.

SUSPIRIA

ANIMÆ AMANTIS.

AD JURO vos, filiæ Jerusalem, si inveneritis
dilectum meum, ut nuncietis ei: quia amo-
re langue. *Cant. 5.* 224

Fulcite me floribus, stipate me malis; quia
amore langueo. *Cant. 2.* 230

Dilectus meus mihi & ego illi, qui pascitur
inter lilia, donec aspiret dies, & inclinentur um-
bræ. *Cant. 2.* 236

Ego dilecto meo, & ad me conversio ejus.
Cant. 7. 246

Anima mea liquefacta est, ut dilectus locutus
est. *Cant. 5.* 252

Quid enim mihi est in cælo, & à te quid volui
super terram? *Psal. 72.* 258

Heu mihi quia incolatus meus prolongatus
est, habitavi cum habitantibus Cedar, multum
incola fuit Anima mea. *Psal. 119.* 267

Infelix ego homo, quis me liberabit de cor-
pore mortis hujus? *Ad Roman. 7.* 277

Coarctor è duobus, desiderium habens dissol-
vi & esse cum CHRISTO. *Philip. 1.* 286

Educ de custodiâ animam meam, ad confiten-
dum nomini tuo! *Psal. 141.* 294

Que mad-

Quemadmodum desiderat cervus ad fontes
aquarum, ita desiderat anima mea ad te Deus.

Psal. 41.

301

Quando veniam & apparebo ante faciem
Dei? *Psal. 41.*

309

Quis dabit mihi pennas sicut columbæ, & vo-
labo, & requiescam? *Psal. 54.*

316

Quàm dilecta tabernacula tua, Domine vir-
tutum: concupiscit & deficit anima mea, in atria
Domini! *Psal. 83.*


323


Euge dilecte mi, & assimilare capræ hinnu-
loque cervorum, super montes aromatum.
Cant. 8.

334

FINIS.







1875

1875

93-B8576

1215

